






12

DE
FERM N





Collection of 28 7th 1861
2





11467
MARTINI SCHOOCKII

DE

11467

FERMENTO

E T

FERMENTATIONE

LIBER,


Complectens multa singularia,
Speciatim rationem Coctionis
Cibi in Ventriculo.



GRONINGÆ,

Typis JOHANNIS CÖLLENII,
bliopolæ & Typographi, 1663





P R Æ F A T I O.



Non equidem is sum,
qui ex aliorum in-
commodis mea mi-
hi comparem com-
moda : & mihi lau-

dem quæram aliorum detrimen-
to. Id ad pessimum & vācors ho-
minum genus pertinere, ve-
re ait Chærinus adolescens apud
Terentium in Andria. De Fer-
mento & Fermentatione egerunt
hoc seculo viri summi, & inter
illos amici, qui videri possent,
omnia huc pertinentia, non mi-
nus copiose quam exacte tradi-
disse, si operationes artificiales

Chymicorum eodem loco haberi mererentur cum experimentis in animalium corpore occurrentibus; & ingeniosæ circa res naturales hariolationes, demonstrationibus indubitatis æquivalerent. Fateor, me aliquando non modo hæc æstimasse, sed parum quin adorasse: salva interim dissentiendi libertate, quam sartam tectamque manere cupio omnibus, qui ingenio uti possunt. Diligentius examen calculum movendum esse suavit, quem ita ad aliam lineam promoveo, ut, si rationes validiores suaserint, ad priorem stationem reducere paratus sim. Ut ago cum viris egregiis, mecum agi cupio. Modeste non minus in illorum sententiam inquirō, quam tre-


pide

pide meam propono : quod non frustra dixerit Subtilitatis Magister Julius Cæsar Scaliger Exercit. 297. sect. 1. *Sapientum sententias oppugnare paratius est unicuique, quam suam tutò alienis committere iudiciis.* Quæ propono, discussi examina- vique diligenter ; idem fieri optarim ab illis, quos in alia omnia discessuros esse prævideo. Nihil cuiquam derogo, placet enim illud Plinii libr. 11. Natur. Hist. cap. 3. *Existimatio sua cuique sit.* Ne fugiller, in mea non est potestare. Si styli & linguæ verbera experiri contigerit, non quidem ἴσῳ, sed λώιονι μάτρῳ, allatranti responsionum momenta admetiar. Quem enim juvet in illud certamen descendere, in quo ὀνικώμε-
 ρο Ἐνικῶν ἰς κρείττων, ut, Plutar-

cho teste, aliquando Demosthenes maledico alicui respondebat. Ut semper, ita posthac apud me in pretio erit illud Sophoclis:

Τὰ μὲν δίδακτα μανθάνω, τὰ δ' εὖρετὰ
Σητῶ, τὰ δ' εὐκτὰ παρὰ Θεῶ ἡττοσύμην.

Sed, hoc jam agere oportet?



C A P. I.

De vocis fermenti Etymologia & Synonymia. In panificio duntaxat fermentum olim notari solet. Quale illud sit, adductis Veterum testimoniis docetur. Quomodo paretur, & quid pani procuret.



Uod vocum consideratio viam ad cognitionem ipsius rei munire ut plurimum consueverit, haud abs re fuerit, initio vocem con-

siderasse, & in ejusdem natales inquisivisse. De fermenti ergo etymologia ita hariolatur Isidorus libr. 20. Orig. cap. 1. quo agit de cibis: *Fermentum à fervore nuncupatum, quòd plus prima hora non potest contineri. Crescendo enim excedit.* à Græcis vocatur ζύμη. Inde

de Veteri Glossario : ζύμη , *Fermentum*. Et in altero : ἰFermento (indandi scilicet casu) ζύμη. Quod pariter à ζείν videtur descendere, teste auctore Etymologici magni : qui & con-jicit dictum videri posse παρὰ τὸν ζῶντος οἶμον εἶναι : quod *via quasi ad vitam sit*. à Græcis quoque φύεσμα dicitur. Hesychius : ζύμη , φύεσμα. quæ & Suidas habet in ζύμη. Utramque vocem N. T. agnoscit : & hæc quidem nominatim occurrit, 1 Cor. 5. 6. Gal. 5. 9. Videri posset φύεσμα derivandum esse à φυσᾶν, quod inflare significat. Aliàs φύεσμα est massalutea aqua subacta : sive, γῆ ὑγρᾷ φυσθεῖσα, Suidas, ex quali figulus vaia conficit. Apostolus Paulus ad Rom. 9. v. 21. ἡ ὅτι ἔχει ἐξυσίαν ὁ κεραμεὺς τῷ πηλῷ, ἐκ τῷ αὐτῷ φυσάματι ποιῆσαι σκεῦος, &c. & Plut. in collat. terrest. & aquatil. de Alcedone : τὸ φυσᾶσα πηλόν. Sed , seposita hac notatione , quæ postea tamen usum habebit , despiciamus quid *fermentum*, sive, ζύμη tue-

fuerit? Declarat illud Plutarchus: (an satis commodè, deinceps examinabimus) sub finem enim libelli, quo Quaestiones Romanas proposuit, quærens, quamobrem flamini Diali non licuerit farinam aut fermentum tangere, ita de fermento Philosophatur: ἡ δὲ ζύμη καὶ γέγονεν ἐκ φθορᾶς αὐτῆς, καὶ φθείρει τὸ φύραμα μιγνυμένη. Γίνεται γὰρ ἄτονον καὶ ἀδρανὲς, καὶ ὅλως ἔοικε σῆψις ἢ ζύμωσις εἶναι. πλεονάσασα γὰρ ἀποξύνει παντάπασι, καὶ φθείρει τὸ ἄλευρον. Fermentum cum ipsum natum est ex corruptione, tum farinam, cui admiscetur, corrumpit, ut languidior fiat & inefficax. Omninoque fermentatio putrefactionis speciem gerit; quæ si modum excedat, plane acidam reddit, & perdit farinam. Galenus l. 6. de Facult. c. 135. Fermentum (inquit) tenuium est partium, & mediocriter calidum. Proinde sine molestia, ac mordacitate, quæ in profundo sunt, tum extrahit, tum digerit. Cæterum ex contrariis id ipsum facultatibus temperatum est, sicut alia multa. Particeps nam-

que est aciditatis cujusdam frigida, & caliditatis ex putredine nata, cui accedit & ea, quæ ex satis est, & farina natura. Modos parandi fermentum varios proponit Plinius, lib. 18. Nat. Hist. cap. 11. ita loquens: Milii præcipuus ad fermenta usus è musto subacti in annum tempus. Simile fit ex tritici ipsius furfuribus minutis & optimis, è musto albo triduo maturato subactis, ac sole siccatis. Inde pastillos in pane faciendo dilutos, cum similagine seminis fervefaciunt, atque ita farinæ miscent, sic optimum panem fieri arbitrantur. Græci in binos semodios farinæ solent besles fermenti constituere. Et hæc quidem genera vindemiis tantum fiunt. Quo libeat vero tempore, ex aqua hordeoque bilibres offæ, ferventi fico vel figili patina torrentur cinere & carbone, usquedum tubeant. Postea operiuntur in vasis donec acescant. Hinc fermentum diluitur. Cum fieret autem panis hordeacens, è vitia aut cicerculæ ad-

læ admixtione fermentabantur, justumque erat, duæ libræ in v. semodios. Nunc fermentum fit ex ipsa farina, quæ subigitur, priusquam addatur ad pulvis modum decocta, & relicta donec acescat. *Hæc Plinius.* Postremus modus per plerasque terras Christiani orbis adhuc hodie usitatus est. Licet alicubi quidam inveniantur, qui interdum massæ farinacæ addant acetum, interdum vero succum acerbum agrestium pomorum, pirorumque. Ut vero panis à fermento emendetur, hoc massæ farinacæ inditur. Inde Christus in Parabola Matth. 13. com. 33. *Simile est regnum calorum fermento, quod acceperum mulier indidit in farina sata tria, usque quo fermentetur tota.* In Græco est: ἐνέκρυσεν εἰς ἀλεύρη σάτα τρία. Mirandum vero, parum fermenti totam massam farinæ fermentare posse, (hinc Paulus 1 Cor. 5. 6. *ὅτι μικρὰ ζύμη ὅλον τὸ φύρμα ζυμοῖ;* *An nescitis, quod parum fermenti totam massam fermentet?*)

ret ?) quod Ambrosius considerans Ser-
mone 6. sic pulchrè loquitur: Fermenti
vim atque virtutem omnibus notam esse
non dubium est. Nam cum sit magnitu-
dine parvum, specie simplex, natura
commune, tantam fortitudinem intrin-
secus gerit, ut, cum reconditum fuerit
in farina, succus hoc totam mas-
sam faciat esse, quod ipse est; & ita
semper universum cumulum aspersio-
nis suæ vigore diffundit, ut omnem
ipsam magnitudinem pollinis faciat fer-
mentum, ac sic res ipsa fortitudine sua
molem sibi proprii vigoris acquirit.
Hactenus Ambrosius. Quas vero vires in
pane exerat, quasque eidem qualitates
procuret, ita porro Ambrosius edisse-
rit: *Fermentum cum in cumulum consper-
gendum est farinarum, confringitur, com-
minuitur, dissipatur, & ipsum omne dissol-
vitur, ut dispersam illam farina multitudi-
nem in unum vigorem constringat, atque in
solidum corpus redigat, quod in pulveris mo-
dum ipsa diminutione languebat, faciatque*
conjun-

conjunctione sui utilem massam, quod propria dissolutione videbatur inutile.

C A P. I I.

Vt melior reddatur Panis, illi fermentum additur: Varia nomina fermentati panis. Celso præ Hippocrate & Galeno magis probatur Panis Azymus. Cujus error notatur. Fax cervisiaria in Pane sæpe fermenti vicem exhibet.

FErmentum vero pani additur, ut salubrior sit, atque alimentum commodius homini, qui eo utitur, præbeat. Inde Ambrosius l. d. postquam fermenti naturam delineasset, subjicit: *Hoc autem faciunt mulieres, (quæ olim & panem coquere & fermentare solent) ut viris suis salubriorem panem, & cibum utilem diligenter exhibeant.* Panis ille ab Arhenæo libr. 3. Polluce libr. 6. Onomast. cap. 7. & Hesychio, ζυμῆτις vocatur. ζυμῆτις quoque idem dicitur apud Jul. Poll. eod. libr. cap. 11. fidem

A 7 facier.

facientibus MSS. Codd. ut frustra sit Æmilius Portus, quando lectionem illam sollicitat apud Suidam. Certe Auctor Etymologici Magni bis habet, ζυμῆται ἄρτοι, οἱ μεγάλοι. ζυμῆς quoque audiit Athenis. Ita enim legas apud Hesychium: ζυμῆς, ἄρτος Ἀθηνῶσι, ζυμῆς ἄρτος ὅπως καλεῖται. Ab Athenæo l. d. videtur quoque appellari ἄρτος συγκόμις & αὐτοπυεύς. Plin. libr. 22. cap. ult. *Ad omnia autem hac fermentatus, qui vocatur autopyros, utilior.* Cælius Aurelianus lib. 5. Chron. cap. 12. *Panem dābimus frigidum, fermentatum, autopyrum.* Panis hic præ cæteris olim æstimoari & in pretio habere solet. Imo & debet. Ut clare liquet ex Hippocrate libr. citato, sive de Diæta libr. 2. sect. 4. ubi ita Senex loquitur Latine: *Ex panibus fermentatus quidem levis est, & per alvum secedit. Ac levis quidem est, quoniam fermenti amore humidum consumptum est, quod in alimentum transit, secedit autem quia cito coquitur.* Idem colligere est ex Galeno libr. 1.

libr. 1. de Alim. facult. cap. de Tritico
ita per Interpretem loquente: Conco-
ctu autem (*inquit*) inter panes sunt fa-
cillimi, qui plurimum sunt fermentati,
& pulcherrimè subacti, quique in cli-
bano igne moderato fuerunt assati, nam
ignis ardentior primo statim occursum
superficiem externam circumurens in
testæ modum indurat, acciditque du-
plici nomine prævum panem fieri, prio-
ri quidem, quod partem internam ha-
beat crudam, atque illaboratam, po-
steriori vero, quod externam habeat
siccam ac præassatam & testaceam.
Porro ignis moderato remissior panem
minus belle elaborat, sed ipsum cru-
diorem relinquit, & maxime partem
omnem ejus internam. Qui autem in
igne moderato, longiori spatio, per
totos se ipsos assati fuerint, hi tum bel-
lissime in ventriculo concoquentur, tum
ad cæteras actiones, quæ coctionem
consequuntur, erunt accommodatissi-
mi. *Hactenus Galenus.* Similiter Actu-
rius.

*rius lib. 2. de spirit. animal cap. 5. Com-
mendatiores sunt panes, (inquit) si præ-
paratio spectetur, quibus sal, & fermentum
additur; si coctura, furnacei, ac testacei.
Cum enim minime cinere vitientur, & hujus-
modi sorditie, multo magis probantur. sal ve-
ro & fermentum conducere in primis solent,
ed, quod quicquid inest non recrementitii,
absumat, simulque concoctionem quandam
addant, quasque confectionem elegantio-
rem subactis farinis. eadem habet Paulus
Ægineta lib. 7. tit. de fermento, ubi
nullum panem melius nutrire perhi-
bet, quam fermentatum, cum sit &
calidior & levior. Omnibus tamen his
refragatur Cornelius Celsus, ita legas
libr. 2. cap. 24. Stomacho autem aptissima
sunt, quacunque austera sunt, etiam quæ
acida sunt, quæque contracta sale modico
sunt. Item panis sine fermento, &c. cap. 25.
Aliena stomacho sunt omnia tepida, omnia
salsa, omnia jurulenta, omnia pingua,
sorbitio, panis fermentatus, &c. & cap. 28.
Facile autem intus corrumpuntur, panis
fermen-*

*fermentatus, & quisquis alius, qui ex tritico est, lac, mel, &c. similiter cap. 29. At alvum movent, panis fermentatus, magisque si cibarius vel hordeaceus est, brassica, si subcruda est, &c. Quidam (ne Celsus à Galeno dissideret) hæc ita conciliare voluerunt, quod Galenus panem fermentatum ut alimentum, Celsus vero ut medicamentum consideraverit, atque hoc indeliquere, quod eodem libr. cap. 21. *acida* (considerata scil. ut alimentum) retulerit inter cibos *malisucci*, talibusque accensuerit, quæ noxia sunt stomacho. Sed, quamquam novi ex Galeno l. 2. de alim. Qual. cap. 11. ubi agit de Sycaminis, multum interesse, considereturne aliquid tanquam alimentum, an verò ut medicamentum; putarim tamen, Corn. Celsum simpliciter panem fermentatum ut noxium reiecisse, quod ubique se ei infestum exhibeat; interim simul errasse. Nam, ut recte judicat Baptista Sylvaticus Controv. Med. v 1. *Celsi error**

ror notandus est, qui panem sine fermento stomacho idoneum, fermentatum alienum, & facilius intus corrumpi credidit. Etenim fermentum panem adeo rarum reddit, ut spongiæ instar in ventriculo deductus, ex omnibus sui partibus ejusdem calorem recipiat. Cum viceversa panis fermento destitutus durus & compactus sit, difficulter coquatur, & lucum adeo crassum generet, ut ne quidem corporis sani angustiores meatus penetrare possit, ut observatum quoque est ab Avicenna lib. 2. cap. 573. inde etiam qui eo utitur, facile læditur, si multo labore non exerceatur, quod stomachum gravet, jecoris meatus obstruat, lienis imbecillitatem augeat, & calculum generet: prout Arabibus quoque perspectum fuit. Unde & omnium ferme gentium politiorum consensu panis fermentati usus receptus est. Eum in suam à Belgis fæx cervisiaria quoque adhibetur, non tamen in usum cujuscunque panis, sed maxime tri-

me triticei. quod non ignoravit quoque Plinius, nam lib. 17. Nat. Hist. cap. 7. hæc offendas: *Gallia & Hispania utuntur frumento in potum resoluto, quibus diximus generibus. Spuma ita concreta pro fermento utuntur, qua de causa levior illis, quam ceteris panis. & tamen illam, utpote fermentationi minus sufficientem, notare videtur Petrus Blæsenfis Epist. 14. qua arguens Curiaë cibum & potum incommodiorem, sed fere ordinarium, hæc inter alia habet: Ad Curiales redeo, apud quos in accipiendo cibo, in equitatione, in vigiliis, non est ordo, non est ratio, non est modus. Apponitur Clerico, aut militi Curiali panis non elaboratus, non fermentatus, confectus ex cervisiae facibus: (sic loquitur, quod non procurarent panem commodam fermentationem) panis plumbeus, loliatus, & crudus. Hæc præsentī loco sufficere possunt. Infra distinctius patebit, qua ratione panem fermentari contingat.*

De pane Azymo, & variis ejusdem nominibus. Hippocrati de eo judicium. Patriarcharum quoque avo in delitiis fuit: Galeni etate rusticis prope Pergamum. Cur Venerem provocet, & cor heparque minus reddat.

NOn abs re fuerit, considerato Pane fermentato pauca quædam subdicere de Pane azymo, seu eo, qui fermento destituitur. In Glossario legas: Ἀζυμοῦ, Sine fermento. Hoc nomine de Panibus usus quoque Plato est. Julius Pollux libr. 6. cap. 7. Ἀρτοι ἄζυμοι. Πλάτων δὲ τῷ ὀνομαστικῇ λέγει. Alias talis Panis à Græcis vocatus est Νᾶσος. Cujus post Athenæum meminit quoque idem Pollux libr. 6. cap. 11. Helychius: Νᾶσος συνεχὴς, &c. ἢ ἄρτος μέγας ἄζυμῆτος. Videatur amplius Casaub. libr. 3. Animadver. in Athenæum cap. 27. Teste Athenæo lib. 3. Dipnos. Nicander Colophonius in Glos-

in Glossis τὸν ἄρτον ἄζυμον vocavit ἄρτον. De hoc pane sic judicat Hippocrates l. d. *Non fermentatus* (ἄρτος ἄζυμος) *minus quidem alvum dejicit, plus vero nutrit.* Dulcior autem fermentato est, eoque jam olim in delitiis fuit habitus. Certe non fermentatas placentas festinabunda Sara creditur parasse tribus viris, inter quos ipse Dei filius erat, Gen. 18. 5. Videatur Pererius Iesuita ad illum locum. Nec alios panes postea iidem in cœna apposuit Loth, Genes. 19. 3. similiter Pythonissa panes azymos Sauli coxit, 1. Samuel. 28. 24. Atque inter alia, quæ Gideon Angelo Jehovæ obtulit, panes Azymi fuerunt, Jud. 6. 19. Inde forte apud Ethnicos azymus panis fermentato sincerior puriorque habitus fuit. Etenim in sacris fermenti nullus usus erat, nec Romæ Flamini Diali fas fuit pane fermentato vesci, ut testis est Plutarch. in Quæst. Rom. qu. 109. cujus verba ex parte capite primo adduximus. In Græcia, agra-
ria

ria quoque, seu rustica turba festis die-
 bus *πέμματα* ex Pane Azymo admixto
 caseo conficere solet. Testis est Galenus
 lib. I. de Alim. viribus: ὅγε μὲν τελέως
 ἄζυμος ὁ δὲ ἐν χηρήσιμος, ἢ καὶ πυρρὸν προσ-
 λάβοι, καὶ δὲ περὶ ἐν τοῖς ἀγροῖς παρ' ἡμῖν ἐώ-
 δας σκευάζειν ἑορτάζοντες. Panis exqui-
 site azymus, ne uni quidem rei utilis est, præ-
 cipue si caseus fuerit admixtus, quemadmo-
 dum agricola apud nos (prope Pergamum
 scil.) festum agitantes facere solent. Du-
 bito an non Panes hosce respexerit Ca-
 to cap. 75. de Re Rustica. Libum (in-
 quit) hoc modo facito. Casei P. II. bene
 disteterat in mortario. ubi bene distriverit,
 farina siliginea libram, aut si voles tene-
 rius esse, se libram similaginis solum eodem
 indito, permiscetoque cum caseo bene; ovum
 unum addito, & una permisceto bene. inde
 panem facito. Folia subdito; in foco calido
 sub testa coquito leviter. Hoc vero præ
 cæteris consideratione dignum, quod
 panis azymus, seu placentæ fermento
 destitutæ, mereantur ad τὰ ἀφροδίσια re-
 ferri,

ferri, atque Venerem excitent. Notavit tamen hoc jam olim Didymus apud Auctorem Operis τῶν Γεωπονικῶν lib. 2. cap 31. Cujus hoc effatum, οἱ ἄρτοι ἄνευ ζύμης γινόμενοι, ἐνεργητικώτατοί εἰσι πρὸς τὰ ἀφροδίσια. In universum (inquit) panes absque fermento facti, efficacissimi sunt ad Venerem. Locum post Langium lib. 1. Epist. Medicin. ep. 56. produxit doctissimus Renatus Moreau in elegantissimis Animadversionibus ad Scholam Salernitanam, cumque in erudita Digressionem de Pane ad cap. 17. prolixè in causam hujus rei inquisiverit, non possum non, quòd desperem me meliora allaturum esse, verba Ipsius mea facere, quæ hæc: *An quia viscositas frumenti & crassities in flatum vertitur: an quia πνευματώδης existit à Tritici spiritibus, qui inter se fortiter uniti non dissipantur, nisi in secunda coctione, quæ fit in corpore, an quia succum melancholicum generat, melancholici autem libidinosi.* Idem D. de Moreau ex Rhase lib. 1. Aphorism. Aphor. 46.

ris. 46. hoc Problema movet: *Cur qui panem azymum comedunt, corda & hepata exilia habent?* Responsionem Ipsi-
 us iterum pro mea adopto. *Ita vero habet:* An rationem habuit pravæ nutritionis quam affert, ex prava autem nutritione, attenuatio partium & marcor hepatis & cordis, tabem adferens: an per cor & jecur intelligendus est sanguis venosus & arteriosus, qui in illis partibus elaborantur, quorum exigua generatur quantitas in debilibus corporibus, quæ pane azymo nutriuntur? an per corda parva pusillanimitas audienda est eorum qui eo pane vescuntur: sunt enim illi melancholici, quia melancholicum succum, crassum scilicet & frigidum sanguinem, panis ille adauget: an vero jecur parvum dixit lienis comparatione, quod lien infarctus humoris melancholici intumescat in hominibus pane azymo utentibus? Notum est vulgare illud, partes omnes tabescere, ubi lien semel luxuriat. *Hactenus ille.*

CAP. IV.

De Festo Azymorum. Cur hoc Deus instituerit? Error Taciti notatur. Ita vocatur quoque Festum Paschatis. Quamdiu Festum Azymorum durarit? An Iudaei integris septem diebus pane Azymo vesci debeant. Loca quaedam Scripturae obiter conciliantur.

QUOD vero Azymorum Festum in ipso N. T. commemoretur, haud abs re fuerit, hac occasione quaedam ad illud pertinentia propoluisse. Agitari autem illud solet à populo Iudaico tempore pædagogiae, & quidem ex instituto ipsius Dei, qui non modo populo suo (quem potenti admodum manu eduxit ex Ægypto) in memoriam tanti benefici præscripsit observationem Festi Paschatis, verum etiam Festi Azymorum ad illud pertinentis, & quasi connexi. Institutio occurrit Exo. c. 12. ubi Dei nomine Molche hanc legem

B

Israëli

Israëli præscribit : Septem dies panes azymos comeditote, verumtamen ipso die primo jam amoveritis vetus fermentum è domibus vestris : nam quisquis comederit fermentatum à die illorum primo usque ad septimum diem, utique exscindetur illa ipsa anima ex Israële. In primo autem illorum die convocatio sancta, similiter die septimo convocatio sancta esto vobis : nullum opus fiat in eis, verumtamen quod comedendum erit unicuique animæ, illud solum parabitur vobis. Observabitis igitur diem ipsum Azymorum ; quum eodem ipso die eduxero exercitus vestros è terra Ægypti : observabitis inquam illum ipsum diem per atates vestras statuto perpetuo. Primo ipso mense, quartodecimo ejus mensis, vespere comeditote Azymos ; usque ad diem vigesimum primum ejusdem mensis vespere. Septem dies vetus fermentum ne reperitor in domibus vestris : nam quisquis comederit fermentatum, utique exscindetur illa ipsa anima ex congregatione Israëlis, tam peregrini, quàm indigenæ ipsius regionis. Ni-

hil fermentati comeditote : in omnibus habitationibus vestris comeditote panes Azymos. Est autem hæc observatio Azymorum à Deo instituta duplicis significationis ergo , præteritæ unius, & perpetuæ alterius. Illa quidem Israelitis refricabat memoriam præteritæ maiorum afflictionis & miseriæ in terra Ægypto, qui per summam itineris festinationem, cibi que omnis parati inopiam , se sustentare debuerint panis azymo, cui non assueverant. Hinc vocatur Deuter. 16. 3. *lechem Oni*, seu, *panis afflictionis*: additurque ratio: *Quia in Festinatione egressus es de terra Ægypti.* Atque , etiamnum hodie Iudæi, dum Azymis Palchali nocte utuntur, & patres familias azymi panis frustula domesticis distribuunt, dicere solent: *Hic est panis afflictionis, sive miseria, quem comederunt patres nostri in terra Ægypti.* Altera Azymorum significatio perti- nens ad præsens futurumque, pios monebat, ut cogitarent in communione

Paschatis sui, omne fermentum hypo-
 crisios & malitiæ expurgandum esse,
 prout à Paulo exponitur, 1. Cor. 5. Ut
 oppido frustra sit Tacitus l. 5. Hist. c. 4.
 qui, ut non semel fallitur in referenda
 Iudaicæ gentis Historia, ita hæc inter
 alia habet: Longam olim famem, crebris
 adhuc jejuniis fatentur. Et raptarum frugum
 argumentum, panis Iudaicus nullo fermento
 editur. Quam rigide vero currente
 hoc septiduo, Iudæi fermentato pane
 abstinere solent. Suidas ἐν ζύμῃ. Ὅτι λό-
 γος ἔχει, ὡς ἀπὸ δ'. ὠρεται τῆς ιδ. τῷ μηνὸς
 ἡμέρας σάλπιγγος φωνῆς, πᾶς ἀρτος
 ζυμοτὸς, εἴπῃ τοῖς Ἑβραίοις ὑπελείπετο
 πνεῖ καίόμενος ἠφανίζετο. Fama est ab hora
 sexta 14. diei mensis, signo tuba dato, om-
 nem panem fermentatum, si quis apud He-
 braeos reliquus fuisset, igne cremari & peni-
 tus absumi solitum. Nec falli hominem
 Grammaticum, patet ex iis, quæ Bux-
 torfius habet libr. de Synagoga Iudaica
 cap. 17. Quod vero in dies Azymorum
 incideret festum Paschatis, apud Scrip-
 tores

tores N. T. Festum Azymorum & Festum Paschatis pro eodem accipitur. Sic legas apud Marcum in vestibulo cap. 14. Ἦν τὸ Πάχα καὶ τὰ ἄζυμα μετὰ δύο ἡμέρας. Et, signanter magis Lucas c. 22. v. 1. Ἦγγιζε ὃ ἡ ἑορτὴ τῶν Ἀζύμων ἡ λεγομένη Πάχα Quando inceperit hoc festum Azymorum, porro non abs re fuerit notasse. In Mensem ab Hebræis Nisan dictum, incidisse certum est. Pariter certum est omne fermentum edibus extirpari debuisse, antequam magnus Paschalis immolaretur, Exod. 34. 25. nam juxta traditionem Rabbīnorum, Patres familias statim post prandium diei xiv. Nisan, fermentum eliminabant, & quidem circa horam quintam diei, hoc est, nostram undecimam, ut alii ex Maimonide observarunt. Sic ut dies xiv. Nisan fuerit primus Azymorum, quandoquidem illo eliminabatur fermentum, ac vespera illius Azyma comedi incipiebant, Exod. 12. 15. Deut. 16. 4. Alibi tamen dies decimus quintus men-

30 Mart. Schoockius ,
 is Nisan primus dies Azymorum dici-
 tur. Locus est expressus Levit. 23.
 vers. 4. & seqq. Hæ sunt festivitates
 Domini, quas vos vocabitis sanctas congre-
 gationes, temporibus debitis. Primo mense,
 xiv. die mensis, inter duas vespervas Pa-
 scha est Domino. Decimo quinto die ejusdem
 mensis, festum Azymorum Domino. Atque
 ita loquitur Josephus libr. 3. Antiq. Ju-
 daic cap. 10 καὶ τὴν θυσίαν ἣν τότε ἐξιόν-
 τας Αἰγύπτῳ θύσαι παρῆπον ἡμᾶς, Πάσχα
 λεγόμενον, δι' ἑτὸς ἑκάστη θύειν ἐνόμισεν,
 καὶ δὴ τελευτῶσαν αὐτὴν κατὰ φελαίας, μηδε-
 νὸς τῶν δεθυμένων εἰς τὴν ἐπιῦσαν τηρημένη.
 Πέμπτῃ δὲ καὶ δεκάτῃ διαδίχεται τὴν τῷ
 Πάσχα, ἡ τῶν Ἀζύμων ἑορτὴ ἐπὶ ἡμέρας
 ὅσας, &c. Sacrificium, quod tum exeuntes
 Ægypto fecisse diximus, Pascha nomina-
 tum, quotannis instaurare lege jubemur:
 celebramusque id per sodalitia, nihil è victi-
 mis in sequentem diem relinquentes, qui est
 quintadecima & festivitatis Azymorum
 prima, &c. haud verò difficile est, hæc
 conciliare, si dicamus, distinguendum
 esse

esse inter dies integros, & semi completos. Illorum si habeatur ratio, Festum Azymorum durabat dies sex, & incipiebat die x v. mensis Nisan: cum, si attendatur quoque dies incompletus, convenienter dici possit, & durasse dies septem, & incepisse die x i v. mensis Nisan. atque sic loca hæc in speciem pugnantia conciliat quoque Aben Ezra ad Deut. 16. 4. & Sal. Iarchi ad Exod. 12. 7. 15. An omnibus quoque diebus Azyma ab Israëlitis comedi debuerint, inter ipsos Rabbinos controversatur. Exod. 13. 6. dicitur *Septem diebus comedes Azyma.* at Deut 16. 8. dicitur, *Sex diebus comedes Azyma.* Quomodo hæc loca in speciem pugnantia conciliari debeant, inquit Manasses Ben Iisraël Concil. Quæst. 17. in Exod. Cæterum, quam proponit quatuor modos, quibus hæc componi possint, primus tamen & ultimus duntaxat probari merentur. Atque, non inconvenienter pri-

mo ex Abrabanèele hunc sensum elicit: *Prater diem primum, quem celebraſti, ſex inſuper diebus Azyma comedes.* Alter modus, in quo magis ſibi placet, & mihi non inconueniens videtur, his verbis ab eo proponitur; Dicere quoque liceat ſeptem illis diebus duo feſta includi; videlicet feſtum Azymorum & interdicti; ac Scripturam, cum ait, *ſeptem diebus Azyma comedes*, oſtendere, etiam ſeptimo die, ſive feſto Interdicti, illa comedenda: quando vero eadem dicit, *ſex diebus Azyma comedes*, & dies ſeptimus feſtum Interdicti, ſignificat ſex illis diebus ſolum fermento abſtinendum, aut Azyma comedenda; ac notabiliorem ſeptimum diem eſſe, nimirum *Hatzeret*, interdicti; quo nullo opus facere cuiquam liceret, ut ait R. Dávid Kimchi in libro Radicum: *Haſtenus Manaffes.* An quoque, omnibus his ſeptem diebus Azyma comedi debuerint, quæritur? Apud Manaffem l. d. porro ſic legitur: *In Siphre ex*

utroque hoc loco (nempe Exodi 13. & Deut. 16.) colligitur, obligationem comedendi *Azyma* non ultra primam noctem septem dierum durasse: at reliquis satis fuisse, si fermento abstineretur, & licitum cuique, è ceteris cibis uti quo vellet. quæ & sententia Lyrani est (qui pro se quoque R. Salomonem adducit) ad Exod. 13. Sed, quomodo hoc cum Scriptura conciliari possit, equidem non video. Certe, Scriptura non minus diserte præcipit, ut *Azyma* septem diebus, quam ut cum Agno Paschali comederentur. Nam quemadmodum dictum est Exod. cap. 18. 8. *Et edent carnes nocte illa assa igne, & Azymos panes*: ita etiam ibid. v. 15. dicitur, *Septem diebus Azyma comedetis*. atque iterum l. d. sive Exod. 13. 6. *Septem diebus comedes Azyma*. quæ mihi tam clara videntur, ut nulla ratione obscurari queant.

Iussu Dei, in sacrificium oblatis fuerunt panes tam fermentati quàm azymi. Ordinario tamen Azymi, quibus mel non debuit addi, quòd fermentandi vim habeat. Hoc tamen Gentiles idolis suis offerebant, abominantes aliàs in sacris fermentum. Obtulerunt quoque Diis suis panes. Panes Propositionis azymi fuerunt. Quid significarint, & qua nomina tulerini?

PANES in sacrificium quoque, jussu ipsius Dei oblatos fuisse, constat ex lege Cæremoniali, à Mose, Dei jussu distincte descripta. nec tantum fermentati, verum etiam Azymi: & fermentati quidem bini offerendi erant in Festo Pentecostes, cum aliis primitiis. Sic enim sancit Deus per Mosen Levit. 23. 17. *Ex habitationibus vestris afferote panes agitationis duos, duarum decimarum Ephæ è simila sunt, fermentati coquantur, primitiæ sunt Iebovæ. quo Deus significatum volebat, sua auctoritate usum*

usum communem & vulgarem fructuum suo populo concessum, & potestatem quovis modo iis utendi factam esse. In aliis sacrificiis attendi debebat lex Lev. 2. 11. *Nullum munus quod offeretis Iehova, conficitor fermentatum: nam ex nullo fermento, & ex nullo melle adolebitis, igne absumendum munus Iehova.* Mel vero propterea proscribitur, quòd (prout infra liquebit) vim fermentandi habeat, ut observavit quoque Aben Ezra ad hunc locum. Innuebatur autem hoc ritu, Deo utrumque displicere, & acrimoniam nimiam, quando scilicet ira & odio æstuat, & nimiam quoque mollitiem, sive voluptuariam vitam. Mel sacrificiis exterminatum considerans Hieronymus, hæc habet in Epistola ad Eustochium: *Quoniam mel (inquit) in Dei sacrificiis non offertur, nimia dulcedo arte mutata est, ut quadam, ut ita dicam, piperis austeritate condita, apud Deum nihil voluptuosum, nihil tantum suave placet, nisi quod in se habet mor-*

*dacis aliquid veritatis. Pascha Christi cum amaritudinibus manducatur. Porro, rebel-
li suo populo per Amosum cap. 4. 5.
hæc Deus denunciât: Et adolete ex fer-
mentato laudem, & promulgate oblationes
voluntarias, proclamate: sic enim amavi-
stis filii Israël, dicit Dominus Deus. Quæ
εἰσωνεύουσιν dicuntur. Dupliciter enim
peccabant, quos Propheta alloquitur.
Primò quod adolerent ex fermentato.
Deinde, quod Idolis id facerent. Si-
milis Ironia occurrit Ierem. 7. 21. Ho-
locautomata vestra addite victimis vestris, &
comedite carnes. Ut vero diabolus, qui
amat esse Dei simius, jam olim eos,
quos circumegerat, docuit quoque sa-
crificare sine fermento, ut supra, alia
occasione, ex Plutarcho ostendimus;
ita pariter mel ab iis non fuit proscrip-
tum. Nam hoc offerre solent cum libis.
Tibul. lib. 1. el. 7.*

Tibi dum thuris honores,

Liba & Mopsopio dulcia melle feram:

*Imo & solum mel Diis datum est. Plato.
lib. 6.*

l. 6. de LL. Θύμα δ' τε ἦν τοῖς Θεοῖς ζῶα,
 πελανοὶ δὲ καὶ μίλιπ καρποὶ δεδυμένοι,
 καὶ τοιαῦτα ἄλλα ἄγν' ἄθύματα. Etiam in
 ipsis favis. Tibul. lib. 1. eleg. 10.

*Atque aliquis voti compos liba ipse ferebat;
 Postque comes purum Filia parva favum.*

Iisdem Gentibus persuasum fuit, Deos
 suos Panum oblatione placari posse.
 Justinus lib. 20. cap. 2. Metapontini cog-
 nito oraculo Deorum occupandam Manium,
 & Dea (Minervæ scil.) pacem rati, juveni-
 bus modica & lapidea simulacra ponunt, &
 Deam panificiis placant. Forte, fando quid
 audiverant de Panibus, quos Deus
 coram Arca fœderis mensæ aureæ im-
 poni præceperat. De quibus hoc Deī
 mandatum occurrit Lev. 24. 5. & seqq.
*Item accipiens similam coques ex ea duode-
 cim collyras: duarum decimarum Ephæ esto
 unaquæque Collyra: quas dispones duobus
 ordinibus, senas in ordinem quemque; super
 mensam puram coram Iehova. Et impones
 cuique ordini thus purum; ut sit unicuique
 pani in memoriale suffimentum, igne absu-
 mendum.*

*mendum Iehova. Quolibet die Sabbati ap-
tato eum sacerdos coram Iehova iugiter; ac-
ceptum à Filiis Iisraëlis scedere perpetuo; post-
ea erit Abaronis & filiorum ejus, qui come-
dent illum in loco sancto: quia res sancta
sanctarum est pro eo, ex absumptis igne Ie-
hova, (Thus scil. quod panibus impo-
situm erat, igne absumebatur) statuto
perpetuo eximenda. Ita & dicitur Ex-
od. 25. 30. Et impones huic mensæ panem
faciei, ante faciem meam iugiter. Dubium
non est, quin seni utrimque panes,
(juxta scil. duodecim tribus populi Iis-
raëlitici) mensæ aureæ impositi signifi-
ficarint Christum in Ecclesia, Euan-
gelii ministerium, instar mensæ deau-
ratae instituisse: seseque tum in Verbo,
tum in Sacramentis, offerre fidelibus
comedendum tanquam panem vitæ,
Ioan. 6. v. 29. & 35. Quoque Sabbato
panes hi removebantur & alii calentes
adhuc pari numero substituebantur, ut
colligere licet ex 1. Sam. 21. 6. Panes
vero hos non fermentatos, seu panes
Azymos*

Azymos fuisse, patet ex Josepho l. 3. Antiq. c. 10. ubi ita per Interpretem loquitur: *Ex publico præbetur panis non fermentatus, ex farina assaronibus viginti quatuor. Coquuntur autem bini die Sabbati & Sabbato mane proponuntur in sacra mensa duobus ordinibus. seni ex adverso sese respicientes, atque ita cum duabus lancibus Thure plenis permanent usque in proxime sequens Sabbatum: tunc demum alii pro illis recentes supponuntur, & hi priores Sacerdotibus in cibum dantur: thus item sacro igne aboletur, quo ad holocausta uti solent, & pro eo quoque aliud cum panibus supponitur. Thus oblatum, memoriam Israëlitarum Deo gratam & jucundam esse significabat: prout submotio priorum & substitutio similium panum, juxta quosdam, unam quidem & eandem salutis doctrinam in Ecclesia perpetuò prædicandam esse, licere tamen eandem variis modis proponere. Nam (ut Christus dicit Matth. 13. 52.) omnis Scriba edoctus in regno calorum, similis est cuiquam patrifamilias, qui profert*
è The-

40 Mart. Schoockius,
 è Thesauro suo vetera & nova. Porro panes hi ab Ebræis vocantur לחם פנים,
 seu panes facierum, quòd coram Dei facie, speciali ratione consecrati essent.
 L X X. ordinario vocant ἄρτους ἐνώπιος,
 quasi dicas, panes præsentes. Aquila (referente Scholiaſte) habet ἄρτους προσώπων, panes facierum. Symmachus, προδίδως, propositionis. Quod & L X X, habent Exod. 40. 23. quomodo & in N. Test. appellantur, Matth. 12. 4. Marc. 2. 26. Luc. 6. 4.

C A P. V I.

*Inquiritur in fermentationis naturam.
 Proponitur Platonis definitio & examinatur.*

HIsce præmissis circa fermentum, prout illud proprie ad Panificium pertinet, atque cum illo consideratur; convertimus nos ad penitus & Philosophicum ejusdem Examen. Creditur Plato non inconvenienter illud adumbrasse, in Timæo Physico illo Dialogo.
 Ubi

Ubi (Tomo scilicet tertio pag. 66. ex Editione Serrani) ita loquitur : Τῶν δὲ αὐτῶν περιελεπυσμένων μὲν ὑπὸ σηπεδόνῳ, εἰς δὲ τὰς στενὰς φλέβας ἐνδυσμένων, καὶ τοῖς ἐνῦσιν αὐτόδοι μέρεσι, γλώδεσι καὶ ὅσα αἰέρῳ ξυμματεῖν ἔχοντα, ὥς κινήσονται περὶ ἀλλήλα ποιῆν κυκᾶσθαι, κυκώμενα δὲ περιπίπτειν τε, καὶ εἰς ἕτερά ἐνδύμενα, ἕτερα κοῖλα κατεργάσεσθαι, περιτεινόμενα τοῖς ἐνῦσιν : ἂν δὲ, νοτὶ δὲ περὶ ἄερος κοίλης περιπαδείσης, τοτὲ μὲν γλώδους, τοτὲ δὲ καὶ καδωρῆς, νοτερὸ αἰτγῆα αἰέρῳ ὕδατα κοῖλα περιφερῆ τε γένεσθαι. Καὶ τὰ μὲν τῆς καδωρᾶς, διαφανεῖς περιγῆναι, κληδεῖσας ὄνομα πομφόλυγας. Τὰ δὲ τῆς γλώδους, ὁμῦ κινυμένης καὶ αἰρυσμένης, ζέσιν τε καὶ ζύμωσιν ἐπίκλην κληθῆναι. Τὸ δὲ τούτων αἶπον τῶν παθημάτων, ὅξυ περισρηθῆναι Quæ ita Latine reddidit dictus Serranus : *Quum vero hæc ipsa præ putredine deminuta angustas venas, easque partes, quæ ibi insunt, terrenas, & quæcunque aëris proportionem habent, ingrediantur, quum sese invicem commoverint, efficiunt, ut alia quoque misceantur :*

ceantur: & quum miscentur, variè alia ingredi,
 di, alia concava efficere, quæ ingredientibus
 circumtendantur. ubi quidem cum humore
 circa aërem concavo circumfuso, aliquando
 terreno, aliquando puro, humida aëris vasa
 concavas circularesque aquas fieri. at, quod
 ex pura fit aqua, perlucidum circumstat, &
 ampulla vocatur: quod vero ex terreno humo-
 re, qui simul & moveatur & elevetur, ebul-
 litio fermentumque cognominatur. causam
 vero harum passionum *Acida* cognominatur.
 Hæc enucleanda sibi proposuit Antho-
 nius Guntherus Billichius in *Anatome*
Fermentationis Platonicae: &, ut col-
 ligit Fermentationis *πρῶτον δεκτικόν* esse
 terram aqua contemperatam, termi-
 num ad quem aëra, causam verò effi-
 cientem ignem; ita Thel. 116. arguit
 Platonem, quòd nihil in Fermentatione
 viderit præter putredinem, quæ aliena est;
 præter aciditatem, quæ foruita; præter
 agitationem, quæ trivialis; præter bullas,
 quæ superficialiæ. Ipsi autem Th. 129.
 Fermentatio est motus terræ, vi ignis in-
 terni

terni concitata, ut beneficio aquæ intermedia aërescat atque ignescat. Non putarim vero Platonem arguendum esse, quod fermentationem per putredinem explicarit, eamque acidis acceptam retulerit. Quod antequam ago, initio observandum, Platonem ζέσιν & ζύμωσιν confudisse: quæ tamen non videntur formaliter eadem esse. in omni quidem fermentatione est quædam ζέσις; non tamen omnis ζέσις est fermentatio. Juxta Hesychium ζέσις, est διαρρότης. In Glossario occurrit: ζέω, Ferveo, ferveo. & in altero Glossario: Fervet, ζέει, βράσσει. Fermentatio proprie ita dicta tendere videtur (fusus deinde hoc erit explicandum) ad majorem illius, quod fermentatur, perfectionem; cum effervescentia rem sæpe duntaxat alteret, si non corrumpat. Eoque fermentationem agnoverim in panificio, non vero in sanguine febricitantis, qui potius effervesfactus, quam fermentatus videtur. Interim ef-
ferves-

44 *Mart Schoockius*,
fervescentia, sive ζέσις, & fermentatio,
non modo apud antiquos, sed recen-
tiores quoque Authores sæpe, confun-
duntur, prout infra liquebit. Billichius
initio arguit Platonem, quòd fermen-
tationem putaverit quandam esse pu-
tredinem. Et merito arguendus esset,
si putredinem proprie dictam, quæ
dissolutioni inservit, intellexisset. Sed,
Platonem non intellexit vir egregius.
Omissis verò aliis vocis τῆς σήψεως no-
tationibus, postea proponendis; Plato
putredinem intellexit, non qua res ali-
qua in sua principia dissolvitur, sed,
per quam redditur divisibilis usque ad
minutas partes. Quomodo dixit Vir-
gilius lib. 1. Georg.

*Vere novo, gelidus canis cum montibus
humor*

*Liquitur, & Zephyro putris se gleba re-
solvit.*

Quæ Servius ita παγεσπάζει: Quo tem-
pore Favonii flatu arva laxantur, quæ fue-
rant praeclusa frigoribus. &c. Putres au-
tem

tem glebas, solubiles, quas tepor efficit & aratrum. Jam antea dixerat Lucretius libr. 5. *Putribus in glebis terrarum.* Imitatus Propertius libr. 4. Eleg 3.

Quæ tellus sit lenta gelu, quæ putris ab æstu.
 & Sever. Rhetor, occurrens Tom. 8. Biblioth. Sacr. *Largis putris erat gleba liquoribus.* Hanc Philoſophi mentem eſſe ex antecedentibus liquet. Quæ antea adducta ſunt, & à Billichio duntaxat exhibita, fuerunt ſcripta occasione ſaporum, circa quos Timeus deſixus, occasione illorum, quæ acuta ſeu *δριμέα* vocantur, per Interpretem ſic loquitur: *Quæ verò cum oris caliditate communicarint, & concalefacta ab ipſa emolliantur, & ruruſus ipſum illud quod calefecerit, inflammant, & præ lenitate ſuſum ad capitis ſenſum ferantur: & ſecent omnia quibus inciderint, propter huiuſmodi vires acuta vocantur. Quum vero hæc ipſa præ putredine diminuta, &c.* En! ut non agat de diverſis Plato, ſed de talibus, quæ & alia incidere, (in Græco eſt *τέμνειν* &

γειν) & dividere possint. quæ porro & de-
 minui posse statuit, & ingredi venas, &c.
 non quidem ut per putredinem fuerint
 dissoluta (sic resolverentur in sua prin-
 cipia) sed, ut redacta (scil. sunt ad minu-
 tas partes, per putredinem improprie
 ita dictam, & jam antea explicatam.
 quæ ἔοικε σήψις, videtur putrefactio; ut su-
 pra in alio sensu, deinde proponendo,
 Plutarchus dicebat. Deinde Billichius
 cap 8. totus in eo est, ut ostendat er-
 rasse Platonem, quòd aciditatem fer-
 mentationis causam statuerit. Sed com-
 pellor hic cum viro, dum viveret, can-
 didissimo expostulare. Plato non di-
 cit ὀξύ, five aciditatem, fermentationis
 causam esse, sed causam vocari à vul-
 go; scil. vulgo ut plurimum veri securo.
 Verba quam consignificantia: τὸ δὲ
 τούτων αἴτιον τῶν παθημάτων, ὀξύ πρὸς-
 ρηθῆναι. Causam vero harum passionum
 Acida nuncupatur. quorum occasione
 hæc in margine annotat Doctissimus
 Serranus: Non jungitur αἴτιον cum ὀξύ,
 ut di-

ut dicatur *Causa acida* : sed *Aciditas* vocari id quod harum passionum sit causa : Sive , harum affectionum. Quoniam vulgus in omni fermentatione occurrere fermentum censet, quale Pistorum in panificio adhibent , ἄζυς quoque, sive acorem in omni re, quæ fermentatur, notari debere concludit. Non dixerim quidem, acorem, quatalem, proximam fermentationis causam esse, nec extenderim ad omnia, quæ fermentantur, illud Plinii, prolatum de solo pane, qui fermentatur: (injuriam Plinio Billichius facit Th. 98. quod illius dictum ultra panem extendat) *Palamque natura est acore* (panem scil.) *fermentari* : sicut & validiora esse corpora, quæ fermentato pane aluntur. Interim negandum non puto, acorem aliquem notandum esse in illis, in quibus proprie dicta fermentatio observatur. nec ipse Billichius, nec quisquam alius hoc de fermento panis negarit. Et, quæ à pane diversa esse vult Th. 100. contrarium (sensu & experientia

rientia suadentibus) haut quaquam evincunt. Lego quidem hæc apud virum egregium: Nam quidnam illud esse putes, quod in mistione elementa alteret atque exagitet? quod vinum, cervisiam, mulsum, aliaque id genus mista, acore effe-
ret & spumare faciet? Spiritus quoque qui tum ex vino tum è sanguine prodit, neuter acidus est: Confusi tamen, etsi non magnas, perpetuas tamen bullas attollunt, nec nisi cum ipsis spiritibus desituras. In calce viva, vivum fermentationis, quæ absque acore fit, exemplum proponitur, &c. Sed hæc perparum serium quemcunque veritatis ruspatores movere possunt. Do-
lubens, minus in cervisia, vino, & mulso, dum fermentantur, aciditatem observari posse, quòd admodum diffusa sit cum spiritu fermentante cui inhæ-
ret; fæces tamen quæ superflunt, manifestum acorem exhibent, præ cœteris fæx vinaria, quam acidam esse pueris quoque notum est. Plinius quidem dicit lib. 14. cap. 20. illius cinerem ni-
tri na-

iri naturam habere; atque respicere ad veterum Nitrum, nobis vix notum, dubitare non licet, quod gustu amarum esse pronuntiavit Dioscorides libr. 5. cap. 130. sed, nulla consequentia à fæce vini ad illius cineres: Herbarum acidissimarum cineres acri notantur sapore, non tamen inde recte intuleris, eas acres & falsas potius, quàm acidas habendas esse: fæx cervisiaria vicem fermenti apud nos obit, constat vero eam officio hoc feliciter defungi, si inveterata majorem aciditatem contraxerit. De mulso adeo quoque dubitare non licet, quum notissimum sit, ipsum mel, dulcissimum quoque, sed liquidiusculum, addito a quoio humore, mox acescere. De calce, quam hæctenus inconvenienter adduci credo, alibi distinctius viderimus. Bullæ, in rerum jam examinatorum fermentatione occurrentes, contrarium quoque non evincunt: illæ non notantur in omni illo, quod fermentatur, (panificium

C

hoc

hoc probat) sed duntaxat in talibus quæ
 exquisite humida cum sint, aëra ex-
 traneum copiosiore & partes aqueas
 terreasque excrementitias continent :
 quæ ut expelluntur vi Fermentationis,
 ita illius, quod fermentat, naturam
 exhibere non possunt, nisi quatenus
 ex accidenti his admiscantur. Velim de-
 nique, alii despiciant, quomodo Bil-
 lichium concilient cum illis, qui publice
 persuasum cupiunt, coctionem ven-
 triculi terminatam ad Ichylosin vi fer-
 menti peragi. Ut, quod intendunt,
 consequantur, in animalibus fermentum
 acidum notari volunt. Inde legas
 apud Helmontium, in Tractatu, hunc
 Titulum habente: *Calor efficienter non
 digerit, sed tantum excitative*: §. 2. 4. pro-
 posito antea certo experimento, ad
 quod puer attenderat: *Quod mihi tyroni
 confirmavit, transmutari cibos ab acido adeo-
 que habitare in stomacho fermentum, quod
 omnia ingesta licet dulcia statim in acidum
 commutaret.* Et §. 26. *Non est autem fer-*
 mentum

De Fermentatione.

§ I

mentum istud digestivum in sola aciditate aliquali situm. Neque enim acetum vel jus citri farinam fermentat: nec farina fermentata est proinde fermentum Stomachicum: Sed hoc est acidum esurinum, Stomachicum, Specificum, & humanum. &c. Et apertius adhuc Corn. ab Hogelande in Oeconomia corporis Animalis pag. 77. agens enim de succo, cujus vi ciborum coctio in ventriculo peragitur, expresse pro primo argumento, probanter ealem ejusdem existentiam, sequens haberi vult: Primo, quia ejusdem saporis esse (acidulus nempe) cum iis sive humidis, sive siccis, quae fermenti loco adhiberi solent. quibus assentiuntur fere omnes illi, qui fermentum Stomachicum à splene accersunt: quorum opinio infra distinctè à nobis discutietur. Quid quod Chymici primores, subsequenti capite adducendi, in artificiali sua Fermentatione, subsidium rerum acidarum sollicitent. Tertio Billichius Th. 106 videri vult, non quidem ex definitione Platonis antea pro-

posita, sed ex illis, quæ verba adducta ex Timæo præcedunt, causam efficientem fermentationis Ignem esse, probare. Sed, si ulterius in legendo Timæo perrexisset, juxta Platonem, ignem aliquid à fermento distinctum esse cognovisset. Etenim pag. 74. ubi agit, de productione carnis & nervorum in corpore animalis, sequentia offenduntur: Nostri igitur corporis effector atque opifex Deus, (ὁ κρηεπλέτης) quum hac animo cogitaret, mixtione quadam ex aqua & igne & terra contemperata, & acuto ipsis salsoque fermento adhibito, (ἐξ ὁξέος καὶ αἰλμυρῶ ξυνδεῖς ζύμαμα) succi plenam mollemque carnem composuit: Nervorum vero naturam, ex osse & carne fermenti imminui, (ἐξ ὀστέου καὶ σαρκὸς αἰζύμου κρύπτως) unam ex utrisque mediam potentiam temperavit, flavumque colorem induxit. En! ut aperte ipsum fermentum ab igni distinguat, cum massam, quæ fermentatur, temperatam esse dicat ex aqua, igni, & terra. Unde recte colligas, Aca-

demixæ

demixtæ Principem, in fermento præter ignem, aliud aliquid notasse, quod in actione fermentationis sese manifestet. Hoc interim certum est, & vel ex solius Galeni libro de Hippocratis & Platonis Decretis constat, Platonem pro calore naturali supposuisse ignem, & simul huic mandasse partes coquendicibum. (hoc infra quoque examinabimus) Legas ibi sequentia: *Hippocrates semper innatum calorem omnium naturalium operum auctorem esse ait. Plato notat calorem, sed ignem nominat. Quam convenienter vero, postea idem Galenus ostendit. Melius tamen erat (inquit) non ignis, sed insiti caloris fontem dicere in corporibus nostris esse, ut Hippocrates ubique appellavit. Nam si ab igne ciborum concoctio, digestio, sanguificatio, & nutritio fieret, melius & citius etiam in febrientibus omnia hæc conspicerentur absolvi. Sed insitus calor temperatus cum sit, substantia quidem in sanguine & pituita subsistit, qualitate est congrue & frigiditate contempera-*

54 *Mart. Schoockius,*
rus. Et hæc fere sunt, quæ in Platonis
sententia de Fermentatione Billichius
notat; quæ licet excusari possint, (ut
jam antea observavimus) minus tamen
appositus est Platonis discursus: non
ideo solum quod fermentationem cum
effervescencia confuderit, hoc est, Ge-
nus cum specie: sed, quod nullam ex
causis, siue intrinsecis, siue extrinsecis
distincte indicaverit.

CAP. V I I.

*Quid juxta Chymicos Fermentare sit,
& quomodo illi fermentationem explicare
definite consueverint. Similiter proponi-
tur modus, juxta quem res diversas fer-
mentare consueverint.*

CHymici Paracelsi sectatores, &
ut plurimum admiratores nimii,
ut variis modis, in præparandis Medi-
camentis suis, ex corporibus simpli-
cibus occupantur; ita Fermentatio
quoque apud eos, quando in præpa-
ratione simplicium occupantur, utram-
que

que paginam facit. Quare ex re fuerit, ut subsequencia distinctius intelligi queant, expendere quomodo eandem hanc Fermentationem explicare consueverint. Initio ergo exhibemus Libavium virum summum, & in hoc ordine πολλῶν ἄλλων ἀντάξιον, cuius hæc sunt verba lib. 1. *Alchemiæ* c. 59. Fermentatio (*inquit*) est rei in sua substantia, per admissionem fermenti, quod virtute per spiritum distributa totam penetrat massam & in suam naturam immutat, exaltatio. Ideo enim inventa est, et ex symbolico ignobiliore efficacia medicinae fermentantis, nobilissima fiat substantia, ad quam pervenire natura finit. Potissimum autem in metallis, quorum natura ad mutua est proclivis, locum habet, & ab imitatione massæ fermentatæ nomen habet. Apparatus operis est, ut medicina peculiariter exaltata, & secundum substantiam familiaris massæ (aliena enim repudiatur, sicut etiam vulgò fermentum

cum fit è farina ad massam farinaceam)
virtute quidem valens, quantitate verò
parva, misceatur undiquaque cum re
fermentanda, quod ut probe fiat, fluxi-
lis, aut saltem divisibilis per minima
utraque, debet esse. Subactione &
ingressu facto, ad digestionem poni-
tur totum, donec agens exsuperave-
rit, inquè suam naturam verterit pa-
tiens. Hæc fermentatio in arcano phi-
losophico fit per corpus purum, & ce-
mentatum, diciturque vivificatio, vel
resuscitatio. Nam velut ex mortuis
vocatur destructa materia, viresque ac-
quirit novas. Agit quidem fermentum
præsidio caloris interni maximè, sed ab
extremo, & actuandus ille est & foven-
dus, neque tamen gradu tanto qui spi-
ritum queat dissipare, cum hic ipse in-
tentus in massa sit continendus, una-
que comprehendendus. Ut enim lo-
quuntur philosophi, anima est in illo.
Postea sunt etiam fermentationes in ve-
getalibus. Et primum quidem illa usi-
tatissi-

tatissima in massa frumentacea, per fermentum acidum, cujus naturam imitatur. vel etiam superat spiritus ardens ex frumentis extractus, vel fæcibus potionum inebriantium, sicut & ipsæ fæces vini, vel cervisiæ fermentant. Deinde est fermentatio potuum, quæ fervescunt, & secessu facto repurgantur. Ea item fit per fæces valentes, è vino vel cerevisia sumtas. Ita cum è polenta aquam ardentem elicere volunt, eam fermentant. Mutatur enim illa mistura ad naturam fermenti, maxime si bis fiat. Præterea est fermentatio in medicinis succisque commistis, quæ fit cum digestionem ad unam missi crasin. Ita sæpe numero totam missi naturam ad unum quoddam reducere volentes, fermentamus illud valente medicina. Cum succi per se effervesce sinuntur, digestio duntaxat fit, quæ tamen ob similitudinem etiam nominatur interdum fermentatio. Eadem transfertur etiam ad alteranda corpora per medi-

cinam haustam: quod ipsum & renovari dicunt. Tandem si fermentum fixum est, figit secum rem fermentandam, atque ita fixatio interdum fermentationi est conjuncta. *Huc usque Libavius.* Cui socio Beguinum, qui ita de Fermentatione lib. 1. Tyrocinii Chymici c. 4. commentatur: Fermentatio est (inquit) exaltatio rei in substantia, per quam, mediante digestionem, calor agens exuperat, inque naturam suam vertit pariens. Cæterum quæ fermentantur, sunt liquida, vel solida. Quæ liquida sunt; vel talia sunt simpliciter, ut vinum, aqua: quæ etsi frigida est, tamen cum corpus sit ex quatuor elementis, non dubitandum est, quin etiam suum obtineat calorem: vel spissa & mollia, ut mel, sapa liquida, quæ sunt simpliciter talia, si sint simul calida, per se fermentantur, ut vinum, pyraceum, pomaceum. Quæ autem frigida sunt; ut succi expressi frigidi, opus habent additione rei externæ, ut facibus vini,

ni, cervisiæ, sale; vel aciditate aliqua, ad accelerationem ebullitionis & fermentationis. Spissa autem & mollia sequentem in modum fermentari possunt. Recipe verbi gratia mellis libras x. his adde libras quinquaginta aque. Stent in calore moderato, per diem naturalem: deinde lento igne simul bulliant, & despumentur. Tertia pars exhalet vel cum liquor effervesceat, ovum imponatur recens: quod si sursum fertur, perfectæ coctionis signum est. Tum liquor ab igne remotus, calidè, per duplicem pannum trajiciatur, & ad solem, in vase idoneo, additis drachmis duabus salis tartari, vel salis communis, vel uncia una alicujus aciditatis, ponatur: & sic per quadraginta dies, aut circiter, donec liquor sit clarus, vinique odorem referat, bulliat. Tunc enim vas claudendum, & hydromel in cella usui reservandum. Quæ solida sunt & dura: ut semina tritici, fœniculum, anisum, baccæ juniperi,

peri, aromata, &c. comminui debent; hisque, aqua affundi: & sal proprius, vel analogus, aciditas, vel fæces cerevisiæ, vini vè, ad fermentationis accelerationem addi: ita ut ad dolium rei fermentandæ pinta fæcum adijciatur. Quæ vero durissima sunt, ut lapides, prius calcinari, postea fermentari debent: ut in sequentibus, de corallio & plumbo dicetur. *Hæc etiam Beguinus.* Scroderus in sua Pharmacopœa Chymica l. i. c. i. 4. *sequentia habet:* Ratio Fermentationis hæc est. contrario fermentabilia confusa i. e. nondum sub unum Dominum ac potestatem mixtionemque exactam redacta, si aliquatenus vi caloris externi resoluta fuerint, vi potentioris facultatis alterantur, atque inde in certam aliquam temperiem naturamque spirituosiores evolvuntur & exaltantur. *Hæc tenus quoque Scroderus.* Quum vero doctissimus Libavius apud Horstium lib. 2. Epist. Medicin. Sect. 1. occasione compositionis Theriacæ, quam Chymici

mici iu sole misceri & fermentari volunt, quædam habeat singularia, quæ postea usum habitura sunt, operæ pretium fuerit, eadem hoc loco exhibere. Incipit autem Libavius à Definitione, de qua ita loquitur: Dico primam nostram alexipharmacam fermentationem, esse motum massæ Theriacalis analogiâ justâ commistorum simplicium constantis, ab insito calore & Spiritu per externum proportionatum excitato, donec fiat omnium inter se alteratorum unio perfecta & homogenea, virtutibus Alexipharmacis pollens. Motum dico; quia est actus imperfectus inter fermentans & fermentatum, quorum illud est causa movens, hoc res motu effecta. Nomen unde traxerit vel calones officinarum sciunt, quanquam Mysteria artis chymicæ aliquid interius doceant. Fermentantur Musta, & alii succi, dum simul ab excrementitiis separantur & alterantur, ut inde existat ex musto vinum, ex aliis sua essentia

depurata. Pistores exprimunt rem proprius suis massis: pharmacopiæ exempla habent plurima misturarum, per Electuaria, Succos, conservas, &c. Chymici non admittunt quicquam non essentiale: natura & ars officinarum nihil facit ex toto. Itaque cum secessio quorundam vulgaris fermentatio semper est: chymica mystica nullum habet. Videndum tamen ne confundatur cum putrefactione, cui videtur similior esse, officinalis fermentatio, propter segregationem, quæ locum non habet in essentiali: (putrefactionem non Aristotelicam dico, sed nostram, artificiosam.) Digestio & maturatio quoque potius est homogeneorum quam heterogeneorum, in quibus est non *σύνκρσις* tantum, sed & *διάκρσις*. Nostra digestio per pelicanationem seu circulationem procuratur, & quanquam unà evenit, ut aliquid sæculenti secedat, tamen nomen habet à perfectione ultimâ & scopo principali. *Causa fermentationis externa,*

que

qua procreans per modum actuandi dicitur, est calor. Frigus enim nequit nisi per accidens ob antiperistasin internum principium actuare. Calor aut humidus est, aut siccus. Humidus magis convenit putrefactioni, cui ideò in arte destinabatur *balneum aquæ vel vaporis*, aut *simus equinus*, aut analoga inventio: Si tamen humiditas est blanda, ut temperiem ad justitiam referat, qualem complexionem veri & sanguini, sanguineisque tribuunt, meliorem judico esse, quam calorem siccum, qui motui obstat. Vellem temperamentum ponderis sit calidius paulo atque ideò agitatius (*ἰσχυρὸν καὶ κίνητον*) cum moderatione: sed calidum humidum moderatum quoque, non respuendum, præsertim in principio. Nam deinceps potest graduari, atque etiam debet, donec ad perfectionem sit perventum, ut sit in physicâ sapientum fermentatione, & ut natura requirit in generationibus. Huic sententiæ qui resistunt, vapidam humidita-

miditatem, quæ sit putrefactiva, accusant. Sed si Embryonis in utero materno fomenta considerarent, non tam pueriliter hallucinarentur. *Alterum movens, seu fermentans est internum, nempe igniculus ille insitus, qui est cum Spiritu & humore analogo. Hic est immediatus mistor & digestor planè naturalis, quod apparet in fermentatione populari, & ex parte Chymicâ: Qui enim voluit liquorem ardentem elicere ex trito frumento, aqua id diluunt, deinde addunt aliquid sæcum vini, cerevisiæ, aut etiam frumentum, reponuntque totum in loco mediocriter calido. Ita fit, ut Spiritus excitatus cum calore insito omnia permeet, & in actum evocet spiritum illum ignotum, qui prius latebat. Exemplum hoc saltem esto, ut & pistorum fermentatio, per vini Spiritum, fermentum, fæces, sterminus columbinum &c. Nam aliâs Chymicæ putrefactioni respondet. Satis autem si inde perspicere possumus, quomodo*

modo internum principium ab actu externo exulcitetur, ut postea illud ipsum sit prima, veraque causa fermentationis. *Hæc quoque Libavius loco dicto.*

CAP. VIII.

Pro explicanda distinctius Fermentatione, quædam tanquam generalia, ex citatis præcedenti capite Auctorum locis, quod usui esse possint, sigillatim examinantur.

PROposita fermentationis facie, juxta Chymicos, hic quædam sunt colligenda, quæ postea ad modum Postulatorum concessorum, non modo nobis usui esse queant, verum etiam Fermentationi accuratè definiendæ inservire. Atque primo, ut pateat quò Fermentatio referri possit, convenire videtur inter Auctores, quorum propria verba exhibuimus, eam referendam esse, ad *Motum*, quem *actum imperfectum* esse, rectè observavit Libavius; motus siquidem non habet sese complete, sed incom-

completè, atque considerari debet ut est tendentia ad majorem perfectionem. Vnde mihi placuit perpetuo descriptio, quam habet magnus ille Melanchthon lib. 1. Dialect. *Motus* (inquit) *est successiva progressio à termino ad terminum: vel est continua acquisitio formæ accidentalis, ejusque partim acquisita, partim acquirendæ fluxus.* Verum motus generaliter admodum patet, atque multiplex est, unde & variæ quoque ejusdem species constitui solent. Et tamen Billichius in sua Definitione duntaxat quoque *motum* vice generis ponit. Quò ergo deinceps commodam Definitionem Fermentationi aptare queamus, secundo despiciamus, ad quamnam motus speciem ex mente eorundem auctorum Fermentatio referri debeat. Libavius, pro motu alibi substituit *Exaltationem*, quem Beguinus sequitur. Quod ex mente illorum, non inconvenienter explicat Scroderus, quando de iis, quæ fermentantur dicit, quod *in naturam aliquam spiri-*

tuosiores evebantur & exaltentur. Etenim fermentatio quibuscumque accidit, illa etiam, dum fermentantur,prehenduntur intumescere. Sed hæc *exaltatio* potius est adjunctum fermentationis, quàm Genus. Verum quidem est, τὸ sursum & deorsum constituere diversas differentias, & per illas, diversas quasi species motus localis: non tamen v. c. exaltatio in motu accretionis aliter quam adjunctum considerari potest: licet nullum animal dici possit excrevisse nisi quoque sursum fuerit promotum, conspirante juxta illum motum reliquorum membrorum *συμμετείφ.* Atque, cum extra omnem controversiam sit fermentationem pertinere ad motum alterationis, consequens quoque est, ipsam exaltationem adjunctum solum esse alterationis. Quatenus quæ hoc modo alterantur, atque per alterationem ad qualitatem sensibilem perfectiorem tendunt, simul intumescunt, & exaltantur. Cl. D. Willis in suo Commen-

mentario de Fermentatione, juxta principia Chymicorum explicata, Fermentationem cap. 3. dicit esse *motum intestinum*. Credo hoc velle innuere, quòd, quæ fermentantur ab intus moveantur à principio insito : quod hætenus sic concedimus, ut cum Libavio nihilominus existimemus non esse excludendam causam externam, quæ ab extra, ut in Scholis loquuntur, si non concitet Fermentationem, eam saltem promoveat & adjuvet. Sed *motus intestinus* adhuc manet confusus, cumque multiplex sit, proximi generis rationem habere non potest : eoque subsequenti capite plenius in Genus fermentationis fuerit inquirendum, quo inveniri possit perfecta Definitio. *Tertio*, quod ad subjectum fermentationis illud dupliciter considerari potest, vel, ut subjectum quod, vel, ut subjectum quo. Illud, aliàs in Scholis dictum subjectum denominationis, à D. Willis l. d. duplex statuitur, vel naturale, vel artificiale :
atque

atque illud iterum triplex facit: *Fermentari dicuntur, vel, res naturæ, in triplici familia, Mineralium, Vegetabilium, & Animalium: vel artis opera, cum nimirum; ab externo agente activa passivis applicantur.* Verum, cum neque omnia Mineralia, neque omnia Vegetabilia, neque omnia Animalia, & Artificialia fermentari contingat, ulterius est accedendum ad subjectum quo, si-ve, ad subjectum determinationis: quod considerasse videtur Beguinus, quando dicit, *quæ fermentantur, sunt vel liquida; vel solida.* Verum de Solidis postea sub-jicit: *Quæ solida sunt, inquit, & dura, &c. comminui debent; iisque aqua affundi: & sal proprius, vel analogus, aciditas, vel feces cervisie, vinive, ad fermentationis accelerationem addi.* Ergo corpora solida & dura, quæ talia non fermentantur, sed ut habent in se humorem, per fermentationem aptum intumescere. In farina ad oculum patet, cui etiamnum siccæ si indideris fermentum, haut qua-quam

quam fermentabitur , at , si aqua calente eam prius subegeris , fermentari ab illo , quod fermentare aptum est , deprehenderetur. An vero *terra* sit subiectum , & *πρωτον δειπτικόν* fermentationis , postea contra Billichium distinctius inquirendum fuerit : ut & contra D. Willis , an pro terra substitui debeant *particulæ* , seu , *principia cujusque corporis*. Quare causa efficiens . non inconvenienter à Libavio distinguitur in externam & internam. Quod ita interpretor , ut causa externa , ratione causæ internæ , quæ propriæ & proximæ causæ rationem habet , se duntaxat habeat tanquam causa adjuvans , & excitans. Nam fermentatio non potest procurari à sola hac causa externa. Recte idem Libavius statuit causam externam agnosci debere *Calorem* , addo solum. Nam ubi occurrit *calor humidus* , corpus humidum ad modum subiecti , seu materiæ sese habet. Quinto deveniendo ad causam internam , quæ pro-

proprie & principaliter tanquam causa considerari debet, de illa sic Philosophatur idem Libavius: *Fermentans internum est igniculus ille insitus, qui est cum spiritu & humore analogo.* Similiter Billichius Th. 106. qua, ut juxta Platonem fermentationis causam explicare nititur, ita hæc habet: Nisi, inquit, eorum quæ una atque altera pagina, antequam fermentationem traderet, (*intelligit Timæum, qui apud Platonem in Dialogo cognomine, Natura arcana pandit*) Philosophatur, oblitus sit, respondurum scio, illud istud ipsum esse Elementum, quod in omnia maxime penetret, quod ob angulorum tenuitatem & laterum acumen & partium parvitatem & motionis celeritatem vehemens sit, & secandi vi præditum, quicquid occurrit, celeriter secet. Ignem, opinor, intelligis, cujus tanta vis est, ut Plato dixerit, quod compactam terram solvat præter ignem nihil. Nulli enim præterquam igni ingressum

gressum relictum esse. *Hæc ille.* Sed, ut
lubens do, nullibi actuale esse calo-
rem nisi ubi ignis sit, non tamen ignis
juxta suam substantiam has partes exse-
qui posset, nisi calidus esset. Recte
autem Libavius cum hoc igni, conjun-
git *Spiritum*, & quidem *insitum*. Nam,
ut postea distinctius erit declarandum,
Spiritus insitus agnosci debet causa pro-
xima fermentationis. Probo vero,
& postea nobis erit usui, quod hic
velit intercedere analogiam inter ig-
nem insitum, spiritum insitum, & hu-
midum, quod scilicet est fermentationis
materia. Nam nisi inter hæc analogia
& conveniens proportio intervenerit,
opus fermentationis peragi non pote-
rit. Alibi, proportionem hanc extendit
etiam ad calorem externum. Hoc enim
volunt verba, antea quoque adducta:
Agit quidem fermentum (inquit) presidio
caloris interni maxime; sed ab externo &
actuandus illic est & forendus, neque tamen
gradu tanto, qui spiritum queat dissipare, cum
hic ipse

hic ipse intus in massa sit continendus, unaque comprehendendus. Considerari quoque sexto debet forma fermentationis, velut motionis cujusdam naturalis. Sed de illa nihil monetur in illis, quæ ex Chymicis superiori capite exhibuimus. Libavius in sua Epistola, ex qua antea generalia duntaxat produximus, respiciendo Theriacam dicit: Forma duplex est: una ipsius motus: altera rei motus effectus. In illa attendimus agitationem, & materiæ in molem, tumoremque elevationem, &c. Vltimam formam (loquitur de Theriaca) indicant viribus, nigrore, consistentia, &c. Quæ simpliciter applicari non possunt fermentationi, in comuni considerata. Si enim attendatur & motio naturalis, formalis illius ratio debet consistere in definita agitatione ipsius humidi, motionem illam juxta certam specificationem recipientis. Superest ut postremo consideremus finem: qui non exprimitur in illis, quæ superiori capite adduximus. Cæterum Li-
bavius

74 *Mart. Schoockius,*
bavius in dicta Epistola, occasione
Theriacę dicit: *Finis est, ut mistum homo-*
geneum pro natura mistilium existat, in quo
omnia ista sint unita, ut plane sint similaria,
omnesque partes earundem virium: quod fieri
non potest ante motus cessationem & quietem.
Cl. Willis in sua Descriptione existimat
duo intendi, nempe, vel corporis quod fer-
mentatur, tendentiam ad maiorem per-
fectionem, vel mutationem in aliud corpus.
Libavius considerat finem ut acquisi-
tum, atque uti habet rationem effectus:
quo casu necessario motio cessare de-
bet. Motionis omnis finis est acquisitio
termini ad quem, qui ubi motu, qui
cæteroquin se habet incomplete, acqui-
situs fuerit, motio desinit. Omnino
vero existimo, fermentationis finem
esse, maiorem (hoc est, harmonicam)
perfectionem illius rei, cui accidit. At, non
video quomodo duplex finis D. Willis
possit subsistere? Corpus Physicum,
ubi per fermentationem pervenit ad
maiorem perfectionem, quàm antea
habe-

habebat, in illa perfectione, ut sibi conveniente acquiescit, nec tendit ad mutationem in aliud corpus, nisi fortè natura (ut alibi Scaliger loquitur) malefium meditetur. Eoque Fermentatio proprie dicta non intenditur à natura, ut corpus aliquod in aliud mutetur: licet interim apparens quædam fermentatio circa talem transmutationem, ut & putrefactionem, notari possit, prout hæc ex subsequentibus clarius innotescant.

C A P. I X.

Accuratius inquiritur in verum Fermentationis genus: quod Ebullitionem esse probatur.

QUum in ardua hac doctrina præ ceteris laborare debeamus, ut adequata aliqua definitione Fermentationem explicemus, & ex illis, quæ duobus capitibus præcedentibus proposuimus, omnia ad talem Definitionem requisita, nondum eruere potuerimus; operę

D 2

pre-

pretium fuerit in singulas partes Definitionis antea inquirere. Si enim illę inventę fuerint seorsum, non difficile fuerit, postea conjungere, atque per earundem conjunctionem, accuratam Definitionem adornare. Laboramus vero adhuc de genere proximo. Monent quidam Logici, pro illo inveniando, Definitum referendum esse ad propriam suam Categoriam: quę si complectatur Definitum, non poterit non quoque, sive explicitę sive implicitę ejusdem Genus continere. Verum, hoc solummodo procedit de illis, quę per se & directę ad aliquod prædicamentum pertinent. Fermentatio autem, quę talis, quum pendeat partim à principio excitante extrinseco, partim, & quidem principaliter à principio intrinseco; atque incomplete se habeat, usque dum ad terminum suum, qui varius est, perveniat; non potest directę ad Prædicamentum aliquod referri, quum illa, quę directę ad Prædicamenta pertinent,

nent, habeant se complete. Verum quidem est, posse considerari ut actionem, non tamen proinde, si inhæreamus Canonibus Logicæ, ad Prædicamentum Actionis pariter referri potest. Actio prædicamentalis definitum habet Terminum à quo, & Terminum ad quem: non æque tamen Fermentatio: quæ ratione unius quoque speciei in natura, ut fermentandæ, multiplicem habet quæ terminum à quo, quæ terminum ad quem: prout postea distinctè liquebit. Eoque, Libavius, sane Philosophus accuratus, itemque alii, eam potius ad motum retulerunt. Sed *motus*, ut Logicæ quoque tironibus notum est, per se non pertinet directe ad ullum Prædicamentum: verum, ratione sui termini, ut aliam atque aliam specificationem admittit, ita ad diversa quoque Prædicamenta ratione diversorum terminorum refertur. Atque, admissa quoque Generatione inter motus species, (aliàs, hoc meritò negatur, quum formaliter

& proprie considerata, in momento peragatur) eaque reductive relata ad Substantiam; Accretio, ratione sui termini ad quem, pertinebit ad Quantitatem; Alteratio, ad Qualitatem; Motus localis, ad Ubi: remanebit tamen dubium, ad quamnam ex quatuor his Motus speciebus Fermentatio referri debeat: nisi ratio termini ad quem, antea perspecta fuerit. Atque, cum constet, per fermentationem, rei quæ fermentatur, neque acquiri (per accidens quæ fiunt, curari non debent) novam formam substantialem: (Chymicos, κατὰ χημικὸν voce substantiæ & formæ substantialis utentes, curare fas non est) neque majorem per consequentiam omnium partium molem: neque etiam alium locum: consequens est, eam neque ad Generationem, neque ad Augmentationem sive Accretionem, neque etiam ad motum Localem referri posse. Superest ergo Alteratio. ad quam omnino Fermentatio perti-

pertinet: siquidem res, quæ fermentatur, juxta finem proprium Fermentationis, majorem perfectionem, non quidem substantialem, sed, accidentariam acquirit. quatenus acquirit perfectiores qualitates, quàm habebat, antequam fermentaretur. quod posset ostendi inductione omnium, quæ fermentantur, nisi res liquida foret. Deduximus hæctenus Fermentationem ad Alterationem, sed, cum illa & varia & multiplex sit, propius adhuc inquire debemus qualis sit Alteratio. Hæc in communi considerata distingui solet in Alterationem Perfectivam & Corruptivam. Illa speciem naturalem, cui accidit, perficit, juvat, promovet, augeat, vel restaurat. Hæc vero destruit, atque corrumpit naturam alicujus speciei. Notum autem omnibus, qui modò sciunt quid Fermentatio sit, eam per se (quæ per accidens fiunt, non sunt curanda) non destructioni, sed potius conservationi & perfectioni speciei, cui

accidit, servire. Ergo erit Alteratio perfectiva, quæ cum multas iterum subdivisiones recipere possit, despicere debemus, sub quonam subdivisionis membro genus proximum inveniri possit. Divisio vero ulterior peti potest, vel à termino ad quem, vel à forma, sive speciali modo, juxta quem hæc alteratio perfectiva variat. Termini hic occurrunt in communi, non modo indefiniti, & tam multi, ut difficile quoque sit eos omnes enumerare; verum etiam ratione fermentationis difficillimum hic est, speciem aliquam perfectivæ alterationis invenire, quæ examussim respondeat termino, per talem quasi motum acquirendo. Nam, ut postea patebit, terminus Fermentationis propriè dictæ est aliquid aggregativum; sive, congeries Harmonica plurium qualitatum, rei, quæ per Fermentationem perficitur, juxta talem actionem debita. Eoque satius est ad Formam confugere, & juxta illam genus definire. Ut vero superiori

periori jam capite innuebamur: Forma hujus motus, prout distincta est à Termino per modum effectus acquisito, consistit in definita agitatione illius, quod velut subjectum motui Fermentationis est substratum. Quando autem res aliqua Fermentatur, humidum principaliter, & secundario illa quoque, quæ in illo existunt, variè agitur, particulæque minimæ qua humidi, qua humido inexistentes, sursum ac deorsum, simul ad latera circumaguntur; adeo ut aliquis judicet cum Lucretio libr. 2. de Rerum Natura:

*Velut alterno certamine praelia, pugnasque
Edere turmatim certantia, nec dare pausam
Conciliis ac dissidiis exercita crebris.*

Quam formam, non quidem substantialem, sed accidentariam atque sensibus ipsis obviam, si diligentius attenderimus, nullum motum alterativum, æque deprehendemus Fermentationi convenire, atque Ebullitionis. Quod ut pateas, Ebullitionis ratio paulò penitius fuerit

enucleanda, ne quid scrupuli in alicujus animo superesse possit. In Veteri Glossario legas: *Ebullit*, ἀναβλύζει; & paulo post: *Ebullire*, ἐκβράσαι. Simplex βράω in altero Glossario redditur per τὸ λικνίζω, & Latine, *Vomo*, *Vanno*. Vox ἐκβράσσειν nota quoque Hippocrati est, atque significat idem, atque ebulliendo & effervescendo expellere. libr. 2. περὶ πυρετ. dicit: ἄλλοτε δὲ καὶ ῥέον ἐρυσθὲν ἐκβράσσει. Quandoque etiam fluxum rubrum ejicit: ad verbum esset: Quandoque fluxum rubrum velut ebulliendo rejicit. Hinc ἐκβράσματα θαλάσσης, sunt maris rejectamenta, & quæ æstuando rejiciuntur. Idem Glossarium: ἐκβράσσει τὸ σῶμα ἢ θάλασσα, Respuat corpus. Hinc descendunt quoque ἐκβράσματα. Idem Glossarium: ἐκβράσματα, Papula. Hippocrati notum quoque est verbum ἀναβλύειν, quod est Synonymum τῷ ἀναβλύζειν. Lib. de Morbo sacro: ἀφρείει καὶ ἀναβλύει ὡς ἐκθνήσκων, velut moriens spumescit ac ebullit. Ut observavit quoque diligenter

ligentissimus & accuratissimus Foësius. Hesychius videtur in animo habuisse Hippocratis locum, cum scriberet in Lexico suo: Ἀναβλῦσι. ἀναζεῖ. ἀναβρύει. Eoque, cum Fermentationis motus proxime accedat ad motum Ebullitionis, &, quæ in ebullitione comparent, circa illam occurrant, videmur convenientissimè *Ebullitionem* ad modum generis illi attribuire posse. Nec hoc diffitentur Chymici, qui, ut supra vidimus, Fermentationem communiter vocant ebullitionem & effervescentiam. Quæ ut non est confundenda cum Fermentatione formaliter sit dicta; ita tamen genus rectè statuitur. Nec est, quod aliquis existimet ebullitionem, duntaxat in iis, quæ liquida sunt, habere locum, & proinde Fermentationi minus convenientem esse, quod circa illam partes terreæ & alia quæ solida sunt, ut deinceps liquebit,prehendantur. Præterquam enim quod dicere possemus, ut ex parte liquet ex iis,

D 6

quæ

quæ cap. superiori observavimus, eam non nisi in humido recipi, quod & proximo capite ulterius probandum & vindicandum erit. Illa., quæ maximam partem sunt terrea, si modo humidum habeant sibi inexistens, cum quo bulliant, sive, ebulliant, apud auctores bullire dicuntur. Ita plumbum liquefactum (in hoc tamen terram prædominari constat) bullire dicitur. Flooardus lib. 1. Hist. Remens. cap. 4. *Tunc præsens, ut se vidit esse confusum, dixit: Sistatur Apolinaris, afferte autem mihi plumbum bulliens, & effundit in os ipsius: ut non talia verba loquatur. Cumque allatum fuisset plumbum bulliens, & missum in ore ipsius, factum est frigidum tanquam glacies.* Talia exempla plura adferri possint. Sufficit terrea sicca non posse ad ebullitionem disponi, nisi interveniente humido: quod hætenus nobis faveat.

CAP. X.

Subiectum proximum, seu, materia Fermentationis in qua, non est Terra, sed corpus humidum. Mixtionis natura & differentia multiplex declaratur. Quomodo & quatenus particula minima, sive, Atomica considerari possint esse subiectum Fermentationis.

A Genere proxime accedimus ad subiectum δεκτικόν, seu, receptivum Fermentationis, quod vulgò aliàs vocari solet subiectum determinationis, seu, materia in qua. Ex superiori capite jam constat, illud esse humidum: Nec ullum corpus seu Naturale, seu Artificiale, fermentari posse, nisi humidum fuerit. Atque si hoc aliunde non constaret, vel pistorum quotidiana experientia edocti, illius rei fidem facere possent: siquidem tempore plenilunii minus fermenti massę farinacę admiscunt, quàm lunā silente: quod tempore plenilunii, quo cuncta copiosiori

D 7

humo-

humore turgent, maza & citius & levius intumescat. In alia omnia ab his recedit Cl. Billichius, cujus sententiam prius debemus proponere, quàm eam examinemus. Cum omnibus, à quibus suadente veritate dissentire cogor, ago ingenuè: atque ne quid videar affingere, uti multis mos est, antea illorum sententiam optima fide propono, quàm in eandem inquiram. Ita ergo Billichius, qui Platonem, ut antea quoque observabamus, sequitur, ex mente quasi Platonis Philosophatur. Th. 14. *Habet (inquit) terra rationem termini à quo : aër termino ad quem continetur. Propterea enim movetur terra, ut aërescat. Atque inde est, quod doctissimo Mercuriali nihil aliud visa sit fermentatio, quam partis terrenæ motio conversioque in aërem.* Th. 16. *Omnino enim credo, humore ad fermentum esse opus, tum ut partium idonea fiat cohesio ac dispositio, tum ut medium detur, per quod terræ transitus sit ad superiora. Neque enim ab uno extremo ad al-*
terum

terum ascenditur nisi per medium interiacens, nec à terra ad aërem evehitur quidquam, nisi vel commeatum aqua dederit, vel præbuerit vehiculum. Thes. 19. pergit, & occurrit illis, quæ in contrarium possent objici: Cæterum (inquit) & vinum & urinam & sanguinem in multa aqua plurimam terram possidere, fateatur oportet, quisquis uniuscujusque anatomen saltem per transfennam inspexerit, &c. ad quæ, ut distincte sibi respondere videtur, sic Thes. 22. tandem concludit, ita loquens: Hæc eo adduco, ut certum constitutumque sit, nullum omnino humorem, quantumvis limpidissimum, nullum quantumvis purissimum liquorem fermentescere, nisi merito uniusterræ, sive, indigena ea sit & vernacula, qualis vino, aceto, urinæ, sanguini inest: seu advena atque adscititia, qualis in lixivio unoquoque, qualis in acetis salium stillatitiis exuberat. *Hactenus* Billichius: in cujus discursu *est* *ἐπιλογὴ*, hic proposito, multa occurr-

ta occurrunt, quæ accuratum examen merentur. Ante omnia vero constare debet, sitne Fermentatio, aut perfectior quædam mistio, aut saltem misionis gratia instituat. Displicet hoc pluribus, qui existimant per Fermentationem sæpe dissolvi illud, quod mixtum est. Willis non quidem existimat dissolutionem mixti procurari; sed Fermentationem quandam institui *propter mutationem in aliud*: quod tamen distinctius declarasse debuisset. Ut, quod sentio, proponam: Ante omnia distinguere convenit inter Perfectè & Imperfectè mixta. Illa voco, quorum mixtionem forma substantialis sic determinat, ut difficillime possint resolvi. Mixta imperfecta sunt, quæ destituuntur informatione formæ substantialis, & facile resolvuntur: qualia sunt, quæ accidunt elementis, cum contrariis qualitatibus sese mutuo afficiunt: quo in genere etiam sunt mixtiones elementorum in rebus putrescentibus, item omnia illa, quæ
iterum

iterum dissolvi possunt citra magnam difficultatem in sua principia. Sic in omnibus quoque Meteoris est imperfecta mixtio. Item in vino, & lacte. Perfecta autem mixtio est omnium corporum animatorum, ut plantarum & animalium omnis generis. De Fossilibus video dubitari. Perfectè mixtis accenset Zabarella de Natur. Philos. Constitut cap. 30. Imperfectè vero mixtis alii. Ego distinxerim, atque alia quidem retulerim ad perfectè mixta, ut Metalla, gemmas, & lapides viliores multos: alia vero ad imperfectè mixta, ut lapides metallicos, & similia. Ad imperfectè mixta referri quoque debent omnia illa, quæ artis subsidio mixta sunt: neque enim ars, naturæ aliàs æmula, ad naturæ perfectionem accedere potest. Artificialis autem mixtio, vel fit per *appositionem*, vel per *confusionem*. Atque illo quidem modo absolvi-tur, quando res, diversæ cæteroquin naturæ, ita in unum cumulum coacer-vantur,

vantur, ut singulæ quoad essentiam integre maneant, ut, quum grana hordei, milii, avenæ, &c. in unum acervum coguntur. *Confusione* eadem artificiali mixtio peragitur, quando distincta corpora ita copulantur, ut & in minutissimas partes sensui non obvias secentur, & per mutuam reactionem non nihil alterentur, usque adeo sæpe, ut quamvis separari & discerni nequeant, novam tamen speciem non constituent. Talem mixtionem exhibet crama, ex vino & aqua compositum corpus: quod non est unum forma substantiali, sed duntaxat continuatione suarum partium. Etsi enim neque vinum, neque aqua terminis suis separata est, utrumque tamen haut secus sub forma sua naturali continetur, atque in massa miscellanea aurum & argentum continentur, & per aquam, vulgò fortem dictam, separari possunt. Tale quoque est Melicratum, itemque hydromel, aliaque infinita per artem composita. Imò hujus

notæ

notæ censerī debent omnes præparaciones pharmaceuticę, atque illa omnia, quæ à D. Willis ex artificialibus cap. 7. enumerantur. Quibus præmissis, porro observandum est, fermentationem non notari nisi in corpore mixto, siue illud perfectè, siue imperfectè mixtum fuerit: nec ullus hætenus, quod sciam, illam attendere instituit in corpore ut simplici. Supra Beguinus quidem aquæ meminit, quasi fermentationem admitteret: sed nisi intelligas aquam imperfectè mixti corporis rationem habentem ob extranea multa admixta, nequaquam hoc subsistere poterit. Quo jacto fundamento, incipio à corporibus imperfectè mixtis, in quibus fermentatio plurimum attenditur. Nec tamen omnia, quæ imperfectè mixta sunt, exhibent circa se fermentationem. Certè, neutiquam illa in Meteoris observata est. Imperfectè mixta, fermentationem admittentia, ut postea patebit, multas terræ partes admixtas habere

bere debent; quod hætenus utraque manu Billichio largimur. Ceterum Fermentatio circa illas vel habet sese perfectè, vel imperfectè. Illa corpori mixto ulteriorem perfectionem procurat; quemadmodum hoc patet in panificio, in cervisia, itemque Theriaca, ut fermentata antea ex Libavio considerata. Hæc verò corpus hujus ordinis imperfectius reddit, & ad interitum disponit. Imperfecta vero censeri debet bifariam: Aut quando non debito modo instituitur, aut quando alieno tempore contingit. Utrumque observari potest in pane & vino. Utrumque enim corrumpitur, non tantum quando fermentatio, sive in defectu, sive in excessu observatur, verum etiam si quando alieno tempore contingit. Pistores panem sinunt fermentari, antequam furno imponant; qui si furno impositus iterum ebullire cœperit, (contingit hoc sæpe, si massa æquo humidior fuerit) & fermentando se dilatare, panis valde incom-

commodus, & mensæ usibus plane
nutilis evadit. Quòd vino quoque ob-
tingere nimis quàm notum est: immo-
derata si fuerit fermentatio, in vappam
degenerat: Atque, si jam defæcato ite-
ratò fermentatio obtigerit, sua gene-
rositate mulctatur. Perfectè mixta con-
siderari possunt, vel, ut à natura ulti-
mam manum acceperunt; vel, ut præ-
parantur. Hoc modò spectatis ferment-
tatio aliquando accidit, subserviens
perfectiori mixtioni: quum in statu
absolutionis consideratis, & quatenus
à natura ultimam manum acceperunt,
nunquam fermentatio proprie dicta
accidat, sed putrefactio, sub cujus pri-
mordia quanquam ebullitio aliqualis se-
pe notatur, neutiquam tamen ea suffi-
cit pro fermentatione propriè sic dicta:
prout infra fusius expendemus, quando
examinandum fuerit, an fermentatio-
ni semper putredo aliqua adsit. Hisce
premissis, inquiramus in subiectum pro-
prium fermentationis. Quod inconve-
nienter

nienter terra statuitur. Verum quidem est, quod in iis, quæ fermentantur terra quoque notari debeat; sed inde non potest colligi ἰδιον δειπτικόν, seu, subiectum proprium fermentationis terram esse. Fermentatio mixtis duntaxat accidit, & potissimum quidem imperfectè mixtis, prout jam antea notavimus. At mixtionis materia humidum & siccum est, ut fatentur omnes illi, qui unquam naturam ejusdem aliquanto plenius excusserunt. Nam mixtum ab humido continuitatem habet, à sicco vero consistentiam. Interim humidorum, & liquidorum propria est mixtio, cum sicca & terrea duntaxat concurrant ad illa terminanda & circumscribenda: fermentatio vero mixtioni pro ulteriori perfectione obveniens procurat ebullitionem, quæ non potest convenire terræ, sed duntaxat humido corporibus mixtis inexistenti. Nescio vero, cur Billichius probet hanc Mercurialis descriptionem, quòd *fermentatio nihil aliud sit quam*

quam partis terrena motio conversioque in
aërem. Talis terræ transmutatio tardè
admodum peragi debuerit. Nam ad-
missa quoque Elementorum transmuta-
tione, cæteroquin admodum contro-
versa, non poterit terra immediate aë-
rescere; sed necessum fuerit prius in
aquam convertatur, & dein aqua illa
in Aërem. Non intelligo quoque (ut
viris alias summis placuisse video) quo-
modo ex terra immediate spiritus cali-
dus, levis, & siccus generari possit,
illius duntaxat gravitate & frigiditate
mutata in raritatem & caliditatem. Du-
bito valdè, an hæc per liquidam expe-
rientiam unquam probata fuerint. Sed
dato, hoc unquam probatum fuisse,
non poterit tamen locum habere in fer-
mentatione; quæ tendit principaliter ad
ulteriorem perfectionem corporis mix-
ti, cui opus est coagulo humidi: at-
que, si terreæ partes aërescerent, mul-
to magis aqua aëresceret, cum facilius
quam terra in aëra transmutari possit,
sed, ubi

sed, ubi tum remaneret corpus mixtum? Concedamus quoque humidum non aërescere, sed solam terram, non remanebit perfecta mixtio, ob illa, quæ antea sunt dicta, nam ad eam terram requiritur. Fateor quidem aquea cum aëreis misceri posse: cæterum, nisi adsint partes terreæ, haud quaquam emerget perfecta mixtio. Sit ergo probatum, τὸ δὲ δὲ κλίμα fermentationis esse mixti partes humidas. Quòd ad particulas exiles, quas Dn. Willis, forte Democriti exemplo, principia corporis vocat; non sunt quoque proprium subjectum Fermentationis. Nam cum Fermentatio corpori mixto accidat, speciatim majori illius perfectioni procurandæ serviat, hæ particule, quarum motus inter fermentandum negari non potest, dupliciter debent considerari, vel à parte corporis mixti, ut jam constituti in suo esse, cui ratione humidi, quod habet, fermentatio accidit; vel ratione ejusdem, ut per fermentationem ulterius per-

rius perficiendi. Priori modo, atque in ordine ad corpus mixtum, si particulæ hæc considerentur, omnino insensibiliter in mixtione se offerunt. Utenim mixtio convenienter possit peragi, mistibilia in partes minutissimas debent dividi, (hoc populariter tamen intelligi volo, quum secundum multos Philosophos minimum naturale non detur) ut quodvis à quavis minima parte attingi possit, atque ex omnibus unum fiat, sic, ut quodlibet unius attingat quodlibet alterius: siquidem quælibet pars mixti mixta esse debet, & unionem substantialem continere. Observare hoc est in arte Pharmaceutica, quæ præcipit, ut species componendæ, & medicamentum compositum ingressuræ, incidantur, contundantur, & in pulverem redigantur, quò felicius possint subigi, & arctius inter se commisceri. Quamquam mixtionem, quæ à natura fit, quum accenseri debeat ejusdem arcanis, ars hæc quaquam assequi potest: spe-

Ciatim assequi illam non possunt Pharmacopæi, ut ut industrii quoque, licet in rebus miscendis quàm laboriosi & morosè accurati sint. Particulæ hæ minimæ iterum se exhibere solent in Fermentatione, quam rebus imperfectè mixtis potissimum accidere, jam antea ostendimus. Atque ut servit ulteriori quoque illarum perfectioni; particulæ hæ, aut quod sufficienter non fuerint comminutæ, aut minus convenienter distributæ, fermentando iterum dissolvuntur & varie non modo agitantur (in vino & cerevisia, quando fermentantur, videre licet fermè ad oculum) verum per hanc agitationem etiam, tum magis comminuuntur, tum rectius quoque disponuntur, ad hoc, ut mixtio perfectior reddatur. Sed, cum contingat fermentationem sæpe impediri (jam antea quadantenus hoc innuimus, & infra prolixius atque distinctius idem declarandum fuerit) particulæ quoque hæ inæqualiter distribuuntur, & tantum

tum abest, ut corpus per fermentationem perficiendum, perfectius reddatur, impurum manet, atque ad suum interitum propius vergit. Cæterum, utro modo hæ particulæ considerentur, non sunt *πρωτον δεκτικόν* fermentationis. Ratione enim habita ipsius mixti, hæc distributio miscibilium in particulas minimas, est duntaxat requisitum à parte materiæ. Hoc mixto quoque ut imperfectiori considerato, & ut per fermentationem ulterius perficiendo, particulæ hæ & agitantur, & franguntur, & distribuuntur, ad agitationem ipsius humidi, fermentationem subjectivè recipientis: nam si ipsæ particulæ, quæ non sunt humidæ, sed siccæ aut terreæ, subjectum fermentationis essent, absque humido quoque fermentarentur. Sed hoc nunquam fuit observatum, ut ipse Billichius fateri compellitur.

CAP. XI.

Causa efficiens fermentationis non est aut Terra, aut aqua, aut ignis, sed Spiritus proprius, qui tamen concitatur diversimodè, tum à calore interno, tum etiam externo.

Post consideratum τὸ πρῶτον δευτέρου fermentationis, proximè nos convertere debemus ad ejusdem causas. Atque, ne repetamus illa, quæ in antecessum cap. 8. jam confecimus ex ipsis Chymicis, & iterum dicamus de causa extrinseca, fermentationem concitante & in corpore mixto quasi provocante & eliciente, (*calorem esse in confesso est*) distinctius aliquanto attendemus ipsam causam intrinsecam. Quæ primo non possunt esse terreæ particulæ inexistentes rei, quæ fermentatur, aut terreum concrementum: nam terra in mixtione, ut antea quoque diximus, stabiliendæ mixtioni potius servit, quam ut motum procurret: minime

nimè autem sufficit excitando motui
 ebullitionis, qui vehemens est, non sim-
 plex, sed mixtus motus haberi debet.
Secundo nec aqua, aut, quæ aquea sunt
 hunc motum excitare possunt. Aqua bi-
 fariam considerari potest: aut, ut sui juris
 est, aut ut alienis terminis continetur.
 Illo modo spectata, nullis terminis cir-
 cumscripta vage fertur: sed fermenta-
 tio est motus definitus & determinatus
 in certo subiecto recipiente. Quan-
 quam autem aqua facillime recipit ter-
 minos alienos; ut tamen alienis est cir-
 cumscripta, solet per gravitatem suam
 ad ima deferri: at, quæ fermentantur,
 (ut visu in multis quæ fermentantur ob-
 servari potest) diversimodè agitantur,
 sursum ac deorsum, simul vergendo
 modo in hoc modo in illud latus. *Ter-
 tio* eodem officio defungi non potest
 ignis, pro quo Billichius, ex Platonis
 quasi mente, adeo acriter digladiatur.
 Fateor plausibiliter pro eo viro segre-
 gios digladiari. Nam 1. igni, valde ap-

positus est motui, qui rei mixtæ, dum fermentatur, contingit. 2. Sua tenuitate facillimè permeat, quod in fermentatione cum primis est necessarium. 3. Omne fermentum arte paratum, quod adhibetur aut ad procurandam, aut saltem ad facilitandam fermentationem, fervidioris atque igneæ est naturæ. 4. Quæcunque fermentantur, postquam fermentata fuerint, atque impuritatem suam deposuerint, calidiora comparent, sensibus ipsis hoc probantibus. Sed hæc non possunt me movere, aut ullum quoque veritatis serium ruspatores. Nimia enim vehementia, ignis partes sibi in agendo commissas exequitur, atque omnia sibi adæquare & in suam naturam convertere nititur: unde nec patitur commixtionem, nec etiam fermentationem efficit, à qua Mixtioni major atque ulterior perfectio procuretur. Præterea ignis immensa siccitas respuit extensionem, quæ necessaria cæteroquin est in fermenta-

fermentatione. Denique omnis actio in quo ignea vis prædominatur, Empyreumatis sensum præfert, à quo tamen pleraque, quæ fermentationem admisserunt, illa finita, non modo immunia sunt, verum etiam per fermentationem deponunt: prout hoc manifestum liquet ex stillatitiis liquoribus arte Chymica præparari solitis. Sed, cum neque terra, neque aqua, neque etiam ignis, aut, igniculus (prout aliis loqui placet) proxima fermentationis causa agnosci debeat, quærat aliquis, & quidem merito, quidnam ergo ad modum agentis proprii, & causæ proximæ hic agnosci debeat? Certè hic nihil aliud occurrit, quàm *spiritus*, corpori, quod fermentatur, *proprius*: qui, dum fermentatio peragitur, turget & quasi lascivit: cujus evidentissimum indicium exhibent bullæ, conspicuæ ab ejus effluxu, etiam tum, quando extraneus aër non accessit, à quo alias bullas provenire, supra observavimus: hæ ve-

ro bullæ haut secus comparent, atque in exagitatis humoribus spuma est conspicua, proveniens ab immisso aëre. Spiritum vero hunc esse proprium spiritum manifestum est ex eo, quod corpus mixtum, fermentationem recipiens in majorem molem extendatur. Quod certè fieri non potest, nisi, aut extrinsecum quid accesserit, aut propria substantia rarefacta fuerit. Negari quidem non potest, externum spiritum, sive aërem, quem animalia hauriunt, succedere in locum proprii spiritus, qui effluit: non tamen existimandum est, ipsum illum externum aëra procurasse in corpore, quod fermentatur, illam rarefactionem & extensionem; quam procurari ab interioris spiritus rarefactione, inde manifestum est, quod fermentationem (ut jam antea diximus & subsequenti capite distinctius probabimus) ut plurimum perfectior mixtio sequatur, quam quidam coctionem vocare solent. Quod sane fieri non posset, si

set, si spiritus copiosior externus, sive aër, in locum spiritus proprii succederet: nam is non modo infirmaretur, verum etiam necessario putredo procurari deberet: ut ignorare illi non possunt, qui modo sciunt, qua ratione ordinario atque naturaliter corpora naturalia putredinem admittere soleant. Quid quod experientia constet, peracta fermentatione in corpore mixto, spiritum, qui prius intumescibat, sua sponte deprimi. Quod non contingeret, si spiritus hic ab extrinseco accessisset: Sed hic ingens dubium oritur, unde scilicet contingat, hunc spiritum; à quo humidi ebullitio procurari debet, usque adeo concitari? Atque hic causa aliqua externa, quæ pariter excitans sit, admitti debet. Eam, teste ipso Libavio, calorem esse, jam antea ex illo observavimus. Sed, non est putandum à calore extraneo ita concitari spiritum profuturum rei fermentandæ, ut plane otiosus maneat calor illi proprius & inter-

nus. Ego quidem existimem concitari spiritum proprium, quem fermentativum vocare licet, partim ab excitato calore interno, partim ab immisso calore externo. Excitatur internus calor, iterum bifariam: *primo*, dum spiritus lascivius atque propagandæ formæ cupidus, & simul sequacem materiam nactus, calori ipsi vim suam intime communicat, calore hoc interno totum quasi spiritum occupante, quod dum contingit, fermentatio simpliciter & placide peragitur. *Secundo* contingit calorem internum gravatum esse aliquo impuro, quod mixtionis perfectioni præjudiciosum sit: quo in calu irritatus, spiritum excitat ad commovendum humidum, pro ulteriori & perfectiori mixtione, ut observare licet in fructuum maturatione & succorum variorum defæcatione. Calor externus cum proximis quoque necessarius, tanquam causa extrinsecus excitans, iterum bifariam considerari debet. *Primo* im-

mitti-

mittitur ab agente externo, sufficiente per se ad concitandum internum
 rum calorem tum spiritum, atque pro
 ulteriori mixtione procuranda per fer-
 mentationem, conspirat cum caussis
 internis. *Secundo* obvenit spiritui inter-
 no, exolutojam & magnam partem in-
 firmato. Quo casu non tam fermentatio
 procuratur, ad hoc, ut mixtio perfe-
 ctior fiat, quàm potius corruptio & pu-
 tredosubjecti, in quo recipitur, prout hoc
 postea distinctius explicabitur. Quærat
 aliquis, quomodo concitetur ab extrin-
 seco spiritus proprius, siquidem cum
 eo sæpe contingit ascititium spiritum
 commoveri? Verum ignorandam non
 est, corpora naturalia præterquam pro-
 prio, influente pariter spiritu gaudere,
 & sæpe eos uniri in ipsa quoque Fer-
 mentatione proximo & prout ex De-
 cimo sexto Capite amplius liquere po-
 terit.

CAP. XII.

Proponuntur fines fermentationis: qui distincte attendi debent ratione fermentationis proprie dictæ, & illius quæ secundo duntaxat talis est, juxta ipsos Chymicos.

Proxime inquirere oportet in finem fermentationis, quem dum plurimi (decepti à Paracelsi sectatoribus & admiratoribus sane nimium superstitiosis) non intellexerunt; tam late pomceria illius extenderunt, ut putarent nullam naturæ operationem peragi posse, cui fermentatio non subserviret, quasi natura particularis non sufficeret operationi suæ, nisi per fermentationem: quæ quàm à *μεγιστήριος* advocetur ad multas naturæ operationes, ex subsequentiis liquere poterit. Finitis ergo Fermentationis uniformiter se non habet, & consequenter quoque ipsa non est uniformis, sed gradus admittit, per differentias inæquales definit

finiendos. Quos ut indicare possimus, recolenda fuerint illa, quæ superiori capite diximus. Patuit ibi, fermentationem procurari à proprio spiritu corporis, quod fermentatur; ita tamen ut extrinsecus concitetur. Dupliciter autem proprius hic spiritus affectus est: vel enim laborat tueri & conservare temperiem illius corporis, cujus moderamini præest; atque tum perfectiorem ejusdem mixtionem, &, loqui ita fas sit, propagationem promovet: vel, ab extrinseco indispositione aliqua orbata corpori, in quo proprius spiritus notari potest, hic ipse discedere studet, atque dissolutionem molitur. Priori casu duo contingere solent, rarefactio tendens ad perfectiorem mixtionem; & defæcatio corporis, quod fermentatur, quam comitari solet perfectior mixtio. Prioris exemplum habemus in panificio: spiritus enim profusus fermento (postea distinctius hoc explicabimus) per totam massam fa-

rinaceam se diffundit; eamque rariorem & spongiosiore reddit, perfectiorem simul mixtionem procurando. Posterioris exempla exhibent non modo multa liquida, sed & viventia in quibus ubi proprius spiritus ab impuro aliquo, quod coctionis & mixtionis perfectionem impedit, gravatus fuerit, concitatus tamen antea, exurgit ad excretionem earum partium, quæ perfectiorem mixtionem impediunt: Unde post longam sæpe ebullitionem succorum, occurrentium scil. in mixtis & fermentationem recipientium, partium separatio contingit, adeo ut fæculenta & terrea magis subsidant, & leviora supernatent: haud aliter atque continua maris agitatione, contingit illa, quæ impura sunt excludi, atque ad litus propelli. Exclusis partibus supervacaneis, liquida exhibent mixtionem perfectiorem & partium æqualem unionem; cujus fidem facit defæcata limpiditas: prout in vino & cer-

visia.

visia fermentata observari potest. In viventibus autem, quibus contigit per fermentationem ita defæcari, notari amplius potest perfectius omnium operationum exercitium. Quod in vegetabilibus potissimum observari potest. &, quatenus in animalibus locum habeat, infra distincte expendemus. Atque hæc est fermentatio, primo & principaliter sic dicta. Alias Spiritus proprius, quasi prioris formæ tædio afficitur, quod in duobus casibus, (ita loqui fas sit) attendere licet. Nam *primo* sæpe accidit, ut spiritus proprius, quo quasi vinculo mixta colligantur, mixtionem amplius tueri non possit; atque tum, nimium quam mobilis & parum quin evanidus, elementis in iplo corpore mixto solutis, abit in auras, nec ullam amplius vim retinet illius corpus, è quo effluxit. Deinde sæpe observatur Spiritus hic ab ipsis elementis contaminari: si enim elementa, quæ sunt corporis mixti principia, propter excessum qualitatis in

uno ex

uno ex iis occurrentis, difficulter se componere possint ad recipiendam definitam mixti formam, spiritus hic nimis quam tumultuarie & inordinate commovetur, atque inexisteris Elementis, pariter incompositis ad subeundam mixtionem, non procurat societatem, aut mixtionem perfectiorem; sed dissidium, atque resolutionem illorum, quæ quadantenus jam mixta notabantur. Circa hæc notari quoque solet Fermentatio, verum illam diversi prorsus ordinis à præcedenti esse, patet: atque in talibus non tam Fermentatio, quæ Perfectiva esse solet, quàm potius Putrefactio quædam, ad destructionem vergens, notari debet. Alias, ut ex superioribus patet, aliquando contingit Fermentationem, non à solo quidem spiritu proprio, sed à proprio & externo simul procurari. Haud raro enim observare est in humido, & proprio, & illapsum, seu ascititium spiritum simul concitari, & quidem
ulque.

usque adeo valide, ut non desistant antea à motu, quàm infirmior validior cessarit. Quod si autem spiritus proprius victoriam obtinuerit, aut saltem cum ascititio, siue externo spiritu in concordiam redigi potuerit, ut simul ad formam intermediam tenderent, vera erit Fermentatio: cum eo fine Spiritus proprius fuerit commotus, ut vim suam nova quasi generatione propagaret, perfectioremque mixtionem procuraret. Quod vero ipsum mixtum, ante hanc luctam spiritus proprii cum spiritu ascititio non fuerit adhuc omni ex parte æquale, ut mixtio posset esse perfectior, per hanc concitationem, partes inutiles & supervacaneas veluti fæces & scorias excludi exterminarique contingit. At si Spiritus proprius à spiritu externo superatus fuerit, mixtum, quod nondum ad statum perfectionis pervenerat, diffluet, & in sua principia resolvetur, atque, non quidem Fermentatio, sed Putrefactio obveniet, licet
eam.

114 Mart. Schoockius ,
eam per errorem summum , quidam
cum ipsa Fermentatione confuderint.

C A P. XIII.

Proponitur Fermentationis qua propria, qua impropria definitio, ex præcedentibus collecta: propriam cum putredine confundendam non esse, ostenditur. In artificiali Fermentatione, quomodo putrefactio aliqua notari possit?

EX præcedentibus, per varia capita deductis, tandem colligenda est. Fermentationis definitio, quæ ut apposita sit, & instituto nostro serviat, ante omnia distinguet; oportet in propriam & impropriam. Quam distinctionem quum multi neglexerint multa de Fermentatione verius collegerunt, quàm distincte docuerunt. Differentia autem desumpta est à forma & fine. Fermentatio ergo proprie dicta est, Ebullitio humidi naturaliter mixto procurata à turgescente spiritu, commoto partim à calore interno, partim ab externo, per rarefactionem
atque

atque defacationem ad perfectiorem mixtionem tendens. Improperie dicta Fermentatio, seu, Fermentatio latius accepta, est Ebullitio humidi in corpore seu naturaliter, seu artificialiter, mixto, diversimodè procurata, atque tendens ad singularem illius corporis mutationem. quæ omnia ut ex præcedentibus, ubi illa per partes consideravimus, liquent; ita jam clarè patet, in fermentatione proprie sic dicta, prout multis visum fuit, neutiquam occurrere putredinem, nec illam, nisi per errorem summum confundi posse cum putrefactione. Quod patebit, si modo putrefactionis natura diligenter explorata, atque cum Fermentatione comparata fuerit. Definitionem convenientem Aristoteles proponit lib. 4. Meteor. cap. 1. quam probare quoque debuerunt illi, qui ei ipsi alias minus bene voluerunt. Est vero secundum illum:

σῆψις φθορὰ τῆς ἐν ἐκάστῳ ὑγρῷ οὐκείας καὶ κατὰ φύσιν θερμότητος, ὑπ' ἀλλοτρίας θερμότητος, αὕτη δ' ἐστὶ ἢ τῆς πειρίχου. Putredo est

do est interitus proprii & naturalis in quovis humido caloris, ab adventitio calore profectus, scil. ambientis. Verum quidem est, qua putredinem, qua Fermentationem pro subjecto habere humidum: quod ut probatum sufficienter est de Fermentatione in superioribus; ita manifesto hoc innuitur ab ipso Aristotele de Putredine, quando dicit illam esse *ἐν ἐξ ἑσὺ ὑγρῷ*: non tamen hinc colligere licet formaliter convenire. Nam. 1. Fermentatio proprie dictatendit ad ulteriorem perfectionem corporis mixti: quum corpori mixto putredine interitus procuretur. 2. Per Fermentationem calor, & spiritus, cui calor inhæret, perfectius distribuuntur, sed, per putredinem calor proprius è corpore mixto foras educitur, ut eodem ducto, non possint non omnia, quæ in mixto remanent, post illius educationem diffluere, cum sit vinculum, quo principia miscibilia cohærent. Indubitato per omnia argumento, nulla ratione confundi posse Fer-

se Fermentationem proprie sic dictam,
& Putredinem. Sed, cum hic nobis sit
ἐμὸς ἡφῶ Billichius, non pigebit eum
ad suffragium vocasse. Quatuor vero
capita, observat (interim loquendo ex
suis principiis) juxta quæ Fermentatio
& Putrefactio dissideant, de quibus dis-
putando contra Platonem ut incipit
agere Th. 30. ita summam propriis Au-
ctoris verbis proponam. Principio (*in-*
quit) calorem ambientis considera. Is
quidem proxima putredinis & adæqua-
ta causa est, proindeque in demonstra-
tione locum medii termini occupare
Zabarellæ dicitur libr. 4. de method.
cap. 17. At cum Fermentatione non ni-
si fortuito & per accidens cohæret &c.
Secundo proprium putredinis subjectum
excute. Hoc vero humidum esse, nec
putrescibile quicquam nisi quod humi-
dum sit, Zabarellam audies docentem
lib. 2. de mixt. gen. & inter. cap. 5. At
fermentationem humor, qua humor
est, nullus concipit, sed qua partibus
terre

terrenis abundat. &c. *Tertio* ab ipsa forma putredinis hoc modo contra Platonem argumentor. Mistio humidi & siccæ excludit putrefactionem: fermentationis est mistio humidi & siccæ: Fermentatione ergo excludit putrefactionem. *Propositio* major nititur ipsa putredinis essentia, quæ in separatione humidi à sicco consistit, cui è diametro contraria est humidi cum sicco mistio &c. *Quarto* denique consideretur finis: estque in putredine, nullus Aristotele magistro alius, quam finis & terra, id est, sordes, inquinamenta, situs, pulvis, caries, marcor, tabes, rancor, foetor, putor, uno verbo corruptela. In fermentatione vero vel forma recens vel nobilior qualitas. &c. *Hæc Billichius*: quæ hætenus admittimus, atque instituto nostro apprimè serviunt. Novi equidem viros egregios, quos alias estimamus & in summo pretio habemus, hæc Billichiana usque adeo non probare, quod putent Fermentationem dari,

dari, in qua Putredo notetur. At si distinxissent nobiscum inter Fermentationem proprie sit dictam, atque in propriam, omnia salva forent. Ut in Fermentatione proprie ita dicta, juxta nostra principia nulla occurrit putrefactio: ita in Fermentatione secundariam Putredo notari potest. Nam 1. ut latissime illa patet, adeo ut exhibeat quamcumque mutationem corporis mixti, siue perfectiorem, siue, imperfectiorem; ita mutationi imperfectiori & ad deteriora vergenti sæpe adest putredo: prout observare est in illis, quæ Chymici dicunt se præcipitare. Quando autem ex lege artis quædam corpora mixta fermentantur, prærequiritur non quidem totalis, sed partialis putredo, ut melius fermentari, atque per fermentationem ulterius perfici queant. Talem putredinem nonnulli in ipso Fermento, cujus in panificio usus est, notare voluerunt, quod ex parte quoque admitti potest, si intelligatur de Fermento,

mento, quod fit ex farina subacta & a
pultis modum decocta, atque tantum
per relicta donec acescat. nam acor illi
abunde arguit, farinam aqua subactam
illud admisisse, quod cum ea, juxta for-
malitatem farinae considerata, haud
quaquam subsistere potest. Chymici
porro, qui securi sunt terminorum
modo illi, ut sui, & suis usibus serviente
agnosci possint, fermentationem cum
ipsa putredine confundunt, eamque ac-
tu in putrefactione agnosci volunt. Pa-
tet, vel ex solo Willis, in cujus Tractatu
de Fermentatione, c. 8. hunc titulum
præfert: *De corporis motu, qui in corpo-
rum interitu, nec non putrefactione & cor-
ruptione observatur.* Caput nonum autem
hanc inscriptionem habet: *De Fermen-
tationis motu, quatenus in corporum dissolu-
tione observatur.* At, non possunt hæc
subsistere, si voluerimus exacte philo-
sophari: ferri tamen possunt in Chymi-
co, laborante se componere ad suum Pa-
racelsum, & cum illo loqui. Nam apud
admira-

admirabilem hunc Philosophum latissime & καταχρηστικῶς, ut sequenti capite cognoscere poterimus, Fermentationis nomen pater.

CAP. XIV.

Paracelsus Fermentationem, quam Ebullitionem vocare solet, a quo latius extendit: illiusque exemplo hoc faciunt non modo Sectatores, sed & alii, qui tamen videri volunt nihil cum Paracelso commercii habere. Iudicium de Definitione Corn. ab Hogelande.

PER convenientem definitionem Fermentatione explicata, eaque distincta à fermentatione improprie & secundario sic dicta, ulterius progredi convenit; atque despicere, quomodo se diversimode tum in rebus naturalibus, tum etiam artificialibus prodat. Atque non possumus non in antecessum Paracelsum notare: qui cum non modo Medicinam, sed & naturalem Philosophiam pervertere instituerit, usque
F adeo,

adeo , ut secundum illum , omnia quoque elementa edant & vivant , ebullitionem (sic enim illud vocat , quod Sectatores ipsius voce Fermentationis innuere voluerunt) omnium ferme operationum naturalium principium statuit. Notavit hoc jam olim Th. Erastus Medicus & Philosophus suo seculo singularis, part. alt. Disputationum adversus Paracelsum , ubi pag. 255. *sequentia offendit*: Et, cum Paracello (*inquit*) vivant & edant omnia etiam Elementa (tametsi alibi corpora visibilia , mortua & ociosa ponat cum suo grege , ut perpetuo à se ipso dissideat.) omnia una cum Elementis composita fuerint ex quatuor elementis. Circa fin. lib. ad Athen. ipsum crescere tribuit fumo ex ebullitione terræ elevato. Fumus , inquit , semper ascendit ac tumefacit , seu distendit. Quamdiu res ebullit , tamdiu etiam crescit , cum desiit ebullire , cessat etiam fumare : quo tempore finitur coagulatio & incrementum. Hic cessationis incrementi caus-

ti causam facit ebullitionis cessationem,
 cum paulo ante hoc terram rebus præ-
 stare statuisset. *Hac eo loco Erasius.* Alii,
 iique viri cæteroquin non indocti, at-
 que naturæ consultissimi, cum ζέσσι, seu
 effervescentia, eam confundunt. Exem-
 pla infra occurrent, atque, vel solus
 D. Willis exemplorum affatim suppe-
 ditat. Certe majorum gentium quoque
 Medici, hoc seculo promiscue febrim in-
 stituunt definire per ζύμωσιν & per ζέσιν.
 quæ tamen distingui debere, ex præ-
 cedentibus patet. quod mirandum ve-
 ro cum maxime, in hanc sententiam, aut
 potius ἀκυελογίαν, seu, impropriam
 loquendi rationem passi quoque sunt
 se pertrahi quidam viri egregii, qui alias
 tamen videri volunt nihil commercii
 cum Chymicis colere. D. Corn. Hoge-
 lande in sua ingeniosa Oeconomia Ani-
 malis, Fermentationem definire & de-
 clarare quoque instituit, multaque ha-
 bet in speciem plausibilia: quæ viden-
 tur cum nostris esse componenda. Lu-

bet more solito antea illius verba exhibere, quæ occurrunt pag. 79. & seq. ubi ita loquitur: Fermentatio autem generaliter nobis definienda videtur, *Languidior ac moderatior* (velocior enim, ac vehementior effervescentia dici solet) *in materia humida vel liquida* (sed tanquam compositum considerata) *vel variarum materialium commixtura*, actio, tanquam *tertium quid*, sive tertius quidam motus: *vel repidiori externi caloris adminiculo intercedente; vel solius compositionis vel commixtionis ratione, ex diversitate motus interni ac insensibilis insensibilium particularum* (à diversitate, tum quantitatis & qualitatis earundem, tum pororum ipsarum substantiarum prodeunte) *orta. qua' mediante, humidiori fermentanda vel fermentata substantia portioni, subtilioris aëris quantitas, vel materia quadam ætherea involvitur: cujus involute quantitatis parte minima corpori fermentando pro tempore unita, reliqua forma venti ab eodem separatur. Sive porro per eam, ista quæ fermentatur materia so-*
lummo-

lummodo rarefiat, id est, mole augeatur; uti in concoctione vel fermentatione panis: Sive liquores quidam aciditatem suam deponant; uti succi fructuum immaturorum, ex. g. pomorum, uvarum &c. Sive fæces quædam separentur; uti in vino vel cerevisia: Sive per eam spirituum destillatio intendatur; uti in fermentatione granorum, ex. gr. frumenti, baccarum juniperi, &c. Sive etiam calor, & quandoque flamma sequatur; uti in fœno non sufficienter siccato, &c. Sive tandem dictam fermentationem manifesta rarefactio & effervescentia, una cum sensibili calore (uti in confusione spiritus nitri in butirum antimonii) comitetur. Et deinde pag. 82. Ut autem satisfiat quærenti, unde internis istis particulis primus vel primi (ex quibus prædicto casu tertius oritur) proveniant motus? cum alibi statuamus, nullum corpus à se ipso sed ab alio moveri, id est, motum vel motus sui initium recipere vel

recepisse: Respondemus motum istum dictis particulis imprimi à materia quadam aërea sive ætherea (cuius, secundum certa ac evidentia principia philosophanti, sese offerente) quæ ab inventore suo, pro subtilitatis vel tenuitatis suæ differentia, in materiam primi & secundi elementi divisa, omnia corpora poris particulis suis (videlicet dictæ materiæ) appropriatis, vel convenientibus donata, hac ratione permeat, ut videlicet densiora, id est, minoribus poris instructa, soli subtiliori; rariora vero, id est, majoribus quasi perforata, etiam minus subtili pervia esse intelligantur. Sed si quis ulterius roget, unde & hæc materia suum acquisierit motum? Respondemus huic materiæ motum istum, quo internas & in alia corpora agentes movet, agitatque particulas, à Deo creatore suo esse impressum. *Hactenus Hogelande.* De quibus quid existimandum sit, ut pateat, sequentia observentur. 1. Probandum, quod

quod initio Auctor fateatur, à se Fermentationem latius considerari, & velut generaliter. Atque, si aliquis voluerit illam ratione omnium, quæ sub hac descriptione comprehendi possunt, considerare, non habebit sese Univoce, sed plane Analogice. 2. Probo quod Fermentationem agnoscat materiæ humidæ accidere: ut enim jam antea probavimus, ea sola est subjectum *δυσπικνὸς* Fermentationis. 3. Non tamen aëris externi ingressus, rei, quæ fermentatur, accidit, nisi per accidens. Nam tantum abest, ut aëris illapsus in rem fermentandam requiratur necessario; aëris ingressus (patet, vel in sola cervisia) sæpe obest perfectiori fermentationi: atque perfectio, quæ alias corpori mixto per Fermentationem accidere posset, præpeditur per illapsum aëris, cui, si vel tantillum vitii inhæserit, mox ipsi rei fermentandæ communicatur, prout quotidie coctores cerevisiarii experiuntur: atque nos in

Tractatu de Cervisia distincte observavimus. 4. Nescio cur materię Æthereę meminerit; nam admissa quoque illa (certe nos favemus illi, prout in Ouranologia fusius ostendimus) inexisteret Aëri, nec poterit notari illius illapsus citra aërem, prout alibi distinctius probavimus. 5. Quæ de tertio motu dicit, competente quasi corpori, quod fermentatur, per fermentationem; distinctius hæc explicari deberent. Supra in formalitatem hujus motus inquisivimus accurate, nec alium motum, ad quem Fermentatio convenienter referri possit, invenimus, præter motum ebullitionis. 6. Insensiles particulæ, ratione suæ quantitatis consideratæ, non sunt mobiles, licet ut quantæ juxta certam figuram modificatæ, majorem aut minorem dispositionem ad motum habeant. Qualitas, quæ præter quantitatem à viro egregio in his particulis insensibilibus notatur, definite indicari & exprimi debuisset, 7. Quanquam recte hætenus dicit.

dicat materiam humidam vel liquidam, ut compositum esse considerandam; distinctius tamen hoc explicare debuisset: non est tantum quasi composita, sed re ipsa quoque composita, quatenus corporis vel imperfecte vel perfecte mixti rationem habet, prout antea patuit. 8. Varios quidem modos Fermentationis exponit; sed, si eos omnes (prout multis persuasum esse videtur) putarit referendos esse ad Fermentationem, primario sic dictam, gravissime fallitur. Distinguendum omnino est inter Fermentationem primariam & secundariam. 9. Nonnulla fermentari statuit, quæ tamen neque ad primariam, neque ad secundariam fermentationem referri possunt, prout liquet ex illis, quæ deinceps suo loco docebuntur. 10. Quæ Philosophatur de materia & Aërea & etherea, insensiles particulas movente, Cartesio subducta sunt, & nunciantur mera hypothese, assumpta magis audacter, quam solide astructa. 11. Di-

130 *Mart. Schoockius*,
 stincte ostendi deberet, quænam, in
 procurando hoc motu, officia sint ma-
 teriæ aëreæ, & quænam æthereæ: par-
 ticulas enim has æthereas perpetuo in-
 existere aëri certissimum est, & alibi
 à nobis quam sufficienter probatum.
 12. Dubito, an dignum sit Philosopho,
 quando sese expedire non potest, con-
 fugere ad Deum. Juxta Idiotarum Phy-
 sicam, omnes rerum naturalium effe-
 ctus in Deum resolvuntur. Eoque, ut
 in Deo desinit, à Deo potuisset inci-
 pere, & longe breviori compendio nos
 absolvere.

C A P. X V.

*An, & quomodo Terræ, primo maxi-
 mè Vere Fermentatio contingat, inquiri-
 tur? Nix & latamina quomodo ferment-
 ent? Iupiter, sive Æther, quomodo
 descendat in gremium suæ conjugis, sive,
 Cæceris aut Vesta?*

Fermentationis duplicis natura per
 Definitionem aliqualem delineata,
 quò

quò omnia accuratius adhuc innotescant, examinanda sunt varia subjecta tum naturalia, tum artificialia; in quibus Fermentatio se aut prodit, aut prodere saltem videtur. Initium autem facimus à Tellure, in qua, primo maxime vere, fermentationem aliquam antiqui quoque notare solent. Observatu dignus est Plinii locus lib. 17. Nat. Hist. cap. 2. ubi de Nivium commodo & hiemali frigore agens, hæc, inter alia superaddit: *Vota arborum sunt communis frugumque, nives diutinas sedere. Causa, non solum quia animam terræ evanescentem, exhalatione includunt & comprimunt, neque agunt in vires frugum atque radices: verum quod & liquorem sensim præbent, purum præterea tenuissimumque, quando nix aquarum cælestium spuma est. Ergo humor ex his non universus ingurgitans diluensque, sed quomodo sititur distillans, velut ex ubere alit omnia, quæ non inundat. Tellus quoque illo modo fermentescit, ac succi plena & lactescentibus satis non effata, cum tempus*

aperit, tepidis arridet horis. Ita maxime frumenta pinguescunt, præterquam ubi calidus semper aër est, ut in Ægypto. Locus singularis, & examine dignissimus, qui ut accurate intelligatur, opera danda. Eoque observandum, Terræ fœcunditatem pendere potissimum à benivola humiditate, qua contingit eam irrigari. Non quasi humidum hoc causæ efficientis rationem habeat, sed quod sit requisitum necessarium. nisi enim Tellus irrigata fuerit; ἀργή, bruta plane, atque sterilis est. quod vel sola Ægyptus docet, in qua Nilus vicariam pluviae operam præstat. juxta illud Tibulli lib. 1. eleg. 7 Nilum alloquentis:

— Te propter nullos tellus tua postulat
imbres:

Arida nec pluvio supplicat herba Iovi.

Memoria vero lapsus fuit, vir alias memoriosissimus Seneca, quando libr. 4. Nat. Hist. cap. 2. hunc versum Ovidio tribuit, prout jam olim à Mureto observatum est. De Ægypto vero fœcunditatem

tatem suam Nil debente, verum illud Senecæ l. d. *Quantum crevit Nilus, tantum spei in annum est. Nec computatio fallit Agricolam: adeo ad mensuram fluminis respondet, quam fertilem facit Nilus. quod in Ægypto Nilus facit, ordinario per reliquam terræ faciem aqua pluvia præstat. Nam Deus obtegit calos densis nubi-
bus, & comparat terræ pluviam, Ps. 147. vers. 6. ut inebriet eam, faciendū ut pariat ipsa & producat; simul ut edat semen satori & panem comedenti, Es. 55. 10. quam si idem ille Deus cohibeat, terra sterilis est, & ad pariendum inepta, quemadmodum sub imperio Achabi observatum fuit, 1. Reg. 18. nec tamen terra, pluvia irrigata huic officio sufficit, nisi simul spiritus, qui in illo est, & causa efficiens agnosci debet, humidum convenienter agitaverit, atque non tam per terram, quam per semina terræ commissa distribuerit. Hic enim spiritus commovens humidum, illud semini-
bus terræ commissis applicat, atque*

cum iplo humido illabens in semina, ea facit turgescere, simulque concitato vitali eorundem feminum spiritu, ad germinationem disponit; quæ ut in terræ superficie se exhibere debet, ita contingit quoque per hanc humidi semini inexistentis & à spiritu agitari commotionem, ipsa semina supra terram sublevari. Quemadmodum videre est in pis, fabis, phaseolis, &c. quæ, quando germinare incipiunt, simul ex sinu terræ non modo prodeunt usque ad illius superficiem; sed, aliquo usque etiam sublevantur. Hanc humidi cum spiritu, aut verius, humidi à spiritu agitationem, vulgo vocant Fermentationem, exemplo Chymicorum latissime hoc termino utentium. quum tamen non sit Fermentatio primo & proprie sit dicta, sed duntaxat secundaria, & impropria: neque enim Terræ aliud obvenit, quam singularis quædam mutatio, juxta quam sufficit animandis quasi plantis, & seminibus illi cre-

illi creditis. Quum aliàs, si hæc esset Fermentatio proprie dicta, per eam Terræ perfectior Mixtio procurari deberet. In hac tamen Fermentatione secundaria, observare est, quod Spiritus terræ insitus, humidum ipsum agitet, æque atque spiritum, pigrum cæteroquin, excitat terræ calor, pariter excitatus à calore extrinsecus à Sole communicato. Contingit hoc potissimum primo vere, quo per benivolum Solis in terram inlapsum, plectus ex interioribus quasi visceribus proprius terræ spiritus, humidum turgescere facit, & pariter terram, seminaque ipsius gremio commissa, extollendo vegetat: quam tumescentem vegetationem patimur hæctenus, juxta distinctionem propositam, Fermentationem vocari, quòd Plinius & alii Latini Scriptores primæ notæ, eodem vocabulo simili in re usi fuerint. Cum vero Fermentationi adesse soleat intumescencia illius rei, quæ fermentatur; Virgilius lib. 2. *Æneidos* os-

136 Mart. Schoockius,
dos occupatus in descriptione Veris,
elegantè dicit:

*Vere tument terra, & genitalia semina
poscunt.*

Tumet scil. terra per agitationem spi-
ritus, humidum quod in terra est, sic
commoventis, ut etiam illa ipsa juxta
superficiem se sublevet. Pari ratione
Theophrastus lib. 3. de causis Planta-
rum, ἐρῶσαν γῆν, seu, terram tumentem
dixit. Et Plutarchus lib. de Cohib. Ira
de Taxo dicit: ὅταν ὀρῶσιν τὴν ἀνθι-
στον: Cum tumet ut erumpant flores. Imit-
tatus Lucretius lib. 4.

Qui ciet irritans loca turgida semine multo.
Turgescèntiam hanc ita Theophrastus
explicat lib. 3. de caus. Plant. cap. 3. ὀρ-
ῶσα δὲ (γῆ) ὅταν ἔγκιμῃ ἢ, καὶ θερμῇ,
καὶ τὰ ἐν αἵρεσι ἔχῃ σύμμετρα: τότε γὰρ ἐνδι-
αχτόστε, καὶ ἐμβλαστὴς, καὶ ὁλοῦς ἐντελέφης
ἐστὶ. Tumet tellus, cum humida est, cum te-
pida, cum statum aëris temperamentum ha-
bet: tum enim agilis est, fertilis, & totalata.
quoniam vero una cum benivola plu-
via,

ria, qualis primo Vere cadere solet, spiritus terræ insitus, juvatur à spiritu cœlesti influente, (quomodo hoc intelligi debeat, subsequenti capite explicabitur) Virgilius loco dicto, hos elegantissimos versus, omnes Veneres atque Gracias longissimè excedentes, subjicit:

*Tum Pater Omnipotens fœcundis imbribus
Æther*

*Conjugis in gremium lætæ descendit, &
omnes*

*Magnus alit, magno commistus corpore,
fœtus.*

quibus tamen diu antea, æque ingeniose præluserat Lucretius lib. i. quem Maro passim æmulari solet. Ita vero canit Physicus vates:

*Postremo pereunt imbres, ubi eos pater
Æther*

In gremium matris terræ præcipitavit;

At nitidæ surgunt fruges, ramique virescunt

Arboribus, crescunt ipsæ, fœtuque gravantur.

Hinc

*Hinc alitur porro nostrum genus, atque
ferarum.*

Æther enim eo loco est spiritus Æthereus, qui illabens cum blando imbri in terræ gremium, conjunctusque spiritui Terra proprio, simul accedente calore externo, concitatur, atque modo jam dicto blandum illud humidum fermentat, adeo ut vegetalium generationi commodissime servire possit. Cum vero in fimeto, seu, letamine, sit calor spirituosus; illi, scriptores rei Rusticæ, ob rationes jam dictas, Fermentationem quoque tribuere solent. Varro libr. 1. de Re Rust. c. 38. Stercus optimum scribit esse Cassius volucrum, præter palustrium, ac nantium. De hisce præstare columbinum, quod calidissimum sit, & fermentare possit terram. Colum. lib. 2. cap. 15. Maxime tamen columbinum probamus, quod modice sparsum, terram fermentare comperimus. Quid vero ibi fermentare sit, colligere est ex ejusdem lib. 4. cap. 1. Quid quod repastinata humus, dum est recens, soluta, laxata,

axataque velut fermento quodam, intumescit: quum deinde non longissimam cepit vetustatem, condensata subsidit. Eleganter elicit terram fermento intumescere. quod vero per ejusmodi fermentationem terra diducatur, & simul friabilis reddatur, Varro libr. 2. de re Rust. cap. 9. solum fermentatum dixit, quod nec durum nec corneum est, sed tumidum atque molle; prout jam olim observavit vir undiquaque doctissimus & Criticorum princeps, Adrianus Turnebus l. 10. Advers. c. 3. Nix præterea pingui spiritu fœcunda, atque exhalationibus terreis turgens, non potest non humido aqueo permixta, tum pinguedinem aliquam glebæ communicare, tum eandem cum blando tenuique humore ad interiores terræ recessus protrudere: atque hinc talem Fermentationem provenire posse, qualis hic consideranda est, abunde ex præcedentibus patet: pariter cur Plinius dicat l. d. tellurem, cui Nix incubuerat, fermentescere. ante Plinium

nium ita locutus quoque fuerat Theophrastus. etenim expresse in libro de Igni, ab eo notatur τῆς γῆς ἀναζύμωσις ὑπὸ χύνης; *Terræ Fermentatio quæ à Nive contingit.* quomodo & libro secundo de Plantis cap. 1. occasione Nivis dicit, συγκατακλείουσα καὶ ἐναπολαμβάνουσα τὸ θερμὸν, ἅμα δὲ τὴν γῆν ἀναζύμῳι. *Pariter & terram fermentat, calorem concludens & coërcens.* hoc tamen aliter intelligi non debet, quàm quòd Nix ad Fermentationem terræ, primo vere se pro-
dentem, plurimum conferat. non enim solitaria causa est; sed duntaxat adju-
vans. quomodo vero hoc faciat, modo
liquebit. Redeundo vero ad Verni tem-
poris horam, mirum, quàm fermentescens hic tumor, non modo in ipso
Terræ gremio, sed maxime in plantis,
quæ ex illo pronascuntur, sese ma-
nifestet. Plantæ turgescences genitili
humore, gemmas protrudunt, & mox
flores; postea spiritu magis adhuc
auctæ turgescunt quasi in Venerem.
Flori-

Floribus deciduis fructus erumpit, qui paulatim maturatur, (non tamen per solam Fermentationem, prout multis persuasum est) & eo usque perficitur, donec semen emittatur, quod tum ideam & indolem plantæ contineat, tum continuandæ & propagandæ per individua speciei serviat. Cæterum licet Spiritus in Terra occurrens, quem Veteres *Æρμὸν* quoque vocare solent, vegetus & sufficiens fuerit, humidum tamen nisi adfuerit, nec Fermentatio, nec Terræ tumor, nec etiam progeneratio ulla è Terra notatur. namque Spiritus hic solummodo se habet ad modum impulsoris, & humidi, quod agitari debet ad ebullitionem usque, (primo vere in arborum taleis, & vitium ramis observare est, quos si præcideris, humorem spumantem oculis quoque notare poteris) præcipuæ sunt partes, quatenus motum à Spiritu, ulterius se promovet. In seminibus observare licet, quæ, si lætissimo solo

solo quoque commiseris, non tamen è Terra progerminabunt; nisi adfuerit humidum, quod maceret duriorē seminum corticem, agitatūque à Terræ spiritu, ad interiora seminum penetralia se insinuet, atque, per genitalem Fermentationem, postea considerandam, ipsa semina fœcunda reddat. Alias, per inundationem quoque, & aquarum molem Terræ superficiei incubantem, semina in latibulis Terræ recondita, fœcunda quoque usque ad enascentiam redduntur: quæ Terra sterilis plane notatur, si nullo humore irrigata fuerit. Quod ergo de Nive Terram fœcundante dicitur, hoc non ita intellexerim, quasi Nix Terræ incubans & prohiberet Terreni calidi evaporationem, & illud καὶ ἀντιπερισσῶν intenderet; sed potius, quod Nix pingui suo humido Terram tum irrigaret, tum etiam calefaceret, ad modum stillicidii in Terram se insinuando, usque ad sufficientem & benivolam ejus-

lam ejusdem humectationem. Quod non modo Plinius loco dicto innuit, sed, ante ipsum quoque observaverat Theophrastus, quem, ut sæpe aliàs, vertisse solum videtur. Siquidem l. d. sive lib. 2. de caus. plant. cap. 1. verbis antea exhibitis hæc præmittit: Συμφέρει καὶ πλῆθος χρόνος, ὅπως τηκομένη κατὰ μικρὸν διαδύηται πρὸς τὸ ἔδαφος, καὶ μὴ ἀδρόον τὸ ὑγρὸν ἀπορρυῖν πρὸς πρὸς. Et multitudo Nivis magnopere prodest, ut, paulatim collquiescens subeat solum: nec universus humor influxu corruens unico, dilabatur. ob illa, quæ dicta sunt, Poëtarum primores, Virgilius & Lucretius Terram primo vere prolificam describentes, Jovem, sive Ætherem, non modo in eam descendere perhibent, sed simul in gremium illius imbres profunderē: siquidem iis opus est, ut Terra semen serenti cum fcenore exhibere queat. observavit hoc quoque Auctor Per-
vigilii Veneris, & vulgatus à Lipsio lib. 1 Elect. cap. 5.

*Ver novum, ver canorum, ver renat
orbis est,*

*Vere concordant amores, vere nubun
alites:*

*Et nemo comam solvit de maritis im
bribus, &c.*

*Ipsa (scil. Venus) venas atque men
tem permeante Spiritu,*

*Intus occultis gubernat procreatrix vi
ribus,*

*Perque cælum, perque terras, perque
Pontum subditum.*

Eleganter vero imbres maritos vocat, eadem ratione, qua Lucretius & Virgilius, Terræ tanquam conjugii gremium tribuunt, quo pro sui fœcunditatæ imbres velut genitale semen recipiat. Aristoteles lib. 1. de Gener. Animal. c. 2. Διὸ καὶ ἐν τῷ ὅλῳ τὴν γῆς φύσιν ὡς θῆλυ καὶ μητέρα νομίζουσιν. ὕδαρὸν δὲ καὶ ἥλιον, καὶ εἰπ τῶν ἄλλων τῶν τοιούτων ὡς γεννητῶν πατρὲς θεωροῦσιν. Quamobrem in universo quoque naturam Terræ, quasi fœminam matremque statuunt: Cælum autem &

tem & Solem, & reliqua ejusdem generis, nomine genitoris ejusdem. Eoque Iovi, quem & Æthera vocabant, Cererem, sive Vestam conjugem assignabant. Herodotus lib. 4. ex Scytharum opinione sic scribit: Deorum hos solos sic placant. Vestam ante omnes, deinde Iovem ac Tellurem, existimantes, Tellurem Iovis esse conjugem. Græca sic habent: *νομιζοντες τὴν γῆν Διὸς εἶναι γυναῖκα*. Paccuvius in Chryle: Mater est Terra, animam Æther adjugat. Huc respicit Statius libr. 1. Syl.

— *Ipsum in connubia Terræ*

*Æthera: cum pluviis rarescunt nubila,
solvo.*

Hæc, ex promptuario elegantioris literaturæ delumpta, adijcere volui, nec ingrata Lectori fore confido. Quicquid aliis videatur; nobis volupe est, Musis in speciem te verioribus, Gratias benivolas reddere.

CAP. XVI.

Spiritus Terræ, qualis sit, definitè declaratur. Nihil aliud est, quam Ignis Cælestis, Aëre vice vehiculi utens, atque à Deo Opt. Max. ab initio Creati Mundi Terræ & Aqua inclusus. Ejus ut existentia probatur, ita, de illo neutiquam agit Virgilius libro Sexto Æneidos, ut multis persuasum fuit. Hic Ignis non indiget propriè pabulo: & hætenus vocatur rectè Spiritus proprius.

QUandoquidem sæpius in superioribus mentio facta fuit *spiritus*, qui in fermentatione causæ motricis rationem habeat; atque, speciatim superiori capite egimus de Terræ spiritu: ut omnia quàm accurate & distincte intelligantur, hoc capite de spiritu in communi acturi sumus, ut pateat, quare supra potius mentionem fecerimus, *spiritus proprii*, quàm *insiti*, ut alii eum vocare solent. Pertinet ergo *spiritus*, seu, Græcorum πνεῦμα, ad
πολλαχῶς

πολλαχῶς λέγόμενα: quæ juxta Aristotelem lib. 3. Rhetor. cap. 2. *Sophistica conferunt*, nisi scil. distinguantur. Usurpatur ergo de Deo, de Spiritu Sancto, de Angelis: item de anima, quandoque etiam pro vita hominis, pro aëre, vento, ut apud Authorem lib. de Mundo c. 4. difficultate spirandi, ut sæpe apud Hippocratem; pro vapore, quocunque modo per exhalationem ex aliquo corpore resoluta, ut apud Chymicos ordinariò, &c. Sed nos, hic per Spiritum intelligimus corporeum aliquid, cæterum subtilissimum, & usque adeo tenue, ut oculorum aspectum effugiat. à Medicis hic Spiritus attenditur in animalibus, speciatim in homine: cæterum latius à nobis considerari debet: quatenus & in vegetalibus, & in ipsa terra atque aqua occurrit. Nec tamen idem haberi debet cum Anima Mundi: quæ multis viris, cæteroquin egregiis, hoc quoque seculo post Platonem placuit: cæterum quam nos exploden-

148 *Mart. Schoockius*,
dam esse putamus, nec adumbrari cre-
dimus, à Virgilio lib. 6. *Æneidos*, his-
ce versibus:

*Principio cælum, terras, camposque li-
quentes,*

*Lucentemque globum Luna, Titania-
que astra*

*Spiritus intus alit; totamque effusa per
artus*

*Mens agitat molem, & magno se corpore
miscet:*

*Inde hominum, pecudumque genus, vi-
taque volantium,*

*Et quæ marmoreo fert monstra sub
Equore Pontus:*

*Ignæus est ollis vigor, & caelestis origo
seminibus.*

quem locum quamvis multi de Anima
mundi interpretentur, recte tamen ob-
servavit La Cerda, non esse intelli-
gendum nisi de Deo, qui universa mo-
vet & alit. Sed, accedendo ad hunc
spiritum universaliter considerandum,
non debet confundi cum Aëre, ut
à multis

à multis factum est , nec censeri illā adæquatus : siquidem aër non sufficit illi muneri , quod spiritui huic & incumbit , & ab illo absolvitur. Spiritus hic , est Spiritus quidam vitalis , non quidem in se formaliter , sed effective. Cui applicare licet illud Ciceronis l. 2. de Divina Natura : *Omne enim (inquit) quod vivit , sive terra aditum , id vivit propter inclusum in eo calorem , etiam pisces natura frigidissimi calore calitus illis communicato & congenito participant. Ex quo intelligi debet , eam celestis caloris naturam , vim in se habere vitalem , per omnem mundum pertinentem , quem & spiritum vitalem Stoici & Academici juxta appellant. Voluissem Stoicorum & Academicorum mentionem non fecisset. Hi enim per spiritum intelligunt mundi animam , ut in confesso est ; illi vero Deum ipsum , quem modo Spiritum , modo animum , mentem , rationem , nonnunquam Ignem , imo ipsum quoque Mundum vocare solent , prout docet Lipsius lib. 2.*

150 Mart. Schoockius,
Physiol. Stoicæ Dissert. 6. 7. & 8. Cæ-
terum hic *spiritus*, recte quoque vocari
potest *Calidum*. Si enim Medicorum
Principes (ut proximo capite videbi-
mus) spiritum vitalem animalium, calo-
rem & calidum innatum vocare solent,
cur non hunc quoque *spiritum*, nos *ca-
lorem* non quidem accidentarium, sed
substantialem vocemus? hoc est, sub-
stantiam tenuem, calidam? quæ non
modo Terræ interioribus penetralibus
inhæret, sed in aqua quoque se pro-
dit. Est autem Spiritus hic, nihil aliud
quàm Ignis cum aëre contemperatus,
ea quidem ratione, ut ab aëre mobilita-
tem perennem, sed definitam, accipiat.
Nam quanquam ignis in se admodum
subtilis est; proinde tamen mox non
habet convenientem mobilitatem, qua-
lis requiritur ratione corporum natura-
lium, ad hoc, ut ad illa definite, juxta
motionem naturalem possit dirigi. Sed
illi opus est Aëre, velut vehiculo. Præ-
terea observandum est, nullum esse
ignem.

ignem in hoc orbe sublunari, qui non communicetur huic à Cœlo : (fufius hoc *ὅτι* *Θεῶ* ostendimus in Disputationibus nostris de Igni) cumque aut esse fixum, aut non fixum. Fixus & quasi constrictus Ignis compareret in corpore mixto, cujus integritatem cum tueatur, si contingat eum educi, mixti compages diffluit : atque, cum velut agens, contemperando terram & aquam, quæ localis mixti sunt materia, concluditur juxta definitum spatium cum terra & aqua, Elementi denominationem principaliter accipit. Non fixus ignis, vel est plane liber & vagus ; vel alicubi continetur impediēte certo aliquo repagulo. Liber est ille Ignis, qui Aëri à Sole communicatur : siquidem Aëri immixtus, ab eo iterum recedit redeundo usque ad corpora, maxime ad Solem, à quo processit, atque cœlestis hætenus habendus. Ignis, qui alicubi continetur, iterum vel est coactus, vel non coactus. Coactus, propter arctam unio-

nem partium, ratione caloris intenditur, atque si inexistat corpori alicui, illud, nisi prævaleat qualitate contraria prædominante, destruere molitur: prout quotidie experimur in Igni nostro Culinari. Ignis non coactus, aëri in certo aliquo corpore hærenti est immixtus: atque, quamdiu Aër in illo corpore proportionatam mansionem (secundum proportionatas & adæquatæ operationes considerandam) obtinet; definitæ quoque illi operationi, velut quid impetum faciens sufficit. Hic vero Ignis, est *Spiritus* ille, quem hoc loco consideramus. ratione animalium varia fert nomina apud Medicos; quæ tamen non arguant specificam, five, essentialem illius differentiam; sed, potius accidentariam, considerandam ratione variorum officiorum, quæ propter accidentariam sui mutationem obit; atque, ut videtur, juxta diversa etiam in corpore organa; prout sequenti capite distinctius liquere poterit.

Ne vero

Ne vero aberremus à lineis: Spiritus hætenus generaliter consideratus, Ignis est cælestis (quomodo fiat Elementaris, verbo innuimus, & postea, & fufius in Disputationibus de Igne explicamus) per Aëra, quo tanquam vehiculo utitur, convenienter determinatus ad certum aliquod corpus: quod vel est inanimatum, vel animatum. Inanimatum rursus vel est imperfecte mixtum, vel perfecte mixtum. Corpus inanimatum imperfecte mixtum est triplex: Aqua terram interluens; Terra cum aqua unum globum constituens; & corpus Meteorologicum ignitum in aëre suspensum. Atque, in aqua ipsa *spiritum* talem existere, testis est Lucretius lib. 6. dum reddit rationem, cur fons frigidus, & in quo faces immerse, velut in cæteris extinguuntur; at tamen si stupam, si stipulam, & lignum aridum ei quis admoverit, singula hæc incendat, qualis fons est in Epiro, cujus admirabilis eventus meminit

754 Mart. Schonckius,
Mela lib. 2. Plinius lib. 2. cap. 10. &
Antigonus. histor. admirab. collect. Ita
vero canit Lucretius:

*Nimirum quia sunt in aqua permulta
vaporis*

*Semina, de terrâque necesse est funditus
ipsa,*

*Ignis corpora per totum consurgere fontem
Et simul exspirare foras, exireque in
auras;*

*Non tamen viva tamen, calidus queat
ut fieri fons.*

Ignis solus in aqua salvus & incolumnis
permanere non potest, sed ignis aëre
pro vehiculo utens: non tamen æque
pro pabulo. ut quidam, improvide Hu-
artum in Scrutinio Ingeniorum secuti,
ex Hippocrate lib. de Flat. (locum ip-
sum inspicere debuissent) docere in-
stituerunt. atque aquam marinam spiritu
hoc calido turgere, alibi indubitatis
argumentis testatum faciam. Spiritum
vero hunc, in Terra quoque esse, osten-
dit Aristoteles illustri loco, qui occur-
rit lib. 3.

rit lib. 3. de Generat. Anim. cap. 11.
 γίνεται δὲ ἐν γῇ καὶ ὑγρῷ τὰ ζῶα καὶ τὰ φυτὰ
 διὰ τὸ ἐν γῇ μὲν ὑπάρχειν ὑγρὸν, ἐν δὲ ὕδα-
 τι πνεῦμα, ἐν δὲ τῷ παντὶ θερμότητα ψυχ-
 κήν: ὥς τρόπον τινα πάντα ψυχῆς εἶναι πλή-
 ρη. *Generantur autem in terra humoreque
 animalia, & planta quoniam humor in
 terra, spiritus in humore, calor animalis
 in universo inest, ita ut quodam modo plena
 sint anima omnia.* καταχρηστικῶς nomine
 animæ utitur. Nihil enim minus Philo-
 sophus intellexit, quam Animam Pla-
 tonicam Mundi: licet quidam velint
 Philosophum pro illa hoc in loco suf-
 fragium dixisse. Hoc enim si statuisset;
 debuisset quoque Terræ vitam conce-
 sisse. Sic enim ex mente Platonis Phi-
 losophatur magnus Platonicus, Mar-
 silius scil. Ficinus, libr. 4. de Immort.
 Animæ cap. 1. *Exploratum habemus,
 (inquit) ubi generationem nutritio, &
 augmentum sequitur; ibi vitam, animam-
 que inesse; terram vero videmus seminibus
 propriis generare innumerabiles arbores,*

animantesque, & nutrire, & augere; augere etiam lapides quasi dentes suos, & herbas quasi pilos, quamdiu radicibus haerent; quæ, si evellantur, & extirpentur à terra, non crescunt. Quis femina hujus ventrem viti carere dixerit? qui tam multos sponte sua parit fatus, & alit; qui sustinet se ipsum; cujus dorsum dentes promit, & pilos. Eadem est de aquæ corpore ratio: habent igitur animam aqua, & terra. Inanimata autem & bruta tellus est, testimonio omnium, qui modo Philosophi habere merentur: nam, si vel animam vegetantem haberet, nutrirî & augescere deberet: quod tamen ne utiquam animadvertitur. Per animam ergo Philosophus intellexit, hunc ipsum spiritum, de quo loquimur. quomodo & ipsi spiritus animales apud Medicinæ dictatorem Hippocratem, nomen animæ ferunt. quod nisi observetur, absurda admodum dogmata tribuenda erunt huic ipsi. V. C. tum alibi, tum libr. 6. Epidem. Sect. 5. scribit: *Homini.*

minis animam ad mortem usque nasci. ubi per animam spiritus intelligendos esse, quivis videt. Ut ergo in Aristotelis loco, non debet intelligi anima mundi, sed hic ipse terræ spiritus, de quo loquimur: ita neque alio trahi possunt loca Interpretum, quos constat Philosophiæ ipsius quàm tenacium fuisse. Ex iis Themistius ita fatur libr. 1. de Anima cap. 24. *Animam itaque illam mundi unicam, (hoc est, spiritum per omnes mundi partes, & speciatim terram diffusum) atque universalem, qua corporibus, præbet sive animam dicere, sive viam malis, quæ nihil aliud est, quam Vis quædam vitalis generabilisque, per omnem naturam inuenta; clarissime asserunt ea animalia, quæ ortu spontaneo de materia putri proveniunt: ea ex tali excrementorum & sordium mixtione, aut tali orta spirant, viviscunt, moventur; ut in Ægypto mures & in nostro cælo vermes, & quæ hujus generis plurima. Nec aliò trahenda sequentia Philoponi in libr. 2. de Anima*

tex. 34. Nunquid autem, quemadmodum animalium, quæ sponte nascuntur, & plantarum generatio, non ex anima, quæ existit, successionem fit: sed & apta existente materia, ab opificio universo herbarum, & animalium species in eam immittuntur; & quæ in ipso sunt, animales facultates: sic & in irrationali anima, quæ est in omnibus animalibus, cum ea ex universo opificio subsistunt. Speciatim ad hunc spiritum calidum, terræ proprium, pertinent hæc Averrois l. 12. Metaph. com. 18. Et quia (inquit) ista semina non faciunt hoc, nisi per laborem, qui est in eis, & calor ignis non facit nisi calefactionem, aut desiccationem, non figuram neque formam animatam, dicit Aristoteles in libro de Animalibus, quod iste calor non est ignis, neque igneus: ignis enim corrumpit animalia, non generat, iste autem calor generat. Atque, post pauca subjungit. Unde Aristoteles, quod homo generatur ex homine, & Sole, & factus est ille calor ex terra, & aqua ex calore Solis admisto, cum calore aliarum stellarum.

larum. Et subjungit, calor igitur Solis, & Stellarum diffusus in aqua, & terra generat animalia ex putrefactione nata, & universaliter omnia, quæ fiunt ex non semine. ubi, quanquam Averroës loquitur juxta sua principia, nec verum est, aliquid generari, cujus definitum juxta speciem semen non præcesserit; nihilominus hætenus consentit Aristoteli, & (quod caput est) veritati, quando agnoscit calorem aliquem à Cælo, sive Sole procedentem, & quidem substantiali, intervenire in generatione eorum, quæ putantur esse spontaneò viventia. Nec alia mens est Auctoris libri de Mundo, sive is Aristoteles, sive Theophrastus, sive alius aliquis fuerit. Apud illum cap. 4. expresse hæc occurrunt: λέγεται δὲ καὶ ἑτέρως πνεῦμα, ἢ τε ἐν φυτοῖς, καὶ ζώοις, καὶ διὰ πάντων διήκονσα, ἔμφυχον δὲ καὶ γόνιμον ὅσα. Dicitur vero & aliter spiritus, illa quæ in plantis & animalibus existit, perque omnia perzinet, vitalis & genitilis substantia. Certe per vi-

per vitalem & genitalem hanc substantiam, non potest intelligi nisi terræ spiritus, sive, ignis terræ penetralibus inclusus: qui non quidem formaliter, sed effective vivit: quatenus seminibus vivis potentialiter succurrit ad hoc, ut actualiter vivant & animentur. Atque, ne videamur, hunc sive spiritum, sive ignem, inexistentem terræ, ipsis sensibus astipulantibus, cavernosæ, & hiatibus multis perviæ, per solam auctoritatem astruere posse: favet illi ipsa Terra, ut sensibus se exponit. Etenim Ignis, non modo in regionibus, ubi ignivomi montes sunt, verum ubique ferme terrarum, notatur. Si enim ligone, modò ad aliquot pedes terram subegeris, occurret in eo spiritus calens, qui magis se prodit in regionibus, ubi notantur fontes calentes: ex hac eadem terra multis in locis ebulliunt aquæ calidæ, simul enascuntur plurimæ plantæ, spiritu igneo turgidæ; Cuvæ, allium, nasturtium, & sexcenta.

centa alia fidem abunde fidem faciunt)
idem spiritus hiberno tempore adla-
bens ad radices arborum excelsarum,
eas blando calore fovet per radicum
extremas fibras, emorituras aliàs eo-
dem destitutas. Atque, ut ex terra as-
cendunt exhalationes, fulminum quo-
que generationi aptæ, atque plurimum
participantes de hoc Terræ Spiritu,
sive, igni cœlesti ipsi terræ ingenito; ita
vere dicere possumus, prout antea quo-
que innuebamus, hunc ipsum spiritum
occurrere quoque in corporibus Meteoro-
logicis. Quod & diserte Aristoteles
innuit lib. 3. Meteol. cap. 1. Ἀπὸ τοῦ οἰε-
σθαι δὲ συνακολουθεῖν τοῖς καὶ βρονταῖς πνεῦμα
καὶ προεῖναι. *Semper enim putare oportet se-
qui fulmina spiritum & precedere.* Nam,
juxta Aristotelem, materia fulminis non
est solida & consistens (ut quibusdam
ex antiquis videbatur) sed tenuis ac
spirituosa: quam licet Chymici sulphur
vocent; revera tamen hic ipse ignis est,
de quo loquimur: qui inexistentis aëri
terræ

terræ cavernas permeanti , ad modum
 exhalationis ab eo separatur , & sur-
 sum subvectus inter nubes colligitur &
 compingitur , donec flammam conci-
 piat , atque cum impetu deturbetur.
 De hoc igni , seu Spiritu igneo , inter-
 ra existente & supra terram eVecto , ex-
 tant hi pulchri versus Manilii l. i. Astr.

*Sunt autem cunctis permixti partibus
 ignes ,*

*Qui gravidas habitant fabricantes ful-
 mina nubes ,*

*Et penetrant terras , Et namque imi-
 tantur Olympo ,*

*Et calidas reddunt ipsis in fontibus undas ,
 Ac silice in dura , viridique in cortice
 sedem*

*Inveniunt , quum silva sibi collisa cre-
 matur.*

*Ignibus usque adeo natura est omnis
 abundans.*

Ut ergo patet , Terræ spiritum esse
 portionem ignis Cælestis , aëre vice ve-
 hiculi utentis ; ita à Deo Opt. Max. ab
 initio

initio Mundi Terræ & Aquæ est inclusus, mansurus tantisper ibidem, quam ab igni cœlesti, extrinsecus illabente, fuerit vocatus. Integer vero & totaliter evocari non potest, aliàs terra reddi deberet per omnia inutilis: sed, præterquam quod uva cum humido quod agitat, (ut superiori capite innuebamus) fermentat quædam vegetalia, ex gremio suo pronascentia, eadem quoque subeundo; amplius quadam sui parte elicitur & provocatur juxta certas quasdam terræ regiones; quatenus ignem solarem illabentem & validiori calore præditum sequitur; & que atque ignis particulæ manui ambustæ in-existentes, amant conjungi cum igni vehementiori extrinsecus manum ambiente: prout quivis ambustam manum habens experiri potest. Moderatus vero ignis cœlestis, calore temperato præditus, hunc ipsum calidum Spiritum, qui hiberno tempore in interiora Terræ penetralia se recipit, elicit, atque

atque simul concitat, quatenus tum calidus est, tum etiam per sui illapsum in Terrę gremio effective novum calorem producit: prout, jam antea dicebamus, spiritum, qui fermentativam vim exerit, tum à calore externo, tum interno, concitari ut vim Fermentativam exerat. Ambiget aliquis de hoc igne, quem in terrę recessibus hæctenus consideravimus: cogitando ignem omnem extra ullam exceptionem, debere habere pabulum? At, quod velut universaliter verum assumitur, particulariter duntaxat verum agnosci debet. Solem ignem esse certissimum est, quod mihi tamen dabis pabulum, tanto igni alendo serviens? Non merentur ex recentioribus audiri, qui aut volunt Solem esse Vulcaniam fornacem, quæ continuo ingentes flammæ eructet, quibus ne desit pabulum, partes consumptas per circulationem quandam, iterum in Solis quasi vorticibus concrecere, atque succedaneo pabulo per vicissitudi-

tudines quasdam sufficere: aut pabulum invenire ex exhalationibus è Zona torrida ad Solem usque subvectis: aut exhalationes Planetarias circa Solem colligi, atque paulatim concrefcere in quandam massam, quæ nutriendæ Solaris flammæ sufficiat. In omnibus corporibus quoque mixtis actu ignem esse, nemo inficias ibit, speciatim in lapideis, maxime pretiosis, ut Chrysolampe & Carbunculo; (videantur Plin. l. 37. cap. 7. & Isidorus libr. 16. Originum cap. 13. & cap. 4.) ignis tamen qui ibi hæret, non indiget pabulo. Nec ignis, c. in aromatibus ad eorum consumptionem verget, nisi quatenus à calore ambientis corporis cæperit educi, quo casu ut particulæ illius convenienter per mixtionem distributæ, aliqua in parte coeunt, ita per illam coitionem evaporationem solito majorem (quæ alias ab externo solum calore contingere solet) procurant. Nullus ignis vero indiget pabulo: sed pabulum illi tribuitur

buitur improprie: quatenus ignis coactus & copiosus, ac sufficiens destructioni eorum, quæ pingua & sicca sunt, non potest in tali statu, & ut coactus manere, nisi in locum destructorum, quasi vicarium pabulum (hoc est, materia, in quam ad destructionem usque ignis se insinuare possit) occurrerit. Nemo est, qui non tateatur in cineribus, qui supersunt ex combustis lignis & cespitibus, multas ignis particulas superesse; sed cum illæ sint dispersæ, ne quidem manum adurent. quæ adustio procuratur tamen à pruna ardente, quòd in ea copiosæ ignis particulae ita collectæ atque constipatæ sint, ut non possint in illo statu manere, quin notabilem efficientiam edant: atque, cum materia sit consumptibilis, consumitur quoque & in cineres redigitur. Falsissimum vero est (& subsequenti capite pluribus probabitur) ignem aëre pro alimento indigere. Hoc enim si verum foret, quicquid est aëris in Zona tor-

torrida absumptum esse deberet :
 num copiosissimus illi ignis, à Sole com-
 municatus, inexistat. Aër igni sociatus
 , vice vehiculi, uti supra læpius dixi-
 mus, servit: atque si contigerit eum
 copiosas ignis particulas recepisse, illæ,
 et conjunctę, non quidem aëre vice pa-
 uli utentur, eum absumendo, sed
 in subjectam materiam, pro diversa il-
 lus dispositione, diversimode agent.
 In speculo Ustorio in punctum plures
 radii solares collecti, subjectam stupam
 accendent; sed, si detineat quis specu-
 um idem, supra vas butyro plenum,
 illud liquefaciet; denique, si detinea-
 tur supra pelvem aqua plenam, aquam
 illam in vapores rediget. Ita ignis col-
 lectus & constipatus diversimode agit,
 non tamen desiderat pabulum propriè
 dictum: quanquam collectus jam, &
 in flammam conversus, nulla respuat
 infilia: quo respiciens Agur Prov. 30.
 §. 16. de Ignite statuit, quòd *nunquam*
dicat, est jatis. Ex his jam patet, non
 necessum

necessum esse, ut in gratiam *spiritus terra*, qui est *ignis caelestis aëre pro vehiculo utens*, solliciti simus de ejusdem pabulo. Quod vero hujus spiritus alia ex parte ratio sit, quam illius qui in animalibus notatur, & vulgo *insitus* vocatur, maluimus jam antea eum vocare *spiritum terra proprium*, quam *spiritum terra insitum*, ne confusio aliqua hinc proveniret. Secundum quosdam, multiplex videtur hic spiritus esse, ratione diversorum corporum, quæ & generantur in terræ interioribus recessibus, & quæ ex eadem superficie tenus pronascuntur. Sed, num res hæc ita se habeat, postea liquebit; partim quando de Spiritu Vegetalium fuerit agendum; partim, quando considerata erit Fermentatio, occurrens quasi in generatione Mineralium. Tum licebit expendere, an diversus sit spiritus lapidificus, & qui producit metalla: Item, an hic juxta metallorum species variet.

CAP. XVII.

Spiritus est in omnibus animalibus, nec tamen est anima vinculum. Pertinet ad ἰσχυρῶντα, seu impetum facientia. Non nisi ratione distinguitur à Calido Innato. Est ignis, & quidem caelestis, aëris vehiculo utens, qui haret in sanguine; qui in corde, citra fermentationem tamen elaborari solet. Unus & simplex est hic spiritus, licet officii ratione triplex possit statui, Vitalis, Animalis, & Genialis. Solet anima haberi, atque vocari.

Considerato spiritu, qui in terræ visceribus delitescit; convertere nos debemus ad eum, qui in animalibus occurrit, postea expensuri, an similis quoque spiritus in plantis notari queat. Atque, in omnibus quidem animalibus talem spiritum esse, persuasissimum est qua Philosophis, qua Medicis. Nec tamen illo opus est, ut corpore aliquo intermedio, quo anima corpori vinciatur; ut multi cum Pla-

H

tone

tone somniant. Multo minus existimandum, hunc Spiritum, velut exhibentem Dei majestatem ac potestatem, ita omnia permeare, ut etiam in anima ipsa rationali, quasi delitescat: ut existimavit Fernelius, qui periculose satis de hoc spiritu philosophatur. Certe l. 2. de Abdit. rer. caul. c. 7. sequentia occurrunt: *Quacunque* (inquit) *substantia intelligitur corporis expers, nostrosque sensus effugiens, eas suas vires nobis caducisque corporibus, provehente Spiritu, impartit. Itaque, ut viventis DEI majestatem potestatemque praeferens, per omnia sparsus permeat, ubique praesens omnia complectitur: hic animos habet in potestate, & eos quocunque vult adducere potest. Quæ, si debeant secundum illud, quod sonant, intelligi; & non ænigmatice ex parte, juxta benigniorem interpretationem, quam Philosophia Platonica suggerit; certe occasionem possent exhibere, periculosissimas consequentias colligendi. Sed, his in ipso limine in-*
morari

morari non possumus. In animalibus omnibus, (Locomotiva facultate gaudentibus, cum nihil à se ipso moveatur) statui debet principium aliquod primo movens. Verum quidem est, illud in animalibus primo agnosci debere animam; cum principium formale constitutivum, simul quoque sit principium operativum: sed, liceat hic initio distinguere inter animalia muta & inter homines. Illa, sive bestiae, anima sensitiva gaudent, quæ & virtualiter vegetativa est: homo vero, non triplicem animam habet (licet hoc multis videatur) sed unicam duntaxat: quæ virtualiter quoque sensitiva & vegetativa est. Ut autem belluæ moveantur ab anima, ei inservientibus organis ad motum procurandum destinatis; ita anima non movet, nisi interveniente Spiritu, qui à Medicis quibusdam, præeunte ipso Hippocrate (postea explicando) *καταχρηστικῶς* vocatur Anima: atque, ne confundatur cum Anima ve-

re & proprie sic dicta, *Anima medica*. Homo, quatenus movetur, eodem modo se habet: quum anima Rationalis, ratione functionum inferioris gradus, quam sunt Ratiocinativæ; (quas inorganicas esse in confesso) respiciat organa & dispositionem eorundem. unde & consequens est, hominem eque indigere, & quidem propter finem jam dictum, spiritibus, atque belluas. Adeoque, spiritus hic pertinet ad ὁρμῶντα ἢ ἐνορμῶντα σώματα, seu, ad illa corpora, quæ faciunt ad impetum faciendum. Quibus & Hippocrates Spiritus in animali accenset, l. 6. Epid. sect. 4. prout accuratissimum senem eo loco Galenus interpretatur. Cujus Galeni hæc quoque verba occurrunt lib. de Rigore, sive, πρὸς ῥίγος: Ενορμῶντα δὲ τὰ πνεύματα. Πάντῃ δ' ἐξικνεῖται τὸ σῶμα ἐν αἰκασίῃ χρόνῳ, ῥαδίως τε καὶ ἀκωλύτως. Quæ vero impetum faciunt, sunt Spiritus; quæ vero aversum enim temporis momento facile & sine impedimento corpus pervadunt. Ut τὸ ὄντα-

& talium spirituum probetur à parte
 animalium, parum iuvabunt sensus,
 nisi pariter in subsidium ipsa ratio ad-
 vocetur. Ut iis, qui ad solos sensus pro-
 vocant, liceat opponere illud Platonis
 in Theæteto : ἀμύητοι γὰρ εἰσι, οἱ ἐν δὲ
 ἄλλοις οἰόμενοι εἶναι, ἢ ἢ ἂν δύνωνται ἀπει-
 ταῖν χερσὶν λάβεσθαι. Profani sunt, qui nihil
 esse putant nisi illud, quod manibus palpare
 & prehendere possunt. Et tamen, si volue-
 rint agnoscere, sensus hic quoque suc-
 currere poterunt. Quod enim, si aliquis
 exspatietur ad omnia, quæ in hoc Uni-
 verso occurrunt, nihil videat move-
 ri, quod non pariter ab alio movea-
 tur; attendatque animali nervos ad mo-
 tum datos fuisse, simul videat eos in ani-
 mali mortuo, promovendo motui non
 sufficere; sensibus circa similia præeunc-
 tibus, tantum rationi deferet, ut, hac
 sensibus sociata, inferat aliquid debere
 esse, quod nervis motum procuret. At,
 quum hoc & tenue & subtile, atque pa-
 riter ad impetum faciendum idoneum
 H 3 esse de-

esse debeat, non invitus concedet, spiritus esse debere; aut saltem aliquid illis analogum. Quid vero hi spiritus in ipso animali sint, explicatu quam difficile est. Nobis, progredientibus secundum illa, quæ capite superiori proposuimus, spero illud facilius fore. Spiritum absque differentia (multiplex illa fingi solet) consideratum, Fernelius (at quanti nominis Medicus!) lib. 4. Physiol. cap. 2. definit, quod sit; *Corpus æthereum, caloris facultatumque sedes & vinculum, primumque obeunda functionis instrumentum.* Riolanus Pater (vir quoque summus) Sect. 111. Physiologiæ, cap. 2. hunc ipsum, quem consideramus spiritum, definit; quod sit, *quidam spiritus à primis natalibus singulis partibus affixus, omnium naturalium functionum minister, à calore influente sola differens ratione.* Juxta Plempium & Medicum & Philosophum πολλὸν ἄλλων ἀντάξιον l. 2. Fund. Med. Sect. 4. cap. 1. *Est substantia tenuissima & rarissima ex sanguinis vapore*

pore & aëre genita, primum & proximum
 animæ in obeundis functionibus instrumen-
 tum. Definitiones has eum in finem pro-
 pono, non quod eas vellicare velim,
 sed, ut componi possint, cum illi, quæ
 postea sum propositurus, atque illis, qui
 iis assueverunt, cognoscant, quo usque
 eas admittere debeant. Neque enim
 Auctores hi eodem omnes collinea-
 runt. Ut ergo explicare possimus Spi-
 ritus hujus naturam, præsupponendum,
 non nisi ratione differre ab illo, (quic-
 quid vitis egregiis quoque visum fue-
 rit) quod *calidum innatum* vocatur. An-
 tiqui certe promiscue hæc duo accepisse
 videntur. Aristotelis locus, ut ut quo-
 que interpoletur, torqueatur, & in-
 crustetur, manifestissimus est. Occur-
 rit vero lib. 2. de Gener. Anim. cap. 3.
 mereturque hic integer adscribi: πάλ-
 λης ψυχῆς δυνάμεις ἑτέραν σῶμα ὅ-
 κοινοῦν κέναι, ἢ θεοτέρῳ τῶν καλυμνίων
 στοιχείων. ὥς δὲ διαφέρειναι πρὸς τὰ ψυχὰς
 ἢ ἀπὸ μὴ ἀλλήλων. Πάντων μὲν γὰρ ἐν τῷ

σπέρμα πένυπάρχει, ὅπερ ποιῇ γόνιμα εἶ-
 ναι τὰ σπέρματα, τὸ καλόμενον θερμόν.
 αὐτὸ δ' ὃ πῦρ, ὃ δὲ τοιαύτη δύταμὶς ἐστίν,
 ἀλλὰ τὸ περιλαμβανόμενον ἐν τῷ σπέρ-
 ματι, καὶ ἐν τῷ ἀφρώδει πνεῦμα, καὶ ἢ ἐν
 τῷ πνεύματι φύσις, ἀνάλογον ἔσται τῷ τῶν
 ἄστρον σοιχείῳ. *Omnis anima potentia cor-
 pus aliud participare videtur, idque magis
 divinum, quàm ea, quæ elementa appel-
 lantur. Vi verò nobilitate, ignobilitateve
 anima inter se differunt: ita & natura ejus
 corporis differt. Inest enim in semine omni,
 quod facit ut fœcunda sint semina, videli-
 cet quod CALIDUM vocamus. Idque non
 ignis, neque talis aliqua facultas, sed SPI-
 RITUS; qui in semine spumosoque corpo-
 re continetur, & natura, quæ in eo spiritu
 est, respondens ELEMENTO STELL-
 LARUM, Locus hic postea multiplicem
 nobis usum exhibebit. Galenus quo-
 que tam multis in locis hunc ipsum spi-
 ritum cum calido innato confundit,
 ut necessum non sit, in peculiares ali-
 quos locos digitum intendere. Adeo,*
 ut non

ut non sine ratione dixerit Scaliger
 Exerc. 180. hos Duumviros maxime
 respiciendo: *Scriptum reliquere sapientes,*
nihil aliud esse calorem naturalem, quàm
spiritum. Scio, viros egregios, utrumque
 & Aristotelem, & Galenum in alium
 sensum trahere velle, at, quàm aus-
 picato, liquebit. Interim, ut pateat,
 quomodo ratione solum, *Calidum in-*
natum ab hoc, de quo agimus, *spiritu* di-
 stinguatur; nomen illius ante omnia con-
 siderare debemus. Cujus Architectus si
 non sit Galenus, saltem, ut usu Medi-
 co frequentaretur *δὲ θερμὸν ἔμφυλον*, vide-
 tur effecisse. Prolixè de illo agit libro
 contra Lycum; vellem aliquanto distin-
 ctius egisset. Dicitur autem *ἔμφυλον θερ-*
μὸν. Hesychius Grammaticus longe do-
 ctissimus, *ἔμφυλον* dicit idem esse, atque
ἐν τῇ φύσει. In Glossario quantivis pretii
 hæc offendas: *ἔμφυλον*, *Inscitum*, *ingeni-*
tum. & *ἔμφυλον*, *Inscitus*, *ingenita*, *in-*
nata. Quæ voces, omnes late extendi
 possunt, tum ad ea, quæ rei *ἐν γένει*

suę consideratę innascuntur, tum etiam
 ad illa, quę eidem, mox quam genita est,
 accidunt. τὸ δὲ ἀμφότερον dubium quoque est :
 potest enim non minus accidentaliter,
 quàm substantialiter accipi. Paret ex
 Galeni testimonio, qui ita in Com-
 ment. ad Aphoris. 14. lib. 1. Hippoc.
 Hoc ipsum verbum (inquit) calidum aliquando
 transferimus ad qualitatem cujus proprium
 nomen est caliditas; aliquando dicimus de-
 nominative calidum à caliditate. Cæterum
 hic omnino substantialiter debet accipi,
 eo, quod æquivalet spiritui, de quo
 agimus. Quem, substantiam esse dubitare
 non licet. Quando autem calidum hic
 substantialiter accipitur, absit, ut no-
 bis imaginemur caloris gradum præ-
 cellentem: naturalem cogitare debe-
 mus & proportionatum animali, quod
 illo gaudet: cui substantia hæc calida est
 ἐμφυτὴ, & innata hoc sensu; quod ad-
 venerit in ipsa genitura, & jam actu
 animalibus adsit, antequam in lucem
 prodeant. Cum ergo spiritus hic sit sub-
 stantia

stantia calida: circa illum, ut jam antea vidimus in Spiritu terræ, duo cogitare convenit ignem & aëra, non tamen equaliter: nam Ignis est subiectum ipsius caloris, Aër vero vehiculum Ignis, qui facit ut ignis sit fluidus & facile mobilis. His duobus constat hic Spiritus, qui Calidi Innati & rationem & nomen consequitur, quatenus inheret pingui, oleosæ & spirituosæ cuidam substantiæ, quæ ut pars sanguinis est, ita, humidum primigenium sive radicale vocari solet. Ignem aëre indigere ut mobilis sit, vel ex illo igni patet, qui quotidie è corporibus cœlestibus in terram usque derivatur, de quo Plato in Timæo dicit: *Ignis ita contemperatus est, ut facile moveatur dum à propinquo aëre propellitur, & in terram extenditur.* ὑπὸ δὲ πλεονείον ἀέρος ὠθέμενον, καὶ κατατιννόμενον εἰς γῆν. Quodque sanguis complectatur hunc ipsum ignem, docet Plato eodem in loco, quando dicit: *Omne Universi hujus animal omnino in sanguine*

& *venis calorem habet*, (*πᾶν ζῶον αὐτῇ πάντως πρὸς τὸ αἷμα καὶ τὰς φλέβας θερμότητα ἔχει*) *quasi fontem quendam Ignis* (*πυρρὴν πνεύς*) *in seipso*. Per omnia verò nobis est ὁμιλῆς, quando ib. docet, omnia membra animalis vitam possidere in Igne & spiritu: hoc est, functiones vitales edere per calidum innatum, influens ad modum spiritus in omnia membra, eumque Spiritum constare Igne, & spiritu, hoc est, Aëre: nihil enim frequentius est, quàm Aërem à Platone, πνεῦμα, sive, spiritum vocari. Qui per Ignem intelligunt calorem cordis, atque per spiritum calidum innatum, ostendunt se quàm peregrinos esse in Platone. Ignem hunc cælestem esse, præterquam quod toties Plato inculcat, ex præcedentibus quoque patet. Nullum agnoscimus ignem nisi qui originem trahat à cælo, qui tamen pro diverso respectu & cælestis & elementaris vocatur & habetur. Cælestis quidem quatenus constituens quædam corpora cælestia,

lestia, (præ cæteris Solem, luminis perennem scaturiginem) orbi sublunari communicatur ad modum instrumenti; causæ, secundum quid Universalis, subservientis in mundo hoc sublunari. Elementaris autem censetur bifariam. 1. Quatenus ingreditur compositionem corporum mixtorum. 2. Quatenus partim in Sphæra aërea, partim in terra, partim in sanguine animalium, jugiter occurrit ad sustentationem tum viventium, tum generationem eorundem. Atque, hoc forte voluit Fernelius, cum diceret lib. 2. de abdit. rerum caus. cap. 7. *Calor viventium optimo jure celestis ac plane divinus*: cumque in definitione jam antea proposita, spiritum diceret esse corpus athereum. Quodque, præter hunc ignem nostrum, alium elementarem & transmutabilem videatur agnovisse, lib. 4. Phys. cap. 1. dicit: *Calor viventium non ex prima elementorum mixtione*. Spiritus hic, sensu jam dicto, calidi nativi, simul pro diversa

182 Mart. Schoockius ,
respectu, & Ignis Cœlestis & Elementaris rationem habens, per genituram, quæ seminis subsidio instituitur, animali communicatur, ea ratione quam postea considerabimus: atque, ut inhæret sanguini, qui ab eo spirituosus redditur, ita vulgo vocatur *spiritus insitus*, qui potissimum sedem suam habet in corde, sanguinis officina. Cumque huius spiritus subsidio, animal moveatur, functionesque tum vitales tum animales exerceat, ad hoc, quod igni proprium est, caleat per motum & agitationem jugem, quædam quasi flammula redditur, quæ ne extinguatur, opus est tum restauratione huiusce spiritus, tum etiam alimento, illi, ut in tantum calefacto, conveniens. quod quasi alimentum, (cur ita loquamur, ex superioribus constat) tanto citius absorbitur, quanto ignis hic rapidior fuerit. Hoc enim interest inter hunc spiritum, permeantem & res inanimatas, & res animatas. In illis non restauratur
per ali-

per alimentum, in his vero. Unde & res animatæ multis organis sunt instructæ, quibus inanimatæ destituuntur. Elegans est Galeni locus lib. 1. de Locis affectis, cap. 7. Ergo ut magneti (inquit) vis inest, qua ferrum attrahere potest, ita naturalia quoque instrumenta omnia, facultatem habent, qua actionem suam perficiunt. Proinde, si permanens fuisset ipsorum essentia, neque arteriis, neque venis indigissent. Verum quia nutrimento egent, servareque oportet innati caloris temperiem, hanc ob causam, & venis indigebant, & arteriis. Sic etiam muscoli, ut essentiam suam servare possint, non secus, quam naturalia instrumenta, & venis & arteriis indigent. At, quia cognatum sensus & motus principium non habent, idcirco nervis, per quos hoc ipsis influat, semper indigent, qui illis ea suppeditare possint, quemadmodum Sol omnibus rebus, quos illuminat, splendorem affert. Quam ob rem solis partibus, quæ & sentiendi & movendi vim habent, accidit ut ipsis interdum haud quaquam affectis.

fectis, nihilominus earum actio pereat. Ut ergo, Galeno teste, animalia instructa sunt venis & arteriis; ita etiam cor habent, in quo tum coquitur sanguis, tum etiam in sanguine præparatur spiritus. Nam in sanguine, (quem Plato in Timæo vocat νομὴν σαρκῶν καὶ ξύμπαντος σώματος, Carnium & universi corporis pabulum) aut potius in massa sanguinis, tres distinctæ partes notari debent: spiritus, humor, & crassamentum: sive, ut alii convenienter magis loqui videntur: Substantia spirituosæ, humorosæ, seu carniformis, & solidæ. Sanguinis vero officina cor est: & simul fons jugis & perennis calidi innati, sive, hujusce spiritus, de quo loquimur, (nam ratione solum hæc distinguuntur, ut sæpius jam dictum.) Consignificantissima sunt verba Galeni libr. 6. de Usu Part. cap. I. ἡ καρδία τῆς ἐμφύτης θερμότητος, ἣ διοικεῖται τὸ ζῶον, ὅσον ἐστὶ πῦρ καὶ πηγὴ. Cor est caloris nativi, quo animal regitur, quasi focus quidam ac fons. Quæ ex parte desum-

desumpta sunt ex Hippocrate lib. 4. de Morbis, in initio, ubi expresse legitur. τὸ μὲν δὲ αἷματι ἢ καρδίᾳ πηγὴ ἐστίν. Similiter Aristoteles lib. 3. de Part. Animal. cap. 14. de corde agens, hæc addit: Ἀρχὴ καὶ πηγὴ τῷ αἵματι ἢ ὑποδοχὴ πρῶτη. *Principium & fons sanguinis, sive conceptaculum primum.* atque, l. 3. Hist. Animal. c. 19. *In corde (inquit) primum sanguis gignitur, atque adeo priusquam corpus ipsum (in Græco Textu est διηρπῶσθαι) dearticuletur.* Quod & pluribus aliis in locis Philosophus astringit. Eoque, cum sine calido innato, in sanguine hærente, animal suis functionibus non sufficiat, & sanguinem coquat & præparet cor, nullum quoque animal corde carere potest. Quod cum gnarum esset Aristoteli, lib. 4. de Gener. Anim. cap. 4. ita per Interpretem loquitur. Corde carens (inquit) nullum unquam animal ortum est, quanquam liene carens, & altero vacans rene, visum est: Iecore etiam carens toto, nullum notatum est, quanquam

quod.

quod non totum haberet, jam patuit, felle item privata prodierunt. Ex Chylo autem in ventriculo præparato, (quem vir summus & Anatomicorum hoc seculo princeps, D. Bartholinus ut talem ad cor traduci docet) cor elaborat sanguinem ἰσχυρότερον, (ut mihi quidem videtur) seu elixatione. Cumque monente Aristotele libr. 4. Meteor. cap. 2. omnis coctio à calore proprio, sive ὑπὸ τῷ ἐξ-κεῖνθ' ὁρμῶν peragatur: Videtur mihi hic considerandus esse & internus Chyli calor & ipsius cordis externus calor, & denique calor sanguinis, cui contingit commisceri chylum. Ego mihi quidem imaginor, coctionem hanc ita peragi: (conjectura solum mea est, quam nulli obtrudere volo) Chylus mixtus sanguini, solvitur, & rarefit, partesque spirituosæ igneæ ei inexistentes, per motum & quasi contritionem cordis sociantur spiritibus vitalibus sanguini illi inexistentibus, quibus in partes venientibus, & motum ventilationemque

nemque procurantibus, idem chylus eo-
usque præparatur, donec genuinas suas
qualitates sanguinis, & simul quoque
rubedinem acceperit. Chylus hoc mo-
do (ut mihi imaginor) in corde muta-
tus in sanguinem, licet jam ad nutrien-
dum sit redditus idoneus; ulteriori ta-
men indiget elaboratione, quum prop-
ter brevem in Corde moram, ultimam
suam manum non potuerit consequi;
eoque, transcurso per venas & arterias,
nec non alia viscera, (hæc est sangui-
nis *Circulatio* ab Harvæo inventa) ul-
terius elaboratur, usque dum crebro per
Cor transcurso absolutus fuerit. Quan-
quam autem reliqua viscera, speciatim
hepar (quod licet non convertat chy-
lum in sanguinem, ipsum tamen san-
guinem ulterius coquit, dum hic ipse
parenchymatis hepatici poros transit)
hanc ulteriorem sanguinis perfectio-
nem promovent; cordi tamen præci-
puæ partes tribui debent, quod refluxo
ad se sanguini, plus conferat, quàm &
reliqua

reliqua viscera, & venæ arteriæque, quas transit. Ut ad nostram Fermentationem redeamus, an hic admitti debeat, quæritur? Sane, viri doctissimi, quibus aliàs multum tribuo quando de sanguificatione agunt, identidem illam crepant. Sed voluisssem rationem illius distinctius exposuissent. Certe motus, qui occurrit in Chylo, quando sanguificatur, & potissimum Cordi imputari debet, concitator est, quam ut cum Fermentatione subsistere possit. Ebullitio, in illis quæ Fermentantur, occurrens, est motus quidam, sed qui ad leges definitas non modo intensiōis, sed & extensiōis exactus esse debeat. Modice tepens cervisia & mustum fermentantur facile; neutrum vero hunc motum recipiet, si intense, & ad culinarem ebullitionem usque, qualis vulgo duntaxat nota est, fervidum fuerit. Præterea, partes sanguinis humosæ, per spiritum sanguini inexistentem (si hic occurrat fermentatio) agitatatum

tatum à calore & chyli & cordis, concitari debebunt: simul motus hic ad aliquam perfectionem, ipsi sanguini procurandam tendet: at, cum motus hic Chyli & perficiendi, & sanguinis è chyllo confecti continuus sit, atque nunquam cesset, quid, ad modum termini acquirendum, poterit excogitari? poterit Spiritus ipse in sanguine contentus, variationes plurimas, sed tamen accidentarias (ut deinceps liquebit) admittit, atque illi diversa quasi facies, prout vel ut vitalis, vel ut animalis censetur, accidit; quomodo ergo ipse (si hic Fermentatio quædam contingat) censeripotuerit causa illius efficiens proxima? Neutiquam vero audiendi sunt, qui somniant tam rapidum esse Cordis calorem, ut per eum sanguis in spumam & spiritum convertatur. Quos cum Vir Incomparabilis D. Herm. Contingius Germaniæ suæ Phœnix, contuderit ut decebat in Tract. de sanguinis Generatione, cap. 34. pag. 336.
malo

malo ipsius, quàm meis verbis uti. Ita vero loquitur *vir Egregius*: Verùm enimvero, (*inquit*) experientia constat sanguinem nequaquam in corde ita ebullire, ut in spumam & spiritum agatur. Quocunque enim modo vivi alicujus animalis sive dextrum sive lævum cordis sinum perfoderis, vulnere scilicet aut exiguo aut majusculo in systole pariter, & diastole, non spiritum, non spumam deprehendere est, sed sanguinem merum, calidum. Atqui si ita in spiritum converteretur sanguis in corde, ut lac ut mel ab igne, utique vulnere facto saltem initio spiritus aliquis exhalaret non sanguis. Certe iis argumentis quibus Galenus ostendit contra Erasistratum, sanguinem in arteriis natura contineri, demonstrare licet non spiritum, sed sanguinem in cordis utroque sinu comprehendi. In arterias porro non spiritus, sed merus sanguis ex corde propellitur: quod sectio arteriæ alicujus & integro animali &

mali & in vivo per anatomen aperto, usque adeo manifestum facit, ut nihil sensibus reddi manifestius queat: quo ipso confutantur ii, qui extra cor in arteriis quoque nihil nisi valde spirituosum quid reperiri autumant. Sed nec est, cur forte dicas, in arterias protrudi spiritum refrigeratum, quique sanguineam naturam recuperavit: quid enim illum spiritum momento temporis vicissim ita immutet in arteriis? certe saltem is, qui cordi proximior est, fuerit adhuc spirituosus? & tamen contrarium sensus ostendunt. Ad hoc, non est is cordis æstus ut in spiritum agere possit sanguinem suum: ut ut enim subito vivum & recens motitansque cor contrectes, non deprehendere tamen est vim ignis luculenti, qualem requiri ad id, ut sanguis in spiritum effervescat, notum est iis, qui sanguinis spiritum, quem vocant, chemicorum artificio eliciunt. Multo minus verum est, sanguinem, qui in cordis utroque aut
alter-

alterutro sinu habetur, ejus naturæ
 esse ut in spiritum totus converti possit.
*Huc usque Dn. Conringius, amicus plurimum
 honorandus.* Certe ex animo doleo,
 quod viros cæteroquin summos
 somnium Fermentationis usque adeo
 dementaverit. In Paracello & asseclis
 ipsius ferendum est; non vero in viris
 & Philosophis, & judicio præcellenti
 præditis. qui, quotiescunque ad illa,
 quæ *δυσκόητα* sunt, præter ullam ne-
 cessitatem Fermentationem advocant,
 seriis naturæ ruspatoribus certe viden-
 tur indicare, sibi aquam hæere, nisi (ut
 Poëtæ facere solent) hanc Machinam
 sollicitaverint. At ne aberremus à scam-
 mate, despiciamus proxime, quomodo
 sanguini, è Chylo in Corde elaborato
 accidat Spiritus? Quod non possumus
 convenienter expedire, nisi constite-
 rit Spiritus revera quoque corpori in-
 existere. Eorum τὸ ἔπ negavit vir, alias
 de Naturæ explicatione meritissimus,
 Harvejus lib. de Gen. Animal. &, qui
 illius

illius vitula aravit , Backius libr. de Corde. Quibus oppono solummodo illa, quæ habet Riolanus in Opusculis Anatomicis novis, ubi disputando contra Harvejum *ita loquitur* : Respondeo (*inquit*) spiritus esse partes corporis, late sumpta significatione partis, & ab Hippocrate inter partes nostrum corpus constituentes annumerari, dum per impellentia corpora, spiritus intelligit. Sunt autem spiritus corporei, substantia tenui, & penetrare idonei : ut in majore mundo cuncta rerum est permeabilis aër, ita spiritus in nostro corpore potentissimas & velocissimas edunt actiones, ut flatus in majore mundo montes subvertunt & diruunt : Omnium fere morborum causas Hippocrates à flatibus & spiritibus repetit, ut videre est lib. de Flatibus. Meminit Galenus cujusdam sectæ medicorum ; *pneumatici* dicebantur, & à spiritibus omnes morbos fieri, & foveri existimabant. In praxi videmus spirituum excursus

I

à capite

à capite usque ad pedes celerrimos, & vicissim à pedibus usque ad caput. Morbos pectoris suffocantes, πνευματίας à flatu observamus: qui non possunt discuti, nisi dato spiraculo, scilicet facta inter duas costas paracentesi, ex qua levati fuere ægrotantes. Similiter tympanites sincerus, satis est frequens, & post mortem intumescere totum abdomen cum intestinis videmus sine aqua, ex spiritibus inflatis resolutis. Ergo spiritus in corpore sunt tanquam partes, quæ spirituosus & vaporosus aluntur, aut saltem reparantur. Ideoque materiales, & corporei existunt, qui partim continentur intra vasa cum sanguine arterioso, & venoso, sed copiosiores sunt intra arterias: interdum separati & distincti à sanguine esse possunt, quia nullum in corpore datur vacuum, ut in cerebri ventriculis, unde à spiritu ventriculorum commotio fit sternutatio, Epilepsia, vertigo: Hippocrati in Aphorismis. Pergat, dein: In cavita-

cavitatibus auris internæ conclusus est spiritus auditorius, in sinibus maxillæ, frontis, ossis sphenoidis; in cavitate mediastini; in utraque commissura genæ cavitas inest, qua per fossa seu jugulo, spiritus fugit. Et *Plinio* intra cavitates thoracis spiritus continetur, quia nullum datur vacuum in rerum natura. *Aristoteles lib. 3. de generatione animalium*, Anima plena esse omnia scribit, id est, spiritibus. Alibi, flatibus vitam quandam, & interitum inesse statuit. Cunctarum operationum vegetabilium instrumentum commune est calor internus, aut calidum innatum, vel spiritus per totum diffusus, & in eo spiritu anima, sive animæ facultas, ab omnibus censetur. *Hæc Riolanus*. Quæritur porro, an ad generationem hujus spiritus, qui vitalis vocatur, Aër quoque concurrat, penetrando ad cor? Quod affirmasse videtur *Hippocrates*, non modo in lib. de Aliment. verum etiam in lib. de Corde: ubi sub finem ita lo-

quitur: *Vas illud* (respicit venam arteriosam) in pulmones quidem aperitur, ut illis sanguinem ad alimentum præbeat, in cor autem clauditur, non confertim tamen, quo aër quidem ingreditur, neque tamen admodum multus. Aristoteles & Galenus hic dubii sunt, nec certi aliquid affirmant, ut à pluribus observatum est. Quamquam, recentiores plerique Aristoteli accedunt. Backius existimat absolute necessarium esse, ut Aër cum sanguine misceatur. Cæterum, quamquam hæc sententia magnos viros patronos habet, in alia omnia tamen ab illis recedere cogor: & fateor, me inclinari ad dissentium pondere rationum accuratissimi Higmori, cujus & verba, prout occurrunt lib. 2. Disq. Anatomicæ par. 2. pag. 171. non possum non hic exhibere: Primo (inquit) Aëris substantiam cordis sinum ingredi, magna sanguinis copia in vase illo perpetuo decurrens non admittit, nullamque aliam communionem cum Asperæ arteriæ bron-

bronchiis invenire possumus, quæ aër inspiratus per venam hanc cordi transferatur. Sed dicant forsan, licet nulla sit vasorum communio, tamen aër qui in parenchyma extra bronchias sit effusus, vasis hujus surculos penetrare poterit, atque sic cordis sinum peter. At hoc falsum esse, sequens demonstrabit experimentum. In vivorum dissectionibus, pulmones adhuc calidi, spiritibus scatentes eximantur; dissectis utriusque vasis, arteriâ scilicet & venâ; & pulmones foliis vel ejusmodi inflentur, & inflatis Aspera arteria artissime circumligetur, ita ut aër inflatus per illam nequaquam exeat; si per vas hoc venosum exspiret aër, pulmonesque decidant, tunc ut cordis sinum ingrediatur, necesse est ut fateamur. Sed si pulmones inflatos per spatium horæ & amplius conservavimus, nec aër affatim, aut sensim per vasis hujus orificium irruebat, evidenti demonstratione patebit, aërem per

I 3 illum

illum nullo modo transire posse. Quod sanguinem contineat, ejus sectio in vivorum dissectionibus abunde demonstrabit. Secundo, Si cor aërem attrahat, vel in diastole ejus, vel Systole efficitur. Non in Systole, quia tunc ad expulsionem se accingit, sanguinemque ac spiritus effudit, & contrarias ejusmodi actiones simul non admittit natura. Neque in Diastole fieri poterit, nisi & pulmonum inflatio & inspiratio, ac cordis dilatatio eodem contingeret momento. Si enim cor parietes suos extenderet, eodemque tempore pulmones deciderent, & aër expiraret, frustranea foret illa cordis dilatatio, quia aërem à pulmonibus non reciperet. Si pulmones aërem attrahant, fiatque inspiratio, quia cor nullum admittit aërem. Atque sic cor & pulmones simul semper moveri & dilatari, ac motum ab altero dependentem utrumque habere sit necesse. Sed hoc falsum esse quisque attestari poterit, &
pulsus.

pulsus motum naturalem fuisse, & extra nostram potestatem; respirationem verò voluntariam, & ad arbitrii nostri judicium exerceri, fatebitur. Tertiò. Si aër ad spirituum generationem sit necessarius, tunc sine illius admistione generari non possunt, sed hoc falsum est: Spiritibus hisce non destituuntur pisces, quiaquam vice aëris hauriunt; Siquidem & infantes in utero inclusi aërem non ducunt, spiritibus tamen vigent; licet sanguinem piscibus denegavit Aristoteles, utrosque tamen sine respiratione habere, uniuscujusque oculi confirmare poterunt. Quarto, Præterea Aristoteles lib. de respir. cap. 6. *Figmento simile esse, spiritum qui calidus est, posse augeri ab aëre qui frigidus est, asserit.* Deinde vapor ille sanguinis, altera spirituum materia oleosa est, nec facile cum aëre, aqua scilicet rarefacta, commisceri potest: Ex quibus omnibus aëris substantiam nequaquam cordis thalamos ingredi posse, liquet.

Qualitatem verò gratis admitteremus, dum sanguis, vasa hæc percurrentes, à circumambiente aëre refrigeretur & temperetur. *Hactenus eximius ille Higmorus:* cujus rationes, principiis Anatomicis subnixæ, & quibus demonstrandis ipsa *αὐτοψία* favet, tantum pondus habent, ut obfirmatus ad verum veritatem haberi debeat, qui iisdem refragari præsumpserit. Sed, interim jam queritur, cum, spiritus insitos contingat, ob rationem supra propositam, exhauriri; si non restaurentur per Aërem, qui respirando attrahitur, unde iis, ut sanguini sufficienter inexistant, supplementum accedere possit? Omnibus quam diligenter expensis, & aliorum sententiis collatis, statuendum videtur; spiritum illum colligi ex ipsis alimentis, quæ cum & ipsa spirituosæ sint, per coctiones varias, (non tamen per Fermentationes, aut effervescentias, quas non possumus hic admittere, ob illa, quæ dicta sunt: multominus locum dare

dare Fermento, quod Corn. ab Hogelande deferri finxit in cor per coronalem arteriam) non tam separantur, quàm exaltantur, usque adeo, ut per frequentem sanguinis circulationem, & reditum ad cor, spiritus veri rationem induat: maxime vero perficitur spiritus, quando per arteriam pulmonalem, in pulmones est delatus; ibi enim sanguis, spiritum hunc deferens, ab aëre inspirato alteratur, & per eundem exspiratum fuliginibus excrementiis, in gratiam maxime hujus spiritus liberatur, atque per venam pulmonalem in sinistram cordis auriculam delatus, pariterque in sinistrum ventriculum, sic absolvitur, & defæcatur, ut complementum suum spiritus accipiat. Hic vero spiritus, *influens* vocatur, quòd serviat spiritui insito & conservando, & in actum excitando. Multiplex vulgo quoque statui solet: atque (omisso *spiritu naturali*, qui duntaxat est rudimentum spiritus, seu, spiritus in fieri) dividi solet

in vitalem, & animale. Sed, si rem
recta via putemus, revera unus dun-
taxat spiritus est. Quod & gnarum erat
redivivo illi Germaniæ Galeno D. Hof-
manno libr. 2. de Thorace, cap. 28.
*Quamvis revera, (inquit) unus sit spi-
ritus, tantum è corde pullulans: reprehen-
ditamen non debet Galenus, quod pro par-
tium actionumque in illis diversitate, diver-
sa illi dederit nomina. Ut ignis aliud in pa-
lea, aliud in ligno, aliud in lapide, aliud
in metallo; ita pro subjecti diversitate spiri-
tus. In Comment. in Galenum de Usu
partium, idem pag. 210. sequentia ha-
bet: Spiritus animalis hoc solum differt à vi-
tali, quod in cerebro infrigetur: (quo-
modo hoc intelligi debeat, ex subse-
quentibus liquebit) Cerebri enim alius
calor est quam Cordis, & spiritum facit non
ἄλλον sed ἄλλοίον, aliâ qualitate indutum.
Spiritus itaque differunt subjecto: Cor enim
emittit omnibus partibus eundem spiritum; at
in illis partibus & ab illis accipit ἰδιότῃτα il-
lam, quâ alius sanguificat, alius lactifi-
cat, alius.*

eat, alius seminificat, &c. Quæ posteriora tamen dextrè intelligi debent. Neque enim pro multiplicatione partium, diversis operationibus destinatarum, spiritus pariter multiplicari debet. Diversitas ejusdem accidentaria se exhibet à parte cordis, cerebri, & testium; unde & triplex statui potest: Vitalis, animalis, & genitilis. Hunc tertium, quem multi omittunt ratione accidentariæ differentiæ ab aliis duobus distinctum, agnoscit idem Hoffmannus, ita loquens lib. 2. Instit. Med. cap. 150. §. 5. *His addere fortassi liceat spiritum Genitalem, (illud fortassis abesse posset) seu Gignitivum, qui cum semine masculo transfusus in uterum fœmina, orditur, quin perficit etiam, opus naturæ omnium maximum, generationem. Sed seposito hoc spiritu genitili usque ad caput proximum, quo uberius considerabitur, breviter expendamus, spiritum ut vitalem & animale. Vitalis autem dicitur spiritus is, qui in corde genera-*

tur eo modo, quem paulo antea proposuimus. De cuius fine ita loquitur Liddelius lib. 1. *Physiol. Med. cap. 9.* *Finis* (inquit) *spiritus vitalis* primò in ipso corde est, ut, permistus calori insito cordis, reddatur facultatis vitalis appropriatum instrumentum. Deinde extra cor, quatenus per arterias delatus, calorem à corde influentem, in omnes partes desert, &c. Præterea ut sit materia apta, ex qua spiritus animalis gignatur. quæ postrema verba probe observanda sunt, nam, idem hic spiritus vitalis, fit animalis, per ulteriorem elaborationem, quæ eidem in cerebro contingit. Nam spiritus *Animales* (sic loquitur accuratissimus Higmorus de *Hyster. pass. cap. 10.*) sunt *Atomæ* quædam, minutissima sanguinis particule igneæ, attenuatæ, rarefactæ, calore ac fermentatione (Fermentationem hic non esse agnoscendam, patet ex superioribus) in cordis sinibus exaltatæ, & cum sanguine simul per arterias cerebro transmissæ, ubi per substantiam ejus variis man-

dris rē

ris rivulisque tenuioribus discurrentes, energia cerebri propria eliciuntur, à sanguine preparantur, ac in meatibus ejus ad usum reservantur. Horum spirituum primo consideranda materia est, & deinde locus generationis in cerebro. Utrumque ut cognoscatur, rursus pro meis adoptabo ejusdem Higmori verba. Qui ratione materiae ita loquitur libr. 3. *Disq. Anat. part. 1. cap. 9.* Galenus non solum ex sanguinis benigni exhalatione, ex arteriis suscitata, generari; sed & Aëre, motu Cerebri per Nares attracto, in ventriculis elaborato, atque exhalationi illi sanguinis exquisitè commisto, fieri docet. De sanguine extra dubium esse arbitramur; de Aëre vero, an & hic etiam ad spirituum generationem requiratur; nondum nobis constat. Cerebrum enim undique ab externo aëre defenditur, &, qui per nares attrahitur, non ad cerebrum, sed pulmones defertur. Sed dicant forsan, licet maxima Aëris pars ad pulmones delegatur,

aliquantulum tamen deerrare poterit, ut ad cerebrum per cribrosa ossis Ethmoidis spiracula ascendat, concedatur & hoc, aërem scilicet una cum odoribus per os illud ascendere; in Cerebri substantiam aut ventriculos tamen non pervenit; prætermembranam enim tenuem quâ investitur undique, multâ cerebri substantia interjicitur, adeò ut si membranam penetraret, ventriculos tamen adire nequeat. Prætereâ omnes per nares non inspirant, (iisdemque sensus odoratus perit) sed sæpissimè per os tantummodo, ubi narium meatus pituitâ aut coriza obstruitur: quomodò tunc aër cerebro communicatur? Nullanè tunc spirituum generatio? Continua sanè illorum deperditio perpetuâ restauratione compensatur. Ulterius urgeri poterit; Si aër necessaria ad spirituum generationem sit materia, semper requiritur, nec fieri possunt sine aëre. Entia non sunt multiplicanda sine manifestâ necessitate. Sed, si sine aëre

spiritus

spiritus aliquando generantur, meritò, de necessitate hujus ad illorum compositionem dubitare possumus. Quod aliquando sine aëre spiritus animales generentur, facile probare possumus. Quęcunque animalia motum habent & sensum, spiritus etiam habent animales, omnia tamen non spirant, aut saltem aërem respirando non attrahunt. Pisces quam celeritè ac rapidissimè sese movent, sensu tactus & visus acutissimè pollent; atque horum authores sunt spiritus animales, qui tamen ab aëre non efficiuntur, quia illum non attrahunt.

¶ paulo post: Spirituum (*animalium* scil.) puritas vel impuritas non à temperie cerebri solummodo dependet, sed & à materia à quâ generantur. Ob sanguinis itaque crassitiem spiritus fiunt vel crassiores vel puriores: sanguinem enim simulantur omnes corporis partes & actiones, adeò si sanguis sit pituitosus vel melancholicus, spiritus impuriores & torpidi generentur: si laudabilis sit san-

fit sanguis & tenuis, puri, tenuiores & agiles fiant. Hinc fit ut rustici & tenuioris fortunæ homunciores, præter educationis privilegium, ingenia habeant torpidiora & lequiora generosè natis ac lautioribus victitantibus cibis; quia cum alimentum illis non sit tam boni succi, sanguis æque bonus non generatur, ideoque nec spiritus adeò subtiles ac puri. *Huc usque Higmorus.* Idem Higmorus, quod ex illis, quæ jam adducta sunt, liquere etiam posset; recte statuit, spiritum hunc animale non generari in ventriculis cerebri: sed, per totum cerebrum diffusum, illud ipsum quoque, quantum quantum est, quasi pro matrice habere. Quod & agnoscunt majorum gentium Anatomici, *Platerus, Baubinus, Varolius, & Spigelius.* Præ aliis vir singularis *Hoffmanus*, hanc sententiam & probat & propugnat *Animadv. in Montanum c. 14. §. 68. & l. 2. Instit. Medic. c. 64.* quod tamen sic interpretor, ut universum cerebrum.

cerebrum & conceptioni & conformationi spiritus animalis inserviat quidem; attamen nihil in cerebro occurrat, quod non elaborationi & perfectioni ejusdem serviat. Nec sollicitum de argumento illorum, qui ventriculos cerebri ideo maxime spiritus animalis, qua talis, officinam debere censeri contendunt, quod & recipere possint excrementa sanguinis, è quo spiritus hic generatur, & pariter quoque generare spiritus. Nam, præterquam quod præsupponi debet, spiritum hunc ipsum, ut futurum animale, antequam cum sanguine ad cerebrum deferatur, depuratum sufficienter non esse: hoc quoque certum est, ea, quæ per coctionem ex certa materia præparantur, mox neque excrementa post se relinquere, neque si excrementa habeant, illa deponere in loco suæ generationis. Manifestissimum hoc est in ipso Corde, in quo licet singularis Chyli coctio & spirituum vitalium generatio no-

ratio notari possit, non tamen excrementa (si quæ supersint) ibi, sed alibi deponuntur. Quod & de liene, ex quorundam sententia dicere licuerit. Hic vero spiritus animalis, juxta Liddelium l. d. duplicem usum habet; vel in ipso cerebro, vel extra illud. In ipso quidem cerebro, ut sit idoneum & appropriatum facultatum principium, sive sensuum interiorum instrumentum. Extra cerebrum, &c. quatenus per spinalem medullam, & nervos, irradiando & permeando in totum corpus diffunditur, ut facultatem sensus motusque deferat & custodiat. Hoc est, excitat ad actualem sensationem ipsos nervos, facultati huic inservientes, per irradiationem quandam in illos influendo. Atque ita à parte animalium consideravimus spiritum, velut proximum animæ instrumentum, eundemque, pro diverso respectu & vitalem & animale. At hic ipse spiritus, est ignis ille cælestis, prout jam antea consideravimus. Adeo ut con-

venien-

venienter de eo illud magni Poëtæ l. 6.
Æneid. usurpari possit:

Ignes est olli vigor, & caelestis origo.
Cumque hic ignis per motum continu-
uum reddatur intensior, & conse-
quenter, juxta principia nostra, jam
antea proposita, indigeat aliqua re, in
qua velut pabulo suo, (utendum est
formula hic usitata) conservetur; pro-
vidus Universi Architectus Deus, hic
quoque providere voluit: ei in illo, cum
quo generatur, pabulum assignando,
nempe pinguiorem & oleosam sangui-
nis portionem, quam absomit relicto
quoque recremento usto, salso, & inuti-
li, quod admixtum serosę sanguinis por-
tioni, partim per vesicam, partim per
cutis spiracula haut difficulter excerni-
tur: eoque, si aut defecerit sanguis, aut
tenuior & magis oleosa illius pars cor-
rupta fuerit, hic quoque ignis extin-
guitur, partim ob defectum materię,
partim ob ejus corruptionem. Sed plu-
ribus de hoc agere nolo, quod hæc
jamdiu.

jamdiu præoccupaverit vir summus, Dn. Conringius cap. 11. & cap. 23. de Calido Innato. Ut tandem concludam & finiam hanc Diatribam, seu de spiritu, seu igni, seu calido animalis; cum illud sanguini inexistens inserviat animæ tanquam instrumentum proximum, quo mediante functiones suas exequitur; hinc, ipsa Scriptura præeunte, anima dicitur esse in sanguine: Imo ipsa anima pro sanguine, & vice versa, sanguis pro anima Metonymice usurpatur. Nota sunt illa Mosis verba Levitici cap. 17. v. 11. *Nam anima cujusque carnis in sanguine est.* & v. 14. *Quoniam anima omnis carnis; non comedetis: quia anima omnis carnis sanguis ejus est.* Ps. 30. v. 10. dicit David: *Quæ utilitas in sanguine meo?* Ad quæ R. David Kimchi ita commentatur: *In sanguine meo, hoc est, in anima mea. Nam sanguis est anima, hoc est, vita qua vivimus.* Poëtarum Latinorum princeps Virgilius eodem modo dixit lib. 9. *Æneid.* v. 349.

per animam intelligendo sanguinem :
*Purpuream vomit ille animam , Et cum
sanguine mista Vina refert moriens.*

De quo loco consulendus Cælius Rhodiginus lib. 8. Antiq. Lect. cap. 1. quas consentanea sunt Empedoclis Philolophiæ , qui , teste Cicerone lib. 1. Tusc. Quæst. censebat , *animam esse cordi circumfusum sanguinem.* Verlus Empedoclis occurrit apud Authorem Etymologici Magni : *Ἄνιμα γὰρ ἀνθρώποις περιέχον ἐστὶ νόημα.* Imitatus est Comico-
rum lepidissimus Aristophanes , qui ἐν ταῖς Νεφέλαις , sive , in Nubibus , agens de Cimicibus , Act. 2. sc. 1. dicit : καὶ τὴν ψυχὴν ἐκπίνουσι : *Animam ipsam* (hoc est , sanguinem , per spiritus potissimum animæ inservientem) *exsugunt.* Quæ si cogitemus , facile veniam dabimus antiquis Philosophis , Mentem , hoc est , animam rationalem , sive Ignem , sive Aëra statuentibus. Siquidem attenderunt illud , in quo Anima se manifestat operando ; quod , juxta
princi-

principia nostra, antea proposita, potissimum est spiritus; tum Ignis, tum Aëris rationem habens. Atque, animam quidem Ignem esse, Stoici statuunt apud Ciceronem lib. 1. Tusc. Q. ex eorum sententia loquens Plutarchus lib. 4. de Placit. Philos. cap. 3. animam vocat, πνεῦμα θεϊκόν. Eadem fuit sententia Democriti, qui apud Plutarchum l. d. animam statuebat esse, πυρῶδες σύγκρημα, igneam compagem. Si non fallit enim Plutarchus, Heraclitus in vita Romuli dixerit: ψυχὴ ὥσπερ ἀσπᾶνὴ νέφος διπταμένη ἐ σώματι. Anima ex corpore, ut ex nubefulgur exilit. Notum quoque illud Epicharmi, à Laërtio & Plutarcho relatum: Terra corpus est, at mens ignis. Cicero quoque lib. 3. de Republ. citante Augustino libr. 4. contra Pelagium dixerit: In quo tamen inest, tanquam obrutus quidam divinus ignis ingenii & mentis. Nec alienus ab hac sententia videtur esse ipse Plutarchus, siquidem libr. de Def. Oracul. animam vocat,

vocat, πνεῦμα αἰθερῶδες καὶ καθαρόν.
 atque hanc rationem reddit in Quæst. Ro-
 manis, agens de hoc spiritu Æthereo:
 Ἀρχὴς κινήσεως ἐν ἡμῖν; Suppetit principium
 motionis. Aëra, ob rationem antea pro-
 positam animam nostram esse, Anaxi-
 menes statuit, cujus est hæc vox apud
 Plutarchum libr. 1. de Placitis: ἡ ψυχὴ
 ἡ ἡμετέρη, Ἀἰὲρ εἶσα, συγκρατεῖ ἡμᾶς: Ani-
 ma nostra, Aër cum sit, nos temperat: at-
 que apud eundem libr. 4. de Placitis
 Philos. cap. 3. Anaxagoræ sectatores
 animam dicunt esse, Ἀερινὴν, sive;
 Aërea naturæ. Quod vero spiritus hujus,
 per ignem aëre deVecti se prodentis, do-
 micilium Cor sit, ideo Ægyptii cor
 pro Anima Symbolice accipere soliti
 sunt. Testis est Horapollon l. 1. Hiero-
 glyph. cap. 7. ita per Interpretem lo-
 quens: *Quin & pro anima* (inquit) *po-*
nitur accipiter, juxta nominis interpretatio-
nem. Siquidem Ægyptiis accipiter Bajeth
dicitur, quod nomen si divideris, animam
& cor sonat: Bai enim anima est, & Eib
cor. Co-

eor. Cor autem ex Ægyptiorum sententia, animæ ambitus est. Hæc præcedentibus superaddere volui. Converto me deinceps ad Spiritum genitalem.

CAP. XVIII.

De spiritu genitalem in semine sese prodeunte: de seminis generatione, & efformatione fœtus in utero. Qualis fermentatio in seminis elaboratione, vcnerea titillatione, & genitura ipsa notari debeat.

Spiritum juxta accidentariam differentiam, genitalem in Animalibus censerî posse, superiori capite audivimus. Quod, ut distinctius cognoscatur, hoc capite allaborabimus, acturi simul de animalium, potissimum hominis, formatione per genituram, quæ usque adeo admiranda est, ut Propheta & Rex David Psal. 139. v. 14. & 15. exclamet: Mirifice formatus sum, mirabilia sunt opera tua. Formatus sum in interioribus terræ. Ubi in Ebræo Textu occurrit verbum **קִפַּרְתִּי**, quod arguit formationem

tionem πολυπείκιλον corporis humani, ex variis membris, venis, arteriis, ossibus, carne, cute. Phrygianico quasi opere contexti in inferioribus terra, hoc est, in utero matris, ut Chaldæus Paraphrastes, ipsique Rabbinii exponunt. stupenda enim est hominis plasmatio. Adeo, ut haud absque causa Jacobus Schegkîus ab his verbis incipiat suum Tractatum de plastica Seminis facultate: *Admiranda sunt (inquit) naturalium rerum vires & facultates, sed animatorum formatrix & plastica facultas haud paulo admirabilior est reliquis, ut quæ ex rudi & indigesta materia genitili tam multas variasque partes, differentes temperamentis; quantitate, figura, numeris, harmoniis, aptisque connexionibus, & naturali compositione coherentibus, animæ inhabitandum fabricet corpus. quamquam vero hæc Mysteria, recondita magis sunt, quam olim Eleusinia, atque uni Deo pateant, conari tamen aliquid debemus; cum pulchrum sit aliquo etiam*

K

prodiis-

prodiisse. Initio autem considerabimus ipsum semen, ut *συνεκτικὸν* spiritus genit-
 talis: Secundo Genituram seminis: &
 tertio foetus efformationem é semine.
 Quod ergo primo ad semen, quod Pyt-
 hagoras apud Plutarchum l. 5. de Placi-
 tis Philosophorum c. 3. vocavit ἀφρόν &
 ζῆλον τὰ τοῦ αἵματος, ἢ πρεῖτισμα τῆς τροφῆς.
 Spumam optimi sanguinis, aut etiam excre-
 mentum alimenti: illud spiritu, & quidem
 copioso abundat. Unice ad hoc proban-
 dum facit Aristotelis locus ex lib. 2. de
 Gener. Animal. cap. 3. supra adductus
 pag. 175. ubi expresse testatur spiritum
 in semine ὡς ἐν τῷ ἀφρώδει, seu, ut in spu-
 moso corpore contineri. Atque hic est
 ille spiritus: qui ipsorum animalium se-
 men foecundum reddit; censendum ἀφ-
 ρόν, ignavum, & ad genituram inept-
 um, si hoc ipso spiritu destitutum fue-
 rit. 1. Hoc patet ex accuratiorum Ana-
 tomicorum observationibus, qui in plu-
 ribus quoque animalibus, mox à con-
 ceptione sectis, nihil deprehendere po-
 tuerunt,

tuerunt, quod vel masculino, vel fæminino semini ulla quoque ratione responderet. Sexcentorum testium instar sit accuratissimus Harvæus, qui exponens historiam constitutionis uteri in cervis, & damis, postquam conceperunt, in libro de Generat. Animal. Exerc. 67. hæc inter alia habet: In illa vero nec sperma maris, nec aliud quippiam ad conceptum spectans (licet accuratam per Septembris atque Octobris menses totos dissectionem instituerint) invenire unquam potui. Mares tamen quotidie coitum celebrabant, egoque fæmellas quam plurimas dissecabam. Estque hoc ipsum mihi multorum annorum experientia comper-
tum. Vidi quidem in nonnullis, carunculas inter se vicinas adeo, ut quasi protuberantiam quandam continuam, ex quinque simul junctis, præ se ferrent. Cum autem, periculo sæpius facto, nihil aliud intra utericavitatem occurreret; cœpi primum dubitare,

num maris semen ullo pacto (injectione scilicet, aut attractione) conceptionis locum posset ingredi? tandemque iterata sæpius inspectio sententiam hanc mihi ratam fecit, Nihil prorsus feminis ad ea loca pertingere. *Hæc ibi Harvey.* Atque iterum exercitatione proxima, siue, exerc. 68. *sequentia habet:* In canibus, cuniculis, aliisque plurimis animalibus, expertus sum, nihil prorsus in utero, post coitum, per aliquot dierum spatium reperiri. Adeo, ut exploratum habeam, in viviparis quoque (quod supra de Oviparis constitit) nec ex spermate maris, aut fœminæ, in coitu projecto; nec ex ambobus simul mistis (ut Medici volunt) oriri fœtum; neque ex sanguine menstruo, tanquam materia, (ut Aristoteles censuit;) neque protinus à coitu, conceptus aliquid necessario constitui. Et proinde haud verum est, in coitu prolifico, materiam aliquam in Utero paratam adesse, quam mascululi se-

culi seminis virtus (coaguli instar) coquat, coagulet, & efformet; vel in actum generationis deducat; aut, re-
 ficcata extrinsecus superficie, mem-
 branis includat. Nihil enim omnino
 per dies complusculos, &c. Inesse cer-
 nitur. *Hæc iterum Harvæus.* quæ confir-
 mant omnino ipsius opinionem, semen
 matris à coitu, utero iterum excerni,
 atque duntaxat contagium quoddam
 spirituosum remanere, cui & omnis fec-
 unditas & ipsa quoque foetus plasma-
 tio accepta referri debeant. Quod con-
 tagium spirituosum aliter non admit-
 to, quam ut inexistit humido. Nam,
 ut dicit Aristoteles loco sæpius addu-
 cto, spiritus hic continetur in semine spu-
 mosoque corpore. quoniam vero ovipera-
 rorum mentionem fecit Harvæus, am-
 plius observandum est, quod idem ac-
 curatus Author habet, Exerc. 40. ita lo-
 quens: *Verisimile est* (inquit) *ex supra di-*
ctis, & Fabritii quoque experimento, pauculas
coitiones, & gallina per dies aliquot cum

gallo consortium, sufficienter eam, aut ejus saltem uterum, per annum integrum fecundare. Idque egomet etiam, experientia edoctus, ex parte affirmare possum: nempe vicesimum ovum à gallina (post hujus à gallo divortium) proveniens, fuisse fecundum & prolificum. & aliquanto post: Nullibi in gallina genituram galli stagnantem invenire potuimus, sed quam primum hæc munus suum expleverit, vel foras elabitur, & in spiritum (aqueo-aëreum) versa evanescit. Cumque per quotidianam experientiam constet, (quod obiter quoque Harvæus innuit) gallinarum ova, quando illas galli ineunt, ut plurimum nondum formata esse, aut non excedere minimum granum, certo & indubitato est argumento, ova fecundari non à corpulentia ipsius seminis, sed à spiritu, qui in illo occurrit. 11. Experientia c. l. D. Anthonii Everardi Medici apud Medioburgenses meritissimi, quondam discipuli, idem probat: siquidem testatur in erudito Tractatu de Homi-

Hominis Brutique exortu pag. 31. se in cuniculo tertio à coitu die dissecto , imprægnatoque , nihil quicquam liquoris , succi , seminis aut quod seminis haberet similitudinem , in utero invenisse ; spiritus siquidem collectus in exili portione humidi seminalis , genituræ sufficit. III. Atque hanc ob causam Poëtæ fabulati sunt Venerem , amorum matrem , è maris spuma ortam , ut arguit quoque nomen Ἀφροδίτης , Nam Venus dicitur ἢ Ἀφροδίτη , ἀπὸ τῆς ἀφρῶ , à spuma : item ἀφρογενεία , ὅτι ἐν ἀφρῶ θρέφεται. Arnob. libr. 4. contra Gentes : Nunquid à nobis dicitur , ex Pelagi spuma , & ex Cœli genitalibus amputatis , Cytheræ & Veneris concretum coaluisse candorem ? Causam tangit Aristoteles lib. 2. de Gen. Anim cap. 2. His de causis (inquit) semen quoque exit intrinsecus spissum , & album calore interiore , multum spiritus calidi (τῆς ἐν τῷ θερμότητι & πνεύμα πολὺ ἔχον) continens , &c. Causa ut album sit semen , quod genitura spuma est : spuma autem alba est , & maxime , quæ

ex paucissimis partibus constat, & tam parvis, ut cerni ampulla nequeant. ac paulo post: ἔοικε δὲ ὑδὲ ἀρχαῖους λανθάνειν, ἀφρώδης ἢ ἔσπέρματι φύσις. τὸ γὰρ κυεῖαν Θεὸν τῆς μίξεως, ἀπὸ τῆς δυνάμεως ταύτης θεωρηθῆναι. Nec verò homines antiquos latuisse videtur, naturam seminis esse spumosam. Deum enim, quæ rei veneræ præest, ab ea ipsa facultate nominarunt. Ideo quoque Aristoteles, (teste Plutar. l. 5. de Placit. Philos. c. 3.) semen definivit, ἀφρὸν ἔχοντά τιν αἷματι, spumam optimi sanguinis. Ergo juxta Aristotelem, omnis ἐνέργεια seminis consistit in Spiritu. Cui & accesserunt Stoici. Chrysippus siquidem apud Laërtium in Menone, semen vocat, κατὰ τὸ ὕσιαν πνεῦμα. De quo videndus Lipsius l. 3. Phys. Stoicæ c. 6. Ut vero spiritus, & vitales & animales, superiori capite considerati, ignis quidam celestis sunt, Aëris vehiculo utens, ita idem de hoc spiritu existimandum est. Unde & Antiqui quoque non dubitarunt Ignem vocare. Varro lib. 4. de LL.

Causa

Causa nascendi duplex, ignis & aqua: ideo ea in nuptiis adhibentur. Et mas ignis quod ibi semen, aqua foemina, quod foetus ab ejus humore. atque paulo post: Poeta de caelo semen igneum cecidisse dicunt in mare, ac natam esse spumeis venerem, conjunctione ignis & humoris, quam habent vim significantes. Nam juxta Aristotelem l. 2. de Gener. Anim. cap. 6. ἡ δὲ θερμότης ἐνυπαίρχει ἐν τῷ σπέρματι καὶ περὶ τὸ ὥματι. Inest calor (intelligere convenit, substantiam calidam spirituosam, sive spiritum calidum) in excremento seminali. Ignis autem hic ratione qualitatis temperatus est, atque ita modificatus, ut pro diversorum animalium genitura exequendo suo officio convenientur sufficiat. quod Aristoteles eodem loco docet, quando dicit θερμότης τοσαύτη, καὶ τοιαύτη ἔχουσα δύνασιν καὶ πλὴν ἐνέργειαν, ὅση σύμμετρον εἰς ἕκαστον τῶν μορίων. Calor tantam talemque motionem habet, quantum modice ad quamvis corporis partem accommodetur. Hinc Cupido Deus Amorum,

226 *Mart. Schoockius*,
 & cæcus ille Veneris filius, facem ge-
 stare fingitur: & Hippocrates, Sect. 5.
 Aphoris 63. de semine utitur verbo ἐκ-
 πυρῆσαι, sive, inflammandi: Notum quo-
 que Pauli Apostoli verbum 1 Cor. 7. 9.
 ἡμεῖς οὖν ὡς ἐσθλα μὴ σαρξ, ἢ πυρῆσαι. quo-
 modo nihil quoque frequentius est pro-
 fanis Authoribus, quam voces uri, ar-
 dere, ignis, & flamma de libidinosi amo-
 ris affectu ulurpare. Lucret. lib. 1. de
 Rer. Nat.

*Nunquam Tyndavidis forma conflatus
 amore*

*Ignis Alexandri Phrygio sub pectore gli-
 scens*

Clara accendisset savi certamina belli.

Virgilius de Didone sua lib. 4. Æneid.
 Caco capitur igni. & libr. 3. Georg. de
 Equis: In furias, ignemque ruunt: amor
 omnibus idem. & apud eum Palæmon
 Eclog. 3. Meus ignis Antymas.

Horat. lib. Epod. Od. 14.

*Vreris ipse miser. Quid si non pulchior
 ignis*

Accendi

Accendit obsessam Ilion,

Gaude sorte tua.

quæ omnia ex subsequentibus clarius innotescunt. Pergimus, secundo consideraturi seminis propaginem, maxime vero spiritus, qui semen fecundum reddit. Non est vero seminis materia, quam vocare licet semen imperfectum; colliquamentum totius corporis, quod ex toto corpore, ex humidis scil. & mollibus partibus & ex universo totius corporis humido secernitur, ut statuit Author libri *περί γυνῆς*, sive is fuerit Hippocrates, sive Polybus, ut vult Galenus. Empedocles, teste eodem Galeno l. 2. de semine c. 3. divisionem inter marem & foeminam finxit, atque mediam partem seminis complectentem partes meliores, præcidi à mare, alteram vero à foemina. Fulse sententiam utramque refutavit Aristoteles libr. 1. de Gener. Anim. cap. 17. & 18. item Galenus l. d. quorum rationibus alias addidit Fernelius lib. 7. Physiol. cap. 2.

& Vallesius lib. 2. Controv. cap. 8. quibus nos nihil addimus. Alii ex antiquis alias de seminis materia opiniones forerunt, veritati haud consentaneas, quas qui cognoscere vult, consulat Laurentium lib. 8. Hist. Anat. cap. 2. quæst. 4. Inter recentiores hic quoque non convenit. Fateor lubens, me non admodum alienum fore à sententia illorum, qui seminis materiam statuunt succum lacteum chylosum, si modo vas conveniens notum esset, per quod ad vasa spermatica deferretur. Nec hactenus mihi satisfacere potest ductus chy-liferus, à Nobili viro Ludouico de Bils Anatomicae cultore industrio & indefesso tantopere prædicatus, ut forte *ἐν τῷ Θεῷ* alibi ostendam. Eoque hactenus acquiesco in sententia, quæ antiquis & recentioribus multis placuit: juxta quam seminis materia est sanguis, sive sanguinei alimenti portio redundans, frequenti circulatione depurgata magis, ac spiritu copioso eoque puriori foecunda.

fœcunda. Quod ipse quoque Spiritus Sanctus indicare videtur Joh. 1. 13. Οὐκ ἐξ αἱμάτων, ἔδ' ἐκ θελήματος ἀνδρῶν, ἀλλ' ἐκ θεοῦ ἐγεννήθησαν. Certe Augustinus illud ἐξ αἱμάτων, (juxta Enallagen, Græcis familiarem, pluralis numerus pro singulari accipitur) de naturali generatione accipit. At nolo hoc præfacte urgere. Videtur autem purior hic sanguis, & simul oleaginosus, per arterias spermaticas originem trahentes ex arteriæ magnæ trunco, & venas spermaticas, ortas ex venæ cavæ trunco, ad testes deferri, ut ulterius ibi elaboretur. Arteriæ autem hæ & venæ ab utroque latere in testes quasi inoculantur, & infinitis modis antequam eò deveniant convolvuntur, ut putentur vulgo vitium tenellos capreolos referre: quod provido consilio à naturæ architecto factum est, quò sanguis per anfractus exspatiatus subsidio circulationis purior redderetur. An vero in ipsis testibus, semen coctione ulteriori perficiatur,

expedire arduum. Non convenit hic inter ipsum Aristotelem & Galenum. ille lib. 5. de Gen. Anim. c. 7. expresse facultatem seminis elaborandi negat testibus, alios iis usus assignando. Contrarium Galenus tuetur in lib. de Semine, & alibi. Recentiores quoque, quae Medici, quae Philosophi inter se dissentiunt, quibusdam Galenum, aliis Aristotelem propugnantibus. Quamquam autem viri summi, quibus omnia alias defero, existimant semen jam elaboratum, à testibus, qui exugant sive emulgeant serosam ipsius substantiam, perfectius reddi; putarim tamen iis non esse denegandam vim conficiendi semen: præterquam enim quod hoc videtur exigere substantia eorum, semini conspissato, aut quasi congelato similis; amplius in grandiorum belluarum testibus circa membranam interiorem, quam plurimi & vix numerabiles venarum arteriarumque ramuli animadverti possunt: qui certe non videntur ser-

tur servire solis testibus nutriendis. Videntur vero non soli testes, sed & vesiculæ seminales, ac prostatae, semen quoque sui generis elaborare. Quo fortè convenienter retuleris illa, quæ habet Harvæus exerc. 65. occasione cervorum & damarum accuratissime à se consideratorum: *Dictum mirum* (inquit) *quanta maribus coitus tempore, tum in vesiculis seminariis plurimum distentis, tum etiam in testiculis abundet geniturae copia.* Semen hoc generatur non modo in maribus, sed & in fæminis. Quæ cum testes habeant, (nescio cur viri summi cadavera testium vocent) *αὐτοψία* quoque suadente semen continent, dubio procul in illis elaboratum. (De usu hujus seminis postea videbimus) Interim non æque perfectum est hoc fæminarum, quam virorum semen, quia nec æque perfecte elaboratum est. Non displicent per omnia, quæ habet Accuratissimus Higmoreus l. 1. Disq. Corp. hum. part. 4. cap. 5. pag. 107. *Præterea*

*terea (inquit) semen in maribus ulterio-
rem elaborationem subit, quàm in femi-
nis, non solum enim testiculis & Parastatis
elaboratur, sed & vasis deferentibus &
prostatibus ulterius aliquantulum perficitur.
In feminis vero à vasis spermaticis præ-
parantibus dictis, atomos eliciunt testes,
iisque, nullam ulteriorem præparationem
subeuntes, ad tempus coitus conservantur.
Sed quum genitalem spiritum in semine
potissimum considerandum esse dixerim-
us, unde ille elaboretur, indican-
dum? Nullum vero dubium est, ip-
sius materiam eandem esse, quæ spiri-
tus vitalis, & animalis; seu ignem illum
cælestem, abunde jam antea à nobis
consideratum; & quidem, ut proxi-
mam quoque materiam tangamus, eum
ipsum, ut jam admisit rationem vitalis
& animalis spiritus, qui per ductus jam
indicatos cum sanguine delatus ad tes-
tes, ulterius elaboratur & perficitur.
Nam qualitatibus hunc perfectissimum
seu genitalem spiritum, ab eodem,
ut vita-*

ut vitali & animali differre, multa suadent. Considerentur oves solummodo: Certe sceminarum, (in ipsis agnis hoc observare est) caro multo tenerior est, quam arietum: nec odoris gravitas in horum carne, se prodens, afflatione quoque emendari potest. In hircis vero, graveolentia nares quoque offendens, occurrit. Nullum enim dubium est, quin portio aliqua seminalis materiae, (excepta illa, quæ reconditur in Prostatis, juxta Medicorum principes custodiendo & ulterius perficiendo semini destinatis; & ea, quæ destinatur testium nutrimento) & consequenter hujus quoque spiritus una cum sanguine superflua, juxta ordinarium circuitum, refluat ad cor, & inde per totum corpus distribuatur; unde temperamenti mutationem provenire certum est: quam in pubescentibus juvenibus, ob spiritus hujus præsentiam, gravior quoque vox arguere solet. Ne vero genitalis hic spiritus pro generationi destina-

destinatus, qui est subtilis valde, efflueret, illigatus est materiae oleosae, viscidæ, ac tenaci, in ea partes suas expleturus, ubi in arvum genitale protrusus fuerit. Quærunt hic viri egregii, an non quædam fermentatio notari debeat in ipsis Testibus, quando semen in illis elaboratur? Scio, vulgo adduci testiculos castoris, quorum gravis est odor, & verris testes recenter exactos, quorum subinde gratus & jucundus odor notatur. At, quæ consequentia, à re ut odorifera, ad illam, agnoscendam tanquam fermentum? Si testes statuuntur, ut multi volunt (quos tamen non sequimur, ut modo diximus) renibus similes & solummodo seminis jam præparati serosiores partes exsugant, nulla equidem fermentatione opus fuerit. Atque si (quod verissimum videtur) elaborent semen, non magis hic agnoscenda erit fermentatio, atque in corde sanguinem (ut supra vidimus) coquente. Aristoteles hic

les hic duntaxat πέψιν agnoscit. lib. 4. de Gen. Anim. cap. 1. τὸ σπέρμα τὸ πεπεμμένον θερμότερον. τοιοῦτον δὲ τὸ συννεσῶς. γονιμώτερον δὲ τὸ συννεσῶς μᾶλλον. Semen concoctum calidius est : quale id quod spissum est : fecundius autem quod spissius est. Sed ; quanquam non occurrit fermentatio quædam, ad hoc ut ex sanguine elaboretur in testibus semen, ob rationes antea propositas : per semen tamen multiplex fermentatio provenit. Adeoque non displicent prorsus, quæ habet Willis cap. 5. de Fermentatione : In sæminis à fermentatione (inquit) se recte habente, facies colore florido & eleganti suffunditur, color vegetus & copiosus existit ; insuper cruoris massa nimis luxurians, quovis mense catameniorum fluxu depleri necesse habet : cum autem deficit hæc ab utero fermentatio, fiunt tum virgines, tum mulieres pallidæ, ac velut exangues, anhelosæ, & ad motum quemvis ineptæ. Etiam in viris à fermento seminali, caloris abundantia, vires robustæ, vox sonora, & viri-

& virilis barba & pilorum eruptio accedunt :
 propter hujus defectum effeminantur viri ,
 scil. vox gracilis , calor debilis , & despe-
 ratio barba inducuntur. Quæ omnia vir
 egregius, quod de Fermento ex profes-
 so agere instituerit, demonstrasse de-
 buisset. Nos, ut omnia pateant, ini-
 tium faciemus à vitis : Quiquando ad
 illam ætatem pervenerunt, ut sanguis
 redundans non amplius in augmentum
 corporis cedat, sed semini vice mate-
 riæ destinetur, contingit illud, quod
 dicit Philosophus l. 7. Hist. Anim c. 1.
Mas (inquit) *semen genitale accipit mag-*
na ex parte fere anno peracto bis septimo,
simulque etiam pubescere, eo & vocem mu-
tare incipit. licet eodem capite doceat,
 semen perfectum elaborari consuevisse
 demum anno primo supra vigesimum ,
 quo mentum pilis contegi ut pluri-
 mum incipit. Putant multi barbæ pi-
 los, ut & axillares, eosque, qui ob-
 scenas partes integunt, ex materia se-
 minali suscitari, quòd ordinariò illo
 tempo-

tempore enascantur, quo universum corpus semine turget, & prurigne quasi libidinis concutitur. Ego vero malim dicere, pilos radicem à prima nativitate in cute habentes, à spiritu seminali concitari ad eruptionem usque; quasi vero alimentum, sive materiam, esse fuliginosam sanguinis portionem, seminalibus effluviis contemperatam. Si enim sola seminalis materia, materia foret horum pilorum, colore utique responderent semini, quod album est. sed per experientiam contrarium constat, cum virorum barbæ colore æque distent, atque capitis capilli. Nam, quanquam non sit negandum, portunculam aliquam seminis, materiæ illorum pilorum destinari, præcipuæ tamen materiæ rationem habent fuliginosi & superflui sanguinis humores, aut verius eorum halitus, qui reliquæ pilorum materiæ permisti, pilis quoque colores imprimere solent. Juxta quem sensum accipienda est Galeni sententia,

tentia, lib. 2. de Temper. cap. 4. cum
nigrum pilum ex fæculento atræ bilis
recremento produci statuit, flavum ex
flava bile, album ex pituita, & ru-
tum ex permistione bilis atque pituitæ.
Quod inde comprobari videtur, quia
in alba vitilagine pili albi subnascuntur,
ob copiam pituitæ subcutaneæ, quæ
per pili substantiam se insinuans pilum
album efficit. Quomodo & in Alope-
cia, tum pili, tum cutis ipsa, à substra-
to humore colorem mutuuntur, qua-
re & Galenus & medici Practici mayo-
rum gentium, monent ad dignoscen-
dam Alopecie causam, pilorum co-
lores inspiciendos esse. Quid quod mul-
torum animalium pili à cute colorem
assumant, cum enim illa sit crassior,
pilorum alimentum retinet, ipsique, ac
pilis consequenter colorem suum im-
perittur. Sed, despiciamus, qua ratio-
ne contingat barbam, & in reliquis cor-
poris partibus pilos, per fermentatio-
nem prorumpere? Scilicet quando cum
semine,

semine, in testibus, ut antea vidimus, genito, spiritus genitalis primitus elaborari incipit, & cum sanguine superfluo circulatur, sanguinem alia ratione, quam antea fieri solet, agitatur; atque, per illam agitationem provenit sanguinis quædam ebullitio, seu fermentatio improprie sic dicta, per quam contingit interius reconditos pilorum surculos in cute labia contegente, propelli usque ad cutis poros: cumque mox, ad primam seminalis spiritus agitationem, sufficiens pilorum materia non confluat prope illam partem ubi piluli nascuntur, ex tenuiori parte materiæ seminalis, cum maxime per hanc fermentationem attenuatæ, tenuissimi flocci, illique candidi & lanæ subtilissime carminatæ non ab similes prorumpunt, quæ prima barba à Latinis *lanugo*, à Græcis ἰνάλω vocari solet. Gloss. *lanugo*, ἰνάλω, χνῆς. Lucan. lib. 10. Phars.

—— stat contra fortior ætas,

Vix ulla fuscante tamen lanugine malas.

Nam

Nam *prima lanugo*, ut loquitur Propert, lib. 3. El 6. est candidissima: adeoque recte dicit Poëta, lanuginem ne uti- quam fuscasse malas. Hinc intelligi quoque potest, quid velit Philosophus libr. 3. de Gen. Anim. cap. 2. quando dicit, quod in libidinosi *pili postgeniti maturius se prodant*: cum enim hi maturius semen conficiant, eoque abundant, non possunt non quoque citius in illi hi pili prorumpere. Porro in viris ab hoc quoque spiritu provenit robur, cujus indicium quoque faciunt pili asperiores & horridiores. atque quò aliquis barba horridiori, & pilis magis asperis constante gaudet, eò quoque robustior (nec absque causa) censetur. nam quò seminis spiritus est copiosior; eò ad fermentandum est aptior, initioque & plures pilos & arctius conjunctos protrahit. unde asperitas. Quare qui aversantur raram barbam, non modò primam, sed & subsequentem sæpius abradi curant, quò per plures poros, eosque

eosque reclusos erumpens barba conferta & aspera magis sit. Quòd vero seminis copia vires animalibus conciliet, in equis quoque & Tauris videre est. Noti sunt hi Maronis versus:

*Sed non ulla magis vires industria firmat.
Quam venerem, & caci stimulos avertere amoris;*

*Sive Boum, sive, cui est gratior usus,
equorum:*

Atque ideo Tauros procul, atque in sola relegant

*Pasqua, post montem oppositum, & trans
flumina leta:*

*Aut intus clausos satura ad praesepia
ducunt,*

*Carpit enim vires paulatim, uritque vi-
dendo*

Fœmina.

Contra caballus (ut notum est equisonibus) semel duntaxat cum equa congressus, languidior redditur, & multum de suo pretio decoquit. Eodem tempore, non minus in maribus, quam

L

fœminis

foeminis vox gravior redditur. quòd spiritus hic genitalis, per validiorem ebullitionem, procuret vehementiorem & celeriore aëris per arteriam asperam expirationem. quam rationem tangit ex parte quoque Aristoteles Sect. 11. Probl. 3. Quando spiritus hic genitalis ebullitionem in sequiori sexu procurat, quòd contingit circa annos pubertatis, non modo circa pudenda prorumpunt pili, vox gravior redditur, sed per hanc quoque agitationem contingit, venas, quæ ad uterum & cervicem illius constitutæ sunt, referari, adeo ut sanguis redundans, & quoque mense excerni solitus, colligi incipiat. Quamquam autem, hoc ipso tempore, multis adolescentibus hæmorrhagia frequens & copiosa obvenire solet, per hanc secundariam fermentationem apertis venis, quæ ad nares pertingunt, non tamen ordinarii iis contingunt menstrui sanguinis purgationes; quicquid enim in iis superest sanguinis, partim per calorem fortio-

fortiorem, quo præfæminis gaudent, partim per multa & valida exercitia, quibus (fæminis interea in otio & quiete ætatem transigentibus) intentifunt, absumitur. Hanc ob causam, experientia testatur, rusticas mulieres urbanis steriliores esse, quòd ob continuam corporis agitationem & jugem laborem, in iis menstruus sanguis, sine quo conceptio fieri non potest, magnam partem minuatur. An vero menstruum aliquod fermentum (ut statuit, sed non probat, Willis;) admitti debeat, alio loco expendemus. Denique, quando pubescunt puellæ, per fermentationem, (antea delineatam) quod se per totum corpus diffundat, mammæ turgidiusculæ redduntur, ipsæque tum temporis dicuntur *fratrare*, seu *sororiare*. Festus: *Fratrare* puerorum mamma dicuntur, cum primum tumescunt, quod velut fratres pares oriuntur, quod etiam in frumento spica facere solet. Plaut. Tribularia, prout correxit Josephus Scaliger:

—— Tunc pastilla primitus

Fraterculabant, illud volui dicere

Sororiabant, quid opus est verbis.

Quo vero fermentatio, in ipso opere genitali occurrens, manifesta sit, tria distincte iterum considerabimus. 1. Oestrum libidinis, quod acre & vehemens, non modo in bestiis, sed & hominibus esse solet. Spiritus ergo genitalis semini inexistens, si contigat aut à calore interno, aut à calore externo excitari, movet humidum, cui inexistit, atque recurrens sanguis, totum corpus per fermentationem hanc vehementiorem agit. Calor autem intrinsecus, spiritum hunc agitans, est sanguis fervidior, qui semini jam elaborato admixtus, spiritum ei inexistentem agit ea ratione, quam supra descripsimus: atque, calorem externum hic plurimum posse, ostendunt omnis generis animalia, primo vere in Venerem ruentia; novo cæli igni exulcitante genitalem spiritum: adeo, ut tunc exclamare liceat cum Columella

lumella lib. 10. quo agitur de horticul-
tura :

————— *Nunc sunt genitalia tempora
mundi.*

*Nunc amor ad coitus properat, nunc spi-
ritus orbis*

*Bacchatus Veneri, stimulisque Cupidinis
actus,*

*Ipsæ suas adamat partes & fatibus im-
plet.*

Præterea, externum calorem hic mul-
tum posse, inde patet, quod populi
qui ad Austrum & in regionibus calidis
habitant, libidinosi magis sint, quàm
illi, qui in regionibus frigidis & ad
Septentrionem. Denique, externum ca-
lorem, provocatum quoque, hic mul-
tum posse, inde patet, quod qui in vene-
rem putrent, frictionibus & palpi-
tationibus libidinem provocare consue-
verint. Notum dictum nequam Petro-
nii : *Tanto magis impedit inguina, quàm
ingenia fricare.* Atque alterum illud Ju-
venalis de sene, Sat. 10.

—— coitus jam longa oblivio : vel si
 Coneris, jacet exiguus cum ramice nervus,
 Et, quamvis tota palpetur nocte, jacebit.

Martialis lib. II. Ep. 47.

Truditur & digitis pannucea mentula
 lassis,

Nec levat extinctum sollicitata caput.

Sed missa facio Sacra hæc Opertanea.
 Ab intrinseco influentem ad testes ca-
 lorem , servire inflammandæ Veneri ,
 omnium, qua Medicorum qua Philoso-
 phorum testimonio claret, qui, astipu-
 lante quoque experientia, pronunciant,
 cholericos, eò, quòd calidiores sint,
 Veneris quoque appetentiores esse. At-
 que hæc ratio est, quod Vulcanus à Poë-
 tis antiquis , Philosophis naturalibus
 peritissimis, fingatur maritus Veneris,
 quod ignis ille, ab interaneis partibus
 procedens, Veneri exacuendæ cum pri-
 mis serviat : ut gnarum quoque ipsi Au-
 gustino erat lib. 20. adversus Faustum
 Manichæum cap. 9. Inde , quod frigi-
 diores ut plurimum senes sint, atque,
 Aristo-

Aristotele teste, semini elaborando concoquendoque minus sufficient, Virgilius libr. 1. Georg. dicit; *Frigidus in Venerem senior*. Ob eandem causam, calida intrinsecus assumpta & seminali spiritui exuscitando ad ebullitionem servientia, Venerem censentur provocare, & quidem secundum rationes Physicas. Quibus accenseri solet vinum. Notum illud Terentii in Eunuchis: *Sine Cerere & Libero friget Venus*. ad quem locum recte Donatus, non ut Grammaticus, sed, ut Philosophus naturalis, observat, *omnem ejusmodi voluptatem in calore sanguinis consistere*. Vinum autem sanguinem accendere certum est, modo moderate fuerit sump- tum. Siquidem, absque modo si bibatur, ob phlegma copiosum eidem admix- tum, potentes aliàs ad Venerem, in- ertes & frigidos efficit. Macrobius lib. 7. Saturn. cap. 16. *Omnia calida (inquit) Venerem provocant, & semen excitant, & generationi favent; hausto autem mero plu-*

148 *Mart. Schoockius,*
rius viri sunt ad coitum pigriores, sed, nec
idoneum conceptioni ferunt, quia vini ni-
mietas, ut frigidi, (propter aqueum
phlegma) facit semen exile, vel debile.
quibus consentanea habet Plutarchus
libr. 3. Sympol. Q. cap. 5. Bulbosa &
flatulenta; ut bulbi plantarum, (spe-
ciatim cynaræ, & tubera diversi ge-
neris) conchæ, & similia, quæ sunt
ἐμπνευματώδη plurimum huc facere per-
hibentur: adeo, ut Columella lib. 10.
dicat:

———— *quæque viros acuunt, armantque*
puellas,

Iam Megaris veniant genitalia semina
bulbi:

Sed, nisi adfuerit condimentum cali-
dum, inanem flatum duntaxat procu-
rabunt: quare, hæc & similia sale atque
pipere copioso, quod intense calet,
condiri solent. Quodque Martialis sene-
cioni applicat, in juvenem imbecillio-
rem quoque quadrabit, si à solis bul-
bis, nec condimentis calidis tempe-
ratis,

ratis, Veneri subsidium emendicare debuerit: Versus Martialis hic est:

*Cùm sit anus conjunx, & sint tibi mor-
tua membra,*

Nil aliud bulbis quàm satur esse potes.
nam bulbi duntaxat flatum procurant & tentiginem, non vero per se illam spiritus seminalis agitationem, quæ, si aromata, aut similia accesserint, deprehenditur. Ab intrinseca causâ, spiritum hunc seminalem ad fermentationem usque agitari, probat quoque decubitus supra dorsum; per quem corporis situm, ut contingit renum calorem intendi; ita quoque, ob vicinitatem calent loca, per quæ seminis materia defertur, nempe venæ & arteriæ spermaticæ, simulque per intensiorem hunc calorem, ob causas jam dictas, non potest non quoque spiritus genitalis, seu seminalis, ad fermentationem usque agitari. Quum vero renes supra lumbos incumbant, ideo lumbis, considerandis ad modum causæ efficien-

tis, genitura deferri solet in ipsa Scriptura Sacra. Certe ad Hebr. 7. v. 16. refertur de Levi, quod fuerit (ἐν τῇ ὀσφύϊ) in lumbis Patris Abrahami: Atque Messias, relatus ad posteritatem Davidis secundum carnem, dicitur καρπὸς τῆς ὀσφύος αὐτοῦ, fructus lumborum ejus. Mirum vero, quàm fermentatio hæc spiritus seminalis, animal, cui contingit, inflammet, ac quasi æstulare faciat. Cervus est animal, supra quam dici possit, meticulosum. Sed, quo tempore Veneris stimulis agitur, (quod quotannis fieri solet circa mensis Augusti finem atque Septembris initium) tantos spiritus sumit, simul robustior factus, ut ultro quoque, non modo homines, sed & ipsos canes, quorum latratu cæteroquin terretur, ausit aggredi, anteriorum pedum verbera & ferocem cornuum impetum intentando. Nota quoque (& parum quin proverbio locum fecerit) equorum libido. Columel. libr. 6. cap. 27. Id præcipuum

armentum,

armentum, si prohibeas, (à coëundo scil.)
libidinis extimulatur furiis. De maribus,
five caballis, Virgilius lib. 3. Georg.

*Nonne vides, ut tota tremor pertentet
equorum*

*Corpora, si tantum notas odor (intel-
ligit odorem foeminæ) attulit auras:*

*Ac ne eos jam franavirum, nec verbe-
ra sava,*

*Non scopuli, rupesque cava, atque
objecta retentant*

Flumina. &c.

Cum vero totum corpus, hominis quo-
que libidine inflammati, hic genitalis
spiritus agitet, oculi, in quibus ignis
naturalis maiori quantitate delitescit,
præ cæteris inflammantur, atque sin-
gulari splendore perfunduntur. Inde
Adamantius Sophista lib. 2. Physiogn.
oculos *σίλβοντας*, seu lucentes, Veneri
sacravit: quod *φυσικώτατον*. Inde hoc
accidit, quia diffuso juxta validam fer-
mentationem, per totum corpus, hoc
genitali spiritu, in oculis maxime fulgi-

dis & ad motum dispositis, non modo præcellentem suum fulgorem exhibet, verum etiam propter sui mobilitatem, tremunt, cum perfusa quadam humiditate. Anacreon, & cæteri Poëtæ Græci, tales oculos vocant ὕγροι *humidos*. Nazianzeno in Hymnis sunt oculi σφειζῶντες: Adamantio, κλυζόμενοι ἢ κυμαίνοντες ἐν ἑαυτοῖς, *inundantes & fluctuantes in seipsos*. Catullo ebrii: unde & Basilius in Esaiam dixit, juvenes ὀφθαλμοῖς μεθύειν, *ebrius esse oculis*. Veneri, hi oculi, ob eandem causam à Quintiliano dicuntur *naturales*. Apulejus l. 3. Metam. oculos eosdem vocat, *udos ac tremulos, prona libidine marcidos, jam jamque semiadopertulos*: siquidem tales oculi identidem nictant. Quod vero mulieres, viris humidiores, oculis uvidioribus gaudeant, atque titillanti libidini minus resistere possint, ideo iis præ cæteris tales oculi attribuuntur. Virum quaque scemina effœminatiorem, Sardanapalum scil. antiqui authores descripserunt:

scripturi cum talibus oculis exhibent. Justinus libr. 1. Cum mollicie corporis, & oculorum lascivia, omnes scæminas anteiret. Dion Prusæus Orat. 62. eum nominat ὀφθαλμὸς ἀνασρέφοντα. Maximo Tyrio Dissert. 19. dicitur τὸ ὀφθαλμὸς ἐκ τῆς κῶς. itemque Clemens Alexandrinus lib. 3. Pædag. c. 11. disputans de molitie oculorum dicit: Tamen effæminat-um Sardanapalum regem Assyriorum, in lecto indecore sedentem, purpuram carpen-tem, καὶ τὰ λευκὰ τῶν ὀφθαλμῶν ἐπαναβάλλοντα, & albuginem oculorum versan-tem, inducunt. Tales vero oculi, illi, qui in scæminam degeneravit, convenien- tissimi. Nævius in Tarentilla de scor-tillo: Alii adnutat, alii adniçtat (ocu- lis scil. natantibus) alium amat, alium tenet. Quæ omnia jam patent ex præ- cedentibus. Præ cæteris vero in nervi tentigine hæc fermentatio se prodit. Notum illud Poëtæ: *mavis tentigine rumpi*. Quomodo hoc fiat, declarat ex parte Higimorus pag. 96. & seq. Cor-

L 7 pora ner.

pora nervosa, atque fungosa admodum (inquit) ad rei venereæ pbantasiæ representationem, sanguine statim ab arteriis replentur, ac distenduntur: qui in fungosam illorum substantiam exclusus, nec inde facile revertere poterit: illam infarciendo, totum penem distendit, & erectum, donec semen ejiciatur, detinet. Et quo crassior est, humoribusque viscidioribus ac flatulentis scattet sanguis, eò diutius intra fungosam hanc substantiam detinetur; quo verò tenuior & calidior est, eò citius præterfluit, & in venas relabitur, minusque diu ad conflictum venerum rigidus ac erectus existit penis. Fermentationis meminisse debuisset. Nam revera, per modum fermentationis, humidum seminis agitaturn, tentiginem hanc procurat. Talem in vulva quoque libidinosarum foeminarum Poëtæ agnoscere solent. Juven. sat. 6. de famosa illa Messalina:

—ad hoc ardens rigida tentigine vulva.
quod intelligo de Nympha, quæ serius
vocari consuevit κληροῖς, observante

Riolano

Riolano lib. 2. Anthropol cap. 34. Ab hac tentigine in viris distat Priapismus, qui non accidit à spiritu genitali humidum agitante, sed, (ut recte Medicorum filii observant) à solo vapore crasso. Tantum de libidine. Ad conceptionem accedimus: in qua pariter quoque fit fermentatio, quando scil. masculinum semen foeminino contingit sociari: utero ipso, per singularem calefactionem, ita ruente quasi, in amplexus seminis masculini, ut, hoc foeminæ semini sociato, conceptio peragatur. Nam (quicquid Aristoteli l. 1. de Generat. Animal. cap. 4. visum fuerit, propugnante illius sententiam Cremonino Philosopho Patavino) foeminas, semen ad generationem utile conferre, ipsa Scriptura innuit. Siquidem Paulus Heb. 11. 11. expressè testatur de Sara, quod acceperit δύναμιν ἐκ καταβολῆς σπέρματος, idest, potentiam ad dejectionem seminis: quod Augustinus lib. 3, contra Julianum cap. 8. conside-

rans,

rans, dicit: Emortuam Sara vulvam dispo-
 sitam fuisse ad emissionem seminis. Theo-
 phylactus ad præcedentem Pauli lo-
 cum: Nam, studiosi harum rerum indagato-
 res asserunt, mulierem etiam veluti quoddam
 semen à se conferre. Quum vero hanc
 rationem conceptionis, pulcherrime &
 accuratissime exposuerit ὁ πᾶν D. Con-
 tingius c. 23. de Calido Innato p. 250:
 malo ipsius quàm meis verbis uti: Ita
 vero ibi: Juvat imprimis hanc accensio-
 nem uterus fæmininus. Est enim etiam
 ille coitus conceptionisque tempore ca-
 lidior, ideoque & generationem ad-
 juvat suo calore, ut benè observatum
 est Aristoteli lib. 2. gener. animal. cap. 4.
 ubi addit: καὶ ἡ τῶν καταμνήων ἐκπρὸς
 καὶ συνάθροισις ἐν πνεύσει δεσµότητα ἐν τῷ
 μοίῳ ἔστω. Confirmat hoc præclarè il-
 la Hippocratis observatio lib. 5. Apho-
 ris. 62. Quæ frigidos & densos habent ute-
 ros non concipiant, neque quæ præhumidos
 habent: ἀποσβέννυται δ' ἐν ταῖς ὁ γόνος.
 Et sanè statim post illam utriusque se-
 minis

minis commistionem institui fermentationem aliquam, & parte seminis aquosiore in spiritum resolutâ quasi magnam bullam nasci, certissimum & sapientioribus quibusque, cum philosophis, tum medicis est proditum. *Hæc eo loco D. Corrin.* Devenimus ad illud, quod tertio loco explicandum dicebamus, ipsam scil. foetus formationem: atque hic præ cæteris spiritum seminalem attendi debere, ex antecedentibus liquet. Ille, ut causæ efficientis principalis post Deum rationem habet, ita putandum est, secundum speciem animalium à quibus processit, semen diversa præditum esse facultate, adeo ut juxta spiritum, pertinentem ad semina animalium, specie differentium, elaborentur quoque individua ad diversas species pertinentia. Namque hic locum habet illud Poëtæ: *Neque enim imbellem progenerant aquilæ columbam.* Credibile vero est, spiritum masculino semini in-existentem, sociari illi, quod in fœminino

nino semine occurrit : quod postquam factum est , partium crassiorum seminis, juxta Harvæi experimenta, supra exhibita, fit excretio. Combinatus dein ille spiritus, movere fermentando incipit humidum utero proprium, eique inexistens, simulque dilatat ejusdem uterimembranas, rariores & tenuiores eas reddendo. Per fermentationem hanc, quam citatam admodum esse non est dubium, humidum hoc convertitur in viscidam & albicantem substantiam, cæterum tenuissimam & liquidam, quæ percolata quasi, per poros membranarum uteri, paulatim circa interiorem illius partem colligitur, usque dum tunica quadam, velut mantica, obducatur. Colligere hoc videor, ex accuratissimi Harvæi Exer. 69. ubi hoc suum experimentum proponit: Per mediam (inquit) utriusque cornu, atque etiam uteri cavitatem, mucosa quadam filamenta, tanquam aranearum tela, ab ultimo sive superiore cornuum angulo ducuntur, quæ

tur, quæ simul junctæ membranofam atque mucilaginosam tunicam, five manticam vacuum referunt. Post diem unum aut alterum mantica hæc impletur aquosa, alba, lenta, & albuginea materia, longumque farcimen humore isto plenum refert. Lentore quidem suo uteri lateribus aliquantulum adheret, ita tamen ut facile ab iis separari queat. Membrana hæc foetum, ac simul cum eo, humidum illud, in quod agit spiritus genitalis, fermentationis hujus causa præcipua, conservat. Nostra non refert, sitne hæc tunica Chorion & Amnion simul, an vero Chorion duntaxat. Atque, ut natura per hunc spiritum genitalem & fermentativum simul perfectissimum opus generationis exsequitur; ita, hic neque cum Harveyæ vis magnetica, aut uteri aliqua cognitio naturalis est fingenda; sed cogitanda motio ebullitiva seu fermentativa, per quam juxta Sapientissimi Dei ordinationem, ab hoc ipso Spiritu primitus rudimenta obscura membrorum,

rum, deinde membra distincta magis, efformantur, Spiritu hoc motorio, per continuam agitationem fermentativam in humido, quod agitatur, tendente, ab illo quod imperfectius est, ad perfectius. Sub initium quidem, opus hoc lentius procedit, sed postea in hoc suo opere natura expedita & concitata magis deprehenditur. Testis est idem Harvæus d. Exer. 69. quæ ut agit de generatione Cervorum & Damarum, in Venerem ordinario æstuantium medio mense Septembri, ita ante decimum aut duodecimum diem Novembris nihil ferme mutationis in utero occurrit. Circa diem (inquit) Novembris duodecimum, aut decimum quartum, aliquid primum in uteri damarum cavo, ad futuram prolem pertinens reperiri, plurimorum annorum experientia edoctus, vere testor. Sed postea, mirum quam opus hoc expediatur. Testis est idem ipse eodem loco. Miratur aliquis (inquit) tam brevi temporis spatio, à primo sanguinis punctique salientis ortu

tis ortu, fatum intra annum formari integreque perfici. Enim vero circa diem decimum nonum, aut vicesimum Novembris, punctum illud primo comparet: circa vicesimum primum, aut postridie ejus, vermiculus sive galba informis conspicitur. Fateor, multa hic oboriri posse dubia, atque plurima occurrere, quæ & accuratius & distinctius in hoc arcano opere examinari mereantur. Sed nobis non est propositum, extra Fermentationem evagari. Si placuerit Deo, ut aliquando recudatur noster de Ovo Tractatus, illa, quæ ad generationem animalium pertinent, quam distincte expendemus, atque eadem occasione, illa quoque quæ concernunt generationem hominis in utero materno, quod, in fœmina gravida Ovi species notari queat. Hoc suffecerit observasse, in genitura, plusquam secundariam, & parum quin proprie dictam fermentationem occurrere. Nam spiritus genitalis humidum agitans, fermentando
tendit

tendit ad consummationem corporis animalis secundum speciem debiti: atque per validam hanc fermentationem (illi continuandæ servit calor uteri, qui ne dissipetur, post conceptionem uterus arctissime non modo clauditur, sed, pariter lento, flavescente, ac mucoso humore obsignatur) totum corpus fœmineum quoque agitur, & per agitationem incalescit, atque (si ita loqui fas sit) rarius & porosum magis redditur, adeo, ut spongiosæ mammæ, turgidulæ redditæ, lactis generationi sufficiant. De qua lactis generatione, forte aliquando sententiam nostram publice dicemus: quum hæcenus per omnia non satisfaciant, quæ viri cæteroquin doctissimi hic observant. Ut vero in genitura animalium, juxta differentiam sexus per semen generantium, occurrit fermentatio; ita eadem jam olim observata fuit à viris naturæ consultissimis. Maxime in generatione illorum, quæ vulgo spontaneò viventia vo-

tia vo-

tia vocantur: quæ quanquam censentur
 pronascei absque ullo semine; illud ta-
 men habent, reconditum licet sit, at-
 que si non habeant semen proprie di-
 ctum, saltem aliquid semini illi analo-
 gum iis denegari non potest. Colum.
 libr. 1. de Re rust. cap. 5. agens de in-
 commodis aquæ paludosæ, prope qua-
 les villæ non debeant collocari, dicit:
Tum etiam natricum, serpentiumque pestes
hyberna destitutas uligine, cano & ferment-
tata colluvie venenatas emittit, ex quibus
sæpe contrahuntur caci morbi. Fermen-
 tatam dicit colluviem, quod semina
 serpentum massæ terreæ inexistentia
 non animentur, nisi interveniente qua-
 dam fermentatione. Diodorus Sicu-
 lus libr. 1. Biblioth. c. 7. ubi ut expen-
 dit Ægyptiorum sententiam de mun-
 di natalibus, dicit animalia prima nata
 fuisse in summa terre superficie ferment-
 tata, pronascentibus tuberculis tenui
 pellicula circumdati. Verba hæc sunt:
διὰ τὴν δεσμάσιαν ἀναζυμύμενης τῆς ἐπι-
ερθείας

εχθίας συννοιδῆσαι τίνα τῶν ὑγρῶν κατὰ
 πολλὰς τόπους, καὶ γένεσθαι περὶ αὐτὰ ση-
 πεδῶνας ὑμῖσι λεπτοῖς περικυμένους. Post
 fermentatam à calore superficiem, humi-
 dorum nonnulla deinceps pluribus in locis in-
 tumuerunt, & velut pustula subtilibus pel-
 liculis circumdata, exstiterunt. En! ut
 fermentationem, ex nostra plane len-
 tentia, hic adumbret? Manifesto primo
 innuit eam accidere humido: secundo,
 eam excitari per θερμότητα, sive calo-
 rem: calore scil. externo concitante
 spiritum. & tertio ei cohærere quandam
 intumescenciam. Similem fermenta-
 tionem in spontaneo viventibus agnos-
 cit quoque Aristoteles lib. 3. de Gener.
 Anim. cap. ult. quando ita loquitur:
 Generantur autem in terra humoreque ani-
 malia, & plantæ, quoniam humor in ter-
 ra, spiritus in humore, calor animalis in
 Universo inest, ita ut quodam modo plena
 sint animæ omnia. Quam ob rem consistunt
 celeriter, cum calor ille comprehensus, sive
 exceptus est. ἐμπειλαμβάνεται δὲ καὶ γίνε-
 ται θερ-

ται θερμαινόμενων τῶν σωματικῶν ὑγρῶν,
 οἷσι ἀφρώδης πεμφόγυξ. *Comprehenditur*
autem, & humoribus incaltescentibus effi-
citur velut bulla spumosa. Quibus poste-
 rioribus verbis admodum graphice ex-
 hibetur quædam fermentatio genera-
 tiva. Nam ea contingit humido inca-
 lescenti; quod, quia ad ebullitionem
 usque à spiritu agitatur, provenit bul-
 la quædam spumosa. Antequam fini-
 mus hanc doctrinam, neutiquam in-
 solens alicui videri debet, si à Venere,
 & seminis profusione in licito quoque
 congressu (accidit hoc frequenter)
 corporis horror insolens, speciatim ce-
 rebri quædam commotio, si non com-
 pressio, contingat? Cujus rei hæc est
 ratio, quòd cum impetu, & quidem
 vehementiori, profusi spiritus genita-
 les, qui sunt percocti quasi ex anima-
 libus & vitalibus, cerebrum & cor ex-
 naniant: quorum cum non queat tam
 subitanea fieri restauratio, non pos-
 sunt non spasmus, rigor, horror, &
 M quædam

quædam quasi Epilepsia oboriri in illis, in quibus calor digestivus minus est excitatus.

C A P. X I X.

Proponuntur plurimæ, eæque quam diversa sententiæ de Fermentatione, occurrente quasi in Chylificatione: quas omnes consistere non posse pluribus argumentis probatur.

CONSIDERATA fermentatione in opere genitali, despiciamus proxime, an ea quoque admitti debeat in Chylosi. Ita volunt Medici & Philosophi, hoc seculo Principes, qui & tam plausibiliter suam sententiam proponere sciunt, ut non modo quodam veritatis tectorio obducta videatur, verum etiam aliquod Sibyllæ folium esse. Unde quidam non dubitant docere, eam ventriculo adeo necessariam esse, ut torpere debeat facultas *χολοποιητική*, si ei non inserviat fermentatio. De hoc invento gloriatur Helmontius tum aliis in locis,

in locis, tum potissimum in Tractatu,
qui inscribitur: *Calor efficienter non di-
gerit, sed tantum excitative.* Verum, an-
nis plus minus viginti ante illum, hoc
docuerat Petrus Castellus Scholæ Mes-
siniensis in Sicilia Medicus primarius,
Epist. Medicinali quinta ad virum sum-
mum, Marcum Aurelium Severinum
Medicum & Chirurgum Neapolita-
num. Quotquot vero huic sententiæ
(quæ hoc seculo communis haberi po-
test) favent, illi ventriculo pro hac fer-
mentatione existimant deberi aliquod
fermentum; circa quod dici non po-
test, quam inter se dissideant. Opinio-
nes præcipuas ex re est proposuisse. Et
quidem, ut inde incipiam, de hac ven-
triculi fermentatione sic philosophatur Ca-
stellus l. d. Nec solius (inquit) caloris
opus cibi coctionem dicimus, alio-
qui & in olla talis fieri posset, sed fer-
mentatione opus est, quâ cibi in ventri-
culo subleventur, bullescant, & per-
meabiles spongiæque instar reddantur,

ut sic melius à calore vincantur, disponantur & permisceantur. Fit coctio ex permixtione, & temperatura mutuâ, & quasi coctura. Solus calor non miscet, sed contrarium potius operatur; sed acidus spiritus calori vinctus, quod calor segregat, ipse iterum miscet. Ventriculus, in quo deficit acidus spiritus, ciborum coctiones perficere nequit; cum enim ibi non fermententur, nihil à calore possunt immutari, ideo dejiciuntur quales sunt ingesti. Quod novit Hippocrat. cum scripsit v 1. aph. 1. In longis lævitatibus intestinorum si ructus acidus fiat, qui prius non erat, signum bonum. neque enim aliâ de caulâ cibi imputridi, ut l. de aff. habet Hippocrat. dejiciuntur, nisi quia fermentari non potuerunt, ab acido. Cum vero denuo in ventre moderata aciditas coacervatur, tunc coctiones fieri incipiunt. *Hac ibi Castellus.* Ne quis vero ambigat, quale hoc fermentum sit, postea scribit esse portionem acidæ bilis

da bilis è liene transmissam, panis fermenti-
ritu, omnia aptam miscere, commovere, &
ebullire facere, atque ita rarefactione ista;
spongiositate cibariorum, quæ à spiritibus pro-
priis concitatis sit, ob acidos spiritus moven-
tes, & inquietos, adjuvante calore, ciborum
concoctionem, & digestionem primam confi-
ci. Riolanus ut agnoscat hoc fermentum,
ita accersit quoque à liene: quando l.
de Circulatione sanguinis pag. 121. ita
loquitur: Fermentum illud (inquit) nem-
pè acidus humor ab Arabibus & Græcis
animadversus fuit, illi ad acuendum
appetitum, hi ad constringendum ven-
triculum, ut fiat fermentatio & unio, sed
si deesset lien, ut quibusdam accidit,
vel adeò exiguus esset, ut vix unciam
ponderaret, unde manabit iste acidus
humor? ab arteria splenica, quæ de-
ficiente liene habet suam insertionem
in ventriculum, sed præter istum suc-
cum acidum fermentativum, spiritum
vitalem huic operi accedere non diffi-
ceor, qui auget calorem in istum ven-

triculo, mutatio verò alimentorum in succum candidum, qui chylus dicitur, non aliunde procedit, quam ab albedine membranarum ventriculi. *Hæc eo loco Riolanus.* Splenem fermentum in ventriculum inspirare, cum vias nullas invenire posset, per quas illud ad ventriculum commearer, statuit Helmontius. Hæc enim ipsius verbal. de Sextupl. Digestione §. 28. *Splen in stomachum, vas amplum, sui fermentum inspirat, neque enim splen cibos immediate inspirat. ibid. §. 59. Ita nimirum splenis odore fermentati in stomachum spirato, cibi fiunt cremor acidus; qui deinceps vertitur in salem utrinaceum & in vitalem.* Pluribus hoc explicat in libro de calore non efficienter digerente, & alibi. Corn. ab Hogelande, vir cæteroquin ingeniosus aliud excogitavit, statuitque per arterias succum fermentantem ventriculo communicari. *Oeconomiam animalis inspicienti, inquit, præter cibum alterandum, & potum tum dicto cibo diluendo inservientem, tum cibi*
vicem

vicem suppletentem ; occurrit liquor quidem subtilis , & attenuans , saliva dictus , ex arteriis per palatum dispersis prodiens : cur , cibo masticato , & deglutito , accedit in stomacho ex arteriis ejusdem liquor alius priori non admodum dissimilis , praterquam , quod manifestè acrior cibo in ejusdem faciliorem concoctionem digerendo , fermentando & quantum satis solvendo , ejusdemque essentia (parti nempe puriori & magis oleosa , tum in corporis nutritionem abitura) extrahenda instar menstrui , ut Chymici similes liquores vocare solent ex aqua forti & spiritu vini composui , magis appropriatus. Postea , quod dixerat , probat in Notis , quas subjecit suo Tractatui , ita ibi loquens : *Quod*

1. siccissimus cibus (e.g.) panis biscoctus , & similia , nullo adhibito potu , & digerantur , & concoquantur.
2. quod alii liquores , e.g. in vomitu liquor nonnunquam acidus , plerumque vero tenax , & viscosus ,
- & 3. impedito menstruo fluxu , menses per stomachum , & os rejiciantur.
4. quod appetitus videatur ab acredine similis humoris vel-

licando ventriculum fieri. 5. quòd oculi cancri, cortices ovorum, & similia ingesta sine fructu assumerentur, nisi tali menstruo resolverentur. 6. quòd volatilia, imprimis gallina, tum nostrates quam calicota, in stomachis suis silices, vitrum, ipsumque aurum. (ut partim ex fide dignis audivit partim propria experientia compertus est) solvant & consumant. Vnde tandem concludit, bonam vel malam cibi in stomacho digestionem, fermentationem, vel concoctionem, magis hujus liquoris acrimoniae, vel aciditatis, aut subtilitatis, sive cruditatis, aut viscositatis, quam ipsi stomacho deberi. Diversa ab hac, est sententia Jacobi de Back Medici Roterodamensis, qui humorem fermentalem, ne incurreret ad eum incommoda, cum illis, qui cum è Lie-ne depromere voluerunt, invenire sibi visus est in saliva. Ita enim loquitur l. de Corde cap. 2. Assumptum alimentum, oris salivâ aliquantulum imbutum, (ut tantò facilius ventriculi humorem admittat) linguæ partiumque oris adju-
mento

mento in œsophagum, atque ejus musculorum, fibrarumque ope in ventriculum relegatur: ibi humore, quem interior tunica continuò exsudat, perfunditur, contrahendique ventriculi vi miscetur, quantumque potest, subigitur. Videtur, quo distenditur magis, eò rarior fieri dicta tunica, ejusque pori patentiores, & viceversâ: quare aliquidin capacitate ad diluendum continet, humoris hujus affunditur copia, quam cum conciderit; tum enim & densatur, & diluendi necessitas tantum non urget. A solo contactu calorem consistentiamve mutari, sine substantiæ additione vel detractiōe ullâ naturali operatione visum fuisse non existimo: speculo alius ab objecti specie color induci videtur, & à colore aqua dilatatur, imo sævum liquatur: sed, recedente objecto & ablato calore, speculum colorem, & quod dilatatum, liquatumve est, ad naturalem consistentiam revertitur. Calorem, qua-

tenus homogenea colligit, & heterogenea disiungit, adcoctionem facere confido; quamvis pisces, quorum in terrania & ipse sanguis frigent, escam integrè diglutitam cum ossibus perfectè digerunt, & sunt ultra modum rapaces. Hujus sententiæ veritatem si quis ipsis oculis videre desiderat, justæ magnitudinis piscis stomachum introspiciat, quando alium integrum pro pastu ingurgitaverit, cujus, quoniam non totum corpus simul sed partes exteriores, & fundo ventriculi proximæ prius digestionem consumuntur, piscis digluti reliquias aliquo elapso tempore, videbit circum eas portionem digestam, & prope stomachi parietes, succum (mucosum quidem, sed escæ minus permixtum) noviter è tunicæ interioris poris, sudoris instar, egressum; ut eo magis dilutum, quod jam ferè digestum conspicitur, in intestina, per pylorum contrahendi vi ventriculi, protruderetur. *Hæftenus Backius.* Ab his omnibus

omnibus iterum in diversum abit Sen-
nertus l. 3. Med. Pract. part. 1. sect. 2.
c. 5. quest. 1. ubi statuit: Esse in ventricu-
lo humorem acidum ingenitum, & conna-
tum, quem relictâ sibi portio benè elabora-
ta augeat, & foveat, qui non sit crassus,
sed tenuis, & spiritibus corrosivis prægnans,
qui grato quodam acore ventriculi corpus ner-
vosum afficiat, & sua mobili virtute permeez
omne ingestum, illudque solvat in liquo-
rem, seu chylum, & omnind se habeat,
ut fermentum, quo cervisia ferverescit, fer-
mentaturque, ut crassæ partes à tenuibus, &
utiles ab inutilibus separentur, atque hunc
humorem, si abundet, causam esse famis ni-
miæ, docet. Famem etiam cibo sumpto sta-
tim sedari, aut equam alimentum dissolutum
sit, ob hunc humorem statuunt: dum nimi-
rum à cibo sumpto supprimitur, ut ita mo-
veri, & instar fermenti ebullire non possit.
Atque, ita quidem viri primores, quos
opinio de fermentativa coctione Chyli
in ventriculo parum quin effalcinavit,
à semetipsis, ratione explicationis ejus.

276 *Mart. Schoockius*,
dem dissentiunt. Quem dissensum alii
& multiplicarunt, & intricatiorem ad-
hunc reddiderunt. Siquidem Gabriel
Fontanus, Medicus Massiliensis haut
de Circo Maximo, Apol. pro quatuor
Humoribus Galeni cap. 1. hoc fermentum
putat esse humorem Melancholicum:
quæ (si quibusdam credimus) quorundam
quoque Arabum fuerit sententia. Pro quo
succo Melancholico Petrus Borellus lib. 2.
Observ. Med. c. 1. substituit bilem instar
aquæ quasi fortis acerrimam, & proinde
quoque fervescens. *La Chambre* apud Cl.
Bartholinum lib. 1. Instit. Anat. cap. 9. *Spi-
ritus*. Non nemo succum pancreaticum:
alii reliquias fermentorum alimentorum
in plicis ventriculi hærentes, quæ diu-
tina mora acescant, atque fermenti na-
turam induant: inveniuntur quoque
nonnulli, qui fingunt nescio quod fer-
mentum acidiusculum, subtile & spiri-
tuosum. Quid dicemus vero? aut quam
ex his sententiis amplectemur? Ego,
quan-

quanquam hanc de fermentatione Chyli sententiam aliquando tuitus fui, pluribus quoque de illa habitis lectionibus publicis, non possum non tamen me continere, quin expensis variis his sententiis, dicam cum Demiphone Terentiano Phorm. 2. 4. *Incertior sum multò, quam dudum.* atque cum Pindaro, quod usurpat quoque elegantissimus Philosophus Platonicus Maximus Tyrius, Dissert. 2. *Δίχα μοι νόσος ἀτρέχειαν ἐπέειν.* In dubio, ut verum dicam, mens mihi fluctuat. Imo, omnibus diligentissime expensis, existimo nulla ratione Chylificationem (quæ cæteroquin, ut ex subsequentibus liquebit, explicatu difficillima est) subsidio fermentationis alicujus peragi. Atque, ne videar destitui argumentorum pondere, ordine illa producam. Et primo quidem argumentor ab animalibus ruminantibus, in quibus plures & distincti quasi ventres notantur. Quod argumentum ut pateat, ante omnia ventres hi distincte

debent esse cogniti. Descripsit illos Aristoteles, (cujus stupendam & accuratissimam diligentiam, in minimis quoque insectis describendis, frustra cavilatur Ulpianus Tyrius Dipnosophista apud Athenæum lib. 8. cap. 12.) lib. 3. de Part. Anim. cap. 14. ubi ita per Interpretem loquitur: *Habent* (inquit) *hæc singula* (cornigera ex altera tantum parte dentata) *plures ventres ut, ovis, capra, bos, cervus, & similia, ut, cum officium oris non satis in mandendo cibo adhibetur, propter inopiam dentium, munus ventri expleat, dum alius ab alio cibum recepit, scilicet primus nondum confectum; tertius plenius, quartus per quam plene confectum. Ita fit, ut hoc genus animalium receptacula cibi habeat plura, quibus nomina hæc indita sunt, (fingente scilicet Latina hæc Theodoro Gaza) venter, araneum seu reticulum, omasum, & abomasum. Labet quærere ex illis, qui existimant in ventriculo reconditum esse fermentum, serviens digestionis cibi,*
an ex-

an existiment hoc uniforme esse? Certè, ventres in his animalibus distincti, serviunt quoque distinctis officiis? & quanquam in omnibus præparetur chylus, non tamen eodem modo præparatur. Quid ergo dicemus? In quibusdam ventribus fermentum, in aliis non occurrere? aut, si in omnibus fermentum notetur, differetne illud quantitate, an qualitate? Qui hanc naturæ operationem naturalem, subsidio Fermenti stomachici confidunt se expedire posse, necessum est distincte hæc explicent: Sed, quæram amplius, si forte in omnibus his ventribus existiment quid fermenti reconditum esse, unde illud ad omnes æqualiter poterit deferri? Nisi forte, primus secundo collectum ex reliquiis alimenti, & secundus tertio, tertius autem quarto communicet. Sed, unde ergo primus simile quid acceperit? Quod si vero admittant, aliquem ex his ventribus officio suo defungi posse, nec tamen aut
aptum

aptum esse fermentationi, aut etiam fermentum nullum continere, pariter quoque concedant, fermentum non necessario ad Chylificationem requiri, atque cibum in chylum converti posse, nullo in ventribus admissio fermento. Simul fateantur, cum alia ratione longe commodius Chylificatio hæc explicari possit, non opus esse, ut ad illam ipsam, fermentationem accersamus? *Secundo*, si Chylificatio subsidio fermentationis perageretur, cibi, qui maximè sunt idonei ad fermentationem, quàm citissime digererentur, & animali quam salutare esse deberent. quum tamen contrarium per experientiam constet. Fructus multi, item mustum, cervisia recens, atque similia, proximam ad fermentationem dispositionem habent: eam tamen in ventriculo non probant, nec, subserviente ejusdem fermento, citius quàm alii cibi digeruntur. Si quis copiosius aliquid ex his sumpserit, conqueri fere solet de ructu, nausea, pectoris

Atoriis ventristorminibus, imo, sepe quoque diarrhæam acrem incurrere. Dubio procul ab his futurus immunis, si hi cibi subsidio fermentationis, in Chylum converterentur. *Tertio*, quotidiana experientia comprobatum est, omnia, quæ fermentantur, turgescere, & intumescere; siquidem, humidum à spiritu fermentante agitatum, attenuatur, attenuatumque majorem non modo molem acquirit, verum etiam amplius spatium exigit. Eoque, si per fermentationem cibus ab animali assumptus in chylum converteretur, in tumorem insignem ventriculus elevari deberet, adeoque, quam diu durat concoctio, non posset non nobis singularis oboriri molestia, ab hoc ventriculi tumore, parum quin præternatalli. Quid quod per experientiam constet, (quivis, si modo in se ipsum descenderit, hoc explorare potest) vix dum inchoata coctione, ventriculum, (si modò ab ingesto cibo copiosiori extendi

tendicœperit) detumescere. *Quarto*, qui vel primoribus labiis sacra Chymica delibarunt, ignorare non possunt, ad concipiendam fermentationem inidonea esse illa, quæ putrefacta sunt. Sed talia tamen ab animalibus, imo ipsis quoque hominibus comedi solent, non digerenda, si Chylificatio non peragatur nisi ope fermentationis. Quid ergo dicemus de venatoribus, qui inchoatam putredinem in ferina, eò quòd hac ratione tenerior reddatur, commendare solent? Quid de Moschis & Russis, qui pilces non comedunt, nisi propter putredinem male olentes? Pomum mespila non licebit tuto comedere, quod austera & palato per omnia ingrata sint, si putredo ea non emolliverit simul & edulcaverit. *Quinto*, certum quoque est, acida quæque veram & genuinam fermentationem non admittere: eoque, si vulgaris sententia valere debeat, acetum, omphacium, & id genus alia, mensa, ut noxia valetudini, pro-

ni, proſcribi debebunt: nec tuto noſtra-
tes, aut lactucas comedere, aut le-
gumina, ſpeciatim piſa, more patrio
(ſuperfundere quippe acetum ſolent)
condire poterunt. Metuendum quo-
que fuerit valetudini illorum, qui pi-
ſcibus qua fluviis, qua marinis em-
bamma Batavicum ſuperfundunt: con-
ſtat enim illud aceto, in quo butyrum
& ova ſubaſta ſunt, ovorum vicem
farina triticea aliquando ſubeunte. *Sexto*,
quid fiet Suevis, Bavaris, & Weſt-
phalis nobis vicinis? Pro obſonio ſoliti
ſunt habere pernas & lardum: ſed, ſi
quis alius cibus, næ lardum fermenta-
tioni obnititur, uſque adeo, ut ipſæ
mulierculæ ad Rhenum & Moſellana
habitantes, dolio vini fructum lardi
immittere conſueverint, ut vini fer-
mentationem hac ratione impedian-
t, atque muſteam dulcedinem vinum diu-
tius retineat. Quod de lardo nota-
mus, dici quoque poteſt de butyro,
oleo, & quibuſcunque rebus pingui-
bus, quas

bus, quas à peritissimis quoque Chymicis ad statum fermentativum quamvis difficulter componi posse, certum est. *Septimo*, quod si Chylificatio subsidio fermentationis, eaque interveniente procuretur, omnes nostri cibi debent esse insipidi: non debuerit butyrum sale condiri, non bubula salita, non haleces, non gammari, similesque cibi (quibus salvice condimenti additum solet) comedentur, nisi ab illis, qui securi sunt valetudinis suæ, amantque morbos incurrere. Si enim sal rei fermentandæ copiosius additum fuerit, tantum abest ut convenienter fermentatio procuretur, magnam partem impeditur, si non plane tollatur. Notant ancillæ nostræ, panem filigineum cum fermento deplere & subigere pro more gentis solitæ. Cavent hæ antiqui, ne salis nimium massæ fermentandæ affundatur, quòd usu edoctæ sint à salis copia illud impediri, quod panem præ cæteris commendare deberet.

simili

Similiter nunquam defæcabitur, & per convenientem fermentationem pura & limpida illa cervisia reddetur, quæ ex aqua, falsedinis modicum quoque amplectente, cocta fuerit. *Octavo*, cui non notum est, quotiescunque aliquid fermentatur, sedulo cavendum esse, ne rei, quæ fermentatur, aliquid aquæ frigidæ, sive gelidæ affundatur: quod cæteroquin fermentatio (licet aliquo usque etiam promota fuerit) aut impediatur, aut imperfecta reddatur. Sed, quotusquisque mortalium occurrit, cui, æstivo maxime tempore, non sit in more, largius, aut aquam gelidam, aut cervisiam tenuem admodum, & parum ab aqua distantem, cibus in prandio assumptis non tam superbibere, quam superfundere. Qui tamen neutiquam de difficiliore ciborum concoctione queruntur, facturi certe, si Chylificatio fermentationis subsidium exigeret. Certe, si ad Chylificationem requireretur fermentatio; antiqua consuetudo, Romæ præ

mæ præ cæteris recepta, deberet revocari, & nonnisi calda misceri. Nono, si à fermento, ventriculo quasi inexistente, ciborum in chylum convertendorum fermentatio procuretur, non poterit non fermentum hoc varium & multiplex admodum esse: & si non differat essentialiter, saltem differre debet accidentaliter, atque gradu intensiōis & remissionis. Nam (ut ex antecedentibus abunde jam patere confido) quidam cibi magis ad fermentationem, alii minus sunt dispositi. atque, nisi diversitas hæc fermenti, & multiplex varietas admittatur, non poterunt non omnes homines (maxime opulentiores) & quibus in una cæna plures dapes apponi solent, perpetua *δισπικία* laborare. Quod tamen experientiæ adversatur, prout, neque per experientiam ullam colligi potest hæc fermentorum varietas. Nec audiri merentur, qui volunt ipsos assumptos cibos suum fermentum & habere, & pro aliis

pro aliis digerendis cibis , fermentum quoque peculiare conferre. Inania enim hæc sunt somnia , & conjecturæ meræ , quibus serius veritatis ruspator ne quidem titi villitium tribuerit. Hæc , & similia argumenta , si quis diligenter attenderit , nisi per pertinaciam contra veritatem planè obfirmatus fuerit , non poterit non saltem suspectare vulgarem hoc seculo sententiam , de fermentatione , propter Chylificationem quasi in ventriculo admittenda : atque , si voluerit rationes & experimenta (ab his jam antea argumentati potissimum fuimus) inter se contendere , ne utiquam in ventriculo fermentum aliquod digestivum admitti posse , volens nolens statuere debebit. Exceptiones , aut potius conjecturas varias , nonnulli , qui Helenam hanc nimis impense diligunt & fovent , excogitarunt ; sed , conjecturas duntaxat esse , quibus nihil omnino veri subsit , postea liquebit , ubi prius Hogelandii rationes examinaverimus.

Occurritur argumentis Cornelii ab Hogelande, quibus probare laboravit, Chylificationem non posse peragi absque fermentatione: speciatim expenditur acidum ventriculi.

Qui vero Chylificationem ad Fermentationem referunt, quasi hujus subsidio peragatur, non videntur quoque rationum pondere (quod & inclinare videtur prima fronte) destitui. Certe Corn. ab Hogelande in Oeconomia Animalis pag. 77. expendens succum fermentantem, Ventriculo quasi inhærentem, atque Chylificationi præ cæteris inservientem, sequentes rationes, numero quinque, *his verbis proponit*: Eundem hunc liquorem fermentationi etiam inservire, non malè statui videtur: Primò, quia ejusdem saporis est: (acidulus nempe) cum iis, sive humidis, sive siccis, quæ fermenti loco adhiberi solent: Secundò, quia ciborum con-

rum concoctio absque fermentatione non facile perficitur, sicuti ex eo constat, quod plerique cibi ponderosi, id est, compacti, omnesque difficulter fermentabiles & alterabiles, id est, ita constituti, ut non facile aliquis rarefactionis motus eis imprimi possit, etiam difficilis sint concoctionis: Tertiò, quia solâ fermentatione excitatâ, concoctio cibi (saltem ex vegetabilium genere) aliàs durioris digestionis, & stomachi dolorem causantis, & promovetur & perficitur; sumtâ (nempe loco deficientis fermenti) particulâ pomi crudi inter prandendum, uti ipse aliquoties experiendo comperi, Sed quia fermentatum non rarò aliquid de natura fermenti retinere solet, ego experimentum hoc non nimis familiariter usurpandum existimo. Quartò, quia huic soli liquori (cum is solus cibo in stomacho accedat) tanquam fermento ascribendum videtur, quod in malè valentibus cibis per se salubris in vitio-

sum sanguinem & nutrimentum vertatur, & contra; juxta illud, sanis omnia sana: Quintò, quia in nonnullis ægris hæc fermentatio, sed depravata, per corporis tumorem à sumto cibo sese manifestè prodit. *Hactenus ab Hogelande*, cujus rationes, si non omnes, saltem aliquas, ne quidem Auctoris nomine expressio, quidam, qui videri volunt cæteroquin οἱ μάλιστα, pro suis adoptarunt. Nominibus parco, quòd mea non multum referat, quodque propositum potissimum sit (sed citra psalterium & canticum) viri cæteroquin egregii rationes ἀνασκευαστικῶς examinare. Accedo ergo ad *primam* rationem, quæ desumpta est à convenientia saporis, qui intercedit inter succum ventriculi fermentantem, & inter fermentum vulgare: quod vult æque acidum esse, atque hunc ventriculi succum. Sed, ut verum præsupponit, quod nondum est probatum. Non inficias quidem i verim, in quorundam animalium ventriculo

triculo aliquando notari posse succum acidum, sed, quis dixerit eum ventriculo proprium esse, atque non potius ex accidenti in eodem collectum esse? *Secunda* ratio non ferit quoque: Nam, si ideo in ventriculo in gratiam chylicationis fermentatio admitti debeat, quod multi cibi, cæteroquin compacti, non possint resolvi & attenuari; propter cibos quam plurimos, & nobis oppido quam familiares, fermentatio non erit admittenda, prout patet ex superiori capite. Consideremus modo cibos, apud nos pauperibus quam familiares, &, quod dico, erit evidens. Pro quotidiano convictu agnoscendi debent panis, & butyrum: condimenti rationem præ cæteris habentibus sale & aceto: Quod sua jam ætate notavit Plantus. Notum dictum illius Pers. 3. 3. *Hic Rex cum aceto pransurus est, & sale, sine bono pulmento.* Sed, ut jam antea observatum est, butyrum & pingua quæque, item sal, & acetum

292 *Mart. Schoockius,*
difficillime fermentari possunt. Panis
quoque, si probe fermentatus fuerit per
pistorem, haut facile iterum fermenta-
bitur: ventriculoque ut fermentatori,
per quam difficile fuerit, eum com-
minuere sufficienter, & in chylum con-
vertere. Panis autem, eduliorum, hu-
mano generi inservientium, præci-
puum est, atque aliorum ciborum non
modo basis quasi, sed & *ventri stabili-*
mentum, ut Plautus loquitur *Curc. 2. 3.*
Mirandum vero virum egregium, quod
est τὸ κεινόμενον, tanquam probatum sup-
ponere? Antequam probaret, quosdam
cibos absque fermentatione digeri non
posse, probare debuisset, revera in ven-
triculo & fermentum esse, & ab illo
fermentationem provenire. Præterea,
quæ consequentia: circa aliquos cibos
ab animali assumptos, in Ventriculo
illorum Fermentatio qualiscunque no-
tatur: ergo Chylificationi, quæ legiti-
me absolvatur, necessario fermenta-
tio subservire debet. Sequestrata vero
fermen-

fermentatione, aliam rationem, eamque longe commodiorem, Chylificationis dari posse, infra suo loco ξὺν Θυσίᾳ patebit. Tertia ratio desumpta est ab experimento, & quidem proprio ipsius D. Hogelande. Concoctio (dicit) cibi, (saltem ex vegetabilium genere) aliàs durioris digestionis, & stomachi dolorem caussantis, & promovetur & perficitur, sumpto (nempe loco deficientis fermenti) particula pomi crudi inter prandendum, uti ipse aliquoties experiendo comperi. Nec tamen hoc experimentum ut commune, & à pluribus observatum, proponere audet. Atque, ne alius idem aut in se, aut in alio quoque experiri instituat, fingit periculum. Tantum abest, ut cibi concoctio ab aciditate procuretur, aut illa ventriculo amica sit: acidi ructus ut incommodi notantur, & ventriculum vitiatum arguunt. qui alias in hominibus exacte sanis notari deberent. Fateor quidem ὀξύγεγμίνον, seu, ructum acidum ab Hippocrate libr. 6. Apho-

rism. i. inter bona signa referri, quando dicit : *In signum bonum intestinorum, si ructus acidus fiat.* sed, neutiquam (ut Castellus innuere videbatur) inde licet colligere, aut ructum acidum signum esse felicitis & consummatæ concoctionis, aut, ut talis obtingat, opus esse succo acido & fermentativo. Nam, (ut observatum est Galeno) Hippocrates ructum acidum bonum signum esse statuit, nullam aliam ob causam, quàm, quòd licet arguat calorem debilem, non tamen extinctum. Cæteroquin aciditas, & consequenter ructus acidus, animalibus eodem modo contingit, atque fructibus, quorum complures, priusquam à calore maturentur, acidi sunt. Sed D. Hoge-lande, fermentum acidum in ventriculo inveniendi, per experimenta succurrere videtur Helmontius. Siquidem in libro de calore non efficienter digerente §. 22. legas : *Pluribus volucribus (ait) fermentum adeo potens est,*
ut nisi

ut nisi subinde lateribus, creta, argilla vefcantur, ex multitudine aciditatis male habeant. atque, ne quis dubitet, §. 23. addit rationes, per experimenta a se collectas. Hujus stomachici fermenti, inquit, necessitatem didici, dum puer passer alerem, exerui linguam saepe, quam passer morsu apprehendebat; & sibi deglutire conabatur, atque tum sensi ingentem aciditatem in gutture passeris. Vnde ex tunc scivi; cur tam edaces, & digerentes. Deinde vidi, quod acidum sulphuris stigma, Chirobecam meam imbuisset, eamque in succum, parte qua maduerat, statim resolveret, quod mihi iironi confirmavit, transmutari cibos acido, adeoque habitare in stomacho fermentum, quod omnia ingesta, licet dulcia, statim in acidum commutaret. Quocirca quoque esse acida cuncta, quae appetitui desidi propinantur. Vt sunt omphacium, acetum, succus citri, aurantii, sinapi, etiam sal & salpetra, quatenus spiritum esurinum in se habet, & placidissime acidum. Itemque berberis, ribes, cerasa, cidonia, &c.

Omisso aliquantisper Corn. ab Hogelande, ex re est, aliquanto distinctius & pressius hæc examinasse. Atque (1.) mirari subit, quod Helmontius, qui præ se hominem putat neminem, obtrudere auset experimentum puerile, & quidem singulare, ejusque ope laboret evertere sententiam, ut ipse existimat, communem omnibus quâ Medicis qua Philosophicis scholis. Nimis imbecilli tibicine nituntur, qui unius experimenti, & quidem dubii, fide suffulti, præsumunt aliquid ut verum obtrudere, quod nulla cæteroquin ratione statuminari potest. 2. Omnia experimenta, quæ sensuum subsidio instituuntur, rationis examini subesse debent, quæ attendat, an omnia requisita, ad illa pertinentia, etiam concurrant. At Helmontius noster, in suo passerculo fermentum stomachale observans, (fateretur ipse) puer fuit, nec, ut opinor, gnarus illorum requisitorum, quæ circa genuina & fidem promerentia experi-

experimenta observari debent. Adeoque, nescivit quoque distinguere, inter illa, quæ passerculis ratione concoctionis ordinario & per se, atque extraordinario & per accidens, contingere solent. 3. Nam hoc in omnibus passeribus observari non posse, ego non puer jam, sed statæ per Dei gratiam ætatis vir affirmo. Filioli mei, passerculos alere quoque soliti, in pullis hoc duntaxat notarunt, me in quibusdam idem observante, quod accidit ratione alimenti assumpti. Pane acido & ferro lactis si cibentur, exhalabunt odorem acidum, quem non percipies, si comederint micas panis triticei aqua pura subactas. Iniquum vero, odorem qui exhalatur ab alimento assumpto, illique est proprius, peculiari alicui ventriculi fermento acceptum referre. In adultis passeribus, forte captis, aut raro, aut nunquam, hunc acidum ventriculi non tam odorem, quàm nidorem notabis. Facile & levi impensa hæc ex-

perimenta institui possunt. optarem, plures operam suam, circa hæc & similia Helmontii nova *εὐρήματα* examinanda, conferre dignarentur: Brevi homini, qui talibus præsidiiis suffultus, ausus fuit aspirare ad dictaturam in Medicina & Philosophia, persona detraheretur. 4. At dato, omnes passeress, quæ minores, quæ adultos acidum odorem exhalare, quæ consequentia à passeribus ad homines? An non cervi, & (ut quidam perhibent) pavones quoque, viperas vivosque serpentes, sturni cicutam, coturnices veratrum, devorant? quistamen à cervis, pavonibus, sturnis, & coturnicibus argumentando ad hominem progredi ausit? Si hoc semper conveniret passeribus, (quod nondum tamen probatum est, & forte nunquam probabitur) impu- tari deberet, citra aliorum animalium præjudicium, passerinæ *ἰδιοσυγκρασίᾳ*. 5. Sed, si quod momentum huic Helmontii argumento, ab experimento puerili,

puerili, singulari, fallaci, & mere accidentario desumpto, inesset; certe, plus momenti inesse deberet huic argumento negativo: *Pauci, aut nulli homines sani, quando jejuni sunt, (tum temporis enim attendi hoc potissimum debet) exhalant odorem acidum: Ergo, neque in ventriculo illorum reconditus est succus acidus, qui sit fermentativus.* 6. Nec in Helmontii chirotheca plus præsidii, pro firmanda ipsius sententia, est reconditum. Siquidem (quod minime fieri deberet à viro, ex sua opinione Chymix consultissimo) per errorem summum confundit corrosionem, cum fermentatione. Corrosio (quantum ego quidem Chymicos mihi videor intelligere) quædam quasi calcinatio est, quæ res concretæ, intervenientibus ardentibus spiritibus, in calcem reducuntur: atque sic instituitur & peragitur quoque, ut ad dissolutionem, quæ ipsius opera contingit, nihil omnino res ipsa, quæ dissolvitur, conferat; cum

tamen fermentatio (ut jam antea patuit, fuseque ostensum est) proveniat ab intrinseco, illiusque causa principalis & primaria agnosci debeat spiritus rei fermentandæ proprius, eique inhærens. 7. Quæ Helmontius subjicit de acidis, appetitum quasi prostratum excitantibus, dextre intelligi debent, atque accuratius Examen merentur, forte in nostro de Fame Commentario (modò supremus Conatuum nostrorum Arbiter anpuerit) aliquando instituendum. Hoc loco suffecerit dixisse, ἀρεγοσιόνοια hæc esse. Nobis contentio est non de cibi appetentia, sed de concoctione. Quanquam enim, qua appetentia qua concoctio cibi, ad totum Ventriculum convenienter referri possunt, potissimum tamen in Ventriculi orificio appetentia, concoctio autem in ipsius fundo residet. Α'πασία vero, ab aliis ἀρογεσία dicta, ut à variis causis provenit, (videatur vel solus Galenus libr. 1. de Caus. Sympt. cap. 7.)

itraci-

ita acida ei non medentur, nisi proveniret à resolutione superioris orificiî ventriculi, laxatis partibus, quas corrugas esse convenit: quas cum Syrupi acidæ constringant, incommodo huic remedium adhiberi, mirum non est. Quæ vero consequentia: *Acida emendant aliquando inappetentiam, quatenus corrugant ventriculi orificium plus æquo relaxatum, ergo, concoctio cibi in ventre animalis non potest absolvi, nisi subsidio fermenti acidi.* Verum, ut nihil intactum hic relinquamus: omisso Helmontio quoque, obiter occurrendum est hominibus quibusdam, nimium quam pertinacibus sententiæ suæ: quam ut videantur cum causâ propugnare, provocant ad experientiam, cujus tantam quoque fiduciam habere videntur, ut non dubitent negantes in rem præsentem, simulque ad porcum adducere; quod in illius, recenter quoque mactati, ventriculo, acidus succus occurrat. Quum vero grunniens pecus gulosum.

admodum esse consueverit, vulgoque credatur, ratione partium interiorum, homini non abfimile esse; compendio se totum hoc negotium conficere posse existimant, atque oculis quasi & linguæ fermentum stomachicum expone-re. At viri egregii *primo* expendere deberent, quæstionem non esse de qualitate ciborum certorum in chylum converti cœptorum, cæterum de succo quodam, acido quasi, ipsi ventriculo insito & proprio, cujus subsidio cibi, duriusculi quoque, in chylum converti possint. Non deberent ostentari animalium ventres pleni, & cibo aliquousque, qui & digeri cœperit, saburrati, sed inanes & vacui. Tales enim ventres soli apti sunt fidem facere, *Secundo*, hoc certum, ex pluribus rebus, dulcibus quoque v. c. melle, & saccharo, ubi coqui in culina quoque incipiunt, exprimi solere succum aliquem, si non acidum plane, saltem subacidum; at iniquum existimare, ven-

triculum

triculum, à cibo assumpto, atque prima resolutione attenuari cœpto, acorem contrahentem, aut ratione suæ temperiei acidum esse, aut saltem succum acidum fermentativum insitum habere, cujus subsidio hos similesve cibos resolvere, resolutisque aciditatem conciliare queat. *Tertio*, quæ de porcorum ventribus dicuntur, haut semper tali deprehendi possunt. Acorem talem non notabis in porco glandibus saginato, aut, si quem notes, levis atque subobscurus admodum erit: qui manifesto se exerit in ventribus illorum, quos rustici nostrates saginarunt. Solent enim iis apponere serum lactis acidum, affundendo subinde farinam filigineam aut fabaceam, vice pabuli lætioris, & cujus subsidio pinguiores evadere possint: alias objiciunt cervi-
sæ filiquas, quas acidas esse in comper-
to est. Quomodo & certum est, in quo-
cunque frumenti genere notari quan-
dam aciditatem: quæ tantum abest,
ut coctio-

ut coctionem per se promoveat ; ut haut absque causa jam olim dictum fuerit, panis repletionem esse pessimam : à qua cæteroquin nihil metuendum esset periculi, si aciditas per se feliciori Chylificationi serviret, *Quarto*, obvia nec sumtuosa experimenta occurrere possunt in gallinis, quas, digestiva facultate præ multis animalibus valere, in aperto est. Sed, si quis accuratius earum ventriculos, exinanitos quoque atque cibo jam antea concocto evacuatos contemplari instituerit, cum in iis aliud notare non poterit, quam succum quendam ad flavedinem vergentem, interiorique tunicæ adhærentem ; quem si gustare institueris, non quidem acidum, sed nitrosum esse deprehendes. *Quinto*, ovium ventres, septima, aut octava à pastu hora si aperueris, inanes ferme deprehendes, atque, si superfuerint quoque cibi reliquiæ, nullum tamen (ne quidem levissimum) aciditatis ullius vestigium

vestigium notare poteris. Vellem viri egregii, quibus præ nobis uberior offertur occasio, in aliis animalibus diligentius omnia expendere niterentur. Hactenus non infeliciter visi sumus nos expediisse: in quibus tamen non ita nobis placemus, quin simul parati simus cedere liquidiora argumenta adferenti. Sed redeundum est ad Dn. Corn. ab Hogelande, cujus *quartum* argumentum, ex ordine expendendum venit. Verba licet supra fuerint exhibita (candidi enim Disputatoris est, nihil suo adversario, imo ne quidem apicem, præter mentem affingere) iterum reponi debent: *Quia (inquit) huic soli liquori (cum is solus cibo in stomacho accedat) tanquam fermento ascribendum videtur, quod in male valentibus cibus per se salubris in vitiosum sanguinem & nutrimentum vertatur, & contra; juxta illud, sanis omnia sana. Miror vero, virum sane judiciosum, ita argutari verius, quam argumentari! Quasi probatum præsupponit,*

ponit, quod in Quæstione est, atque cum maxime controvertitur. Probandum antea fuisset, & quidem ex certis indubitatisque principiis, ventriculo inesse fermentum digestivum. Atque tum licuisset progredi à statu naturali, tum hujus fermenti, tum etiam Chylificationis inde dependentis, ad statum præternaturalem: cum frustra inferatur, minus commodam Chylificationem per vitiatum fermentum stomachicum contingere, quàm diu liquidò nondum probatum est, revera dari fermentum stomachicum digestivum. Quinta & postrema ratio Dn. Corn. ab Hogelande, pariter non nisi $\kappa\omega\phi\delta\nu$ βέ-
λ \odot est. Neque enim consequentia procedit à statu præternaturali animalis, speciatim hominis, ad statum naturalem. Quæ enim consequentia, aliquando ægris à cibo sumpto contingit intumescencia, Ergo subsidio fermenti stomachici Chylificatio in animali, speciatim homine peragitur? Sunt cibi
quidam

quidam ita dispositi, ut accedente calore ventriculi, per propriam & intrinsicam Dispositionem fermentari queant: sed, quis inde concluderet, accidentariam illam fermentationem, & tumorem præternaturalem, qui ventriculo hac ratione contingit, servire faciliori cibi digestioni, & feliciori Chylificationi? Quibus enim hæc intumescentia à cibo sumpto accidit, non minus de illa conqueri solent, atque de difficiliore assumpti alimenti digestionem. D. Willis, ut probet revera fermentum acidum Stomacho inesse, provocat ad quandam suam Observationem, pag. 25. cap. 5. ita loquens: *Medicamenta chalybeata ore sumpta postea niorem excitant in gula sulphureum, veluti, ova ad duritiem cocta, fuerint comestibilia: quod omnino fieri videtur à fermento acido ventriculi, ferrum corrorente: Siquidem spiritus vitrioli limaturæ chalybis inspersus, talem excitat odorem sulphureum & acetidum. Bonum vero factum! quod dicat,*

308 *Mart. Schoockius,*
dicat, *videtur*. Nam ut primo experi-
mentum est dubium, eô quod parti-
culare sit, nec omnium hominum ra-
tione observari possit; amplius com-
mittitur fallacia non causæ ut caus-
sæ, cum nidor ille sulphureus aliun-
de quam ab acido fermento ventriculi
procurari queat.

C A P. X X I.

*Fermentationi Ventriculi præsidium
procurari non potest, si pro illo, aut suc-
cus acer, aut aliud aliquid, velut Ana-
logum, substituatur.*

MOs est multis hoc seculo, quæ
Philosophis, quæ Medicis, si non
sacrarum quoque literarum antistitibus,
(qui tamen verecundiores longe esse
deberent) Hypotheses, & mere no-
tionales suppositiones crepare, mul-
tasque verborum pelves pro earundem
illustratione profundere; quô incauti,
fidem implicitam talibus suppositioni-
bus attribuentes, citra tergiversationem
Conclu-

Conclusiones admittant, ex ejusmodi Hypothesibus deductas. Quum tamen ante omnia Suppositiones illæ astrui deberent. Quod tamen vix tentare sustinent subdoli earundem Architecti, quòd certi sint, inanes futileque esse, atque haud absimiles araneorum telis, quæ magnam quidem præ se speciem ferunt, nihil tamen solidi complectantur. Quare & tales suppositiones jure merito damnat Hippocrates libr. de Veteri Medicina: δὲ ὅτι ἡξίον ἐγὼ κενῆς τινὲς ἰατρικτὴν ὑποθέσεως δεῖσθαι, ὥσπερ τὰ ἀφανέα καὶ ἀπορούμενα. Non censeo (inquit) ego vanis artem Medicam hypothesebus, ut obscura, dubia, & incerta indigere. En, ut Medicinæ parens, ac Divina vir scientia (his elogiis Hippocratem Celsus & Gellius condecorant) rejiciat hypotheses commentitias, easque quæ humani ingenii, sed lascivientis, atque plus æquo sibi indulgentis, figmenta sunt! talibus enim, ut ut multa quoque pro illis dicantur, nihil ἔπερ γυμνα-
 / 70 sub-

10 subest, sed duntaxat redolent *πικρὰν ἀνάπλασιν ἔ λόγῳ*. Hisce Hypothesibus accenseri debet, mustea sententia, fautoribus licet multis instructa, de Fermento stomachico, subseruituro Chylificationi: quæ ut plausibilis videatur, patroni tanquam certum statuunt dari fermentum ejusmodi in ventriculo animalis: sed tantum statuunt. Non favere succum acidum, ventriculo quasi connatum, & quotidie à ciborum reliquiis restaurari solitum, abunde ex superiori capite constat: atque, ut hoc etiam addam, liquere idem potest ex vomitu quem nausea marina procurat. Ea ventriculum, quasi invertere solet, interiores ipsius fibras concitando & excutiendo. At, nunquam observatum fuit, egestum à quoquam fuisse succum acidum & quasi fermentalem; sed quidem, post luctam difficiliorem, ubi egestæ antea forent dapium reliquiæ, succum nitrosum, acrem, amarum, & bili vitellinæ

tellinae non abſimilem. Qualem ſuc-
cum quanquam non nemo ob copiam
ſalis volatilis, procurandæ fermenta-
tioni ſufficere exiſtimet, non poſſum
tamen à me impetrare, ut, aut ſali vo-
latili, aut bili hæſce partes in cibi di-
geſtione deferam. Memini quidem,
me hæc legiſſe apud Gregorium Nyſ-
ſenum libr. de Opif. hominis: *Ad co-*
ctionem (inquit) *bilis confert, excrè-*
mentorum depulſionem movet, ſimulque ca-
lorem quendam præbet corpori inſtar vita-
lis facultatis. apud quem & hæc offen-
das: *Ἡ χοληδόχῃ ἀγλίστῃ τὸν δειμὺν ἐλεῖνον*
ἢ δακνῶδι χυμὸν ὑπὸ ſενοχωρίας ἐπὶ τὸ ſόμα
τῆς γαστρὸς παρεχέοντο. *Vas bili excipien-*
da deſtinatum, acrem illum ac mordacem
humorem propter coarctationem ſui in oſcu-
lum ſtomachi derivat. Atque inde ſum-
mus vir P. Severinus, ut vidimus c. 19.
vice fermenti acidi, bili ventriculo in-
exiſtenti, fermentandi partes detuliſſe
videtur. Sed, antea probatum oportuit,
bili ad ventriculum à natura adi-
tum or-

tum ordinarium & liberum procuratum fuisse. Bartholinus l. i. Instit. Anat. cap. 9. *In fundum ventriculi (inquit) in quibusdam hominibus meatus fellei pars inseritur : sed , hic error naturæ est. Vnde bilis vomitioni obnoxii sunt tales ; sunt enim biliosissimi : quales observarunt Galenus , Vesalius , Fernelius , & Casserius. Dicuntur πικρόχολοι ἄνθρωποι. Ab illis , quæ per accidens contingunt , non licet argumentari ad ea , quæ per se fiunt. Nec , per illa , quæ in hoc illove homine , ex parte præternaturaliter notantur , convenienter explicari potest ordinaria quædam , naturalis , & omnibus hominibus propria functio. Apud Vesalium occurrit exemplum remigis , qui & Comedo erat , & , quæ comederat , expedite digerebat , nunquam tamen nausea marina laborabat ; cui tamen cum maxime illi obnoxii esse solent , in quorum ventriculum fel ordinario profunditur. Qui sectioni animalium præ aliis diligentem operam impendunt , te-*

runt, testantur tamen se quam rarissime in ventribus illorum fellis vestigia notasse. Licet subinde aliquid analogum felli, in ipso ventriculo proveniat ex cibis minus aptis digeri, & quando concoctio inconvenienter procedit. Facit huc locus singularis Fernelii lib. 6. Instit. Med. cap. 9. Bilis gignendæ, inquit, *esculenta quadam vitiosa & mali succi non modo occasio, sed etiam causa sunt, cujus generis censentur allium, porrum, capa, nasturtium, & sinapi, maxime eorum folia.* Dum enim nequeunt à ventre devinci, neque in chylum converti, ac colorem suum magna ex parte retinent, primum ex illis fit bilis porracea, quæ si infixa diutius hæreat & commoretur, persistente ventris incendio in aruginosam commutabitur, hæc demum in eam, quæ glasti colore tincta apparet, minus quidem viridis quam superiores, sed tanto illis deterior, quanto propius ad nigrum colorem accedit. At hæc analogica bilis, quocunque etiam colore tincta, tantum

abest ut procuret concoctionem, non notatur in ventriculo, nisi illius concoquendi facultas imminuta fuerit. Eoque, nulla ratione, quicquid etiam somnietur, potest esse fermentum stomachicum, quod desideramus. Licet interim nobis plane non displiceant, quæ habet Cl. Willis lib. de Fermentatione, cap. 5. Non improbable videtur, inquit, quod etiam sanguinis pars adusta, & velut ignea, scil. flava bilis, quæ ex sale & sulphure præcipue consistit, in hepate secreta, ac inde ad intestina transmissa, alicui fermentationis usui inserviat. Hæc enim chymo, è ventriculo ad intestina delapso, permista, ipsum illic effervesce & turgescere facit; quo & particule elementares minutius subigantur, ac propter rarefactionem, sive intumescentiam, pars purior, pro succo nutritio, in vasa lactea exprimatur. Nam, quum in intestinis peragatur ulterior coctio; atque in illis chylus cum recrementis suis sit confusus, quo venæ lacteæ, veluti radiculae animales ex eo at-

eo attrahere possint quod utile est relictis partibus; opus omnino est massæ chylosæ rarefactione, ut pars purior, præ succo nutritio in vasa lactea exprimatur, quemadmodum Auctor noster loquitur. Ad hanc vero secundariam fermentationem in intestinis procurandam præ cæteris bilis flava est idonea, quod sit spirituosæ & ignea, atque subtili sua penetrabilitate & calore, spiritum reliquiis chyli, jam excreti, inhærentem concitare & ad fermentationem usque promoveri possit. Bili pro secundaria concoctione in intestinis, ut has quasi partes fermentativas assignare convenienter possumus, ita plus non debemus tribuere, quicquid aliquibus viris cætera egregiis visum fuerit, succo pancreatico, in quo quidam alias visi sibi fuerunt invenisse fermentum stomachale. Sed, cum ductus Pancreaticus, à Wirsungo primitus Patavii detectus anno hujus seculi x l i. turgensque ut plurimum succo quodam, in homi-

ne meatui biliari cohæreat ea in parte, ubi intestinum duodenum inseritur: non improbabile videtur, ab eo promoveri aliqualem illam fermentationem, quam in secundaria hac concoctione non inviti admittimus; nam, si succus hic excrementitius plane esset, natura potius eum deturbasset ad intestina inferiora, destinata sordibus & fœcibus inutilibus recipiendis, nec ad intestinum primum, & quidem crassum, ubi ulterior Chylificatio peragitur, comparere voluisset. Qui, succum pancreaticum ipsum fermentum stomachale esse volunt, ostendere deberent, per quam viam deferatur in ventriculum. Sed, ut pergam, frustra quoque sunt, quicunque fermentum hoc stomachale à Liene accersunt. Ambigunt enim inter se quam maxime de viis, per quas eo derivari deberet. Qui maxime sunt rationales, deduci nolunt ex vase brevi, quòd valvula aditum illapsuro humori obstruat: quam ob caus-

ob causam quoque, neque per venas gastricas, neque per arteriam coronariam illabi contendunt, sed, potius per arteriolas à cæliaca ortas, sive, per ramulos arteriæ cæliacæ. Sed, quis dixerit hos ramulos ventriculo communicare succum acidum, fermenti vicem subiturum? & non potius suppeditare sanguinem nutritivum? Observatu digna sunt, quæ habet Cl. Hoffmannus lib. 2. Inst. Med. cap. 30. §. 8. *Ventriculus* (inquit) *venas quidem accipit à sola Portæ vena, nullas à cava, licet quibusdam id visum fuerit: arterias autem à sola Cæliaca dicta. De his jam monendum est illud, vasa hæc in ruborem dare illos, qui ventriculum Chylo volunt nutriri. Quorsum enim sanguis, qui per hæc ascendit? Interim, non diffiteor subinde accidere, quod habet accuratissimus Higmoreus libr. 1. Disq. Anat. cap. 3. quo agit de Ventriculo. Per quas arterias (inquit) cum succo Melancholico maxime abundaverit sanguis; aliquantulum ad lienem*

(*ejus receptaculum*) *affatim affluens*, in *ventriculum eructari poterit*. At hic *sucus*, velut fermentum proportionatum, coctionem in ventriculo juvare non potest. Nam, ut dicit Bartholinus libr. 1. *Inst. Anat. cap. 9. Impediretur potius coctio alieno humore excrementitio ingesto*. Nec aliud existimandum est de spiritu acido, eoque famelico, & consequenter appetitum intendente, de quo ita philosophatur *Quercetanus in Diætetico Polybistore*: Hic potius (*inquit*) statuendi sunt spiritus famelici, sive famem inducentes acidi & vitriolati, qui exhaustis & consumptis alimentis, adeo ut nulla amplius residua sit materia, in quam ipsi actionem suam, i. e. mordacitatis ac rosionis vim exercere queant: Superius ventriculi orificium (quæ pars corporis exquisitissimo sensu prædita est, ut inquam implantati sint duo rami è sexto nervorum pari seu conjugatione derivati) adiunguntur, idque spirituali sua aciditate stimulant,

stimulant, vellicant, ac pungunt. Ex qua vellicatione, seu lancinatione excitatur sensus, ex sensu appetitus, ex appetitu fames, quæ ex iisdem famelicis spiritibus provocata & producta extitit. Hi enim sunt ipsi, qui esuriunt & striunt, & qui post absumptam alimenti & ciborum materiam, confestim, aliam novam appetunt, quam attractam acidâ suâ, & mordaci dissolvendi, ac conterendi facultate confringunt, quæ dissolutio ac contritio postea à medicis appellatur concoctio, sive digestio. Hac dissolutione sive digestionem peractâ, quæ quinque aut sex potissimum horis absolvitur, alimentosæ substantiæ fit conversio in chylum, idque mediantibus famelicis istis spiritibus, aut igni, natura potius formali, quam materiali: quam concoctionem ad hunc modum factam nullus alius calor externus, sive igneus, quantumvis vehementissimus ac ferventissimus, vel per plurimum etiam dierum ac septi-

manarum durans spacium perficere unquam posset. *Hactenus Quercetanus.* Mirum, vero distinctius non explicari, rationem & originem horum acidorum spirituum? Si revera in corpore tales acidi spiritus forent, quales à Quercetano delineantur, in tota non modo corporis temperie aciditas quædam perpetua occurreret, verum etiam omnes sanorum hominum ructus, non minus acidi notarentur, quàm in lingua sapor talis observaretur. Quod tamen manifestæ experientiæ adversatur, quum constet non nisi in corporibus Caco-chymicis & male affectis, per linguam & ructus, aciditatem ejusmodi prodi. Quidam porro, (ut antea vidimus) quo proportionatum ventriculo fermentum invenire possint, ad salivam confugiunt. Et quod quis haud absque ratione miretur, apud Cl. Hoffmannum libr. 2. Instit. Med. cap. 19. §. 3. hæc occurrunt: *Masticatio* (inquit) *non fit, nisi subinde à Tonsillis, Gargareone,*

reone, vicinisque linguae glandulis aliis subministrata saliva. Quamobrem, salivam quidem compararis cum fermento: potum autem cum aqua, quam pistorum affundunt. Alii tamen non existimant salivam hoc officio defungi posse, nisi acidiuscula fuerit, à fermento stomachali, communicato per lienem, eoque, magis quoque erecto appetitu, eosdem censent præditos esse, præ illis, quorum saliva est dulcior. Sed hæc gratis dicuntur, ac sunt duntaxat cerebrinæ hypotheses, quæ facilius negari possunt, quam à patronis suis proculsæ fuerint. Salivæ usum agnoscimus non modò in masticatione, ad hoc ut cibus convenienter dimitti possit usque ad ventriculum; verum etiam in cibi digestionem: sed usum esse fermentalem, atque ipsam cibi concoctionem, sive ζύωσιν, non esse nisi quandam fermentationem, quis ex hoc incerto principio concluderit? Parum præsidii quoque invenire potest Dn. Corn. ab Ho-

gelande in sua saliva, temperata quasi à certo ventriculi liquore, qui exhibeat materiam miscellam ex aqua forti & spiritu vini: nam dici deberet (1.) unde contingat talem materiam salivæ, vi (ut præsupponitur) fermentativa præditæ, affundi? (2.) Doceri deberet, quomodo possit salivalis materia permixta ejusmodi humori, contrahere facultatem, usque adeo erodentem, qualis notatur in aqua forti. (3.) Præcipue vero ostendendum esset, quomodo ventriculus, qui est membranaeus, non erodatur à liquore adeo acri, atque est aqua fortis? Hoc certum, talem liquorem vi erodendi in summo gradu gaudere, atque ventriculum tales sive liquores, sive pulveres, sive sedimenta quoque, neutiquam perpeti posse. Si, quæcunque dicuntur à viris ingeniosis, vera forent, quot occurrunt capita ingeniosa, & ambitiosa, totidem Philosophorum familiarum agnosci deberent. Idem existimandum est, de sudore

sudore quasi interioris tunicæ ventriculi, excogitato ingeniose pro colligendo fermento stomachali. Nec, quod adducitur de pisce, qui alterum piscem deglutitum à se, totum devorare non possit, quicquam ad rem facit. Si quidem succus ille, qui colligitur circa partem piscis exstantem (ita supra Philosophabatur A. Back) non est succus fermentalis, per tunicam interiorem ventriculi transudans; sed substantia mucosa & lubrica, ventriculi interiorem partem solita humectare atque lubricam reddere; aut potius pituita, quæ ut plurimum in ventriculo copiosa notari solet. Spigelius lib. 8. de Fabr. hum. corp. cap. 8. *Abundat* (inquit) *in ventriculo pituita, vel ob destillationem ex capite, vel propter crudos humores ex crassis cibis genitos, quo pacto memini à me curatum, qui ab esu anguillæ in hunc affectum incidit, & alium quendam, qui admodum huic malo oportunus erat, si quando crudos cibos vel degustaverat.* Ab hac

pituita, æquo voracior Backii piscis, molestias sensisse videtur; non vero à fermentali sudore, per interiorem ventriculi tunicam transudante. Quidam (ut aliis ingeniosiores videantur) quod videant in fermento, hætenus examinato, nihil sibi præsidii esse relictum, finxerunt quandam farraginem ex pluribus quasi ingredientibus, ut, si singula prodesse non queant, multa juvent. Ingredientia (ita loqui fas sit) hæc tria potissimum esse volunt. Partem salivalis materiæ, reliquias fermentatorum alimentorum, & arteriosum sanguinis halitum. Sed, quò præ aliis fidem mereantur, probare debuissent. (1.) hæc tria in ventriculo concurrere. (2.) Explicare, quinam cibi idonei sint relinquere reliquias fermenti. (3.) Modum indicare, secundum quem sanguinis arteriosi halitus ventriculo affletur. (4.) Atque hæc omni ætati convenire. Denique audio quosdam, ex illis, qui Chymici habe-
ri cu-

ri cupiunt, multa crepare de sale volatili, omnibus cibis, sed juxta certam tamen differentiam, inexistente; quasi illius subsidio procurari queat fermentatio. Sed, (ne plura repetam ex antecedentibus, quæ hic quoque locum habent) ostendere deberent, quomodo fermentatio aliqua absolvi possit, sine intumescencia sensibili ipsius ventriculi? Verba sunt Ἐ πάλιν Dn. Conringii ad Billichii Th. 8. de Fermentatione: *Concoctio alimenti (inquit) fit quidem vi caloris, & quadam fusione aut ῥύσει, uti Aristotelicum loquendi morem teneam: magna tamen dilatio & amplificatio forte non fit: subtiliores licet partes in vaporem & spiritum abeant. Neque enim observamus durante coctione ventriculum intumescere. quæ tamen intumescencia (ut superiori quoque capite diximus) notari necessario deberet, si ῥύλωσις, quædam quasi fermentatio foret. Atque, ut ratione ῥύλωσις hæctenus fermentationem submovimus; ita eandem*

nequidem dispositive putamus requiri, prout visum fuit viro ceteroquin summo D. Bartholino. *Cōctionem* (dicit loco supra laudato) *in ventriculo præcedit fermentatio ciborum*, quod inculcat Hippocrates de prisca Med. quia dura comminui, crassa, ut ossa, testa, &c. in animalium ventriculis fundi non posse à solo calore videntur, nisi prius ab alio incidantur. Verum, hoc necessarium non esse, deinceps duobus proximis capitibus ostendemus.

CAP. XXII.

Concoctio quid & quotuplex sit? In χλώσει ut agnosci debet Elixatio, ita absolviur subsidio caloris ventriculo communicati, & quidem citra omnem fermentationem: nec necessum fingere dissolutionem alimenti, distinctam à coctione. An, & qualis in τῇ χλώσει putrefactio notari debeat? De tono ventriculi.

Fermentationem à Chylificatione submota, deinceps despiciendum est quo-

est quomodo illa ipsa absolvatur. Quicquid vero viris cæteroquin egregiis visum fuerit, non videtur recedendum esse ab antiqua sententia, quæ jam olim quoque Aristoteli placuit. Quæ ut intelligi possit, initio præsupponendum est, oppido quàm falsos esse, qui existimant Philosophorum coctionem diversam esse ab illa, quam medici considerant. quo jacto fundamento, πέψις, seu Concoctio, in communi considerata ita describitur lib. 4. Meteor. c. 2. πέψις μὲν ἐνέστι τελείωσις ὑπὸ τῆ φυσικῆς καὶ οἰκείας θερμῆς ἐκ τῶν ἀνπλασμένων παθητικῶν. Concoctio igitur, perfectio est, quæ à naturali proprioque calore ex oppositis passivis fit, quæ sua cuique materies inexistunt. Recte vero concoctionem definit per τελείωσιν, sive perfectionem. Hoc enim verè concoctioni attribui posse, inde manifestum est, quod tum demum illud, quod ad modum alimenti agnosci debet, perfectum esse censeatur, quando concoctum fuerit. Quomodo arborum fru-

rum fructus, antequam maturefcant, imperfecti sunt; at, ad maturitatem, quæ concoctionis species est, perducti, suam perfectionem obtinent. Similiter v. c. caro, quæ concocta non est, imperfecte alimentum est; at, si concocta fuerit, tum demum perfecte alimentum dici potest. Aristoteles eodem loco tres statuit concoctionis species: πέπανσιν, ἐψυν, καὶ ὀπτισιν: *Maturationem, elixationem, & assationem.*

Ut vero valde fallitur Simonius, quando existimat Philosophum, πέψιν, velut quartam speciem hisce tribus addidisse; ita neque agnosci debent vera genera τῆς πέψεως, sed duntaxat analogata. Æque falsi sunt, qui existimant, hæc tria non habere locum in animatis, sed duntaxat inanimatis: quanquam Elixatio & assatio à Philosopho non illustrantur, nisi exemplis artificialibus. Πέπανσις, ἢ πεπασμὸς, sive maturatio, proprie de fructibus dicitur, qui cocti censentur, quando animal &c.

mal & perfecte alere possunt, & ex suis
feminibus simile quid procreare. Si vero
consideres elixationem & assationem,
prout ab Aristotele describuntur per
exempla, ab extrinseco duntaxat ca-
lore absolvuntur, prout videre est l. 4.
Meteor. cap. 3. Eoque Elixatio, seu
ἡ ψησις est concoctio humidi crudi, fa-
cta à calido humido externo & circum-
fuso. Ut cum carnes in aqua elixantur:
Licet ad perfectionem hujus coctionis
requiratur actio caloris naturalis, qui
ab externo excitetur & adjuvetur: nam
putrida caro (quæ naturali suo calore
mulctata est) nunquam perfectionem
per elixationem assequetur. Ὁ πτησις,
seu assatio, est concoctio humidi inter-
ni facta à calore sicco externo: ut, cum
carnes & pisces in verubus ac crate tor-
rentur. Ut vero ab Aristotele hoc mo-
do distinguitur Concoctio, in communi
considerata; ita illa, considerata ra-
tione sui finis, ad quem genus, quod
est Perfectio, pertinet, duplex rursus
cenleri

330 *Mart. Schoockius* ,
censeri potest. Nam quod per *Concoctio-*
nem acquiritur, censeri potest, vel, ut na-
tura & species, vel, ut qualitas. Ex-
empli gratia : Quando legumina co-
quuntur, ut inde fiat puls, mistio il-
la & elixatio censentur coctio : licet
in illa non eluceat forma, aut, ut alii
loquuntur, natura, quoniam eadem
substantia manet : mutata vero est qua-
litas, siquidem legumina commode
jam possunt comedi, quod tamen an-
tea notari non poterat. Sed, quando fit
sanguis, fit alia simul substantia & na-
tura. Porro in animali, speciatim in
homine, occurrunt duæ notabiles Co-
ctiones : *χύλωσις*, & *αἱμάτωσις* : qui-
bus quidam superaddunt *οἰμοίωσιν*. Ne
autem contingat nobis extra oleas fer-
ri, unam *χύλωσιν*, quæ pertinet ad
ventriculum ut coquentem, distin-
ctius considerabimus. Illius coctio spe-
ciatim vocatur *πέψις*, ut & Sympto-
mata, præternaturaliter accidentia :
Ἀπεψία, *βραδυπέψια*, & *δυσπεψία*. Li-
cet in-

cet interim nomen τῆς πέψως sæpissime
me latius accipiatur, atque extendatur
ad concoctionem tum alimenti, tum
excrementi. Quô vero ratio πέψω,
in specie ita dictæ, (quæ pro
instituti ratione à nobis hoc loco con-
sideranda) distincte cognosci queat,
antea masticatio & deglutitio, quæ il-
lam præcedunt, veniunt examinanda,
siquidem sunt prærequisita, à provida
Natura eum in finem ordinata, ut fe-
licius concoctio peragi possit. Masti-
catio, quæ à Græcis vocatur ἡ μάσση-
σις, non quidem omnibus animalibus
convenit, sed illis duntaxat, quæ
dentes habent: atque est talis anima-
lis actio, qua cibus ore prehensus, si
solidior fuerit, dentibus, similibusve
oris interni asperitatibus, velut limatur
aut molitur, simulque saliva perfundi-
tur, & levem quandam secundum qua-
litates mutationem sustinet, quæ tamen
major est in animalibus ruminantibus,
quam in illis, in quibus ruminatio non
occurrit.

occurrit. Riolanus in Opusculis Medicis pag. 118. quando cibus in ore masticatur, salivaque subigitur, ei pariter affundi existimat *acidum humorem, ex amygdalinis glandulis prodeuntem, ut illius subsidio cibi exacte possint fermentari in ventriculo.* Sed, probari debuisset antea τὸ ὄν acidum illius spiritus, qui neque in ore notari potest, (saliva aliàs omnium hominum foret acida) neque convenienter quoque, ut jam antea vidimus, accersitur usque à Liene. Porro hoc prærequisitum Masticationis præparanda concoctione haut leve momentum habet: quò enim masticatio perfectius instituta fuerit, eò quoque facilius cibus à ventriculo coquitur & digeritur. Eoque senes edentuli operi digestivo minus sufficiunt, non quod destituantur fermento salivali; (copiosum hoc æque in illis, atque in juvenibus agnosci debet) sed quod ventriculus cibum minus masticatum, nec in minutas satis partes concisum recipiens,

cipiens, magis laboret de eo conver-
 tendo in Chylum. Unde quidam sene-
 ciones solidiorem cibum cultello in mi-
 nutissima fragmina dividere, atque hac
 ratione dentium defectui mederi so-
 lent. Cibus masticando ita comminu-
 tus, deglutitione in ventriculum des-
 cendit. Perfici vero videtur hæc de-
 glutitio non villis quibusdam, aut à vir-
 tute naturali, sed solis musculis: eo-
 que nec videtur esse motus mixtus,
 multo minus pure naturalis, sed potius
 mere animalis. Eoque non audiendus
 Cicero, quando lib. 2. de Nat. Deo-
 rum, *agitatione & motibus linguae cibum de-*
PELLI, & quasi detrudi in ventriculum
dixit. Juvare hoc aliquid posset: non
 vero sufficit. Cibus per deglutitio-
 nem in ventriculum dimissus; ven-
 tricus ministerio obliquarum fibra-
 rum tantisper retinet, donec concoctio
 absoluta fuerit. Clauditur vero supe-
 rius orificium, quod *αεσθ'α* dicitur,
 eoque constat fibris carnosis orbicula-
 ribus.

334 *Mart. Schoockius*,
ribus. Ideo claudi existimat Spigelius
libr. 1. de Corp. human. fabr. cap. 8.
quod *plurimum in coctione referat, ne fu-*
mi à cibis elevati, & cum his calor dissipe-
tur. Interim sic clauditur, ut tamen
iterum se pandere possit in gratiam aut
potus, aut boli alicujus qui supramandi-
tur. Quanquam ægrotantibus quibus-
dam hæc reclusio haud absque insigni-
to dolore contingit, unde & de con-
sistentia cibi in gula audire est conque-
rentes. Mirum, quibus elogiis Hel-
montius in lib. *de Sede animæ*, hoc ven-
triculi ostium, quod nos ut clausum hic
consideramus, extollat? Et quoniam
consensum habet tum cum corde, tum
etiam cum cerebro, detortis quoque
Scripturæ sacrae Textibus, non dubi-
tat vocare *locum animæ centram*. Ho-
minis sententiam, ut ut arrogantissime
jactatam, neque hic, neque alibi quo-
que refellere volumus, quod sufficiat
eam notasse, atque aurem vellat Ari-
stoteles, cujus hoc monitum libr. 3.
de Part.

de Part. Anim. cap. 3. Εὐήδεις, τὸ εὖ
 εὐήδεις τῶν λόγων λίαν ἐξετάζειν. *Stultum*
est, stultas opiniones admodum scrutari. Eo-
 que, misso Helmontio, despiciamus
 quomodo cibus ulterius in ventriculo
 elaboretur, ut fiat chylus. Doctissi-
 mus Highmorus libr. 1. Disq. Anatom.
 cap. 3. postquam egisset de ventriculi
 structura, ita philosophatur: Verum enim-
 vero (*inquit*) nondum adhuc nobis
 constat, cur non calore tantum humi-
 do, hoc est, menstruo proprio, ani-
 mæ tanquam instrumento, opus hoc
 perficiatur, cum coctio nihil aliud sit
 quam putrefactio, (*quomodo debeat in-*
telligi, infra patebit) & partium sepa-
 ratio; At hæc in administrationibus
 chymicis hoc solummodo efficiente,
 calore scilicet in corpore humido, in
 particulas corporis insinuante produ-
 citur, ut in *maceratione, digestionem, pu-*
trificatione, & fermentatione, quibus ope-
 rationibus à calore humido mistum ali-
 quo modo dissolvitur, vel compage na-
 turali

turali solutâ, ad artificialem solutionem aptius redditur, quæ operationes in omni separatione, vel singulæ, vel altera earum præmittuntur. Ita in distillatione, partes oleosæ & spirituosæ faciliè eliciuntur, quæ neglectâ maceratione, & putrefactione elici vix possunt. Et quænam in his operationibus inest differentia? Finis in omnibus penè est idem, separatio scilicet partium. Chymicus ut *Spiritus*, *oleum*, *essentias*, &c. ex plantis eliciat, eas macerat calore humido, & digerit, partesque ejus menstruo proprio separat, ut particulæ exoptatæ à partibus terrestrioribus eliciantur. Sic in concoctione in ventriculo sufficit solummodò partium solutio, ut per lacteas succi benigni ab excrementis, faciliior & accommodatior fiat separatio. Neque ulla alia in ventriculo apparet operatio. *Hactenus Cl. Higmorus*: in cujus accurato discursu plurima occurrunt observatione digna: atque, ut partes has
concoctio-

concoctionis tribuit calori humido; ita sane agnoscit ipsum calorem ventriculi. huc mihi pertinere videtur locus Aristotelis lib. de Respir. cap. 8. *Concoctio, per quam fit nutritio animalibus, neque sine anima, neque sine caliditate est: πνεῦμα ἑργάζεται πάντα.* Generalius adhuc est effatum lib. 5. de Gen. Anim. cap. 6. *ποιεῖ τὸ πᾶν τὸ θερμὸν.* Concoctio efficitur calore. Attendere vero hunc calorem convenit, primo in ipso ventriculo, quem insito calore neutiquam frustrandum esse existimo. Deinde in contiguvis visceribus, quæ calorem ventriculo competentem, pro ratione alimenti, debiti animali, partim foveant, partim quoque intendunt. Unde Galenus lib. 4. de usu part. cap. 8. hæc viscera vocat, *οἵ τε θερμάσματα τῆς κοιλίας,* quasi foculos quosdam igniarios. quod & ignarum fuit Aristoteli, quum hepar, quod præcipue hic agnosci debet, diceret, *τῇ κοιλίᾳ παρεγκείμενον ἢ παρὰ συμπέπλειν,* hepar ventriculo adiacens promovere

P

coctio-

coctionem ipsius. Siquidem hic admirari
convenit, non tam Naturæ, quam ip-
sius Dei, naturæ architecti singularem
sapientiam, in situ ventriculi ordinan-
do. Nam ut loquitur Spigelius l. d. *Inter
hæc duo viscera* (hepar scilicet & lienem)
*Ventriculus medio loco positus est, ollæ inter
carbones circum congestos.* quæ similitudo
jam antea adducta fuerat à Galeno. si-
quidem libr. 3. Fac. Nat. cap. 7. com-
ponit ventriculum cum magno lebete,
qui plures igniculos, suppositos & cir-
cumpositos habeat. Situm aliquanto di-
stinctius, his verbis Cl. Hoffmannus
libr. 2. Instit. Med. cap. 30. exponit:
Sursum (inquit) *diaphragmati nectitur,*
mediante œsophago, tam per pleuram, quam
per peritonæum: deorsum autem omento, &
quibus ipsum omentum ligatur partibus. Ita
à dextris hepatis colligatur per ligamentum
quoddam membraneum: à sinistris lieni,
beneficio omenti: dorso peritonæi. Et quo-
niam ipsa concoctio maxime in fun-
do ejusdem peragi videtur, eum in-
feriori

feriori parte munit omentum, intestina aliàs vestire solitum. Unde, omenti particulâ abscissâ, concoctionem vitiatam atque infirmatam fuisse, Galenus observavit libr. 4. de usu Part. cap. 9. Anteriori parte, quæ supra fundum, ventriculus nudus est: unde facile quoque ab ea parte, in præjudicium facilioris concoctionis, solitus est lædi. Eoque, qui prudentiores, hanc regionem duplicata quoque veste munire assolent. Aristoteles quoque, ut narrat Laërtius in vita, etiam utrem calenti oleo plenum superponere solebat: aliis vulpium, felium agrestium, aut cygnorum vellera, ventriculo (quo scil. calor illius augeatur) applicare familiare. Sed, calor hic, juvans insitum ventriculi calorem, cibum masticando in minutas partes redactum, non tamen in chylum convertet, nisi adfuerit humidum. Eoque, modo dicebat doctissimus Higminus debere esse *calorem humidum*: unde & potus cibo affundi debet, ideo potis-

fitum ut facilius concoquatur. unde
Cl. Hoffmannus suoque l. d. cap. 119.
*Debit cibo affundi Potus, cujus beneficio
donetur, non secus ac carnes aliaque in cu-
lina coquimus. Ideo Aristoteles sæpius
hanc concoctionem comparat cum Eli-
xatione, speciatim lib. 4. Meteor. c. 3.
Cujus ratio ut manifesta sit, prænotan-
dum, non esse elixationem bullientem,
ac vehementiorem: sed tenuem & mo-
deratam, qua alimentum, ventriculo
inexistens, atque masticando in mi-
nutas jam antea partes redactum, sic
molliatur, ut expressio fieri possit sub-
stantiæ utilioris, (cum pinguis & oleo-
sa per ventriculum fluitent, ut postea
considerabimus) nutritioni animalis
servientis. qualem elixationem multi
quoque cibi requirunt, ut maturari, usi-
busque humanis convenienter destina-
ri queant. Nautæ nostrates pisa & asel-
lum arefactum (cum quotidie iis in
longinqua navigatione vesci soleant)
optime coquere sciunt. longo vero usu
edocti*

edocti sunt, utraque ad lentum ignem ita elixanda esse, ut in aqua, cui incoquantur, nunquam bulliant; si enim bullierint, non quidem maturabuntur & teneriora reddentur, sed duriora. Idem existimandum de Ventriculi elixatione, quæ moderata est. Per hanc, in alimento comminuto, separatio fit partium utilium ab inutilibus, cum levi utilium mutatione. Ut enim partes inutilis excretæ, atque jam in intestinis ab utilibus partibus magis liberatæ, adhuc pristinam faciem retinent; ita idem existimandum est de partibus utilibus, per hanc naturalem elixationem in Ventriculo, seu separatis, seu expressis. Quod dico de partibus inutilibus, hoc quivis (exploratio interim sordidior est) deprehendere poterit, si vel sua excrementa, ex parte indurata, atque aliquatenus suo humido liberata, observaverit: maxime, si aut fabas, aut pisca comederit: ad oculum enim notare poterit, illorum operculamenta, seu

P 3 tunicas;

342 *Mart. Schoockius,*
 tunicas; quomodo & furfures expres-
 se comparent in excrementis puero-
 rum, non nisi panem filigineum, cui
 butyrum est illitum, comedentium.
 Atque, hoc quoque voluit doctissimus
 Higmorus, (de tanto viro, ut ὁμοψύχῳ
 jure mihi videor gloriari posse) quan-
 do dicit: In concoctione in ventriculo suf-
 ficit solummodò partium solutio, ut per la-
 steas succi benigni ab excrementis, facilior
 & accommodatior fiat separatio. Licet in
 Tractatu de Hysterica passione, in par-
 tes quoque sollicitet fermentum ali-
 quod, ut postea videbimus. Hinc jam
 patet, cur accuratior masticatio con-
 coctionem expeditiorem reddat. Non
 inconvenienter Aristoteles libr. 2. de
 Part. Anim. cap. 3. ἡ ἐῖς μικρὰ διαίρεσις
 τῆς τροφῆς, ῥᾶω ποιεῖ τῷ θερμῷ πρὸς ἐργα-
 σίαν. Cibi illa minutatim divisio facit, ut
 calor facilius conficiendo expediat. Patet
 quoque, cur moderatus ventriculi de-
 beat esse calor. Interim, pro diversa
 ratione animalium, non minus calor,
 quam

quam ipsa quoque ventriculi textura
 variat. Animalia quæ dentibus carent,
 duroque cibo vescuntur, ut gallinæ,
 columbæ, atque pleræque aves, ven-
 triculos & carnosiores & calidiores ha-
 bent, quo integra grana, antea emol-
 lita, conficere possint. Calor quoque
 variat in individuis distinctæ speciei:
 unde quidam facilius, alii difficilius
 cibum concoquunt. Cl. Plempius l. 2.
 Fundam. Med. cap. 7. Certum est, avium
 omne genus grandiusculum dura valde con-
 coquere; sic enim semina prædura & inte-
 gra atterunt, & margaritas columbi bre-
 vissime in orbem eliquare dicuntur: in quæ
 nihil possunt bestia pleraque. Ratio autem
 est; quia aves crassiorem habent carnem fun-
 do ventriculi accedentem, in qua copiosior
 calor residet. Pro diversa quoque anni
 tempestate, concoctio felicius aut infe-
 licius per agitur; & consequenter, aut
 plus aut minus comedere convenit. No-
 tus Aphorismus Hippocrat. xv. lib. pri-
 mi: *ventres hyeme & vere natura calidi*

sunt & somni longissimi, per ea igitur tempora copiosiora alimenta sunt exhibenda, siquidem calidi innati plus habent, (τὸ ἔμφυτον θερμὸν πλεον ἔχουσι) unde & copiosiore indigent alimento. Inde & dicit Aphorism. 18. hyeme cibi facillime feruntur. quod & Polybus docuit in libro de victu privatorum, cap. 1. similiter Doctores Scholæ Salernitanæ:

*De mensa sume, quantum vis tempore
Brumæ.*

quæ omnia ut primo accipienda sunt de corporibus bene constitutis; (hanc ob causam Hippocrates dixit τῇ φύσει, five, naturâ) quum in debilibus secus se res habeat, nimio frigore ventres illorum lædente: ita secundo hæc intelligenda, de solo calore influente & accidentario, ne utiquam verò de fixo, aut ipso calido innato. quanquam dissentire videtur Galenus ad d. Aphor. causam vero in qua hæctenus acquiescere possumus, reddit Oribasius in Comm. ad dictum Aphorismum, quando dicit, quod si
hyems fri-

hyems frigida sit & ver ei vicinum, hanc ob rem necesse est ut caverna illa invisibiles, quas poros appellant, concludantur & omnino constipentur. Atque hinc fervor noster naturalis (in Græco est *διεγερσία*) non invenit per quod exhalari & egredi possit. Continet ergo omne quod est intrinsecus, & celeriter obit ciborum coctionem, ceu princeps & dominus, qui cocta disponat. scil. hyeme ob frigoris *ἀντιπερίστασις* (ut vulgo loquuntur) calor ad anteriores partes se convertit, nativo cum influente juncto, & quod concludatur in ventre coactus, validius agit in alimentum assumptum, citius illud digerendo, cum vis unita fortior esse consueverit. Eoque concludit experientissimus senex, hyeme plus esse comedendum. nec moveri aliquis debet, quod Cato libr. de Re Rustica cap. 56. & 57. præcipiat hyeme familiæ villici paulo minus cibi præberi, quàm æstate: loquitur enim de talibus, qui æstate in agro opus faciunt, multoque labore parum quini-

exhauriantur. quum Hippocrates rationem habuerit hominum, qui sanitatem, qua integra gaudent, tueri ac sartam tectamque conservare cupiunt. Ideo hæc fusius deducere volui, ut constet, concoctionem non fermento alicui, sed calori acceptam referendam esse. nam hyeme minus longe foret edendum, si primæ partes fermenti essent; phlegmate copioso ea tempestate ventriculos occupante. Atque calori imputandam esse cibi in ventriculo concoctionem, patet inde; quod modice calefacientia, intus assumpta, succurrant ventriculo in concoquendo. Galenus lib. de Constit. art. Med. eo refert *potum vini parum calefacientis*, quo non dispergatur innatus ventriculi calor, sed in peragenda concoctione juvetur. Nec falluntur, qui illud jubent minutioribus haustibus cibo superfundi, quo non minus ei commode misceatur, quam intime implicetur. Cum cæteroquin in vesicam usque transcolari, atque sine

que sine notabili tractu exire consueverit. Hoc certum, nisi vinum contingerit solidiori alicui cibo implicari, brevissimo temporis spatio adeo alterari, ut procuret Pylori reclusionem, sufficiatque ad expulsionem cibi è ventriculo. Nec tamen eodem hoc officio defungi potest aut vinum calidius, aut spiritus vini, aut etiam aromata. Nam fortiora vina, maxime spiritus vini, cum excedant gradu moderatum ventriculi calorem, nimis citam alimenti assumpti dissolutionem procurant: aromata autem præterquam quod excessivum caloris gradum complectuntur, amplius calor ille in materia lenta viscidaque continetur, quæ, ut digeratur, plus exhibet molestiæ, quàm duriores quoque carnes solent. Fomenta calida extrinsecus ventriculo ad-mota, pariter succurrunt ei in concoctione, maxime si illorum calor proportionatus fuerit. Unde, teste Galeno libr. de Constit. art. Mediæ. nonnulli

puellos, aut catellos per quietem ventri admovent. ut haud absque causa Vallesius c. 29 Sac. Phil. laudet prudentiam servorum Davidis, 1 Reg. 1. eidem, jam senii, conquirentium puellam speciosam, nomine Abisag. Cum enim (sunt verba Valesii) David tanta caloris naturalis penuria laboraret, nullum salubrius consilium excogitari potuit, quam quod servi ejus caperunt, quarentes virgunculam formosam, quæ in sinu ejus dormiret, videbanturque legisse Galenum libro septimo Methodi, ubi imbecillitatem frigidi cum siccitate ventris curans, inquit, Ex iis, quæ extrinsecus applicantur, boni habitus puellus una sit accubans, ut semper abdomen ejus contingat. Multo itaque melius illi consuluerunt, quam si cum magna vestium mole onerassent, aut multo igne lectum concalescerent, aut involvisent sennem totum linteis igne concalescentis, aut oleis calidis inunxissent, aut etiam sinapis aut rubrificantibus: magis quam si vino ineratiori ingurgitavissent: quia nullus calor na-

calor naturali nostro magis conformis aut esse, aut excogitari potest, quam qui fervet in puerili, aut adulescentule corpore: nimirum humanus ille est, & ob aetatem vigen-
 gens. Itaque perinde est, ac si sensibili cor-
 pori puerilem calorem manu admoveas, cujus
 solum defectu id laborabat. &c. Recte ita-
 que procuratus calor est Davidi seni: quod
 precipue ea in aetate effectum est, qua non
 potuerit virginem agnoscere: alioquin mul-
 to magis lasisset congressus, quam contulisset
 admotio. Nec sententiam nostram de
 coctione, quidquam infirmare possunt
 quæ vulgo jactantur de chylo, qui aut
 per fermentationem, aut per coctionem
 vehementiorem, aut etiam utrum-
 que, convertatur in succum, seu pul-
 tem, quasi albicantem aut instar orizæ,
 aut lactis, aut cremoris hordei. Nam,
 ut vere dicit Plempius l. d. Chylus sæpe
 servat colorem ciborum ingestorum, quod
 manifestissime demonstratur ventriculis bo-
 um, in quibus chylus, ut herba viret: item
 in hominibus, qui se nigrioribus alimentis

& vino rubro implerunt, chylus nigricat.

Certe in boum & vaccarum ventriculis, chylus semper refert colorem graminum, quæ viridia sunt, quod & in ovibus ut plurimum est observare: nisi quod chylus hiberno tempore, quando oves, quæ saginantur, solitæ sunt fabis vesci, chylus subcinericius notetur. In canibus modo flavus, modo albus comparet. Nec mirum, Chylum ut plurimum albicare: siquidem, quod alimentis, secretis ab illis excrementis exprimitur, fere albicat: aut, si non albicet, cum diluatur à bestiis multa aqua, ab homine seu vino albicante plerumque, aut cervisia, cujus ingrediens potissimum aqua est, accedatque saliva albicans & spumosa, nec non mucus quoque ipsius ventriculi, non potest non chylus albedinem, sed fere minus exquisitam, exhibere. In porcis, sero lactis pastis, exquisite candidus chylus notatur; candidus quidem (cæterum aliquanto dilutior) si frumento

mento saginati fuerint : subcineritius autem, si glandes comederint. Adeo, ut frustra sint, qui ex colore chyli concludere volunt, concoctionem aut peragi subsidio alicujus fermenti, aut coctionem esse effervescentiam bullientem, ad quam requiratur calor vehementior. Supra obiter innuebamus, quod si alimentis aliquid pinguedinis adfuerit, quando illorum fit resolutio in gratiam chylicationis, illud, quod pingue est, disfluere & quasi supernatare: quod in gallinis experiri licet: quibus si butyrum deglutiendum dederis, atque post horas quatuor occideris, in ventriculo, reliquo cibo digesto, illud aut disfluere, aut ipsarum ventriculo adhærescere notabis; nec dubitare licet, quin pingua humori subjecto pelliculam aliquam superinducant, per quam evaporatio impediat: maxime, si quis pinguibus largius superbiberit. Quare mirum non est, eos, qui cibos pinguiore comederunt,
(etiamsi

(etiamsi aliàs hi apti sint eructationes procurare) non sufficere eructationibus; prout de raphanis cum oleo comestis notavit Langius libr. 1. Epist. medic. ep. 53. & quivis in se experiri potest. In summa, ut in concoctione cibi in ventriculo, fit solummodo partium, quibus alimentum constat, resolutio; sic nequaquam est existimandum, illud essentialiter transmutari, ut multis persuasum fuit. Nam, ut pro meis adoptem verba doctissimi Higmori Exercit. secunda de Affect. Hypochond. cap. 4. Tunc perfectam (inquit) fieri concoctionem in ventriculo judicamus, cum partes ita dissolvuntur, ut per partem ciborum liquidam, tinctura, & quasi extractum singulorum eliciatur, ex quo sanguis postea commodè generetur. Atque talem ad perfectam chylicationem sufficere particularum separationem, sine formali aliqua transmutatione, statuimus. Illam enim solum particularum separationem requirunt partes nutriendæ; si quæ formalis sit transmutatio, hanc effi-

hanc efficiunt partes ipsæ, in sua alimentī electione & assimilatione. Præterea, in digestionē, cibos ingestos suas perpetuo conservare facultates inalteratas videmus. Cibi frigidi à ventriculi fermento aliam non adepti qualitatem, totum refrigerant corpus. Ingesta laxativa non restringunt, sed sine transmutatione aliqua in ventriculo semper purgant. Si itaque virtutes essentielles integræ reservantur in digestionē, non fit formalis aliqua transmutatio. Hæc Higmore, cuius rationibus, quod singulare iis pondus insit, lubens accedo, Sed, an pro feliciter absolvenda *χλωσίσει*, præter hunc calorem ventriculi, coctioni sufficientem, opus amplius sit aliquo ventriculi fermento, cuius subsidio alimentī assumpti resolutio in minimas partes peragatur, quæritur? Supra vidimus Cl. D. Bartholinum ab hac sententia haud alienum esse. Apud Riolanum in Opusc. pag. 128. qua examinat utramque *ἡ ἐν ἀρίοις* D. Walæi Epistolam, sequentia quoque offendo: Opinio (inquit)

(*inquit*) probabilior mihi videtur, alimenta coqui in ventriculo caloris beneficio, tam ipsius ventriculi, quam partium adjacentium, quia ventriculus instar Lebetis, duo habet accumbentia viscera, Hepar & Lienem, quorum calore tanquam foculis ignariis calefcit, suumque calorem roborat & adauget. Verum, cum per elixationem fiat ista coctio, alimenta prius in ore trita, & mansa, salivæ permixtione, tum affusione acidi humoris, ex amygdalinis glandulis prodeuntis, ita ex arte fermentantur in ventriculo, dum eum vellicat & irritat, ut per fibras suas sese contrahat ad amplexandum alimentum, ideoque in coctione considerata est illa constrictio veluti necessaria, sine qua nulla fieret coctio. Cur autem alia animalia melius vel deterius, ocyus, vel tardius coquant, causam refero in varietatem calidi innati in modo substantiæ, id est, proprietatem calidi nativi. *Hactenus Riola-*

nus, cujus sententiam distincte examinabimus, ut pateat quantum veritatis eidem subsit. Higmorus interim l. d. fermentum duntaxat admittit pro expeditiori concoctione *sic enim loquitur*: Ad particularum separationem calor inclusus in sufficienti humidi seu liquoris quantitate diffusus, sine alterius forsan additione sufficeret; sed longiori spatio, aut igne violentiore opus esset; ut in Chymicis extractionibus videre licet. Sed ut sælicius & citius hoc exequatur munus digestivum, fermenti naturalis subsidium adjungitur, quo particulæ magis agitantur, ut desciscant in minima, & pars ciborum liquida incalescens, ad sales dissolvendos, citius admittatur. *Hæc iterum eo loco Higmorus.* Nescio vero, cur viri egregii hic solliciti sint de aliquo fermento, cujus subsidio cibus minuatur? Masticatione dentium in minutas partes fractus cibus, comminuitur, ut commoda fieri possit expressio succi utilis, &

lis, & separatio pariter partium inutilium: quod fieri potest commode subsidio lenis coctionis, ad quam sufficere potest moderatus & harmonicus ventriculi calor, Nec hic opus est fermento; ab eo enim (quicquid viri cæteroquin summi dicant) ut procurari deberet fermentatio, ita pariter quoque insignis & sensibilis intumescencia: quam ordinario, & juxta statum naturalem, ἐν τῇ χυλώσει non occurrere, jam antea observavimus. Si hic requiratur, quædam cibi, qui coquitur maceratio, (ut verosimile est, illa opus esse) pro ea sufficiet salivæ pars cum cibo in ventriculum descendere solita, item affusus potus, & mucus quoque ipsius ventriculi: quibus sociare possumus spiritum in ventriculo existentem, eique communicatum partim à vicinis partibus, scil. hepatè, liene, intestinis, & omento: partim quoque ab arteriis. Inde Dn. Wallæus in institutionibus Medicis, vulgaris diu ab excessu illius, ab

Irvino lib. 1. cap. 11. quo agit de *χλω-
σει*. Cibus (inquit) à vitalibus spiri-
tibus, influentibus per arterias in ventricu-
lum, valde colliquatur & funditur: Nulla
totius corporis pars tam multas habet arte-
rias, quam ventriculus. Nec hunc spiri-
tum negat ipse Helmontius. Ita enim
in lib. de Calido non effect. diger. §. 29.
Non est calor (inquit) digestionis au-
thor; sed est alia quaedam facultas vitalis,
que vere atque formaliter transmutat ali-
menta. Hic spiritus vitalis non idem est in
omnibus animantibus: sed in aliis sensuali
calore potentior, in aliis mitior, in aliis pla-
ne ad sensum obscurus, præditus tamen mi-
rabili virtute cibos recludendi, quod nullus
alius calor effectum dare potest. Substituit
quidem Helmontius illum vice calo-
ris, (in quo fallitur) cæterum revera
agnoscit. Immiscet autem hic se spiritus
humido ventriculi, atque per sui pe-
netrabilitatem cum humido, alimen-
tum solidius quoque penetrans, partes
ipsius deducit, deductasque non mi-
nus at-

nus attenuat, quàm comminuit in particulas indivisibiles. Nec dubium est, in partes quoque venire ipsum alimentum spiritum: unde si vinum, quod admodum forte non est, inter comedendum modicis haustibus bibatur, per spiritus sibi insitos, atque spiritui ipsius ventriculi accedentes, mirum quam concoctionem, seu, *χλωση* juvat & faciliat. Postremo hoc est discutendum, an non putrefactio quæ, circa *τὴν χλωση*, seu alimenti in ventriculo concoctionem, notari debeat? Certe, sic supra visus fuit innuisse Higmo-
tus, dicendo, cum coctio nihil aliud sit, quàm putrefectio. Walæus l. d. non dubitat ita quoque scribere: *Quæ in ventriculo continentur, sunt fœtida, & ad putredinem vergere magis credas, quàm ad nutritionem.* Paracelsum hoc quoque statuisse, quidam observarunt. libr. 2. Param. cap. 1. expresse sic loquitur *Nec enim medicina, (inquit) tunc bona est, quia non corrumpitur in ventriculo, in quo debe*

quo debet corrumpi. Medicina autem calida, ut radices, & alia similia, peste laborantibus tradita, si non putrescant, nihil boni præstant, si profutura sint, necessario putrescant. Qua de causa isti non restituntur sanitati, quorum stomachus non corrumpit. Ex quo sequitur, quo celerior putrefactio, eò celerior sanitas. ante Paracelsum idem sensisse videtur Medicinæ parens Hippocrates. siquidem libr. de Affect. sect. 5. occasione lienteriae ita per interpretem loquitur: *Intestinorum levitas cibos dimittit minime putrefactos, liquidos, &c. atque postea: Hic vero morbus contingit; quum ex capite, & superiore ventre in inferiorem pituita defluxus factus fuerit. Ideoque quum sit, cibi ab eo refrigerantur, & humectantur, eorumque non putrefactorum velox sit per alvum demissio. Nisi quis dicere voluerit, juxta Hippocratem, πῶς οὐ ψιγῶν esse concoctionem, & ea putrefacta censeri, quæ concocta fuerint. quod alibi verbo quoque innuebamus, & prolixè, variis Hippocratis lo-*

360 *Mart. Schoockius*,
cratis locis adductis, probat doctissi-
mus Hier. Mercurialis lib. 1. Var. lect.
caq. 1. Cæterum hac occasione, pe-
nitius est excutiendum, an non con-
coctio quædam sit putrefactio, pro-
prie scil. dicta: sive, an non cibi, quan-
do in ventriculo concoquuntur, ali-
qua ex parte quoque putrescant? Quod
ut convenienter discutere possimus, pri-
mo & ante omnia distinguere convenit
inter illud, quod contingit aliquibus ci-
bis, quando in ventriculum sunt di-
missi; & illud, quod ordinario in omni
Concoctione observari debet. Illud,
cum non sit universale, per accidens
fieri censetur; cum alterum ordinarium
sit. Atque, quosdam cibos facile in
ventriculo putredinem contrahere, ni-
mis quam verum est. Quomodo con-
stat, in ventriculo facile putrescere pis-
ces lacustres, carnem pinguem, lac,
caseum pinguem, recentem nec salitum,
animalium cerebrum, pepones, &
quoscunque fructus horarios. Debeant
ne his

ne his dulcia addi, non sine ratione aliquis quærat? Si immoderatus sumantur, certe videntur ita disposita esse, quæ in ventriculo facile corrumpantur, & putredinem contrahant. Non inconvenienter Hier. Mercurialis. libr. 3. de Morbis puerorum, cap. 2. *Dulcia omnia* (inquit) *supernatant omnibus aliis, & cum propter suavitatem copiose sumi consueverint, hac ratione etiam facile corrumpuntur. Est & altera ratio, quia dulcia priusquam bene coquantur in ventriculo, attrahuntur à vicinis membris; & propterea permanentia cruda, fiunt materia idonea generationi vermium.* Quò constet, quæ ut vera hic admitti debeant, ante omnia distinguere debemus in ventriculum bene affectum, & eum, cui aut ab intrinseco, aut à visceribus vicinis, à quibus eum contegi & quasi foveri antea diximus, aliquid vitii & quid præternaturale contigit. multum enim interest inter hæc duo. v. c. Mel modice sumptum, in homine sano, eoque,

Q qui suæ

qui suæ spontis est, optimum sanguinem subministrat, at, si febricitanti exhibeatur, totum ferme in bilem transmutabitur. Recte vero observatum est à Galeno libr. 3. de locis affect. cap. 3. ubi de ventriculi actione loquitur, tres generalissimas differentias corruptionis ciborum dari. Unam esse per proprios morbos ventriculi. Secundam, à vitiosis humoribus in ipso accumulatis. Tertiam dari ab alimentorum qualitate. Cibi vero ad corruptionem dispositi, ut idem Galenus docet libr. 1. de diff. febr. cap. 3. in duplici sunt differentia. Quidam enim natura tales sunt, (quosdam ex illis modo enumeravimus) atque, si non putrescant in ventriculo, eorum tamen talis est natura, ut ex illis pravi succi generentur, de quibus idem Galenus videatur libr. de cibis boni & mali succi: quidam vero diuturnitate temporis, & negligentia asservatione talem labem contraxerunt. Ceterum de his, non est quæstio hoc loco; quum

co ; quum neque putrefactio, proveniens à cibis ingestis, sed ad putredinem dispositis ; neque etiam ventriculus, ob indispositionem eandem putredinem procurans, hic controvertantur : sed quæstio sit de ventriculo bene disposito, num scil. in illo, cibi, quando convenientissime quoque concoqui videntur, dici possint, dum concoquuntur, putrescere ? Atque, siquidem putredo proprie dicta intelligatur, non videtur dicendum esse, (quicquid viris quam egregiis quoque visum fuerit) in concoctione ejusmodi putredinem admittendam esse, sed talem, qualem agnovit Hippocrates, aliqui veteres. Concoctio autem putredo dicta videtur à Veteribus, vel quia necessarium est, cibos, secundum qualitates eo usque alterari, ut aliam faciem, (non tamen substantialem, prout ex antecedentibus liquet) accidentariam induant, vel quia respexerunt ad excrementa, quæ ex ejusmodi cibis super-

Q 2

sunt.

sunt. Nec est, quod quis moveatur argumento à vermibus desumpto: quasi propterea statuendum sit, concoctionem esse putredinem, quod in Ventriculo vermes generentur. Siquidem existimem hic distinguendum esse, cum Concil. Diff. 191. & dicendum, quod in ægrotante corpore, cujus ventriculus male habeat, scateatque corruptis atque putridis excrementis, possint generari vermes, eorum matrice ipso Ventriculo existente; non vero in stomacho bene habente, suoque officio probe defungente. Quod dicunt de cibo, qui dum inter dentes hæret, corrumpitur, atque putredinem contrahit, ad rem quoque non facit. Siquidem fætores ex putredine, ciborum reliquiarum cavitatibus inhærentes, non contrahent, nisi æquo diutius ibi hæserint. Quòd, quæ vomitu rejiciuntur, aliquando etiam fæteant, curari non debet: nam ex accidenti contingit, quatenus cibus recenter assumptis, & ventriculo

triculo ad concoquendum commissis, recrementa quædam ciborum, ibi adhuc subsistentium & jam putrefactorum, admiscentur. Quod vero cibis, recenter assumptis, si per vomitum egerantur, gratus non adsit odor, non arguit mox, eos, dum coqui inciperent, putredinem incurrisse. Nam aliàs necessum est statuas, omnia βαρύνοντα, sive graveolentia, qualia sunt assa fætida, castoreum, polium, absinthium, sambucus, & similia, per putredinem corrupta esse, & ingratham illam cerebro graveolentiam contraxisse. Atque ita patet, necessum non esse amplius putrefactionem, proprie sic dictam, ut pro Concoctione sollicites. Priusquam caput hoc finio, duo amplius agenda. Primo excutiendus singularis Hippocratis locus, à summo Bartholino quoque (ut vidimus sub finem capitis superioris) sollicitatus, ut probet concoctionem peragi non posse, nisi agnoscat fermento aliquo

digestivo opus esse, ut ventriculus sanus & integer concoctionis munus peragere possit. Locus occurrit in libro de Medicina Veteri. Quem vellem viri egregii ipsi inspexissent. Neque enim venerandus senex in illo agit de ventriculo commode se habente, sed ex accidenti propter cibos flatulentos male habente. Quod ut pateat, integrum locum exhibere convenit. Ita ergo ibi venerandus senex *per interpretem loquitur*: Si quis prandere (*inquit*) consuetus, atque cui prandere conducatur, non prandeat, protinus ubi tempus præterit, statim gravis impotentiae exoritur tremor; & animi defectio, ad hæc oculi pallidiores fiunt, urina crassa & calida redditur, os amarulentum evadit, viscera ei pendere videntur, tenebricola vertigine corripitur, vehementer irascitur & mæret. Ista vero omnia cœnare volenti contingunt, neque cibos quos priore cœna assumpsit, qui prandere consuevit, conficere potest, sed

test, sed cum torminibus & strepitu descendunt, & alvum concludunt, ipsi vero noctem inquietam agunt, & in somniis perturbatis ac tumultuosis vexantur, quod plerisque etiam morbi initium extitit: quæ quas ob causas his accidunt, considerata sunt. Nempe, quod is opinor, qui semel tantum cibum assumere consuevit, non expectaverit idoneum tempus, dum venter hesternos cibos plane confecerit, superaverit, emollitus fuerit, ac conquieverit, (ἀλλ' ἐπὶ ζέουσάν τε καὶ ἐζυμώσιν τε, καὶ ἀεὶ πεισιν ἐγκαίω) sed in ipsum ferventem & fermentatum recentes ingesserit. Hæc Hippocrates. Sed, cum illi, de quibus Medicæ familiæ princeps loquitur, non tam naturæ humanæ in communi considerata, quàm sibi vim fecerint, semel de die duntaxat comedendo, quum sæpius tamen comedere debuissent, contigit iis, quod & observat lib. 2. de Diæta, ξηραίνεσθαι, exsiccari: quod Plinius more solito l. 28.

Nat. Hist. cap. 5. paulo liberius reddidit *senescere*. simul imbecillior redditus fuit ventriculus, in quem cibo non probe adhuc digesto dimissi cibi, contingit illa ζύμωσις, seu potius ζέσις, sive effervescencia: quam ex accidenti in ventriculo, biliosa quoque substantia abundante, contingere posse, ut nunquam negavimus, ita neutiquam argumentari licet, ab eo, quod per accidens contingit, ad illud quod per se. nec procedit argumentum à ventriculo noxia aliqua qualitate affecto, ad eundem integrum sanumque. quomodo vero bilis, in ventriculo præternaturaliter existens fermentationem procuret, infra alia occasione, distincte observabimus. Interim hoc notetur, per famem, ex dilatione alimenti accersitam, variis humoribus, non modo ventriculum, sed & totum hominis corpus repleri: quod cum nosset Parasitus Plautinus Curc. 2. 3. ita disputat:

*Os amarum habeo, dentes blennos, lip-
piunt fauces fame,*

*Ita tibi vacivitate venio lactis lacti-
bus.*

Adeo, ut Hippocrates non faveat fermentationi, quæ hoc seculo à multis viris cæteroquin insignibus, nimis quam fervide propugnari cœpit. Proinde tuto nobis concludere licet ad concoctionem animalis, quò ordinario modo & pariter convenienter peragatur, neutiquam opus esse aliquo fermento, sed sufficere calorem, ea ratione, quam hætenus expendimus, considerandum. Secundò notandum, hunc ipsum calorem ratione graduum diversimode se habere, non modo juxta diversas animalium species, verum etiam individua alicujus speciei: Ad eum, proportionatum cuique speciei reddendum, plurimum conferente consuetudine, secundum quam aliquis alimentum sumere, & diætam instituere solitus fuerit. De qua consuetudine licet

proximo capite pluribus agendum sit, hoc tamen de illa notetur, in victus ratione principes Medicorum cum ratione præcipere, ut ei aliquid tribuatur, quod & expresse monet Hippocr. l. 1. Aph. 17. qui & præcipit l. 6. Epid. sect. 1. ut expendat Medicus ea, quæ tempore sanitatis ægro consueta erant, qualisque victus ratio ipsi conveniens aut incommoda fuerit: cavenda enim illa tempore morbi diligentius, quæ ne quidem sano conducebant. Hoc certum est, per consuetudinem, ne extra hominem abeam, cuique singulari quoque homini, quod ad officium concoctionis, induci non quidem habitum, (qui in functione naturali nevisquam locum habere potest) sed quendam tonum digestivum, juxta quem Ventriculus sese ita componit; ut, si ratione illius turbetur, officio suo digestivo æque non sufficiat. Hunc tonum, siue harmoniam digestivam, Lucretius l. 4. occasione saporum, de digestionem

gestione cibi disputans, *tenorem* vocat,
quando ita canit :

*Nec refert quidquam, quo victu coquus
alatur,*

*Dummodo, quod capias, concoctum di-
dere possis.*

*Artibus, & stomachi humectum serva-
re tenorem.*

Atque hæc est δύναμις χυλοποιητική ;
quam quidam viri egregii, quâ Philo-
sophi qua Medici, velut machinam,
sollicitandam esse putaverunt, quò con-
coctionis primæ, quæ Ventriculi be-
neficio absolvitur, rationem explica-
re possent. Quæ, si in communi con-
sideretur ; citra calorem Ventriculi
digestivum quærendam non esse, ex
superioribus abunde jam constare con-
fido : atque si hypothetice, ratione
aut distinctarum specierum animalium,
aut singularium quoque hominum, de-
beat considerari, non haberi debe-
bit, vel peculiaris aliqua facultas, vel
ἰδιόσυγκρησία ; sed peculiare aliquod,
Q 6 quod

372 *Mart. Schoockius*,
quod ad diversas animalium species, digestionis officium, pro caloris distincto gradu differenter se habens: quod ad individua vero ejusdem speciei, attendi debet singularis assuefactio, per quam Ventriculo peculiaris & propria præfigi possit regula, juxta quam nonnulla quoque, minus eidem proportionata, sæpe proportionata fiunt. Adeo, ut hic nonnunquam cogitare liceat illud Ovidii lib. 2. de Arte Amandi:

*Quod male fers, assuesce, feres bene,
multa vetustas*

Lenit.

C A P X X I I I.

Expenduntur rationes, quibus videatur evinci, calorem solum, sequestrata fermentatione non sufficere χλωσει: simul expenduntur singulares Galeni & Aristotelis loci.

Quum vero multi singularibus argumentis se putent instructos esse, quibus evinci videatur, calori partes

partes τῆς χλωσεως deferendas non esse, operæ pretium fuerit, paucis illa discutere. Atque primo quidem sollicitant Ventriculum, qui cum sit membranaceus, natura frigidum esse contendunt: & quia frigidus sit, non sufficere τῇ χλωσει. Cæterum superiori capite huic difficultati jam est occursum: dato enim Ventriculum omni calore insito, sive, calore sibi proprio, destitutum esse, nihilominus tamen velut lebes aliquis, cui circumpositæ sunt prunæ, hoc officio defungi potest. Cum ad concoctionem requiratur moderatus solummodo calor, ille, qui à visceribus circumpositis ventriculo communicatur, videtur sufficere posse. Præterea falsum est, Ventriculum mere membranosum esse: cum enim tribus membranis constet, ea, quæ media, & Ventriculo propria, carnosæ est, atque pluribus transversis fibris contexta. Præterea, in avibus quoque, destinatis digestionis solidiorum granorum,

374 *Mart. Schoockius*,
carnosiores ventriculos esse, supra ob-
servatum fuit. Quid quod gratis dica-
tur, ventriculum calore sibi insito de-
stitutum esse. *Secundo* ita ex adverso ar-
guunt: Si calor agnosci deberet chyli-
ficationis causa, quò intensior, eò
chylicationi procurandæ magis etiam
sufficeret: quum tamen constet, non
solum in febribus, verum etiam à ni-
mio usu aromatum, coctionem Ventri-
culi lædi. Sed, ne ab hoc quidem arie-
te multum incommodi nostrę sententię
metuendum est, quandoquidem non
omnis generis calor, sed is duntaxat,
qui animali juxta suam speciem consi-
derato, ad hoc concoctionis officium
peragendum proportionatus est, hic
considerari debet. Præcedenti capi-
te, argumentum è culina desumptum,
à coctura pisorum atque fabarum ut
proposuimus; ita illud ipsum præsen-
ti nostro instituto ad hanc rationem
diluentiam sufficere posset. Cæterum
απεροδιόσις hic mentionem fieri fe-
brilis

brilis caloris, inde patet, quod sit præternaturalis: cui, ut excedenti ratione gradus, atque non tantum inflammanti sanguinem, verum etiam conturbanti tonum ventriculi, occurri debet tum per mediamenta, tum etiam per diætam, quæ febricitantium ratione alia debet esse ab illa, quæ sanis convenit. Siquidem his conveniunt potulentia magis quam esculenta, & ex esculentis humida potius quam solida, speciatim juscula in quibus humida simplicia efferbuerint. Quantum ad aromata, quamvis negari non possit, per nimium eorum usum, quòd sint exquisite calida, & simul admodum subtilia, calorem nativum nimium quam excitari, primigeniumque humorem dissolvi; moderatus tamen illorum usus non est plane improbandus: licet senibus potius quam juvenibus, pituitosis quam biliosis, hyemali verius quàm æstiva constitutione commendari debeat. Certe, si tempestive & moderate

derate cibi condiantur aromatibus, non solum fumentibus major cibi adlubescencia procuratur, verum etiam ventriculo major ejusdem amplexandi aviditas. Præterea reparatio spirituum celerior, assumpti alimenti distributio facilior, conservatio melior, assumptio tutior, & elaboratio perfectior accelerantur. *Tertio* nonnulli putant, non posse concoctionem cibi in ventriculo componi cum elixatione, quòd contingat in ventriculo digerianimalium hepar, ova, & similia, quæ aliàs per modicam quoque elixationem indurari solent. Eoque concludunt aliud existimandum esse *περί χλωσεως*. Cæterum perperam: nam ventriculi calorem igneo compararunt, & experientiam excluserunt, per quam patet, hæc, & quæ illis respondent, (quòd ventriculi calor moderatus sit) nec difficulter coqui, nec unquam quoque indurata excerni. *Quartò*, quidam ita quoque arguunt: Si concoctio calori attribuenta

buenda esset, humida citius non concoquerentur, atque sicca; quòd illa in calorem reagant; quum tamen contrarium per experientiam constet. Sed, ne hoc quidem argumentum seri-um veritatis ruspatores movere ulla ratione potest. Nam, non omnia quæ sunt humida, pariter sunt frigida. humidum esse vinum in confesso est, nemo tamen illud statuerit esse frigidum. Imo, moderate ad modum medicamenti, bibendum est post pisces sumptos, quò ipsi, cum sint humidioris & frigidioris temperamenti, felicius digerantur. Præterea quod ad lac, γαλακτοφάγος absque aliis alimentis solitum nutrire, teneræque ætati conveniens, tantum abest, ut dici possit facilis digestionis esse; si inciderit in ventriculum impurum, transit in nidorem & aciditatem, plurimaque incommoda post se relinquit: Hoc tamen officere non potest ventriculi calori, ut extremè frigidum, quum censeri consueverit secundum triplicem

plicem substantiam, atque ea, quæ oleosa est, & butyrum vulgo vocatur, ignea & calida habeatur. Ab aqua quoque, in potu adhiberi solita, non est admodum magnum incommodum metuendum: quum illa, quæ in potu, qua nobis, qua aliis animalibus servire solet, non debeat censerisimplex elementum; quandoquidem illi multæ aëris & terræ partes permixtæ sunt, imo & ignis quædam portio inest, quæ eam ipsam quoque sæcundam reddere potest, ut convenienter observavit Franciscus Vallesius de Sacra Philosophia cap. 1. Nec magis postremo metuendum est calori Ventriculi, à cibis frigidioris temperiei, quàm ab omnibus aliis mali succi, nam ut hi intempestive & majori quantitate sumpti officiunt valetudini; ita & ab illis majori quantitate assumptis incommodum multiplex non modo imbecilliori, sed & validiori ventriculo procuratur; quum, aliàs modica quantitate, tempestiveque sumpti non officiant

fficiant ventriculo robustiori. Quinto argumentantur à strutiocamelo ferrum non modo deglutiente, sed & digere: quod cum non possit peragi unius caloris beneficio, existimant fermentum præterea admittendum esse. Fateor hoc argumentum, si certa & infallibili hypothese niteretur, pondus haut tralatitium habiturum esse. At, cum falsa per omnia sit hypothesis, nihil dum ei tribui debet. Quod falsa sit hypothesis, malo alienis, quam meis verbis docere, hoc est, Cl. Plempii, apud quem lib. 2. Fund. Med. cap. 7. *sequentia leguntur*: Strutiocamelus ferrum non concoquit, nedum digerit. Invetrata est illa opinio de Strutiocameli ventriculo, at jam fabula vulgi facta, sed falsa, ut pleraque alia. Audi familiares naturæ atries: Conradum Gesnerum lib. 5. *Histor. animal. de Strutiocamelo lit. c. Caput huic aliti exiguum, cerebrum ferè nullum: hinc absque delectu quidquid tetigerit, vorat, lintea, ferrum, lapides.*

lapides. Verum hæc inconcocta & integra in ejus ventriculo manent: & si nimia fuerint, tandem animal ad mortem, vel ad tabem deducunt ut in dissectis apparuit. Vlysses Aldrovandum tom. 1. Ornitholog. lib. 9. c. 2. Ego, inquit, Struthionem ferri frustula deglutire, dum Tridenti essem, observavi, sed quæ inconcocta rursus excerneret. Thomas Jordanus in resp. ad Laurentii Iouberti paradoxum 7. duod. 2. Tridenti, & Romæ, inquit, cum cusiles argenteas æreasque monetas strutiocamelis objiceremus experiundi gratiâ, Aviarii præfecti scuticam vix effugimus, qui graves ex earum deglutione incurrere morbos volucres adserebat. Et Magnus Albertus, ossa in breves partes truncata ac lapides avidè devorare dixit, sed ferrum respuere. Henricus ab Heers doctus Medicus Leodiensis, in supplem. de aq. Spadan. Sæpe, inquit, dedi Strutionibus Paavii & Venetiis ante annos 25. experiundi gratiâ obolos, quos illi nec semigranulo leviores cum excrementis totidem numero reddebant. Plinius l. 10. c. 1.

miram

miram quidem eisdem concoquendi sine delectu devorata naturam scribit: sed ferrum concoquere non expresse prodidit. Atque inde fortassis nata est suspicio, ipsos omnia concoquere, quod scilicet omnia promiscuè ingurgitent, quemadmodum quòd ovis tuis in arena reconditis non incubent, sed sæpe oculos adjiciant, stolide putatum est, eos visu suo pullos excludere. *Huc usque Plempius*: qui cum pariter sollicitaverit in testes, illos, quibus præ aliis circa has similesque controversias fides deferenda est, omnino hic fidem mereatur. *Sexto*, non modo in partes vocant gallinas, quæ deglutitum aurum digesserint, canes qui digerant ossa; &c. Verum etiam certos homines, de quibus constet, quod nummos aureos, ossicula, lapides, aliaque id genus, si non digesserint, saltem in ventre tali ratione alteraverint, ut non sit verisimile ejusmodi alterationem à solo calore, sequestrato fermento, procurari potuiss-

ri potuisse. Verum neque his multum deferendum est, etiam si admodum speciosa videantur. Ut enim utar verbis Beckeri *De Cultrivoro Prussiaco Posit.* 3. Quæ ratione (*inquit*) Minerale aliquod deglutitum, & non probè in ore masticatum à Ventriculo confici poterit, cum nec Vegetabilium, nec Animalium partes nonnullæ crassiores & duriores, Oris præparationem subterfugientes, in, & ab eodem facilè digerantur? Hinc ossicula, tendines, ligamenta & alia cruda, per alvum vicissim immutata rejecta, observata fuerunt. Quidam per imprudentiam frustum Corii devorans, post semestrem spacium inconfectum id ipsum per alvum egressit, ut habet *Hildan. cap. 1. obser. 31.* Novi quendam Virum primarium, deglutita portiuncula cruda de pomo citro, paulo post Tertianam incurrisse intermittentem, quæ prius sedari haut potuit, quam illa per Vomitus iterum eiectione fuerit, quæ tamen nil alterata viscebatur. Casei
portion-

portiunculam per biennium in Matronæ cujusdam Ventriculo hæssisse, postmodumque vomitu ejectam esse, notatum est. &c. Sed quid multis? Nonne vel quotidie videmus Mineralia, ita ut assumpta fuerunt, cruda vicissim & inconfecta ejici? *Gal. libr. 1. de Natural. facult.* refert, quendam, annulum aureum ore detentum, imprudenter deglutivisse, & postea immutatum excrevisse. Simile quid de puella octennali prodidit *Cornarius præmedit. observat. med. cap. 27.* Alius trestaleros cum Cerevisia unico haustu per gulam dimisit, quos tertio die immutatos per alvum vicissim emisit, referente *Foresto.* Non nemo clavos ferreos ob modicam stipem devoravit, & crudos rursus eosdem emisit, teste *Cardano lib. 8. de rer. variet. c. 40.* *Schenc. l. 3. observ. medi. 2.* scribit, quendam duros filices ingestos, eosdem vicissim excrevisse. Quædam, norante *Benivenio c. 20. de abdit.* acum æneam devoraverat, quæ decimo demum anno per

no per terebratum Ventriculum è parvo demissa foramine prodiit, vulnusque consolidatum & curatum. Ancillam quandam aciculam deglutivisse, eandemque decimo quarto die immutatam egressisse, habet *Hildan. Contur. c. 1. observ. 34.* Acumem cultri quendam absorpsisse, & immutatum per posteriora reddidisse scribit *Forest.* qui & de fratre suo adhuc puero refert, quod plumbum rotundum, sed depressum, inter ludendum deglutiverit, & die tertia absque molestia cum fecibus per alvum reddiderit. *Hac eo quoque loco Beckerus.* Quod vero speciatim dicitur de gallina aurum digerere apta, non meretur audiri. Multa quidem ante annos complures de tali quasi gallina jactata fuerunt, sed cum tentasset experimentum hujus rei facere, deceptus est Medicus & Philosophus celeberrimus *D. Sennertus*, prout patet ex ipsius *c. 19 de Conf. Chym. & Diss.* licet hoc concedere videatur *Beckerus l. d.*
præeun-

præeunte Eichstad. tr. de Con. Alkerm.
irem Schmietero ep. 50. Cistæ Medicæ.
Nec canis quoque pascitur ossibus, sed
solitus est ossa dentibus in minima frag-
mina comminuere, quæ deinceps quo-
que cum excrementis reliquorum ciba-
riorum, αὐλοψία fidem faciente, excer-
nit. Septimo objiciunt lupos, leones,
& multa alia animalia fera atque carni-
vora, quæ crudas carnes non modo co-
medant, verum concoquant. Sed pa-
riter adjicere possent Brasilianos ἀνθρω-
ποφάγους, multos insulanos in novo or-
be, Æthiopesque Afros, qui non nisi
crudis carnibus vescuntur: ne quid di-
cam de Tataris, Scytharum genuina so-
bole, qui carnem crudam Ephippio
suppositam, & per agitationem aliqua-
tenus calefactam hoc quoque tempore
comedere consueverunt. quod exemplo
majorum suorum faciunt, quos crudis
carnibus vixisse, à multis memoriæ pro-
ditum est. Prophyrus libr. 1. de Ab-
stin. ante inventum ignis usum, genus
R mortu-

mortalium putat fuisse ἀμοφάγον, five
 erudivorum: quod tamen fabulis accen-
 fuerim. Sed, verum quoque sit: non ta-
 men hæc sententiam nostram infirmare
 possunt. Nam licet crudę carnes anima-
 lium difficilioris sint digestionis nobis,
 qui non assuevimus, facile tamen di-
 geri possunt, ab hominibus, itemque
 belluis, quæ assueverunt: cum forte
 quoque, ventriculum magis æstuantem
 quàm nos habeant. quid quod ipsis quo-
 que carnibus crudis insit calor qui à ca-
 lore ventriculi excitatus, eique so-
 ciatus, expeditiorem concoctionem
 promoveri possit. Notum est illud Ari-
 stotelis lib. de Respir. cap. 13. τὰ πριώ-
 τερα τῶν ζώων πλέον τὸ τετυχηκε τῆς θερ-
 μότητος. ἅμα καὶ ψυχῆς τετυχηκεναι πριώ-
 τέρας. πριώτερα γὰρ τὰ τοιαῦτα τῆς φύσεως
 τῶν φυτῶν. *Honoratiora animalia plus asse-*
cuta sunt caliditatis: simul enim necesse est
animam assecuta esse honorabiliorem: hono-
rabilia enim hæc, quam natura planta-
rum. quam ob causam quoque Carda-
nus lib. 2.

nus l. 2. de Subtil. contendit carniū & ovorum crudorum eū multum conferre ad longævitatē. quo nomine licet eū exagitet, nec præter omnem causā Scal. Exerc. 24. hoc tamen certum, non omnem cibum crudum aut insalubrem esse, aut ad digestionem indispositum. Gal. l. 1. de Alim. c. 25. postquam mentionem fecisset adolescentis, qui per quadriennium crudis vixisset, puta phaseolis, fænugræco, lupinis, & eduliis similibus; continere se non potuit, quin in *Medicina monstrum* vocaret. Sed, neutiquam hæc Monstris accenseri merentur. Crudis harengis & sardis qui non vescuntur? Westphalis vicinis ferme indifferens est, comedantne pernus infumatas crudas, an per horas aliquot coctas. Imo invenire est in gente illa, qui crudas præferant. Notus mihi fuit sexagenario major senex, cui volupe erat uncias plures crudi sevi, è quo candelæ conficiuntur, cum paucis salis granis

comedere. Æstuantem vero præ aliis ventriculum habebat, & à prima ætate, hæc, atque similia solitus erat comedere. Consuetudini ratione alimenterum, ut digerendorum ab homine, aut alio animali,tribuendum est plurimum. Verbum est Aristotelis lib. de Memor. & Remin. c. 2. ὡς περὶ δὲ φύσις ἡ συνήθεια, *tanquam enim natura consuetudo est.* unde & lib. 7. de Mor. cap. 11. scribit difficile esse, consuetudinem mutare ὅτι φύσις ἑοικέναι, *quod natura respondeat.* Cunnexio naturalis inter cibum potumque intercedit, & cibus in ventriculum usque dimissus, liquore humido indiget, non modo ut facilius naturalis coctio, elixationi respondens, absolvi possit; verum etiam ut commodior contingat alimenti, quadantenus cocti, distributio de vasis in vasa. Quidam tamen per asluefactionem sibi temperare potuerunt ob omni potu. Apud Platerum memini mentionem fieri cuiusdam Marchionis à Galliarum Rege Legati

Legati missi in Italiam, qui nihil dum per consuetudinem biberit à prima quoque ætate. Memorabile est, quod habet Plin. lib. 7. Nat. Hist. c. 18. *Quamquam (inquit) & voluntate sciamus sitim victam. Equitemque Romanum Iulium Viatorem è Vicontiorum gente fæderata, in pupillaribus annis, aquæ subtercutem fusæ morbo, prohibitum humore à Medicis, naturam fecisse consuetudinem, (ita legendum) atque senectæ caruisse potu.* Idem creditur de Magone Carthaginensi, Lasyrta Lasionensi, Androne Argiensi, aliisque. Imo quidam per consuetudinem, venenum aliàs non transiens, familiare sibi fecerunt. Galenus lib. 3. Simpl. cap. 18. memorat anum Atticam, auspicato forte assumptam minori cicutæ portione, quotidiano illius usui assuefactam fuisse. Gnarum, quid de Mithridate circumferatur. notum itidem Martialis Epigramma:

Profecit poto Mithridates sæpe veneno,

Toxica ne possent sava nocere sibi. &c.

390 Mart. Schoockius,
Joan. Dominicus Sala parte priori de
Alimentis cap. 2. Tradit, inquit, *Al-*
bertus Magnus in Colonia Agrippina puel-
lam se vidisse, quæ in trimatu parietibus ar-
reperet, araneas venatura. Patavii fatuum
habemus juvenem, qui innoxie araneis ves-
citur. Qui concoctionem existimant in
homine absolvi non posse, nisi subsi-
dio fermenti; necessum est, fermen-
tum quam varium & multiplex fingant,
cujus vi non modo diversæ temperiei
alimenta dissolvi possint, verum hæc
potissimum: quæ cum plerisque depre-
hendantur esse venenum, aliis tamen
alimentum sunt. quum tamen consue-
tudo sola, seu tenor ventriculi, ut mo-
do ex Lucretio vidimus, hunc minus
dispositum, ad hæc & similia digeren-
da, consueverit ordinare. Quod ani-
malia ἄλογα, ratione alimenti, hic ad-
modum variant, viri egregii volentes
nolentes quoque, suum digestivum fer-
mentum secundum speciem, varia ra-
tione distinguere debuerunt. Alios ne
advocem,

advocem, adducam solummodo Doctissimum Vellchium Medicum Augustanum, ex Opusculo accurato de Ætragopilis, ubi ut prolixè agit de Ventriculi fermento, & de spiritu fermentali digestivo, ita pag. 43. *sequentia offendo* : Quemadmodum igitur spiritum hunc (*inquit*) varium in variis animalibus diversæ operationes testantur, ita non male *Helmontius*, per singulas illorum species fermentum quoque ceu vulgo loquuntur, specificè distinctum monet. Hinc certe ratio desumi potest, cur struthiones æs & ferrum, canes ossa, gallinæ aurum & argentum, lumbrici & chelydri terram, viperæ ranas & mures, lucii pilces minores & bufones integros ni penitus concoquere, at saltem resolvere queant, quod sæpius experti sumus. *Hac ille*. At miror adeo confidenter provocari ad experientiam. De struthionibus, canibus, & gallinis jam diximus. Pro viperis possent feles substitui, vescuntur enim

392 *Mart. Schoockius*,
muribus & foricibus, sed simul caseo,
lacte, butyro, & lardo. Necessum est
in eodem animali quam diversum ag-
noscas fermentum, si illud sanum esse
velis. Sed, consuetudini hic multum
tribuendum. scimus catum, delicatius
à domesticis haberi solitum, fugasse
quidem mures, nunquam tamen com-
edissee. cumque, ut à tali noxa domum
integram præstaret, alimentum solitum
subductum fuisset, postridie ex esu muris
stangulatum & mortuum. gallinæ cen-
sentur vesci araneis. non tamen de omni-
bus verum. quædam abstinent, aliæ ex
consuetudine appetunt, ut lapillos,
quos non concoquunt, sed, aliquan-
tum immutatos iterum egerunt. lum-
bricos terra vesci, non tam verum est,
quam vulgo videtur. terræ pinguiori ut
adhærent, ira exsugunt succum illius
pinguem & lentum, terramque, quam
sugendo simul attraxerunt, iterum ad
modum excrementi excernunt. De ser-
pentibus hoc aliquis credere posset:
quod

quod Deus post lapsum, serpenti maledicendo dixerit: *Super ventrem tuum gradieris, & pulverem comedes omnibus diebus vitæ tuæ*, Gen. 3. 14. similiter Mich. 7. 17. dicatur: *Lingent pulverem sicut serpentes*: & Jes. 65. 25. *Cibus serpentis erit pulvis*. Sed hoc non ita intelligendum, quasi solo pulvere terræ serpens vescatur; sed, quod, quicquid comedit, pulveri terræ commisceri contingat, eò quod suprà terram se sublevare non possit. Nam experientia docente, verum est quod dicit Aristoteles lib. 8. Hist. Anim cap. 4. Serpentes genus animalium est omnivorum: (πάμφαγά ἐστὶ) nam & carnem edunt, & herbam. Serpentes omnium maxime animalium vel cupedia dediti sunt. (λιχνότατοι) Et postea: Cum serpentes carnivora sint, quicquid ceperint, succo exueto, (ἐξικμάζοντες) reliquum totum per meatum sui secessus emittunt. Quod idem omnia fere id genus animalia faciunt: ut aranei: sed his foris sugendo evaporare mos est. Ut valde

frustra sint, qui hinc petierunt præsidium fermentationi, tanquam necessario requisitæ πρὸς τὴν χύλωσιν. Siquidem ex his & similibus contrarium potius inferendum esset: Nempe, cum nihil occurrat, quod fermentum, in usum fermentationis suppeditare possit, frustra quoque pro digestionem alimenti minus usitata (sed individualiter tamen per consuetudinem recepta) sollicitari fermentum & fermentationem. Denique contra calorem digestivum, & in favorem fermentationis, pisces advocari solent. Quod non videantur suffecturi digestionem alimenti, si ea peragatur à calore, eò, quod degant in elemento frigido, eoque, morbosos perpetuo fore, nisi pariter advocetur fermentum? Quidam piscibus sociant animalia, exanguia vulgo vocari solita, ut insecta; quòd frigissimæ complexionis sint, utpote sanguine magnam partem destituta. Sed, licet pisces in aquis degant, vivunt tamen, gaudentque non modo

modo calido nativo, verum etiam calido digestivo. Aristotelis effatum est lib. 2. Hist. Anim. cap. 13. *ἐναιμον ἅπαν τῶν ἰχθύων γένος*, omne piscium genus sanguinis particeps. Atque, qui aut alga aliisque herbis nutriuntur, aut succo terreo cum aqua, ut v. c. scomber, mugil, cyprinus, sturio, sarda, tinca, &c. non indigent copioso calore, quem secundum gradum intensiorem habent carnivora: qualia censentur esse cartilaginea omnia, mollia, crustacea, & inter testacea purpuræ: quanquam omnes hi pisces, admodum lente solidiores hos cibos videntur digerere. adeo ut certò observatum sit, pisciculum haut magnum à lucio deglutitum, septimo decimo die in exenterati ventre adhuc re-pertum fuisse. Ut non sit necessum, ad fermentum aliquod confugere, cum pro tali digestionem moderatus quoque calor sufficiat. Velim vero viri egregii, qui ad *τίω χύλῳ* fermentum acidum advocant, liquido edisserant, quæ

ratione putent illud integrum perdu-
rare posse in piscium, maxime Pela-
giorum ventre, continuæ aquarum sal-
sorum attractioni vacantium. Atque
hæc sunt illa, quæ potissimum calido
digestivo Ventriculi, ad peragen-
dam concoctionem objicisolent: quibus
quantum momentum insit, arbitrentur
quibus datum est sapere. Nec contra-
rium ab his statuit Galenus l. 3. de Fa-
cult. Natur. c. 7. ubi disputans contra
Erasistratum & Asclepiadem, (qui per-
cipere non poterant, quomodo con-
coctio Elixationi assimilaretur) atque
ostendens quæ differentia intercedit in-
ter cibi masticationem, quæ fit in ore, &
concoctionem ejusdem in ventriculo,
tandem hæc subjicit: *Verum quantum ii,*
(cibi scil) *qui mansi sunt, iis, qui inhæ-*
serunt, magis sunt alterati: tanto etiam
his magis ii, qui devorati sunt. Siquidem in-
comparabilis erit horum alterationis excessus,
si & quæ in ventre est pituita, & bilis, &
Spiritus, & calor, & tota ventris substan-
tia asti-

tia aestimentur. Quod si viscera quoque, quae
 illi adjacent, tanquam magno lebeti plures
 ignis foci, pariter aestimata sint, à dextris
 quidem jecur, à sinistris lien, superne Cor,
 & transversum septum, & levatum, & as-
 sidue motum, his etiam amplius omentum,
 quod praedicta tegit, ingentem quandam ci-
 borum, qui in ventrem sunt devorati, al-
 terationem fieri credas. Profiteor me non
 esse tam Lynceum, ut videam Gale-
 num, digestionem cibi in his verbis
 Fermentationi vindicasse. Fateor, &
 supra ostendi, ad hanc animalem Elix-
 ationem praeter calorem ventriculo infi-
 tum, & eum, qui illi ab apposis vis-
 ceribus communicatur, aliquid con-
 ferre pituitam ei inhaerentem, spiritum
 ex arteriis diffusum, & nonnunquam
 etiam bilem. (non tamen meliorem red-
 dendo hanc actionem) sed usque adeo
 subtilis & perspicax non sum, ut ex his
 exsculpere possim, succum aut acidum,
 aut acidum fermentativum: nec etiam
 tam audax, ut sustineam dicere, eum

intelligendum esse per pituitam: quòd paulo ante Galenus dixerit, subsidio salivæ, aut pituitæ, quæ in ore est, aliquatenus cibos, quando mastican-
 tur, liquefieri & dissolvi. Probandum enim antea esset, pituitam ventriculi, (de qua loquitur Auctor) esse succum acidulum, fermentandi vi præditum, atque respondere secundum qualitates salivæ, sive pituitæ oris. Galeno non est propositum agere sive de proba, sive de vitiosa cibi in ventriculo coctione; sed ostendere, quomodo haut mirandum sit, si in ventriculo varia ratione alteretur. Multo minus idem Galenus ibi cap 4. favet sententiæ illorum, qui ad τὰ χέλωσιν advocari cupiunt primo præparationem quandam fermentativam, & deinde elixationem, quæ calor subsidio peragatur. Offendo quidem ibi sequentia: Quippe conversio ciborum (inquit) in cremorem non est mora istic manenda terminus, quam utique etiam dum foris sunt, efficere licet: sed concoctio, quæ
 à cor-

à conversione in liquorem, res est diversa, sicut nutritio à sanguificatione. At, quis ulque adeo frontem perfricuit, ut dicere ausit, ex magni illius Galeni mente, concoctionem ad calorem, & conversionem in cremorem, ad fermentationem referri debere? Debuissent non omisisse posteriora verba, qui Galeno mentis suæ somnium affingunt. Ut nutritio, tanquam actio generalior, per sanguificationem tanquam medium, scopum suum assequitur: ita concoctio quoque, per conversionem cibi in cremorem finem suum. Hoc intendit docere Galenus eo loco: postea, nempe c. 7. rationem, secundum quam concoctio peragitur, declaraturus. Nec μὲν γ' ὁνειράς in eo latitat, quod Medicorum antistes in loco præcedenti mentionem fecerit *substantiæ ventriculi*. Per eam enim intelligit naturam ipsius ventriculi, qui ita conformatus & dispositus est, ut velut conveniens lebes, (hoc enim simili supra usus fuit) qui & in-

fito ca-

sito calore gaudeat, sufficiat operi digestivo. In eodem opere, sive libr. 1. de Facult. cap. 2. legas: *Actionem quidem* (inquit) *licet opus quoddam Natura appelles, seu concoctionem, digestionem, & si ita loqui liceat, sanguificationem: non tamen contra licet, opus actionem omnino voces.* Sed, despiciamus, an Aristoteles quoque patrocinetur musteæ sententiæ, quæ τὴν χύλωσην partim ad fermentationem, partim ad elixationem refert? Sollicitatur illius locus ex libro Problematum, (modo totus ille liber, quod mihi vix vetisimile est, ad Aristotelem referri debeat) crediturque singulariter favere Probl. 4. Sect. 24. ubi ita quæritur: *Cur aqua fervens non liquefacit, venter vero liquefacit?* Responsio vero prior, quam favere existimant, his verbis concepta est: *Virum quia calidum, quod est in ventre, subintrat ob tenuitatem: aqua autem non permeat ob crassitiem?* Unde ita colligunt, quod cum Philolophus hic non solum agnoscat concoctionem ventriculi,

culi, sed etiam liquefactionem, debeat quoque agnoscere fermentum aliquod ventriculi, à quo liquefactio fermentativa procuretur? Sed lubet quærere, quis Genius suggesserit, hæc Philosophi verba ad Fermentum, & Fermentationem obtorto collo esse trahenda? calor ventriculi adiutus à spiritibus per arterias communicatis, quoniam subtilior est aqua, quæ crassior est & nullo calore nativum habet, sufficit illi officio, quod aqua, ideo quod crassior sit, præstare non potest. Hæc est genuina Philosophi sententia, quæ etiam respondet illis, quæ supra quam distincte circa τὴν χύλωσην proposuimus. Non inconvenienter Doctissimus Septalius ad præcedentem Philosophi responsionem: Calor ventriculi (inquit) innatus naturalis est, & influente calore, nempe spiritibus adiutus perfectius agere potest, & medianibus spiritibus ad intima quæque penetrando, potest actionem suam exercere; & subinde crassiora quævis attenua-

402 Mart. Schoockius ,
tenuare, liquefacere. Scil. citra Fermentationem, quæ à *αὐτοψία* hic advocatur.

C A P. X X I V.

De Lienis ratione, & fermentatione, quæ ab eo provenire posset. Qua occasione etiam agitur de conditione Scorbuti, & natura appetitus.

DEfuncti doctrina de Concoctione cibi in Ventriculo, atque ab ea proscripto non minus fermento, quàm fermentatione, cujus multi hoc seculo nimium quam pertinaces sunt patroni, quòd malint esse cæci admiratores (in hoc valetudinario me ipsum aliquando decubuisse agnosco & deploro) eorum, quæ à nonnullis Chymicis & sequacibus illorum jactantur, quàm industrii & diligentes veritatis ruspatores: convertimus nos ad Lienem, viscus quidem notum, secundum lineamenta, quæ *αὐτοψία* duce in animali animadverti possunt, sed de cujus usu & officio, non mi-

non minus inter se antiqui quàm Medici & Philolophi contenderunt acerrime, quàm recentiores omnes. atque, inter horologia & citius & facilius conveniat, quàm inter hos. Quod vero mirandum maxime, cum verum & proprium vix conjectando assequi queamus, sensum tamen acerrimum & molestissimum deprehendimus, simulac modo officio ipsius sua non constiterit ratio. Quod notat Plautinus Leno in Curculione, cum in has querelas, cæterum jocosæ, erumperet Act. 2. sc. 1.

Valetudo decrescit, accrescit labor.

Nunc jam quasi zonâ liene cinctus ambulo.

Geminos in ventre habere videor filios.

*Nihil metuo, nisi ne medius disrum-
par miser.*

Ut vero ad rem ipsam accedamus, hic ipse Lien, juxta plerosque ex recentioribus, fermentationis omnis, quæ in animali notari videtur, promus condus habetur, atque fermenti usque adeo fertilis,

404 *Mart. Schonckius*,
fertilis, & industrius administrator, ut
illud ipsum & distribuat, & contineat;
imo modo sincerum, modo vitiatum re-
liquis artibus communicet. de ventricu-
lo jam antea vidimus. non subsistunt ve-
ro in ventriculo, qui fermento opinio-
num tument. Helmontius modo au-
diatur? *Primo*, Lienem Fermentum
acidum ventriculo inspirare contendit
in Tract. Duumv. §. 13. *Secundo* co-
ctionem sanguinis ipsius fermento ac-
ceptam fert. l. de Concept. §. 48. *Ter-
tio* Veneris incunabula, & simul semi-
nis foecunditatem in illo rimatur, adeo
ut Lien sit *Veneris nidus*. De Duumv. §. 42.
& 58. *Quarto* sedem vult esse imagi natio-
nis, Tract. de Concept. §. 1. 2. Et, ne
quid deesset ineptiarum; *quinto* & sum-
num & insomnia hinc deducit, sic, ut
non verecunderetur in Tract. de Duumv.
§. 42. hanc lepidam definitionem le-
ctoribus suis proponere: *Somnus est af-
fectus splenis, huicque à delitiis*. At, mis-
so hoc homine, cujus scripta licet me-
reantur.

reantur Endumioni pro pulvinari supponi, in pretio tamen sunt apud illos, qui in Helmontiano Parnasso somniant; despiciamus proxime, quid Doctissimus D. Willis de Lienis fermentatione arbitretur: capite ergo quinto Tract. de Fermentatione *ita de illo commentatur*: Ratione structuræ Lienis (*inquit*) hujusmodi conjecturam facimus: quoniam arteriæ huic sanguinem conferunt, & venæ referunt, nec importatur aliud quidpiam, nec extra convehitur; cumque substantia ejus sanguine atro & stagnante usque repleatur, videtur quod sit velut promptuarium pro recipienda terrestri & limosa parte sanguinis; quæ postea in fermenti naturam exaltata, effervescentiæ gratia sanguini remandatur. Quare dum sanguis per arterias adversus lienem subit, ipsi detrahitur quiddam, scil. particulæ limosæ & terrestres, quæ sunt cruoris velut Fæx, & caput mortuum; ut hac ratione tota cruoris massa, à succo me-

co melancholico, seu atrabile, liberetur; quæ in liene, non secus ac flava bilis in hepate, lecernitur: quare lien plerumque est attriti aut lividi coloris, propter tæculentias illic depositas. Cum vero hic succus in liene repositus, non sit omnino inutilis, sed ob copiam salis fixi sit valde fermentescibilis naturæ; non statim, utilis, in cloacam rejicitur, sed ulterius in liene coquitur; & exaltatus in fermentum abit, quod denuo sanguini commissum, ejus motum & volatilisationem promovet. Quare ut sanguini per arterias lienem ingresso, aliquid detrahatur, scil. crudus melancholiæ succus: sic eidem per venas refluxo, aliquid continuo additur, scil. idem succus coctus & in fermenti naturam exaltatus. Non secus ac Chymici inter distillandum, ut liquor optimus fiat, partes subtiles & spirituosas, à capite mortuo destillando segregant, ac dein ipsi reaffundunt, atque opus toties repetunt, donec caput mor-

put mortuum crebra deitillatione volatilifetur, & liquor fecundum omnes suas particulas, rite exaltetur. Quod huiusmodi fit lienis usus, indicium est; quia viscere hoc male affecto sanguis ut fermentescit nimis, uti in affectibus scorbuticis & hypochondriacis: aut si lien sit obstructus, vel scirrholo tumore obfessus, sanguis idonea fermentatione destituitur; atque hydrops, cachexia, vel tympanitis inducitur. *Haëtenus D. Willis:* cum cujus opinione, si instituerts aliorum sententias componere, tantum abest, ut possis sperare aliquem assensum, aut applausum; dubius magis eris, siquidem quot capita, totidem sententiæ numerari hic possunt. Quum vero desperemus de viribus nostris, quæ nequaquam componendæ huic liti sufficiunt; ut tamen accuratius illud agere possimus, & ex notis atque concessis, per legitimam Methodum progredi ad illa, quæ ignota sunt, videntur primitus illa annotanda

notanda esse, quæ hic, velut certa & concessa occurrunt, admittique debent. Ergo de liene hæc certa haberi merentur, quòd circa illa consentiant illi, qui ratione usus, δὲ δὲ πασῶν cæteroquin dissentiunt. *Primo* situs illius est inter ventriculum & costas è regione hepatis, sic tamen ut dorso sit vicinior, ac costis (puriis, à quibus defenditur, innitatur. *Secundo*, convenienter dici potest πασέγγυμα, quod instar nigri & concreti sanguinis appareat. *Tertio* apparet intertextus copioso fibrarum plexu: licet minus liqueat, sintne venarum & arteriarum disseminationes, an, ut quidam voluerunt, propagines nervorum. *Quarto*, tunicam qua vestitur, nactus est admodum tenuem, licet crassior sit illa, quæ munit hepar. Unde vero originem trahat, non æque liquidum est; quum quidam eam oriri velint à Peritonæo, alii ab omento. *Quinto*, color illius in fœtu ruber est nec absimilis colori hepatis: in adultis

adultis ut plurimum subniger, & quo magis ad nigredinem vergit, magis quoque status ipsius præternaturalis argui videtur. *Sexto*, magnitudo est inæqualis, præstare autem videtur, aliquanto minorem, quam æquo grandiore lienem habere. *Septimo*, figura licet ratione diversorum animalium varia & inæqualis sit, foris tamen ut plurimum gibbus est, & intus cavus, potestque circa medium cavitatis ordinario notari linea, communiter prædicta, licet de illius usu plenè non constet. Hæc videntur hætenus plurimum consensu admitti, & haberi possunt eatenus pro confessis. Simul hæc ipsa, ut videntur de Liene liquere, ita verus usus illius, in Democriti puteo hoc erudito etiam seculo, reconditus jacet, atque viri doctissimi, iidemque Medici Experientissimi, non nisi conjecturas meras in suis scriptis (quod pace ipsorum dictum sit) ad hunc usque diem illis propinavunt, qui ad liquidas Demonstra-

S

tiones

tiones nimis quam diu anhelarunt. Nec
 tamen putandum est, Lienem in corpo-
 re animalis Polydēdalo, & arguente Di-
 vinam manum, velut ignavum fucum
 delitescere, atque esse ἀνεγκλοντὸν ἀνε-
 βέβηλον, ut post Democritum & Eras-
 stratum, at quantos inter antiquos vi-
 ros! pronunciat Ruffus Ephesius. Quum
 juxta vulgare verbum, Deus & natu-
 ra nihil frustra faciant, videtur omnino
 usum & quidem definitum sortitus fuis-
 se. Quandoquidem vero nobis non est
 propositum, hoc tempore à lineis fer-
 mentationis recedere, sed illis, quam
 licet arctissime, inhærere: non admo-
 dum nos fatigabimus in examinanda
 aliorum sententia. Sed, quàm vere
 quidam censuerint esse promptuarium
 fermenti, quod hic velut in corporis
 culina coquatur & convenienter præ-
 paretur, aliquanto pressius expenden-
 dum esse duximus. Atque prænotamus
 hanc sententiam novitiam esse, quæ
 ut originem suam Chymicis debet; ita
 aut ab

aut ab illis, aut eorum exemplo multis modis, juxta cujusque Genium & ingenium interpolata est. Præ aliis naturæ ἐπὶ πταῖ videri voluerunt duo ex gente Chymica: Quercetanus scil. & Helmontius. Et quidem ille non dubitat ita scribere, in Tetr. graviss. capit. affect. In quo (inquit) Liene etsi acetum sanguinis naturæ liquidæ non autem terrestris (quodd de melancholia naturali dictum velim) ingeneretur: nusquam tamen crassum & saculentum quid aliquam illius partem propriam occupat, quia per totum ejus spongiosum corpus diffunditur, ut sic corpus ejus hoc humore acido & acri perfusum, tanquam fermento in raram & spongiosam naturam attollatur, ut in pane videmus fieri, qui fermento maceratus attenuatur, ac levior & spongiosior redditur, quam secus futurus esset gravis, densus, & ponderosus, si eo destitueretur. Quod ad Helmontium, in Tract. de Jure Duum v. §. 3. ita loquitur: Splenis (inquit) proprius est stomachus, multiplici arteriarum tortuositate

admirabilis, quo lien sibi soli coquit; sub qua digestionem minimus error si irruat, splen digerendo cessat, debitaque stomacho externo fermenta denegat. Item Tract. de sede Animæ, §. 16. Reperi splenem (inquit) inservire pro fermento stomachi, ejusque sole, coctore, & directore: idcirco amborum viscerum conspirationem decrevi vocare Duumviratum. Cæterum, an hæc, ita audacter jactata, admitti debeant, admodum ambigo. Interim quam plurimi, viri eruditione singulari spectabiles, non admodum alieni videntur esse à tali sententia. ὁπάρου Dn Bartholinus lib. 4. Observ. §. 1. ambigens, & simul disquirens, an animalibus Lien excindi possit, hæc inter alia habet: *Nobiles ejus (Lienis scil.) usus, &c. in sanguine acido depurando versantur, & fermento pro totius incolumitate, &c. admitto hæc hæctenus: quum postea judicium ferri possit, quam vera sint. Simul ex hypothesi, velut liquida, hæc duo aliquantisper concedantur. 1. Fermentum*
Lienem

Lienem suppeditare. 2. Per ejusmodi Fermentum sanguinem magis depurgari. Ut ad prius veniam, concedantur omnia quoque, quę ruspatores fermenti Lienosi sibi concedi vel optaverint; unde tamen demonstrabunt, illum ipsum succum, qui forte Lieni inest, atque ab illo instar spongię imbibitur, Fermentosum esse? Dn. Cornelius ab Hogelande in ingeniola sua Animalis Oeconomia, cum prolixè de Usu Lienis disputasset, sibi tamen haut quaquam satisfacit circa illa, quę deduxit, quum utatur dubitantis voce *videtur*. Ita enim apud ipsum lego pag. 190. & seq. Cum ergo (inquit) jam ex antecedentibus constet, lienis actionem in sanguine in omnibus ac per omnia idem præstare, quod fermentatio in liquoribus sanguini homogeneis; recte concludi videtur, ipsum lienem sive ejusdem substantiam, purum ac perpetuum esse fermentum, cujus actione & functione sanguis (cæteris paribus) in salutarem corporis nutritionem spirituumque

414 *Mart. Schoockius* ,
generationem fermentatur ac preparatur.
Nec potuit aliterquam ambigere? Quod
videretur demonstrasse , duntaxat illu-
strare potuit , per similitudines à rebus
artificialibus desumptas. At res natura-
les ex rebus artificialibus definite cog-
nosci non possunt , aut etiam ars ipsius-
que opera amissis esse operum Naturæ?
Cognita natura rerum naturalium , pro
ulteriori ejusdem explicatione, res arti-
ficiales convenienter accersuntur : neu-
tquam vero res Naturales , quarum na-
tura est incognita, convenienter per res
artificiales definite explicari possunt ,
nisi hoc principium , ut infallibile an-
tea supposueris : *Quatenus à me appre-*
henduntur distincte atque dilucide res arti-
ficiales, eatenus à parte quoque rei, se habere
debent res Naturales , quas cum rebus il-
lis artificialibus libuit mihi componere. Quod
sane Axioma , nullus unquam Philoso-
phus admittet. Juxta tale verò progre-
ditur hic vir egregius , in cujus pro-
gressu quamvis invitus quoque inge-
niolam

niosam industriam agnoscere debeam; ratione tamen rei controversæ, nihil aliud offendo quam *σοχασιμὸν ἀβέβαιον*, si-
 ve, conjecturam incertam, quæ Demon-
 strationi neutiquam æquivalere potest.
 Interim hæc & similia suo loco relin-
 quo. quæ quanquam mihi haut admo-
 dum placere possunt, patior tamen ut
 aliis velut crepundia serviant, iisque se
 oblectent. Non is enim sum, qui ve-
 lim aliorum *forcillare fidem*, ut cum Plau-
 to loquar, Pseud. 2. 2. Sed ne adhuc
 missam faciam priorem Thesin, quo
 tandem indicio colligetur, Lienem ma-
 gis quàm Hepar fermentum complecti,
 & consequenter illius officinam debere
 agnosci pro Oeconomia universi corpo-
 ris? Quod enim dicunt de Liene, quan-
 do fuerit exemptus, nigricare, mihi
 oppido quam dilutum videtur; quum
 hepar exemptum animali, quod ad
 colorem, parum aut nihil à Liene di-
 stet. Præterea, quum fermentum spi-
 ritu aliquo præditum esse debeat, ut

fermentationem promoveat, quomodo evincent, materiam incrassatam, quam lien colligit, & quæ vulgo succus Melancholicus, seu, Melancholia vocatur, sufficere officio fermentativo: quod sane peragi nulla ratione potest, nisi aliquid occurrat spiritu turgens. Nec est, quod dicant, materiam hanc ita per accidens incrassari? Quandoquidem alias volunt, sanguinem, quando Lienem permeat, ibi suas sordes deponere, quasi cloaca aliqua in corpore Animalis agnosci deberet. nec hoc tantum, sed, hæc ipsa recrementa ibi deposita, exsudare quasi serum, quod ad ventriculum delatum, instar fermenti, concoctionem promoveat. Quid aliud enim sibi volunt hæc, viri alias summi, Riolani scil. verba in Euch. Anatom. Ergo (inquit) existimo, splenem limosum sanguinem attrahere ad sui nutritionem, inde serum quoddam peculiare fermentativum (sed, quod fermentativum est, spirituosum sit oportet: frustra vero

stra vero illud quæras, siue in sero, siue in limosa hac substantia) per arterias splenicas effundere in ventriculum, & quum sit bibulum ejus parenchyma, per venas elicere, & emungere superfluum humorem ex ventriculo, ut melior fiat concoctio. Sed, ut ad alteram Thesin accedam, quam & hæctenus patior suis Auctoribus & fautoribus relinqui: quomodo fermentum lienosum reliquo sanguini depurgando seruiat, optarim, aliquis, qui fiduciam ingenii sui habere videtur, ingeniose mihi explicet? Sanguinis circulationem considerans Cl. Riolanus lib. de Circul. Sanguinis cap. 18. & expendens usus sanguinis ut circulati, inter alia hæc habet: *Per istam (inquit) Circulationem sanguis à putredine vindicatur, nisi aliunde accedat, quia per motum circulatorium diffatur, suisque fuliginibus expurgatur, & si putredo hæreat intra fibras & soveas Cordis, secunda aut tertia admissione sanguinis, eluitur & rejicitur.* Joubertus, 2. Decade, Parad. 2. docet hu-

mores non putrescere in venis, ergo multo minus, si circulentur per arterias & venas. Quæ ut valde sunt rationabilia, ita non video, cur fermentum à Liene quasi suppeditandum, pro ulteriori sui perfectione indigeat sanguinis. Rationem cur hoc fieri debeat, & modum, secundum quem fiat, si aliquis ostenderit, promitto me fore docilem. Interea, ut hætenus in concedendo fui facilis; quòd non ostendere potuerim rationem ullam, quâ illa firmarentur, quæ liberalissime concessi, calculum reduco : atque ut cum Persio loquar Sat. 5.

Quæ dederam supra, repeto ; funemque reduco.

simulque (lubet cum Plauto Mostellaria loqui) *infecta dona facio*. Si quid fermentationis, à Liene usque accersì debeat, illud animadvertetur, quando natura à succo Melancholico redundante se liberare fuerit annixa. Quod cum nullus, aut distinctius, aut operosius explicuerit, quam accuratissimus Hich-

mus Higmorus, quantivis apud me pretii, & instar sexcentorum aliorum, verbis illius utar. Ita ergo *lib. Disquis. Anat. part. 3. cap. pag. 68.* Succī (inquit) Melancholici in lienis substantia separationem inter fibræ ejus, hoc modo fieri existimamus. Cum sanguis Lienis porosam substantiam, undique ab arteriis in illam effusus, pertranseat, facultate quadam innata, (quam nulla alia pars habet) succus Melancholicus, qui antea cum sanguine confundebatur, fermentatur, congregatur, particulæque homogeneæ uniuntur: quæ sic unitæ Naturæ nullo modo cognatæ, nec in nutrimentum illius domari aptæ, si multæ non sint, una cum sanguine ulterius progredi poterunt; Sin vero in majore congregantur quantitate, ut Naturæ molestiam afferant, eam ad expulsionem quocunque modo & loco irritant. Ideoque insurgens natura, ad proximam, aut magis convenientem evacuationis viam & locum.

eas propellit ; nunc ad Mesaraicas , & per alvum , aut hæmorrhoides ; Idque à ramo splenico per venas minutillas in Pancreas ; unde per ductum illius in Duodenum effunditur ad Re- nes , cum in Aorta maxima quantitate naturam laceſſunt , & per urinas : nunc per arterias minores , ad habitum corporis & per sudorem deponit. *Hæc Hig- morus.* Cæterum quando hæc materia crassa & fæculenta , superabundans in Liene , per hanc naturalem fermenta- tionem non excernitur convenienter , five cum urina , five cum alvinis fæci- bus , five per hæmorrhagiam , atque re- liquo sanguini in se bono permiscetur , cum non tam reddit torpidum , & quan- tum in se mulctat spiritibus ; sed po- tius aut importuna fermentatione , (nempe secundo ita dicta) sanguinis ebullitionem procurat , ut capite proxi- mo fufius ostendetur : aut , si viscosior sit , quàm ut convenienter tali fermen- tatione agitari possit , *inter fibras Lienis*
compli-

complicatus retinetur ; (sunt verba Hig-
mori loco dicto) adeo ut si multum acer-
vetur , obstructions in porosa ejus substan-
tia facile inde oriri possint , atque hinc tu-
mores , inflammationes , & tenuiore parte
evaporata , schirri. Si etiam sanguis humo-
re hoc adeo abundet , ut in liene , post sepa-
rationem , usque dum per vias assuetas eva-
cuetur , contineri nequeat , per ramum Sple-
nicum ad Hepar deducitur , eumque inficit , &
obstruit etiam. Porro quid de scorbutointer
nos admodum vulgari , existimandum
sit , convenienter pro illustratione eo-
rum , quæ dicta sunt , & postea inqui-
renda ulterius erunt , hoc loco expen-
dere licet. ad Lienis morbosam intem-
periem eum refert nostras Lævinus
Lemnius l. 2. Complex. quem plerique
sequuntur. Non tamen vir summus ,
& Medicus incomparabilis Caspar Hoff-
mannus , absolute Lienem sustinet sta-
tuere ejusdem subjectum , eoque , quam
circumspecte ita loquitur libr. 3. Instit.
Med. cap. 73. Scorbutum (inquit) huc

accersere volui, quòd Lienis obstructio, & quæ illi essentialia sunt symptomata, multam familiaritatem habeant cum dictis morbis. & si attendamus Scorbuti satis concinnam definitionem, propositam à Celeberrimo Sennerto cap. 1. lib. de Scorbuto, de solo Liene non admodum erimus solliciti. Definitio, vero ita habet: Scorbutus est prava & occulta qualitas, seu dispositio, toti corpori, præcipue vero visceribus nutritioni dicatis impressa, ab humore melancholico, crasso, seroso, seu ichoroso, peculiari modo corrupta, cum spontanea lassitudinis & gravitatis, in cruribus præcipue sensu, pectoris angustia, & respirationis difficultate, gingivarum corruptione, & oris graveolentia, ac maculis purpureis, in acribus imprimis, aliisque morbis ac symptomatibus plurimis, ab eadem causa pendentibus, orta. atque Lienem in Scorbuto non posse agnosci partem præcipue affectam, inde colligitur, quod in Scorbuticis eum saluumprehenderunt Forestus libr. 20. Observ. v.

serv. Medic. Item Horstius part. 2. l. 4. Observ. 3. Nec à splenis obstructione, & melancholia malum hoc simpliciter deduci posse opinor, cum multi splenis obstructione laborent, nec tamen scorbuto afficiantur: atque in iis regionibus, ubi humoris atrii, propter majorem aëris fervorem, collectio familiaris est, Scorbutus sit ignotus ipsis prope modum Medicis. Eoque accedo libentius illis, qui morbi hujus antecedentem causam statuunt humorem Melancholicum crudum, simulque ichorosum: quod vel patet ex præcedanea diæta: nam ad inducendum Scorbutum, plurimum momenti habent cibi corrupti, crassi, cocti difficiles, sale & aceto conditi, fumo indurati, &c. item cibi incorrupta aqua, aut saltem non admodum bona cocti; unde Ronflesus Medicus Goudanus jam ante lxxx. annos, non inconvenienter notavit Amstelodami & Alcmariæ in Hollandia plures scorbuticos inveniri, quam aut
Goudæ.

424 *Mart. Schoockius,*
Goudæ, Roterodami, & Dordraci,
quod inquilini harum urbium meliori
aqua gaudeant. His addatur potus cor-
ruptus, speciatim cervisia ex corrup-
to frumento confecta: item otium,
vitæ genus deses, evacuationum soli-
tarum suppressio: somnus immodera-
tus, vigiliæ nimiae, timor, & tristitia.
Nec silentio omnino præteriri debet
aër frigidus, humidus, crassus, sal-
suginosus, & impurus: quomodo Olaus
Magnus in Hist. Septentr. Gentium l. 16.
cap. 51. frigida murorum exhalatione
morbum hunc foveri, intra tabulata
vero mitescere, perhibuit. Quæ omnia
ut aggravant hunc morbum, ita & succo
Melancholico accumulando serviunt.
Cui tamen interdum admiscantur alii
humores crudi & corrupti, ut vel urina-
tum multiplex varietas & crebra mu-
tatio ostendunt. Quæ tamen non vi-
dentur proximæ causæ rationem in-
duere, nisi peculiarem corruptionem
& morbo huic propriam susceperint:
quod

quod cum ex aliis Scorbuti symptomatibus, tum præcipue ex contagio, quod eidem adhæret, manifesto liquet. Nam contagiosum esse morbum certissimum est. Mirum ergo, quosdam docere, speciatim scorbutum, provenire à defectu fermentationis in sanguine. contigit nuper admirari singularem in asserendo audaciam, viri alicujus scriptis etiam celebris, cum in Tractatu illius Medico - Physico sequentia legerem: Scorbutus, (*inquit*) cujus fomes semper est in liene, nobis etiam viam pandit ad indagandum, quod sit lienis officium. Quibus lien bene est constitutus, illi ab eo morbo immunes sunt; qui illi morbo obnoxii sunt, iis lien à naturali statu defecit. At fermentationis defectus, est præcipua eo in morbo causa symptomatum: ergo recte statuitur vim fermentationis à liene proficisci, &c. & postea: Spirituum vacuitas in massa sanguinis, torpidum reddit corpus; nec sinit hominem sese erigere ad

gere ad alacritatem: partes fluidæ, & acres, propter immaturitatem nervos ubique lancinant, mollem carnem edunt: partes crassiores & fixiores ossibus, gravitate sua atque acrimonia, quibus qualitatibus sal fixus præditus est, molestiam & dolorem creant. Et hinc jam liquet, unde veniat nullum alium morbum, tot tamque diversis malis hominem obnoxium premere atque urgere, quam *scorbutum*. *hæc ibi*. sed, quæ hic clavis verbis enunciantur, non nisi cerebrinæ speculationes censeridebent. Nam ut breviter illa expendam: 1. Medicus ignorare non deberet à viris summis sæpius observatum fuisse, scorbutum homines letho dedisse, integro & incolumi liene. 2. Sanguinem spiritibus indigere, quo vividus sit, prolixè supra c. 17. expendimus; at nunquam probabitur, eos illi obtingere à Lienis fermento. 3. A defectu fermenti oboriri Scorbutum novum est, & probatione indiget. 4. Nimis quam audacter

daſter obſcurum per æque obſcurum probatur. An lien fermentando ſanguini deſtinatus ſit, nondum ab hoc Auctore, aut ab ullo alio probatum eſt: eo-
que male aſſumitur ad probandum, quod Scorbutus hominem aſſigat ob de-
ficiẽtiam fermentationis ſanguini de-
bitæ. Multa aſſumuntur & dicuntur fa-
cilis, quam ut liquido probari poſſint.
Quando vero invaluit *ſcorbutus*, & ſuc-
cus melancholicus ichoroſus ſanguini
permixtus eſt: læpe ex accidenti contin-
git aliqua illius ζέσις & efferveſcentia,
(proximo capite, occasione doctrinæ
de Febribus hæc uberius declarabuntur)
fermentationis imaginem exhibens:
cujus rei indicium exhibent variæ illæ
maculæ, rubræ, purpureæ, cæruleæ-
que, tibias potiſſimum inſicere ſolitæ,
unde & noſtrates morbum hunc voca-
re ſolent de *Blaufchuyt*. qui morbus an
veteribus quoque notus fuerit, viri
docti jam diu inquiſiverunt. ejuldem ſe-
cundum multos meminiffe videntur
Strabo

Strabo circa finem l. 16. Georg. & Plinius libr. 25. Nat. Hist. cap. 3 quando ab effectis, oris nimirum & crurum læsione *stomacacen* & *Sceloturben* appellant: quos tamen falli existimat ὁ πάλιν Salmasius lib. de annis Climactericis, p. 730. ac dubium quoque est, an Marcellus lib. de Medicamentis cap. 11. *oscedinem* illud vocaverit: siquidem *oscedinem* aliud vitium fuisse, innuit Gellius lib 4. Noct. Att. cap. 20. Nec fermentum Lienis argui videtur per Ciborum τὴν ὀρεξίν, quam Plutarchus valde eleganter lib. 7. Probl. 1. dicit esse δεικτικὴν πῶς τὰ τροφίμα τὰ ἐν τῇ σπλῆνι. Helmontius in Tract. de Pyloro Rectore, ita quidem philosophatur: Non noverunt Scholæ, famem à splene in stomachum inspirari: splenem nempe novisse rerum agendarum scopum, ut viscus regendis decoctionibus princeps. Auctor dicti Tractatus Medico Physici de Liene, ut ex Hypothesibus undecunque assumptis (plane & ignarus & securus Demonstrationis) progreditur & philosophatur; ita in

ita in dicto Tract. p. 27. de fame hunc
in modum commentatur: In id conten-
tiunt omnes medici, (inquit) famem
excitari ab acido humore: & in fame
canina acidum humorem eructari læ-
pius experientia docuit; medici au-
tem noverunt tales ægros ex liene la-
borare.: & constat ex symptomati-
bus, melancholia, tristitia, obstru-
ctione lienis, &c. illum acidum succum
ex intemperie lienis originem habere.
Et confirmandæ huic rei non leve argu-
mentum est, quod corpus hujusmodi
humorum copia abundans, à febre ta-
men immune maneat: & id omnibus
humoribus viriosis, qui à liene veniunt,
peculiare, quòd rarissime inflammen-
tur. His adde vina acidula magis fa-
mem excitare, quam dulcia: &c. *hac ite-
rum ibi.* Adversus quæ, sed committam cum
iis, quæ Helmontio in mentem vene-
runt, breviter subsequenter observen-
tur. 1. Splenem novisse rerum agendarum
scopum, ut dicere sustinuit Helmon-
tius si

tius si proprie intelligatur, quam dilu-
tum est. 2. Eodem referri debet, quod
addit *splenem* gaudere principatu ali-
quo: quem tamen eximi posse, incolu-
mi vita, non modo belluis, sed & ho-
minibus, adductis variis experimen-
tis Cl. Bartholinus Cent. 4. c. 51. pro-
bat. 3. Miror adeo audacter dici, *omnes*
medicos in id consentire, famem excitari ab
acido humore. Qui vel à limine Galenum
(quem plurimi hic ut ducem sequun-
tur) salutavit, ignorare non potest,
ab eo *libr. 1. de Sympt. caus. cap. 7.* famis
causam proximam statui suctionem ve-
narum, remotam exinanitionem ali-
menti. 4. Fateor, haut paucos ex recen-
tioribus Medicis, pro explicanda ra-
tione famis, advocare humorem quen-
dam acidum; sed, quod inter eos ip-
sos usque adeo non conveniat, de mo-
do juxta quem à tali humore procrea-
tur, cogitare licet illud, quod Ari-
stoteles l. 13. Metaph. de Pythagoræis
usurpat: *Quod ipsi (inquit) primi de nu-*
meris

meris discordant iuter se, signum est ipsas res, cum non sint verae, eis præbere confusionem. 5. Qui pro humore acido, simulque fermentante, adeo acriter digladiantur, licet destituti sint liquidis experimentis, non minus in corde & hepate, atque liene & ventriculo eundem collocant. 6. Miror amplius Auctorem Tract. de Liene, argumentari à statu præternaturali Lienis, ad naturalem. Dato *ἰανί*, Βύλιμον, seu caninam appetentiam referendam esse ad humorem acidum, qua consequentia licebit progredi ad appetitum, qui in homine sano notatur? 7. Cum in Lien (ut jam patuit) talis humor acidus non elaboretur, frustra sunt, qui eum evocant usque ad ventriculum, ut ibi ὄρεξις & famem excitet. 8. Viri hi decurrunt per Circulum (qui argumentandi modus est vitiosissimus) atque ad probandum quod ignotum est, assumunt aliud æque ignotum: mox clamatur prius notissimum esse, ut hoc, quod vicem argumen-

argumenti antea exhibebat, probare iterum possint. Ita secundum illos: Lien est succi acidi officina: siquidem hoc liquet ex appetitu, qui excitatur per acidum Lienis succum. Atque iterum, appetitus excitatur à succo acido, quia ille eum in finem à Liene præparatur. Miror hanc hominum audaciam, qui nullis liquidis experimentis instructi, & muniti audacibus duntaxat conjecturis, naturæ inaccessa arcana dictatorium in modum explicare sustinent: haud admodum absimiles Pelopi Galeni præceptoris. 9. Quicumque vero appetentiam accerunt ab hoc succo acido, rationem reddant, cur illi qui sani censentur, non semper ructus acidos edant, siquidem, ut vulgo quoque notum est, non solent arguere probam ventriculi constitutionem, sed acidam ipsius cruditatem. 10. Si à succo hoc acido advocari deberet ratio appetentiæ & famis, omnino in ventriculis recens maturationum animalium, succus acidus inveniri

veniri deberet: quum tamen aliud per experientiam edoceamur, prout supra quoque ostendimus. Unde vero hæc appetentia accersî debeat, non declarabimus in præsentia; quòd cum bono Deo hoc aliquando ubertim acturi simus in peculiari quodam Commentario de Fame & Siti, quandoquoque distinguente in rationem Famis Caninæ inquiremus. Sufficit nobis hac vice, Lienem liberaſſe molestissimo Fermentationis servitio.

C A P. X X V.

Quid existimari debeat de Fermentatione, qua circa Febrem se exhibet.

DEinde ad Febrem convertere nos debemus, circa quam Fermentationem occurrere, haud absque ratione forte aliquis suspicetur. Nam in hoc morbo revera offenditur *πλεονασμὸς θερμότητος νοσώδης*, abundantia caloris morbifici, ut loquitur Galen. l. 3. de Fract. cap. 8. unde quoque, nec sine causa

T à Græ-

434 Mart. Schoockius ,

à Græcis ὁ πυρελὸς dicitur , atque ab Hippocrate non uno in loco τὸ πῦρ. Est enim igneus morbus, atque instar ignis elementaris per calorem & siccitatem singulari ratione se quàm efficaciter manifestat in illis, quos corripuit. idem indicat nomen Latinum *Febris* : quod antiquis quoque Grammaticis Latinis testibus, à *ferveo* descendit: à *ferveo* enim seu *ferbeo* est *ferbis*, atque per transpositionem literarum *febris*. ad fervorem hujus morbi alludit Virgilius l. 3. Georg.

*Cum furit , atque artus depascitur arida
febris ,*

Profuit incensos æstus avertere.

Item Seneca Thyeste :

———— *flagrat incensum siti* ————

*Cor, & perustis flamma visceribus mi-
cat.* ————

An vero febrilis æstus, cum quadam fermentatione, è corde ebulliat, merito inquiras: item, an talis effervescentia haberi debeat genuina fermentatio?

tatio? Accuratissimus D. Willis, ut secundum sua principia Chymica, Doctrinam de Fermentatione laboravit explicare; ita pariter quoque ad sua principia ipsam Febrem exegit: quem si audias certum statui debuerit, sanguinem in febre immaniter ebullire, & impetum facere, quod de cruore affecto, eodemque in vasis effervente, ac velut in furorem actō unusquisque (rudis & imperitus licet) febricitans queratur. atque ut Febris ab eodem cap. 3. de Febribus describitur, quod sit motus inordinatus sanguinis, ejusque nimia effervescentia, cum calore, & siti, aliisque præterea symptomatis, quibus œconomia naturalis varie turbatur. Ita, ut loquitur cap. superiori, sive secundo pag. 115. Consimili modo (licet prorsus non eodem) quo vina effervescent, ebullitio sanguinis inducitur; nimirum vel quid extraneum, & minime congener cruori permiscetur, quod, cum non assimilatur, perturbationem & effervescentiam inferre solet, do-

nec heterogeneousum illud aut subigatur, aut foras eliminetur; & particulæ sanguinis confusæ & perturbatæ, denuo extricentur, ac priorem in mixtione reperant positionem & situm. Vel secundo sanguis præter modum effervesceat, quia principium quoddam seu elementum ejus constitutivum (scilicet *spiritus* aut *sulphur*) ultra temperiem naturalem evehitur, atque efferatum evadit; quo nimirum hujus aut illius particulæ non congeneres cæteris, à mixtione solvuntur; solutæ plus debito impetum faciunt, sanguinis liquorem exagitant, & effervescentiam pariunt, quæ minime sedatur, donec sanguis velut inflammatus diuturno febris incendio deflagaverit. &c. Restat adhuc tertius præternaturalis effervescentiæ modus, in quo sanguis alterationem subit, quæ minime vino, sæpissime autem lacti contingit; nimirum aliquando à causâ morbifica ejus liquoris coagulatio inducitur, ita ut substantia il-

lius fun-

lius fundatur ; ac in partes secedat ,
fiatque crassi & terrestris à tenui secre-
tio ; cujus ratione , cruor minus ido-
neè in vasis circulatur, quin portiones
ejus gelatæ , in extremis defigi , aut
in corde stagnare aptæ , motum æqua-
bilem interrumpunt , aut graviter im-
pediunt : cujus restaurandæ gratia ef-
fervescentiæ solito majores in sanguine
conciuntur ; quales nimirum in pleu-
ritide , peste , variolis , & morbis ve-
nenatis passim occurrunt. *Hæc D. Willis.*
Oblervari velim , quàm circumspecte
loquatur D. Willis ; quamvis prolixè
antea exposuisset naturam Fermenta-
tionis , abstinere tamen hac voce , quan-
do de Febribus accurate vult loqui : licet
enim in sanguine naturalem aliquam
Fermentationem putet admittendam
esse ; (illam supra expendimus) præ-
ternaturalem tamen illam haberi vult ,
quæ in Febri debeat attendi. Con-
significantissima sunt sequentia verba
pag. 115. occurrence. *Explicative* (in-
quit)

quit) aliquanto agamus de præternaturali, seu effervescencia nimia, è qua februm typi, & paroxysmi dependent. Fermentationem nimiam seu præternaturalem dico, quando sanguis (instar olla super ignem ebullientis) ultra modum effervescit, & turgescencia spumosa rarefactus, vasa distendit; pulsum celeriores excitat, & velut liquor sulphureus incendio concepto, calorem adurentem quaquaversus diffundit. adeoque non est vel secundaria fermentatio, nedum primaria, & proprie sic dicta. Nam ne illam quidem in Febribus admittendam esse, hinc patet, quòd non contingat per hanc ebullitionem singularis ipsius corporis, quod fermentatur, mutatio: nec eo quoque vergat hæc effervescencia, quum notari solummodo possit in sanguine ebullitio, sive ζέσις; quare & Cl. Willis modo usus fuit similitudine olla, super ignem ebullientis. Fateor, alios viros egregios in hac doctrina uti quidem voce Fermentationis, sed improprie, atque

atque ita ut innuant se per eam aliud non intelligere, quam *effervescentiam*. Ex multis, qui ad suffragium vocari possent, sufficiat adduxisse Medicum Celeberrimum, Dn. Simonem Pauli, meritissimum Academię Hafniensis Professorem: qui in Commentario accurato & erudito de *Febribus malignis* descripturus Febrim, pag. 8. cum dixisset eam esse quandam ζύμωσιν, Fermentationem, aut ζέσιν, seu ebullitionem sanguinis; proxime τῇ παραρτίσει inserta hæc verba subjicit: *Nolo hic loci inter ea distinguere, licet aliqua differentia inter ea intercedat*: Innuendo clare, se non aliter voce fermentationis hic uti, atque quatenus illa coincidit, cum effervescentia. Quomodo & ipse Galenus l. 1. de Differ. Febr. c. 5. considerans Ephemeram in illa ζέσιν, seu ebullitionem sanguinis nobis exhibet. Nam in febre, quæ est morbus calidus, solummodo notari debet caloris excessus, proveniens non quidem ab ardore sulphuris,

440 *Mart. Schoockius* ,
ut post Paracelsum vellent Chymici ;
sed juxta communem Medicorum sen-
tentiam, ab effervescencia spirituum,
si fuerit *Ephmera* : Vel ab effervescen-
tia sanguinis, si sit *Synocha non purida* :
vel à sanguine putrescente, si sit *Syno-
cha purida* : vel à bile putrescente, si
Tertiana : vel putrescente *Melancho-
lia*, si *Quartana* : vel pituita putrescen-
te, si *Quotidiana* : vel ab insigni pu-
tredine totius massæ sanguineæ, cum
qualitate prava, & quasi venefica, si
maligna, aut *pestilens*. Qui febres sic-
cas quoque esse contendunt, mihi vi-
dentur nescire distinguere inter ipsum
febrim & consequens illius. Quamvis
enim omnis calor febrilis ad corporis
exsiccationem tendat & calori succitas
societur : siccitas tamen non est de
essentia Febris unde & Galenus, lib. 1.
de Diff. cent. I. Febr. cap. 3. & alibi ,
febrem solummodo per caloris abun-
dantiam, nulla facta mentione alterius
qualitatis, definivit : atque alicubi quo-
que ,

que, adducto ad hoc exemplo, ostendere laborat, calorem febrilem non semper cum siccitate, sed quandoque cum humiditate conjungi: ut v. c. si quis humidiori corporis constitutione præditus feбри corripiatur, is licet simul calida intemperie labore, non tamen protinus sicca simul afficietur, sed aliquantisper febrilis caliditas cum humiditate subsistet. Nec mihi videtur multum metuendum esse ab auctoritate Hippocratis, (aliàs & hic ipse homo fuit) quando ita sciscit Aphor. 16. sec. 1. *Victus humidus & liquidus non febricitantibus solum, sed & aliis, qui cibos solidiores conficere haud possunt, convenit.* Nam non curationis, sed præservationis gratia victum humidum febricitantibus præscribit; non ut morbus eo tollatur, sed, ut corpus in suo statu conservetur, simulque præmuniatur, ne in morbum siccum incidat: quod vel inde liquet, quia pueris, & iis, qui tali victu uti consueverunt, maxime utilem esse do-

cet. Frigidam vero febrim esse, multo minus putandum est. licet nomen, quod fert alicubi in Germania & Belgio, hoc quasi suadere videatur, maxime vero ingens horror, qui æstum præcedere solet. Horror enim ille affectus frigoris accidentarii est: quod contingit, quatenus cor opprimitur à vaporibus frigidis, qui prohibent distributionem caloris præternaturalis per corpus. Eoque febrim convenit duntaxat agnoscere calidam, & simul calidum morbum: non video enim quomodo potuerit Galenus in Comm. Aphor. 66. & 73. distinguere cum ratione inter febrem morbum & febrem symptoma: licet patiar quasdam febres vocari symptomaticas, (per similitudinem tamen magis, quàm vere) eò quòd sequantur aliarum partium affectus. Contingit vero hic morbus calidus ab effervescentia ipsius sanguinis: sanguine scil. tate considerato atque secundum omnes illas partes, quæ vulgo
in eo.

in eo notari solent : neque enim est quid
 homogeneous sanguis , sed respondet
 lacti , (ut memini me illam compara-
 tionem legere apud Galenum) quod
 licet appareat ut corpus simplex , ex
 triplici tamen substantia constat : sero-
 sa , butyrota , & caseosa . Unde vero
 contingat effervescente sanguinem varie
 inquirunt Medentium filii , quorum
 mellem cum non lubeat ingredi , ne di-
 vager à fermentatione , (quæ non de-
 bet cum effervescentia confundi) suf-
 fecerit mihi hoc loco exhibuisse illa ,
 quæ Cl. Hoffmannus habet in *Patholo-
 gia parva* , ubi cap. 10. ut agit de Cau-
 ssis Febris , ita illas distinguit in Exter-
 nas & Internas , atque de illis quidem
 ita loquitur : Quod ad externas , quæ eæ-
 dem remotæ sunt , & ἀεγρηταρχικῇ ,
 ita primo occurrit Motus , isque vel cor-
 poris , vel animi . Illius Labores facit ,
 sive quis studiose sibi illos imperet , suæ
 spontis alias : sive in vocatione sua qui-
 que cogatur obire . Hujus Affectus animi

vulgo dictos. *Labores* faciunt febres, cum quis in illo exercitio ita commovet sanguinem ut jam in corde effervescat sanguis, & læsio sequatur actionum. *Affectuum* quidam (v. g. ira) agunt eadem effervescentia : quidam (v. g. mæror) prævia concentratione : quidam forte aliter. 11. *Vicinia corporis calidi* : Ut si quis diutius sub sole agat, ad ignem, in stuphis nostris, in balneis. 111. *Vsus in cibo & potu aromatatum*, allii, porri, cæparum, &c. vinorum generosorum. 1V. *Στέγνωσις* dicta Græcis, *constipatio pororum cutis*, si-ve id fiat ob sordes, ab excrementis tertiæ concoctionis collectas, si-ve ab externo frigore, natatione in aquis frigidis, aut alioquin aluminosis. Tum enim prohibita insensibili dicta transpiratione, conculcatus intus calor effervescit, eo modo, quo dixi, v. *Putredo est*. De qua observandum est discrimen. Aut enim fit in inflammationibus, unde febres symptomatice vocatæ, quæ huc non fa-

non faciunt. In his enim dum pus fit, febris & dolor, 2. Aph. 47. Aut fit in habitudine sanitatis, cum sanguis gignitur vitiosus, qui, accedente calore externo, exardescit & facit *σύγκρουσις* potius, quàm *σύνψις*. Aut denique fit in febribus contagiosis, malignis, pestilentibus, in quibus est *σύνψις* propriè dicta. Quo loco monendum est, ut *σύγκρουσις* illa est in qualitatibus manifestis: ita *σύνψις* hæc est in occultis sive in tota substantia Gal. Quod ad internas, quæ eadem propinquæ sunt, & *πυρεντικές*, sunt illæ in sanguine vitioso. Si enim copia ille peccet, & Plethora oriatur, simpliciter dicta, Ephemeræ & Synochi sunt: sin qualitate & Plethora existat cum adjectione, biliosa, Melancholica, pituitosa, fiunt putridæ cæque benignæ. Ad cacochymiam ubi ventum est, atque oritur *διαφθορὰ καὶ σπασμὸς*, fiunt putrida maligna, pestilentesque. Atque hæc quidem loco dicto Clariss. Hoffmannus. quæ hætenus admitto, quod serviant.

446 *Mart. Schoockius,*
declaraudæ effervescentiæ in Febri oc-
currenti. cujus arcana nulli morta-
lium hætenus accessa, dum quidam
instituerunt explicare per Fermenta-
tionem, (quasi propriè sic dictam) osten-
derunt se neque intelligere rationem
Fermentationis, neque etiam Febris,
cum non possit notari vera Fermentatio,
sive ζύμωσις, sed duntaxat ζέσις; quæ con-
tinget, quotiescunque sanguis solito
magis (hoc est, quàm exigit tempe-
ries ipsius animalis) incaluerit: neque
enim hæc ζέσις, quam Latini efferves-
centiam vocant, definite, & quasi
formaliter (ut vulgo in Scholis loquun-
tur) exigi potest ad ea omnia, quæ
notari possunt in lebete, ferventem,
seu ebullientem aquam continente. So-
lito majorem calorem, adeo ut effe-
vescentiæ assimilari queat, per putre-
dinem humorum procurari posse, &
quidem per intervalla temporum, con-
venienti similitudine Galenus explica-
re instituit lib. 1. de Differ. Febr. c. 5.
ubi ita

ubi ita per interpretem loquitur: Quemadmodum aliquando in agro conspexi excrementa jumentorum, simul ac columbarum quædam, ex parte à Sole adeò vehementer calefacta, quod instar fummi multam evaporationem in sublime mittebant non parum mordacem, ac dolorificam, & si quis proximè accessisset, nares, oculosque lædentem. Ipsa etiam excrementa tangentibus adeò calida sentiebantur, ut qui longiori tempore, manus, & pedes admovisset, exurerentur. Non tamen continuò hujuscemodi casus perdurabat, sed in die qui sequebatur, quicquid superiori die ad summum fervoris pervenerat, refrigerabatur. Quod autem huic continuum erat, dum prima pars, quæ calorem conceperat, in summo esset fervore, ipsum interim paulatim succensum, mox priori se fervore remittente interim incalebat, atque effervescebat, & paulò post priori parte refrigerata, ipsum summum fervorem obtine-

obtinebat: hocque rursus defervescebat, dum pars continua paulatim succendebatur, quæ paulò post vehementius accensa ad summum fervoris perveniebat. Hic autem circuitus in unius ferè diei, ac noctis spatio peragebatur, adeò ut res quotidianæ febris, quam Græci amphimerinam appellant, propriissimum esset exemplum. Quod si duabus diebus, ac noctibus idem circuitus factus fuisset, tunc febris tertianæ eo modo fuisset exemplum: & si tribus, quartanæ: & quatuor quartanæ, siquidem & quintana febris existit. Ego enim nondum liquidò vidi, neque hujuscemodi circuitum, neque alium, qui ultra quatrIduanum protenderetur. *Hæc eo loco Galenus.* Quæ tamen similitudo, ut plerumque omnes aliæ similitudines, non incedit talo plane recto: Quum in febribus putridis, non compareat æque manifesta humorum corruptorum facies, atque in fimo columbino, aut in similibus animalium.

malium excrementis. Nec tamen putandum est, nullam omnino febrim à putredine originem trahere, quemadmodum quidam olim existimabant, teste Alexandro Tralliano lib. 12. c. 2. quum à natura humorum, speciatim (quod de febribus agamus) accumulatorum vel circa ventriculum, vel diaphragma, vel hepatis cavum, vel mesenterium, &c. alienum non sit posse putrescere, eo quod omni mixto conveniat, putrescere posse, si non totaliter, saltem ex parte. Atque hanc putredinem in febribus arguit sæpe ipse sanguis, per venæ sectionem eductus. In Observationibus proavi materni Martini Schipperii, qui per multos annos felicissime Ultrajecti Praxin Medicam exercuit, hæc occurrit lectu digna Historia: *Anno 1589. d. 12. Augusti vocatus fui ad ministrum stabuli Comitis Culenburgici, nomine Fredericum vanDalem, à tribus mensibus Quartana correptum: quòd videretur sanguinis plethora laborare, venam secari*

secari jussi: sanguis vero qui effluxit, nigricans, viscidus, & glutini non absimilis, adeo terrum exhalavit odorem, ut haut aque cloaca fatida media æstate. A venæ sectione febris capit remittere, atque adhibitis ordinariis remediis, semel atque iterum quoque Cathartico medicamento, decimo septimo die post, iterum pertusa fuit vena: atque sanguis satorem quidem exhalavit, sed minorem. Æger, quod alienior à medicamentis esset, jussus diætam commodam observare, Dei gratia feliciter paulatim convaluit. simile exemplum habet Dn. Simon Pauli in Comm. de Febr. Malign. pag. 13. nec tamen putandum est in febribus, quæ vocantur putridæ, sanguinem usque adeo corrumpi, ut reddatur verminosus, quemadmodum persuasum vellet vir alias πολυμαθής ατ. Athanasius Kircherus Scrutin. de Peste parte 2. pag. 240 ubi non dubitat profiteri, se observasse sanguinem per venæ sectionem febricitantibus subductum, una aut altera hora post emissionem, plenum vermibus:

vermibus: detegente scil. illos microscopio: quod ut res exiles facit grandescere, ita grandior species, juxta quam visui sese res minutæ exhibent, sæpe juxta analogiam duntaxat explicanda est. adeoque, mox non debent haberi vermes, quæ interveniente vitreo instrumento, illorum faciem referre videntur. Interim non utique adeo sum incredulus, ut fidem derogem illis, qui subinde vena lecta una cum sanguine prorupisse vermes perhibuerunt: (videatur Borelius Cent. 3. Obser. 4.) sed, ut hoc referri debet ad raro contingentia; ita non est putandum, febricitantium sanguinem totum ordinario vermibus scatere. Eadem enim ratione posses concludere omnes febres originem suam trahere à vermibus, eò quod anno 1659. observatum tale quid Hafniæ in Dania fuerit, teste Excellentissimo Bartholino Obser. Cent. 6. Hist. 29. Sed, redeundo ad humores, à quibus intermittentes proveniunt febres, eos
contin-

contingit potissimum putrescere, quando prohibetur calidi effluvii vaporumque fuliginosorum transpiratio: quo facit similitudo modo è Galeno adducta. Nam ut dicit Celeberrimus Sennertus libr. 2. *de Febr. cap. 1.* Licet vapores & fuligines à materia putrescente eleventur: si tamen sufficienter discutiantur, febris non excitatur. Potestque hujus rei exemplum suppeditare fimus & stercora animalium. Fimus si in aëre, à quo ventiletur, jaceat, putrescit: sed sine calore notabili. Si verò cumulatus jaceat, neque ab aëre ventiletur, & fuligines illæ exhalantes concludantur, non solum incalescit vehementer, sed nonnunquam flammam concipit &c. Testanturque id multa, quæ in febribus accidunt. Quæ enim corpora facile sunt transpirabilia, non facile febribus corripuntur, & contra. Et in febrium principiis sudare ægri non possunt, & quam primum sudant, paroxysmus desinit, & sana-

& sanationis spes adest. Et causæ recidivarum pene omnes à prohibita insensibili transpiratione dependent. *Hætenus Sennertus.* Unde vero proveniat intermissio in febribus putridis, maxime unde pendeat definitus earundem recursus, omni tempore quàm controversum fuit. Vulgo creditur, singulos humores suas habere periodos, & pituitam singulis, bilem alternis, melancholiam quarto quolibet die moveri: quâ opinione quanquam nullam perniciosiorem in Medicina receptam fuisse pronunciat Simon Simonius cap. 5. *Synops. de humor. feb. statuendo* quemlibet humorem moveri subinde quocunque tempore, vel celerius, vel tardius, vel frequentius, vel rarius pro variis occasionibus posse: & proinde posse quoque ab uno humore plures typos, quotidianos, tertianos, quartanos, & si qui sunt alii, oriri. Veruntamen esse singulorum humorum certas periodos, ipsa experienciâ comprobari vi-

454 *Mart Schoockius,*
bati videtur : in primis in Epidemiis
constitutionibus, ubi ab una causa ge-
niti humores ejusdem generis, nunc
tertianæ, nunc quartanæ typum ob-
servant, & quidem adeo exacte, ut
vidantur certare velle cum horolo-
giis: nisi forte (ut Medici me docue-
runt) aliunde proveniat perversio or-
dinis periodorum, id quod in bile ob-
servare est, quæ frequenter in humo-
rem atrum degenerat: unde & sæpissi-
me, Tertianæ Autumnum attingentes,
in Quartanas mutantur: quo pertinet
illud Juvenalis Sat. 4

*Ne pereat, jam letifero cedente pruinis
Autumno; jam quartanam speranti-
bus agris.*

Altioris vero est indaginis, unde pro-
veniat hæc Februm periodicus recur-
sus. Quæ quæstio quanquam videri
posset ab instituto meo aliena esse; quod
tamen ad eam advocari consuevit Fer-
mentario ad hanc est exigenda. Apud
Ἰσὶ πάλιν Sennertum l. d. c. 2. sequentia of-
fendas,

fendas, *Ad febrem* (inquit) *generandam* sufficit, si in partem aliquam vitiosa constitutio humores pravos generans, bonosque corrumpens inducta sit, aut inquinamentum, vel causa humores corrumpens in corpus inciderit. Habet enim postea talis vitiosa dispositio, seu $\mu\acute{\iota}\alpha\sigma\mu\alpha$ tale, se instar fermenti, & subinde plures vitiosos humores generat, bonosque corrumpit; sicut à parva fermentum quantitate totam massam alterari videmus. Adducit quidem Fermentum, ut illustrare illud possit, quod intendit: non tamen in Febris veram & genuinam Fermentationem agnoscit: prout, factum fuit à Cl. Corn. ab Hoggel. in *Oeconomia Animalis*, ubi p. 28. ejusmodi Febris definitio proponitur: Sanguini inbarentis materiae viscosioris vel crudioris, majoribus durioribusque constantis particulis (plerumque vel ratione constitutionis aëris, vel passionum animæ, vel cibi potusve, &c. orta) mediantibus internarum partium & sanguinis mutuis actionibus vel motibus, velociorique ejusdem circulatione,

tionē, FERMENTATIO. & cum intensiore ac per universum corpus disperso calore, attenuatio seu consumptio. atque, ne quis dubitet de ratione hujusce fermentationis, utitur simili, nobis quidem quam familiari, sed quod tamen per se ne utiquam sufficit confirmandę veritati quam astruere intendit. Nam, ut prælupponit ad febrem requiri sanguinem, qui acquisiverit formam crudiorē, vel viscidiorē, ita pag. 212. & seq. porro loquitur: Hac durante vel persistente contingit, ut (dum sanguis ratione viscositatis suę, vel duriorum aut majuscularum particularum, median-
tibus consuetis fermentationibus motuque circulari in spirituum generationem præparari potest) ipsi sanguini in-
hærenti materię crudiori, mediantibus ejusdem fermentationibus & motu, motus quidam fermentaceus, à naturali & desiderato diversus, imprimatur. Cujus fermentationis ratione, dum tota sanguinis massa quodammodo pro

do pro isto tempore inspissarur (Neque eodem forte modo quo mixturam ex farina frumenti saracenici, belgice *Boeckweyt*, & aqua compositam, atque in coctionem liborum, in sartagine vel lamina ferrea perficiendam, præparatam, fermentando inspissari videmus) ac proinde consueta ac desiderata spirituum generatio impeditur vel minuitur; sic ut grossiores quidam fumi, debito paucioribus istis, qui etiam tum generantur, spiritibus permixti, in nervos impingentes, speciem quandam convulsionis per universum corpus, una cum frigore & horrore inducant, eadem ratione, qua idem non raro in ira, metu, frigore vehementiore, nec non quodammodo in particulis cordis disiectis, contingere, manifeste & quasi ad oculum notamus. Quam fermentationem, tanquam incepti motus continuationem & augmentationem, motus quidam velocior incendioque analogus, excipere solet;

uti non solum calor per universum corpus dispersus, verum etiam consumptio materiæ, sed minus crudæ indicat, &c. *Hactenus D. Hogelande:* quod mentio fiat liborum confectorum ex frumento Saracenico, vel fagopyro; existimare aliquis posset, adeo liquido naturam febris, & rationem intermissionis, velut suffaminatæ fermentationis ob oculos sibi positum iri, atque pueris nostris nota sunt liba ex dicto frumenti genere confici solita. Sed hæc ipsa, nitentia licet Hypothesibus audacter assumptis, adeo intricate & juxta tam multas *παραδίσεις* proponuntur, ut Oedipo opus sit: atque tibi videre audire Helmontium, qui audet tutari hanc Thesin, innoxium in Febrî non minus esse sanguinem, quam cor, adeoque juxta Dictaturam, (quam sibi arrogavit in Medicina non minus absque propuli suffragio, quam Auctoritate Senatus Medentium) de Febrîum sede, seu Foco, ita philosophatur lib. de Febrîb.

brib. cap. 10. §. 5. *Nidus Februm in primis est officinis: extenditur scil. à Pyloro per Duodenum & vasa ibidem multiplicia, Intestina, item venas Mesenterii, Lienem, usque ad Hepar. Proximiores autem ori ventriculi, sunt eo molestiores, suisque auxietatibus magis formidanda. quæ ut hominis (ut ut arrogantis, & præ se non putantis alium hominem) singularem produnt imperitiam, quod nesciverit distinguere inter causam remotam & occasionalem, eamque, quæ proxima, & continens agnosci debet; ita æque audacter Fermentationi in solidum Febris accepta refertur. Nam ut certum est, in Febris intermittentibus occurrere quam putredinem, ita primo (supra hoc quoque ostensum fuit) inficiari non licet, ea, quæ putria sunt, ad Fermentationem non habere dispositionem. Secundo non potest obtingere Fermentatio nisi adsit aliquid spirituosum, quod agitatum simul moveat humidum. At in sanguine inspissato, crudo, &*

do, & incrassato (hoc præsupponit D. Hogelande) minimum est spiritus : imo occurrunt illa, per quæ Fermentatio magis præpediri, quam promoveri queat. *Tertio*, quicquid etiam fingatur, nulla Fermentatio in corpore ad Fermentationem recipiendam idoneo quoque, statas suas vices observat. Nam cum contingat eam (vel sola Cerveisia, si de ea consulantur coctores, seu Zytheptsæ, indicium facere potest) levissimo momento impediri, ubi studio & artificialiter quoque procuratur ; multo magis hoc continget (absit alias, ut ex re artificiali Naturæ opus agnosci velim !) quando incommoda, agnoscenda velut obstacula, tumultuario aggregantur. *Quarto*, totus hic discursus è falsa Hypothesi procedit. Siquidem præsupponitur (antea hoc refutavimus) sanguinem, quando à corde toti corpori communicatur, & per circulationem partim in statu suo conservatur, partim depurgatur, continua gaudere Fer-

dere Fermentatione. quod, cum nunquam probatum adhuc sit, frustra velut principium accipitur. *Quinto*, si, quæ de Fermentatione dicta sunt supra, diligenter attendantur; patebit æque frustra eam advocari, atque præter illam fingitur motus velocior, qui calorem distribuat. Nam admissis his, Febris potius deficienda fuerit per hunc *Calorem*, quàm per *Fermentationem*; hæc enim habuerit se duntaxat dispositive ad calorem, in Febri ut morbo calido, singulariter considerandum. Edatur vero causa, quomodo aut Fermentatio cum hoc succedaneo calore possit consistere; (calor si nimius fuerit, Fermentatio nequidem in panificio procedit) aut, quòd sanguis crudior & viscosior tam sit dispositus ad admittendam Fermentationem, quàm calorem summum. *Sexto* inconvenienter advocatur frumenti Saracenici, sive Fagopyri farina subacta: addi debuisset, illi consuevisse (ancillis in culina quoque

notum est) immisceri fæces cervisiæ, quæ sic fermentationem procurant, ut massa farinacea reddatur ratiior, & intumescat: Cujus pars à reliqua massa separata simul ac sartagini, foco superpositæ imponitur, concidit, eò quòd cum calore vehementiori non possit Fermentatio subsistere, spiritu, qui Fermentationem procurat, nimis quam attenuato. Adeoque, hic fuerit potius fingenda (si simile posset subsistere) spirituum dissipatio, quam derivatio, vel præpeditio. Quæ omnia si expendantur, patebit hic locum non esse Fermentationi, sed potius effervescentiæ, quæ neutiquam cum Fermentatione, aut primaria aut secundaria confundi debet. In febribus omnibus contingit per causas supra enumeratas, calorem sanguinis intendi, non tamen æstus ille, sive fervercentia, quam Græci ζέων vocant, est fermentatio. Cui vero placuerit termino Fermentationis abuti, eumque confundere cum effervescentia.

vescentia, seu ζέσις, lubens patior ut suo fruatur iudicio, atque, si idem cæteroquin statuit, quòd nos, de voce non admodum contendemus. Interina certum, veteres abstinuisse voce Fermentationis, atque, quando de Febre loquebantur, libentius usos fuisse aut voce Latina Fervoris, aut Græca ζέσις. Lucret. lib. 6. de Rer. Nat.

*Num quis enim nostrum miratur, si quis
in artus*

*Accepit calido febrim fervore coortam,
Aut alium quemvis morbi per membra
dolorem?*

& paulo post:

*At cum membra hominis percepit fervida
febris.*

atque elegantissime Q. Smyrnæus Calaber lib. 10. Febris faciem exhibet, quando dicit: πρὸς ζέσιν χαλὴ φλέγαι: Undique effervescens bilis inflammat. Nam ut dicit Vetus Poëta lib. 2. Anthol. de Febri: Ὁ λοῦ δάκρυμα πυρὶς. Est perniciosi incendium ignis. Cui consonat illud

464 *Mart. Schoockius,*

Homericum Il. X. ἡ δὲ φέρει πολλὸν πυρε-
τὸν δειλοῖσι βροτοῖς. *Afferitque ignium fe-*
bris ardorem miseris mortalibus. Fervorem
febris à bile originem trahere, autum-
at jam nominatus Lucr. libr. 4.

Quippe, ubi cui febris bili superante co-
orta est,

Aut alia ratione aliqua est vis excita
morbi,

Perturbatur ibi totum jam corpus.

quæ & Hippocratis videtur sententia
fuisse: non quod excluderet alios humo-
res, sed quòd putaverit inchoantis ar-
doris causam esse bilem, cæteros hu-
mores duntaxat adiutores. Aliàs bi-
lem & pituitam febris causas esse statuit
idem Hippocrat. lib. 1. de Morb. & de af-
fect. de loc. in hom. quam sententiam re-
cepit maximus Hippocratis admirator
Prosper Martianus, potissimum Annot.
super lib. de Nat. Hum. pag. 23. & ali-
quot seqq. ac fortasse verum est, à bile
partim exardescente, partim putrescen-
te, ut plerimum simplic es febres pro-
venire :

venire : quanquam pituitam & melancholiam per omnia non fas est excludere : licet nunquam citra putredinem febrem procurent, cum bilis & simplici exardescencia eandem efficiat. Multa de Febri dicenda & examinanda adhuc essent, si Fermentationis consideratio nos non revocaret ad lineas. ut tandem à Febri ad alia accedam, videtur Febris definitio ab Erasistrato excogitata adferenda esse, quæ teste Pinitarcho l. 5. de Placit. Philos. c. 29. hæc fuerit : *Febris motio est sanguinis illapsi in pulmonis vasa, non proficiscens à nostra voluntate. Sicut enim mare nemine commovente quiescit, vento autem contra naturam incidente violento totum exagitatur, inque circulos torquetur : sic & in corpore ubi commotus fuerit sanguis, incidit in vasa spiritui destinata, ibique excandescens calorem toti corpori adfert.* Quæ ut hætenus suo loco relinquo, ita de Febribus paulo aliter Plato Philolophatur, cujus verba in Timæo occurrentia, ita reddita sunt ab

Interprete : Quando igitur corpus ignis potissimum excessu (ἐν πλεονέκτι ὑπερβολῇ) languet, continua febre laborat : quando verò aëris, Quotidiana discreta. Aqua Terriana, propterea quod aqua segnior est, quam ignis & aër. Terra siquidem omnium tardissima, quarto gradu cum sit, temporis circuitu quarto fervet, defervetque, hinc Quartanas invehit febres ; quarum reversione & motu quid potest esse constantius. Quivis facile videt, Academiae Principem paulo latius nomina Elementorum extendere : quæ hic accipienda sunt non formaliter, & quatenus Elementa, velut corpora simplicia considerari solent ; sed Synecdochice, quatenus per illa intelligi debent humores ipsi, ad unum ex Elementis propius, quàm ad alterum accedentes. quæ loquendi tamen ratio probari magis debet, quàm obscura Chymicorum, pro explicanda Febrium natura sollicitantium suum sulphur & sal. Circa quorum definitionem cum inter omnes non conveniat, su-

niat, superfluum esse existimo, examini eorundem vacare.

CAP. XXVI.

Qualis Fermentatio in Variolis, Morbillis, & Febris Petechialibus admitti debeat.

QUum circa morbillos, variolas, & Febres, Petechiales dictas (distinctæ hæ à præcedentibus Febris, de quibus superiori capite actum fuit, considerari debent) Fermentatio quædam occurrere videatur, proxime ad illas nos convertimus. Quod autem ad Variolas & Morbillos, dubium est, an Veteres quoque cognoverint. Negat illud Mercurialis l. 1. de Morb. puer. c. 2. Miror (inquit) Fernelium doctissimum, quod sine ulla auctoritate, sine ullo testimonio dixerit ex anthemata *ἐνδύματα* apud Græcos medicos diversa esse, & consequenter sub his veteres variolas & morbillos docuisse, quandoquidem omni studio hanc rem investigavi, nec potui invenire ullam insignem differentiam

inter has duas voces apud Græcos medicos, quemadmodum multum abest, ut ex anthematibus ullus autor tribuerit ea, quæ conveniunt variolis & morbillis. ὁ πάλιν tamen Salmasius ex Aëtio & Valente, alia ratione probare annititur, hocce morbos veteres agnovisse lib. de Ann. Climat. pag. 726. Hanc controversiam nostram facere nolumus, quod parum ad institutum nostrum faciat. An morbus hic inter omnes gentes grassetur, & ἐν ᾧμι & universaliter haberi debeat, liquido quoque affirmari non potest. Si non fallat Nardius libr. 7. Noct. Genial. Hispani ab Indis acceperint lueni Veneream, ac vicissim ἀντιστρέφον loco, iis communicarint Variolas & Morbillos. Ita enim apud ipsum lego pag. 457. Nondum (inquit) experta fuerat felicissima regio Variolas aut Morbillos; contigit verd, ut Maurus in classe Ferdinandi Cortesii Variolis tentaretur, cui in tentoriis jacenti quum assiderent officiosi Indi, rapin labem contraxere novam, & suis com-
municarunt

municarunt contribulibus, ex qua occubuerunt
brevi supra centum mortalium millia. Con-
stans praterea fama est, Cubam & adja-
centes Insulas debacchantibus Variolis, in so-
litudinem penè fuisse redactas. Quo vero
constare queat, quæ & qualis hic ob-
servari possit Fermentatio: tum Va-
riolarum tum Morbillorum brevis quæ-
dam delineatio antea proponenda est:
quam lubet commodato accipere à Ce-
leberrimo Riolano, apud quem lib. de
Circul. Sang. cap. 20. pag. 86 ita lego:
Cum (inquit) Variola, & Rubiola, sint
morbose secretiores, vaporosæ vel humidae,
in habitum corporis expulsa, cutim afficien-
tes, secernuntur calore febris, vel robore
naturæ. Ex duplici substantia partium du-
plex materia expuitur, per quandam dissum-
tionem, quod ex vaporosa substantia, sive
sui modo primigenio, sive humido radicato
partibus insito, secernitur per modum exhal-
ationis, est spiritiuosa, vel fumosa materia, quæ
rubiola facit: quod ex solida partium sub-
stantia segregatur, humor est & Variola
V 7 procreat:

procreat: Utraque materia eodem modo initio efflorescit, ac prorumpit, prurigine & asperitate cutim afficit. Sed Rubiola duntaxat maculis cutim afficit, Variola postulis fadat. Certissimum autem est originem ducere hunc morbum à corrupto sanguine: nec tamen hæc corruptio accersenda est usque ab utero materno, quasi scilicet menstrui sanguinis malignitas delitescere possit in corporibus humanis, aliquot annis postquam homo natus fuerit, eaque cum variolis ebullire debeat. Cum certum sit, eum sanguinem usque adeo noxium non esse, quam vulgò persuasum, multique immunes ab his Exanthematis per omnem ætatem, ad extremam senectutem perveniant. Quid quod mulieribus, quoties menses earum suppressi essent, periculum à fædo hoc morbo imminere deberet. Adeoque Salmasius lib. d. haud absque causa iis obloquitur, qui ab hoc profundo usque voluerint hæc maculas accersere. Interim Arabum sententia admo-

admodum arrisit plerisque, nominatim Ranchino l. de Mor. puer. sec. 2. c. 1. Ali-
ter vero de causa horum Exanthema-
tum philosophatur Gallicorum Medico-
rum ocellus Fernelius l. 2. de Abd. rer.
causs. c. 12. ubi hæc lego: Hæc mala (*in-
quit*) ex communi quadam causa toti
aëri conspersa originem habere, lucu-
lenter demonstrant, quòd non solum
fervidiore cœlo, sed & hyeme inter-
dum grassantur. Quod annos complu-
res sileant, & certis annorum inter-
vallis sæviant in plebem, alias quidem
seorsum exanthemata, ut gravissimè
anno millesimo quingentesimo trigesi-
mo sexto: alias ecchymata sola, ut
anno millesimo quingentesimo quadra-
gesimo secundo. Quæ qui videt, quo-
modo causam illam superiorem non
intelligat ac judicet in mundo grassari?
Ut igitur carbunculus & pestilens bu-
bo, ita sane exanthemata & ecchyma-
ta causam habent è sublimi: at ea pecu-
liari quadam malignitatis specie aërem
contami-

contaminat. Aliaque in his existit, quam in carbunculo, vel in bubone, & alia in exanthemate, quàm in ecthymate, & horum quam illorum minor est ferocitas. Causa autem cur infantibus & pueris magis familiaria hæc sint, reddi potest, quod firmior ætas & adultior, tantulis malis non lacescit, nisi quum fortè constitutio gravior invaluerit. Hæc autem rursum ex ipsorum morborum descriptione & figura consideremus. In cute si quidem efflorescunt, non ex ambientis contactu, sed ex inspiratu, quo ut cor afflatum delibutumque fuerit, ipso statim initio universum corpus, maximè verò caput ingravescit, hoc etiam plerumque dolore concutitur, oculi tument & illachrymantur, facies quasi inflammata rubescit, vox raucescit, spiritus crebrior ac difficilior evadit, pulsus frequens ac celer febris nuntius. Malo dein ingravescente, venenum ex humoribus die tertio aut quarto foras profilit, & in cute efflorescens mali

mali speciem detegit. Ec̃thymata pustulis multis toto corpore confertim albo colore extuberant, quæ pituitæ & bilis permissionem præ se ferunt. Exanthemata verò quasi pulicum maculis ferè rubra apparent, interdum purpurea, interdum viridia aut nigra. Tandem compresso furore, soluta alvus, humorum, qui contaminati fuerunt, reliquias crisi expurgat. *Hactenus Fernellius. D. Willis libr. de Febr. cap. 15.* non dubitat docere, omnes homines per se, & quidem à prima origine ita seu Variolis, seu Morbillis obnoxios esse, ut si forte quispiam in tota vita immunis degerit, aut alius in hos affectus sæpius inciderit, sint hæc rara & inusitata naturæ eventa, quæ communi observationi minime derogant. quòd tamen mihi haut verisimile est. Fundamentum, quo vir doctus nititur, est illud generale: quòd omnes scil. homines circumferant reliquias corrupti sanguinis menstrui, quæ sæpe se sero admodum prodant, & in
homini-

hominibus jam adultis ; quasi tum demum maturuerint, ut se commovere, & sanguinis ebullitionem procurare poterint. Sed, contingit sæpe eos quoque variolis corripi, qui antea sæpe variis morbis, speciatim febribus laboraverunt : an ergo putandum, ne sic quidem potuisse expurgari has reliquias materni sanguinis ? Quicquid aliis quoque videatur, mihi nunquam arridere potuit communis hæc sententia. Sed potius *primo* originem hujus mali accersiverim à contagio, & simul maligna quadam causa toti aëri communicata, prout recte mihi hoc exposuisse videtur incomparabilis Fernelius. *Secundo* ab illis causis, quæ aptæ sunt sanguinem insigniter perturbare, nam si credamus Dn. Willis : ipse novit quosdam à *crapula*, aut *exercitio immodico*, in hunc morbum incidisse, cum præterea circum circa nemo in tota regione agrotaret. *Tertio* ad causas remotas externas referri quoque debent cibi corrupti, item cibi calidi

calidi humidi , fructus horarii , mustum , ficus recentes , balnea , & similia. Quemadmodum quarto ad causam remotam internam , constitutio corporis nimis calida & humida , plenitudo , cacochymia , calidæ expirationis ex obstructione & constipatione retentio. Interna causa adjuvans est ebullitio sanguinis in toto corpore , dum sanguis instar musti ebullientis fermentari incipit , per quam ebullitionem & commotionem impurum à puro , & bonus sanguis à malo separatur ; ut loquitur Horstius. Quale hoc fermentum sit , loco dicto his verbis D. Willis exponit: Miasma (inquit) variolarum , habet se uti fermentum sed corruptivum , & sanguinem , non versus perfectionem , sed depravationem effervescenti cogit ; cum enim venenatæ hujus miasmatis particulæ subjecto capaci impinguntur , alia statim corpuscula sibi ipsis similia , & nobis connata exuscitant , quibus associatæ totam pervadunt sanguinis massam ,
eamque

eamque insigniter turgescere & ebullire, ac post aliqualem effervescentiam in partes secedere, ac coagulari faciunt: scilicet dispersa veneni semina cruoris mixtionem solvunt, spiritus puriores statim profligant: dein crassiores ejus particulas sibi consciscunt, & adhæsu suo velut congelatas reddunt: portiones ita coagulatae, una cum impuris veneni seminibus, à reliquo sanguine in circuitu ejus, inter vasorum extremitates derelictæ, cuti affiguntur: quo pacto si natura satis robusta, cum gelato sanguine totum virus eliminavit, reliqua cruoris massa licet pauperior facta, utcunque salubris & vitæ prorogandæ habilis existit: sin cruor nimium coagulatus, hoc modo depurari nequit; vel si portiones sanguinis cum veneno coalescentes, non plene erumpunt, aut denuo intus restagnant, & sanguinis liquorem penitus corrumpunt, aut etiam visceribus, & imprimis cordi affixæ, eorum Crasin ac robur de-

bur destruunt. *Hac eo loco Willis.* Quæ
quanquam ingeniosa videntur, non ta-
men per omnia mihi arridere possunt.
Atque initio quidem Auctor juxta sua
principia præsupponit, hic in corpore
ἡ μικροκόσμος notari quasi debere du-
plicem fermentationem, quarum una
quasi ordinaria, tendat ad perfectio-
nem, altera vero actiones lædat. per
priorem ut potissimum intelligere de-
bet, suis si principiis inhærere volue-
rit, eam, quæ sanguificationi inservit,
ita in superioribus, speciatim cap. 17.
sufficientissime exterminasse videmur.
Ego quidem, inhærendo lineamentis
antea ductis, non putarim animalibus
(si opus generationis excipias) fer-
mentationem obvenire, nisi ex acci-
denti; per quam si juvetur natura, prius
eam lædi contingat. Nam fermenta-
tionis motus ut vehemens est, re-
spondens ebullitioni, ita non contin-
git, quin partium in corpore, quod
fermentatur, violenta quasi distractio
notetur:

notetur: atque ut ei adest intumescencia & dilatatio spirituosae partium, quæ deducuntur, si non distrahuntur; ita quoque fieri aliter non potest, quin hac ratione actiones ipsius animalis insigniter lædantur. D. Willis attendens Variolas, circa quas jam occupamur, quando, inquit, diathesis latens in actum erumpit, primo se paulatim diffundit, & sanguinis massam fermento inspirat: hinc ebullitio & effervescentia in toto corpore producuntur, vasa distenduntur, viscera irritantur, membranae vellicantur, donec contagii semina sanguinem fundendo, & coagulando, tandem congelatis ejus portionibus obvoluta, foras protruduntur. Quum vero, juxta illa, quæ ex Fernelio proposuimus, causa Variolarum potissimum à malignitate quadam pendeat, aëri communicata, spiritum quoque malignum, attractum respirando, sanguini misceri, illumque ab eo corrumpi citra putredinem tamen (siquidem illius non potest indicium evidens colligi ex uri-

ex urinis) certum est. Nec dubium est (ut Willis statuit) quin spiritus ille initio piger compareat, & qua si in massa sanguinis coaguletur. Donec excitetur ad motum humido procurandum, sive à calore externo, sive à calore interno, sive etiam ab utroque. Qui existimant seminium Variolarum inquirendum esse in sanguinis menstrui reliquiis, rationem reddituri, cur potissimum æstate & autumno morbus hic grassetur & sæviat, dicunt calore, maxime, quando Syrius urit, evocari hereditarium quasi *πύλασμα*. Nos longe convenientius dixerimus, externum aëris calorem, spiritum exuscitare debere, quo humidum commoveat, ut se liberet ab iis, quæ noxia sunt. Patet hoc ex modo curationis, juxta quem convenit ad exteriores partes, qua varicellas, qua Morbillos provocari. Nam, ut utar iterum verbis Horstii ex App. libr. 1. part. 2. necessum est, ut *patientes ab exteriori aëre sibi caveant, potissimum si frigi-*

*si frigidus fuerit, siquidem Natura e-
 ratione in expulsiōe Variolarum & morbillo-
 rum impediretur. Quare hypocausta semper
 calefieri debent, ita tamen, ne per nimium
 calorem vires debilitentur, quod ex angu-
 stia pectoris inde promanante, & incipiente
 lipothymia facile colligendum. Per calorem
 ab extrinseco contingit spiritum ma-
 lignum, sanguini antea magis pigro &
 quasi congelato inexistente primitus
 dissolvi, & dein quoque agitari: qui
 agitatus dein fermentando, concitat
 humidum, partes excrementitias illi
 ut existentes, excernendo. in subsidium
 hic quoque venit calor internus, licet
 sæpe præternaturalis. supra innuebat
 Riolanus hæc ἐξανθήματα secerni quo-
 que calore febris. Non quasi hoc semper
 contingat, ita, ut Variolæ & Morbil-
 li prorumpere non possint, nisi adsit
 febris: sed, quod si adfuerit febris,
 contingat sæpe eruptionem hanc fa-
 cilitari atque promoveri. Quum enim
 sanguine ita per malignum spiritum
 compres-*

compresso, & quasi coagulato (si modo ita loqui fas fuerit) contingat calorem ejusdem intendi, febris continua (sunt verba ejusdem Horstii) simul exurgit, quoniam ille astus sanguinis etiam cordi praternaturaliter communicatur. febrim hanc describit D. Willis, quod sit incerta & vaga, modo intensa, modo remissior, nullam observans incrementi aut decrementi rationem, adeo ut agri nunc summe incalescant, mox sine causa evidenti & πρῶτος degant. rationem dein adfert principiis suis consentaneam. putem vero hanc esse, quod spiritus malignus modo magis, modo minus in materia obrutus delitescat, adeoque ex accidenti modo magis modo minus contingat sanguinem effervesce, usquedum (usurpo verba D. Willis) incendio latius serpente, flamma ubique erumpit. quod accidit, simul ac perspiratum, jam turgentem, contingit bullire vitiosum sanguinem, usque adeo, ut ille attenuatus sufficienter prorumpat per cutis po-

X

ros, si-

ros, five in Variolarum, five in Morbillorum speciem. Interest siquidem inter hæc duo: Si enim impuritates (iterum lubet usurpare verba Horstii) copiosiores & crassioris substantiæ reperiuntur, exoriuntur inde Variolæ: si vero materia paucior, subtilior, & acrior, prodeunt Morbilli. utraque vero se potissimum in facie exhibent, tum quod humores attenuati ac levigati sursum tendant: tum quod cutis, qua facies obducta est, consueverit esse tenerior. Si vero expulsio hæc, vere fermentativa, fuerit tardior, videndum (inquit Horstius) quomodo Naturam in expellendo juvare queamus, ubi potissimum serviunt illa media, quæ absque omni inflammatione sudorem pellunt. At si (usurpo verba summi Bartholini ex Cista Medica, pag. 594.) malignæ materiæ copia exsuperet vincatque imbelles robur naturæ, (adeo ut malignus spiritus non possit sic excitari à calore, ut concitando humidum, non modo impuritates propellat, sed ipse pariter cum iis

è cor-

è corpore evaporet) quia ad ambitum corporis universa protrudi nequit , interna viscera occupat , & modo pulmones illisque vicinas partes ulceribus fadat , modo intestina exulcerat , eroditque vasa mesenterii , unde dysenteria & diarrhœa lethalis , modo renes infestat , unde urina cruenta , inodo denique in capite convulsiones , deliria , cecitates , &c. excitat. Adeoque cum per eruptionem seu variolatum , seu Morbillorum defæcetur sanguis , simulque procureturejusdemperfectior temperies , non potest non hic agnosci fermentatio proprie & primario sic dicta. Simul quæ hic occurrit effervescentia , non nisi moderata esse debet : quòd vera Fermentatio cum ebullitione , seu , effervescentia solito majori non possit consistere , prout antea notavimus , patetque abunde ex illis , quæ per artificialem Fermentationem ad statum perfectioris mixtionis deducuntur. quod & pariter circa Variolas & Morbillos manifestum , quibus si vehementior

X 2 febris,

484 *Mart. Schoockius,*
febris, à quâ sanguis nimium quam
ebulliat, adfuerit, eruptio fermenta-
tiva per cutem magnam partem impe-
ditur. Pariter in febrium ordinariorum
declinatione, per aliqualem Fermenta-
tionem, contingit circa os prorumpere,
aut, ut alii loquantur, & florescere,
minuta ulcera & pustulas, quòd im-
moderato sanguinis æstu cessante, spi-
ritus, qui sanguini inexistit, & aliqua-
tenus commotus adhuc est, per sui agi-
tationem usque adeo humidum concit-
tare queat, ut pariter quoque se libe-
ret ab excrementitiis atque fuliginosis
partibus. An vero similis fermentatio
possit notari, atque circa Variolas, in
febri petechiali jure merito ambigas.
Quæ variolarum & morbillorum, ea-
dem vulgo quidem ratio censetur esse
febrium malignarum, quas vocant pe-
techiales, sive purpureas. atque licet qui-
dam negent has referendas esse ad ma-
lignas febres, revera tamen ad illas per-
tinent. Produnt vero sese per petechias,
quæ te-

quæ teste Sennerto lib. 4. de Feb. c. 11. nihil aliud sunt; quam *maculae diversorum sæpe colorum*, in primis *rubra & purpurea*, pulicum morsibus fere similes, in cute, præcipuè circa dorsum, collum, pectus, & in brachiis, in malignis febribus apparentes. Priusquam quid definimus, lubet proponere, quæ de his Febribus idem Sennertus habet l. d. Tantum abest (inquit) ut materiam in venis & visceribus ebullientem maculae istae, nisi alia excretio manifesta accedat, tollant, & propterea ægro aliquod commodum insignius offerant, ut potius magnam materiae copiam arguant. Nam licet ejus, quod malum est, copiosior evacuatio sit bona: tamen per maculas istas non multum evacuatur, sed copiosae maculae potius periculum portendunt; ideo quod magnam pravæ materiae copiam adesse significant, ex qua scilicet tot halitus attollantur. Neque tamen contra, quod nonnulli volunt, ex paucitate macularum semper bonam spem

concipere licet. Neque enim paucitas macularum semper paucitatem materiæ arguit, sed sæpe etiam naturæ in expellendis humoribus vitiosis versus exteriora imbecillitatem. Neque obstat, quod sæpe in periculum incidant, in quibus hæ maculæ delitescent. Nam hoc quidem verum est, melius esse materiam erumpere, quam in corpore delitescere, & moveri versus exteriora, quam versus interiora: istæ tamen maculæ, parum de materia, quæ invenis delitescit, & febris malignæ causa est, tollunt. Et ubi delitescent, ideo saltem periculum portendunt, quod indicio sunt, materiam aliò viam affectare, & ad caput, cor aut aliam partem internam cum ægri periculo moveri. Hæc *Sennertus*: quæ ut præsupponimus hætenus vera esse; ita patet, hanc eruptionem macularum petechiarum, non esse acceptam referendam definitæ & proprie ita dictæ Fermentationi: sed potius vagæ & inordinatæ.

• Quod

Quod imputati debet nimio, & sæpe vago, atque inconstanti calori, qui in hac Febri se prodit. Nam, ut contingit per intervalla subinde, remittere hanc Febrim; simul calore moderate intenso occurrente, spiritus contagioso *μιάσματι* in sanguine inexistentis, humidum eatenus exagitat, ut ab eo, quod noxium est se se labore extrinsecus liberare. Sed cum tonus illius caloris, à superveniente æstu majori, non multo post turbetur, nec Fermentatio peragitur, nec illius quoque subsidio illud, quod noxium est, sufficienter excernitur. Nam, ut jam antea notavimus, Fermentatio, quæ quasi alleviando oneri, quo humidum gravatur, serviet, & ordinario quoque in artificiali Fermentatione servire solet (infra circa vinum & Cervisiam liquidò hoc ipsum ostendetur) moderate calore indiget.

CAP. XXVII.

An Fermentatio occurrat circa menstruamFeminarum expurgationem? Item quid statuendum sit de Fermentatione in passione Hysterica?

EXpendere quoque convenit, an Fermentatio agnosci debeat, circa profluvium menstruorum, five menstruamfeminarumexpurgationem. Creditur hæc ab Hippocrate insigniri nomine τῶν γυναικείων. In antiquo Glossario legas: γυναικῆιον, *Muliebrum*. Hesychius Grammaticus nulli secundus: Γυναικῆια, τὰ ἔμμηνα, Quomodo & LXX. Interpretes habent Gen. 18. vers. 11. Εἰξέλιπε τῇ Σάρρα γίνεσθαι τὰ γυναικῆια: quæ Vulgatus Interpres vocavit *Muliebria*. Non tamen putaverim, Hippocratem hac voce eodem significatu perpetuò usum fuisse. Si enim conferantur varia illius loca, patebit haut frustra fuisse medicorum doctissimum Duxetum, cum ad Hollerii lib. 1. cap. 58. hanc ob-

hanc observationem proponeret: *Muliebria*, seu *γυναικεῖα*, significant & materiam ipsam, & partes ipsas, quæ procreationi dicata sunt, omnesque affectiones, quæ in mulierem cadere possunt, à mensium suppressione, vel profluvio. Ut ut sit, per menstrua intelligo sanguinem illum, (sunt verba Doctissimi Hoffmanni l. 3. Instit. Med. cap. 7. §. 8.) qui in iis, quæ generationi aptæ sunt, singulis mensibus se ostendit, nisi vel in utero habeant, vel latent. Menses hos à Græcis ἐμμήνια vocari, &, ut antea ex Hesychio notabamus, ἔμμηνα, idem Hoffmannus postea recte observat. Glossarium idem: ἐμμηνα & γυνή, *Menstrua*. usitatissime dicuntur κατὰ μήνια, qua voce Hippocrates, quoque utitur libr. de Partu Septimestri quando dicit: κατὰ μήνια γυναιξὶ τῆς ὑπὸ τῶν αὐτῶν φάσεων καὶ ἑκάστον τῶν μηνῶν. Flores vulgo à posterioribus Medicis Latinis, voce in hac significatione Veteribus ignota, dicti sunt. Valescus de Tatanta libr. 6. de Curand. Morb.

490 Mart. Schoockius ,
Mulierum. Menstrua (inquit) commu-
niter flores dicuntur , quoniam sicut arbo-
rum flores fructus promittunt ; ita in mu-
lieribus aptitudinem. Non enim concipiunt ,
(hoc suo loco hætenus relinquo , nam
infra patebit) quandiu his floribus ca-
rent. Eleganter de menstruis Columel-
la lib. I.

Famina , quæ justis tum primum opera-
ta juventa

Legibus , obscuro manat pudibunda
cruore.

Hic vero fluxus accidit solis fœminis :
Nam, ut dicit Solinus cap. 4. Poly hist.
mulier solum animal menstruosum : unde
& Aristoteles libr. 4. de Gener Anim.
cap. 7. colligit , solum ex omnibus ani-
malibus mulierem uteri affectionibus
obnoxiam fesse. Quæritur vero , an
ad profluvium hoc requiratur quoque
Fermentatio ? Corn. ab Hogelande in
Oeconomia Animalis pag. 115. disqui-
rens, cur, fœminis adultis duntaxat hæc
menstrua sanguinis excretio accidat ,
ita Phi-

ita Philosophatur: Respondemus, in adolescentibus, non quidem minus, quàm in adultis, sanguinis generari, sed totum illud in spirituum generationem; corporis nutrimentum, & (in quo ab adultis differunt) incrementum, consumi: quo corporis incremento in adultis cessante, fit, ut, cum totus sanguis in corporis nutrimentum spirituumque generationem converti, aut (in salubri statu) conservari non potest: ei quod reliquum est (dum alterari incipit) mediante cordis effervescencia, motus quidam fermentationis (in una plus vel sæpius, in alia minus vel rarius, ut plurimum tamen singulis mensibus, unde & nomen adepta est hæc purgatio) imprimatur, qua superfluum jam alterari cæptum excernatur. &c. Hanc autem purgationem intœminis mediante sanguinis fermentatione perfici, tumor corporis earundem, tunc temporis solidè satis confirmat. *Hæc eo loco Corn. ab Hogelande. De hac Fer-*

mentatione non quidem expresse egit
Dn. Wiliis, occasione tamen febris puer-
perarum cap. 16. de Febribus, *sequen-
tia proponit*, Adnotare (*inquit*) suffi-
ciet quod in istis cruoris periodice ex-
cernendi particulæ sint valde fermenti-
cibiles, quæ si præter solitum naturæ
morem in corpore retinentur, sæpissi-
me plurimum ægritudinum causa exi-
stunt: excepto tamen si mulier utero
conceperit; toto enim ingravidatio-
nis tempore sine magno incommodo
menses subsistunt; atque interea pro
nutricatu fætus, hæc, si ve humor alibi-
lis, in magna copia circa placentam
uterinam deponitur, post partum vero
istâ diuturna mensium suppressio co-
pioso lochiorum profluvio compensa-
tur, atque lac intra triduum utero pe-
nitus relicto ubertim in mammas profi-
lit, quo tempore puerperæ solent fe-
bricula tentari: Quod si lac è mammis
propellitur, versus uterum denuo re-
stagnat, & una cum lochiis sub forma
humor-

humoris albicantis excernitur. *Hæc quoque D. Willis.* ut omnia quam liquido pateant, breviter menstrui hujus sanguinis ratio expendi debet. De quo, quicquid alii quoque censeant, existimo, quod ejus profluvium non tam referendum sit ad ipsam foeminei sexus essentiam, quàm potius ad ordinariam quandam excretionem sanguinis superflui, plerisque mulieribus ex consuetudine magis, quam juxta naturam sexus, statis temporibus accidere solitam. Quod videtur innuere Sp. Sanctus, quando loquens de Sara vetula Genesis cap. 18. 11. meminit non naturæ, sed expresse *consuetudinis*: dicendo, *Desierat Saræ esse, secundum consuetudinem mulierum.* Neque enim hæc sanguinis excretio tam accidit sequiori sexui juxta illud, quod ei debetur secundum naturam, quàm quod ex accidenti (licet *ὡς ἐπὶ τὸ πολὺ* notari queat) plerisque obvenit: consuetudine admodum alterius naturæ se prodente,

in illis, quæ & sanguinis copia laborare solent, & unoquoque mense eundem excernere. In regionibus calidis multæ occurrunt mulieres, quibus menstruo sanguine nunquam defæcari contingit. imo integræ perhibentur esse gentes. Roder. à Castro de Nat. Mulier. lib. 2. cap. 9. *Mulieres (inquit) reperies, quibus nunquam menses vel aliud quippiam fluxit ex utero, quæ nihilominus bene habitæ prorsusque incolumes ad senectutem usque vixerunt.* Similiter Bratavolus ad Aphor. 36. l. 5. Hippocr. testatur plures mulieres sibi cognitæ fuisse, quæ destitutæ licet hoc flore, athletica gavi-
 læ fuerint valetudine. Speciatim Trincavellius lib. 10. Meth. med. ineminet fæminæ Illyricæ robustissimæ, nec viro admodum dissimilis, quæ semel etiam pepererit, mensium autem plane inexperta fuerit. simile quid refert Joubertus libr. 2. de err. popul. de fœmina Tolosana, quæ duodeviginti utriusque sexus fœtus enixa, nunquam tamen
 menstrua-

menstruata fuerat. Rodericus l. d. hoc refert ad causam toti corpori communem. quæ ut intelligatur, dicit, quod accidat illis, quæ inculpate vivunt, utpote naturalis temperies, substantia partiumque omnium configuratio, quæ si ad amussim inter se conveniant, necessum est trahant, concoquant & expellant: quod proficuum esse noverunt, ideoque superabundanti sanguine carent, præsertim si adsit exercitium, solida sint carnis, & calore abundantes; eas propterea viragines appellamus, quales etiam sunt rustica mulieres, quas urbanis steriliores esse experientia constat, quia ob continuos motus & labores consumitur in eis materia conceptionis & menstrui sanguinis. An vero fermentando quasi, hic sanguis excernatur, inquirendum à nobis est. Eum non qualitate ulla per se, sed duntaxat quantitate peccare, constans est opinio illorum, qui naturæ consultissimi sunt. Adeoque, ut effluat hic sanguis, necessum est in sufficienti adsit copia. Verba sunt doctissimi Hoffmanni lib. 3.

ni lib. 3. Instit. Med. cap. 78. §. Oper-
tet (inquit) sanguis in ea copia sit , ut pos-
sit effluere. Hinc quædam concipiunt , etiam si
menses non habeant. Tantum scil. adest il-
lis , quantum fœtui nutriendo satis sit : non
autem superest , ut quid vacuari possit. alias
in minori quoque copia posset excer-
ni , si contingeret fermentari. Præterea
spiritu turgere deberet , si verà in illo
fermentatio observanda foret. At haut
verosimile in hoc sanguine occurrere
spiritum , qui à calore agitato humi-
dum commoveat. Nam juxta Rode-
ricum à Castro l. d. est sanguis superfluus ,
crudus , sed tamen utilis ordinate , & se-
cundum naturam profluens. Qui postea &
modum , juxta quem colligitur , ex-
ponens dicit : Ut intelligas , qua ratio-
ne superfluus sit , scire licet fœminam frigi-
diorem humidiorumque mare esse , idcirco
sanguine magis abundare , quippe quæ ali-
mentum quidem , quantum expedit , con-
coquit , verum propter caloris imbecillitatem ,
id , quod redundat , per balitum digerere
nequit ,

nequit, proinde plus sanguinis, quam illi nutritione partium sit exusu, accumulatur, cujus partem cum sibi concoxerit & similaverit, reliquam partem superfluum per uterum excernit. Adeoque, sequestrata Fermentatione, quæ hic nulla occurrit, præstat hanc excretionem referre, ad vim naturæ, quæ omnia certis legibus administrat. & ut loquitur Hoffmannus l. d. Requiritur (ad excretionem scil. sanguinis menstrui) *Facultas*. Etsi enim ætas sit talis, & corpus floridum: deest tamen tempus, & ut ita dicam, ἡ ἐμμησπέρα Græcis dicta, ordo scil. naturalis, omnibus actionibus præstitutus singulis individuis. Nec admodum me mover ratio ipsius Corn. ab Hogelande, desumpta à tumore corporis, qui notetur in mulieribus menstruatibus. Neque enim ordinariò tempore fluxus notari potest; aliquot diebus antea observatur, provenitque è sanguinis copia, per quam non uterus modo dilatatur, verum etiam partes vicinæ. Spigelius libr. 5. de Fabrica corp. hum. cap. 8.

cap 8. Quo tempore (inquit) menses instant, uterios biare, aliquoties dum ulcera pudendi, ac cervicis uterina curavimus, observatum à nobis est est, & visum. Vidi etiam tunc madore quodam fœtido relaxari hæscæ partes, & cervicem ampliorem multo, quàm esse solebat aliàs, compa-ruisse. Quamobrem mirum nemini videatur, quod à nonnullis nostræ ætatis scriptoribus observatum est, tempore mensium usque adeo laxatas nonnullis fuisse hæc partes, ut sponsæ, quantumvis virgines revera essent, propterea injus vocatæ, ac pro defloratis habitæ fuerint. Quare si contingat, ut noviter conjugium ingressi, de suarum virginitate dubitent, quod vulvam admodum laxam invenerint, considerare oportebit, cum fortasse menses eo tempore institerint. Interim inficias ire nolo, quòd contingat menstruo sanguini noxam multiplicem obvenire, illumque ex accidenti fermentari. Quod fortasse evenit, quoties suppressi menses non profluunt ex utero per vias ordinarias, sed vel per nares, vel
per alia

per alia loca. nam ea per nares aliquando profluere, gnarum quoque Hippocrati fuit Sect. 5. Aphoris. 33. atque suppressa menstrua per varia loca fluere extra ordinem, via ordinaria relictâ, pluribus exemplis astringit Schenckius l. 4. Observ. observatione 257. usque ad 271. Sed, an menstruus sanguis per fermentationem suam, ex accidenti obvenientem, aliquid ad Lac confert? Notus est Aphorismus Hippocratis xxxix. sect. 5. *Si mulier, quæ neque gravida est neque peperit, lac habet, ei menstrua defecerunt.* De lactis generatione non convenit inter antiquos, & recentiores quosdam, eosque viros verè singulares & doctissimos. Illi ex sanguine incunabula lactis accersiverunt, hi verò é chylo. Quanquam vero plurimum tribuo antiquitati, compellor tamen ei renunciare, arque accedere ad opinionem recentiorum. Hoc enim mihi persuadent Lactis tum substantia, tum quantitas, tum modus generationis: prout alibi tu-

alibi fusius ostendam. Nec contrarium suadet Hippocratis locus. Patior ut non intelligatur de lactis materia: sed, quis dixerit, accuratissimum senem, respexisse causam efficientem? audio quidem dici, menstrua retenta, toti massæ sanguineæ communicare quandam qualitatem, atque ita juncta rarefieri, & deduci: speciatim vero mammas, ut lactis generationi sufficere commodius possint. Sed; cum nullum idoneum hujus rei experimentum adduci possit, simile vero desumptum à manu tepida, qua puerperarum recentium mammae foveri solent, utroque pede claudicat: aliam explicationem dicto Hippocratis Aphorismo aptandam esse puto. Quæ nec longe petenda. menses in fœminis, quæ lactant, non quidem sistuntur, eum in finem scil. ut cuncta rarefaciant, speciatim mammas: at nullus revera sanguis, menstrua quasi excretionem excernendus, colligitur: cum materia Chylola, sanguini generando servire so-

vire solita, lactis materia fiat. adeoque multæ quoque scæminæ, quo tempore lactant, statò tamen tempore, menstrui sanguinis profluvio laborant, eò, quod materia supersit quoque pro sanguine, qui cum colligatur, ubi mole & quantitate adauctus fuerit, excerni debet. Hoc certissimum, sanguinem menstruum, in te considerata, esse sanguinem superfluum atque redundantem: cum vero in ple-
risque lactantibus scæminis nullus sanguis redundet, non putandum quoque est, in illis sanguinem colligi, qui definito tempore sit excernendus. Trahi huc ex parte possent verba Tertulliani libr. de Carne Christi: *Respondeant* (inquit) *obstetrices, medici, & Physici de uberum natura, an aliter manare soleant sine vulvæ genitali passione, pendentibus ex inde venis sentinam interni sanguinis in mamillam, & ipsa translatione (non tamen ex utero) decoquentibus in materiam lactis latiore. Inde adeo fit, ut uberum*
tempore

tempore menses sanguinum vacent. Nec tamen reduco calculum, ratione illorum, quæ modo concessi. scil. quòd, ex accidenti, sanguini menstruo redundant, si illius profluvium impediatur, obvenire possit fermentatio. spiritui, qui illi accidit, à calore sive externo, sive interno, sive etiam ab utroque, adeo exagitato, ut non minus concitando humido, quam simul illi valide agitando servire possit, quod videntur illi morbi innuere, qui provenire solent à menstruorum suppressione. Quando enim definito tempore non contingit illos excerni, oritur in hypochondriis dolor gravativus, viscerum prava coctio, in virginibus febris alba, in aliis aliæ febres, palpitation cordis, dyspnœa, cachexia, majores capitis dolores, & alia similia Symptomata, quàm gravia. quæ procurari verosimile est per sanguinis hujus, ex parte fermentati regurgitationem. nec tamen hinc aliquis contra illa, quæ
jam an-

jam antea circa febrim observavimus, concluderit, febrim quoque formaliter consideratam, fermentationem sanguinis esse: sed per vagam fermentationem sanguinis impuri, reliquum sanguinem inardescere, atque cor affici. An vero passio hysterica, ad sanguinis hujus, ut suppressi, fermentationem referri debeat, hoc loco quærere licet? Quam variæ passionis hujus rationes à variis adferantur, notum est: mihi non inconveniens videtur esse Doctissimi Higmori sententia: à quo in peculiari Diatriba de Passione Hysterica, *hæc definitio cap. 3. proponitur*: Passio hæc est stangulatio à nimio sanguinis subtilis ac flatulenti in pulmonum vasibus cordisque thalamis, infarctu orta: Quo pulmones motum sequi thoracis & Diaphragmatis inhabiles, ac cor suos sinus ab infarctu illo pleniori, per pulsus, licet frequentiores, liberari ineptum redduntur: Atque hinc necessario insequitur primò dyspnœa, & inde

& inde suffocatio, quam ut effugiat natura, facultatem invitat animalem, quæ ne simul cum vitali pereat, spiritus suos copiose, licet inordinatè & irregulariter, qui sic profusi, motus tales irregulares, quos convulsivos vocant, excitant. *Huc usque Higmorus.* quæ descriptio ut omnia complectitur, quæ requiruntur ad passionis hujus naturam declarandam; ita sufficientem mihi videtur causam reddere, petitam à natura sanguinis menstrui, cur fœminæ potissimum illi sint obnoxiae. *Verba occurrunt* cap. 8. Fœminarum (*inquit*) sanguis tenuior est. Viri calidiores sunt & præ fœminis spiritibus abundant, unde plura excrementa ad cutem & extremas partes protrudunt; quæ in fœminis in sanguine reservantur, illumque tenuiorem & dilutum efficiunt, magisque fluxilem reddunt. *Deinde* ob imperfectiorem concoctionem magis flatulentus muliebris semper invenitur sanguis. Unde ob tenuitatem facilius incita-

innitatur, ob copiam magis gravat, & ob admixtos flatus magis distendit ac citius funditur. *Hac ille.* quæ sane non sunt rejicienda, iisque quæ circa Fermentationem considerata veniunt, apprime consentiunt. In sanguine menstruo est quidam flatus, seu spiritus pigrior tardiorque, qui tamen, si sanguinem illum non tam vere putrescere (putrefacta ad fermentationem inhabilia esse, jam aliquoties dictum est) quam ad putrefactionem disponi contingat, subtilior & agilior redditur juxta illa, quæ proxime dicenda erunt de sapore acido: atque, si accidat supervenire aut sufficientem calorem internum, aut externum, aut etiam utrumque, facile eatenus agitari potest ejusmodi spiritus, ut agitatus sufficiat commovendo humido, non quidem ut ordinetur per hanc agitationem ad fermentationem primariam, sive perfectivam; sed ad secundariam. Quomodo vero contingat hanc passionem concitari à Moſcho,

aliisque rebus, quæ gravis admodum odoris sunt, proximo capite accurate expendemus.

C A P. XXVIII.

An in Medecamentis Purgantibus notari debeat quædam Fermentatio? & quomodo contingat aliquem per odores expurgari? Qua occasione varia circa Odores expenduntur.

POssemus videri defuncti esse speciali Fermentationis consideratione circa morbos; nisi manum injicerent Medicamenta *καθαρτικά*, destinari solita vitiosorum humorum, qui in corpore, velut saburra, delitescunt, evacuationi. Ea *φασμακία*, seu *φασμακεία* nomen *κατ' ἐξοχὴν* quasi ferre, ignotum esse non potest illis, qui unquam antiquos Medicos Græcos legerunt: abundeque ostendit, Hippocratem cum Galeno comparando, doctissimus Foësius in accuratissimo Lexico Hippocratico. Mirabili vero modo hæc ipsa efficien-

tiar

tiam suam exerunt, de qua hactenus inter medicos non convenit. Ex professo hoc inquirere laboravit superiori seculo Guilielmus Puteanus Gratianopolitanus, qui tamen in Titulo plura promittit, quam præstat. libro autem primo, cap. 10. non inconvenienter ex Galeno observare videtur, tres occurrere modos, secundum quos hoc genus Medicamentorum censerì possit esse ἐλκυστικόν, sive attractivum. Quædam enim 1. hoc agunt qualitate Elementari, sive calore. 2. Alia vacuati successione. 3. Nonnulla per totius substantiæ proprietatem. Hoc certum, medicamentum simul ac ventriculum subiit, suas vires diffundere, seseque componere ad hanc attractionem: adeo ut ratione hujus diffusionis dici possit *concupi venis, & se diffundere in venas*, ut Curtius loquitur libr. 3. cap. 6. quod & præter Hippocratis alumnos omnibus disciplinis eruditissimus M. Tullius eleganter docet libr. 16. Fam. Ep. 18.

quando suo Tironi commendat *εὐλυσία* *τῆς κοιλίας*. at quomodo hoc fiat, haud
 æque liquet. nec satisfacere mihi potest
 Mesue, licet multi eum sequantur,
 quando putat purgans medicamentum
 vi attractrice, cæterum delectu adhuc
 aliquo habito, cognatum & familia-
 rem sibi humorem ex venis & corporis
 meatibus ad se in ventriculum & inte-
 stina attrahere: non enim videntur hi
 humores tam attrahi ab ipso medica-
 mento ad ventriculum, quàm potius
 violentè eodem propelli. Adeoque
 placeret mihi magis doctissimi Highmo-
 ri sententia, qui libro 1. Disquis. Ana-
 tom. part. 3. pag. 68. agens de medica-
 mentis purgantibus, *hæc inter alia sub-*
ijcit: Hæc (inquit) *in sanguinem in-*
sinuantia, facultateque eorum per to-
tam massam sanguineam spargentia,
proprietae quadam, (cognitionis for-
san) humores quos purgant, quas
fermentant, separant à sanguine, &
colligunt; qui separati se facile uniant
 argu

atque sic in massam collecti, Naturæ maximè sunt molesti ; cum verò illi totâ substantiâ adversantur, in illos ad expellendos statim insurgit : & nunc in ventriculum , per ejus arterias & venas expuit, & per vomitum eji- ciuntur ; non solum iis medicamentis quæ proprietate quadam ventriculo ad- versantur, & Emetica dicuntur ; sed & quæ per inferiora purgare existiman- tur, etiam vomitum nonnunquam con- citare , cum in ventriculum per ejus vasa injiciantur humores, est manife- stum : nunc per Mesenterii vasa ad In- testina propelluntur, & per sedem eva- cuantur : *Hæc illo loco Higmorus.* quæ si probe discutiantur, rationi oppido quam consona deprehendentur. Cæ- terum putarim , antequam contingat humores seu *ἄνω*, seu *κάτω*, (ut olim antiqui Medici loquebantur) expelli, contingere humorum, qui excernendi sunt, attenuationem ; (certe non nisi attenuati admodum exeunt) eamque

Y 3 per agi

peragi non tam per occultas aliquas qualitates, quàm potius per ipsas subtiliores medicamenti cathartici particulas, suis tamen qualitatibus præditas, quæ ut se diffundant per totum corpus, aut potius, ut loquitur Higmorus, per totam massam sanguineam, ita videntur non minus attenuare noxios humores, quàm ab aliis secernere. Sed, quoniam huc devenimus, & Fermentatio nos eodem ducit, ut omnia quam liquida sint, cuncta aliquanto diligentius expendenda videntur. Adeoque, ut pateat, quomodo in operatione Medicamentorum purgantium, se quædam Fermentatio prodat, excludo ante omnia occultas qualitates; non quod nullas unquam agnoscendas existimem, sed quòd illas, siue τῆς συμπαθείας, siue τῆς ἀντιπαθείας specioso titulo se commendent, ἀπεργασιονύτως hoc loco sollicitari existimem; atque primo eorundem receptionem in ventriculo at-
tendi velim. Experientia constat, quod
si aut

si aut lacte æquo copiosiori, aut etiam alio cibo gravatus fuerit ventriculus, non tantum, quod majori solito quantitate saburratus sit, concitari ad vomitum, verum sæpe quoque accidere alvi profluvium; quod cum ad definitum modulum ordinatus sit, illius excessum perpeti non possit. Idem accidit ratione illorum, (hactenus non refert, debeantne agnosci cibi an medicamenta) quæ ratione qualitatis ventriculo molesta sunt. quando talia ventriculus admisit, componit se initio ad illa digerenda, atque (sic loqui fas sit) omnes suas vires intendit, ut hoc præstare possit: unde sæpe experimur, efficacem operationem Medicamentorum purgantium demum deprehendi, duabus tribusve horis post, quam sumpta fuerint. Interea dum in cassum se fatigat ventriculus in his digerendis, particulæ variæ ab ipsis illis, quæ absumpta sunt, abraduntur, atque (ut jam dixi) per universum corpus sese diffundunt: quod

ubi fit, sentiuntur non modo tormi-
 na in ventriculo & abdomine, sed &
 mordax vellicatio in partibus orificio-
 rum, præcipue venis meseraicis: quod
 imputari debet partim crudo spiritui,
 quo gaudent omnia illa, quæ *καθαρὰ*
 censentur; partim etiam mordicatio-
 ni, quæ à diffuso hoc & inæquiditer
 diffuso spiritu provenit. Si enim ille
 ad veram & genuinam Fermentatio-
 nem sese componeret, omnia æqualiter
 peragerentur, nec aut tormina ulla,
 aut etiam vellicatio sentiretur. Sed ini-
 tio hæc fiunt admodum irregulariter;
 adeoque hætenus non potest hic notari
 Fermentatio, maxime si accesserit quæ-
 dam Tractio quæ non videtur hic dene-
 ganda esse. si enim pulveres sternutato-
 rii, (quotidiana experientia docente)
 prolicere possunt pituitam, atque Apo-
 phlegmatismis & gargarismis Cathar-
 rus per os deducitur: non videtur quo-
 que idem denegandum esse medica-
 mentis purgantibus, minime illis, quæ
 vulgo

vulgo censentur in peculiarem aliquem humorem vim suam exerere. Ut v. c. Rhabarbarum in bilem, folia Senæ in Melancholiam, Agaricum in pituitam, &c. quæ tamen non putarim vim hanc exerere, per peculiarem sympathiam, (prout multis placet ad illam solam confugere) sed hanc diversam operationem petendam esse à diversificatione, secundum quam modo dicta, similiaque, operationes suas exerere solent. Ratio vero hæc est, quod quædam celerius, quædam vero tardius operentur: quæ cito operantur, attrahunt duntaxat tenuiores & magis fluidos humores; quæ vero tardius vim suam exerunt, in humores magis viscidos & lentos, eos pariter attenuando ac diducendo. Per experientiam patet in Rhabarbaro, quod tenuiorem humoris partim raptim quasi aufert, relictæ humorum massa magis contumaci. Per hanc tractionem & violentam agitationem ut, contingit admodum agitari

§ 14. *Mart. Schoockius*,
sanguinem, (pulsus celerior potest esse indicio) ita, accedente non tantum externo calore, sed corporis quoque, quod purgatur, calore ad interiora se recipiente, spiritus ille crudior Medicamentorum, (de quo modò loquebamur) non modo attenuatur, verum etiam per calorem redditur subtilior, adeo ut tractione, & molesta vellicatione quadantenus cessante, non quidem primaria, sed secundaria fermentatione, contingat saburram illam, sic collectam, attenuari, attenuatamque non tantum propelli ad intestina, sed & evacuari per sedes. Quod per recessum caloris ad partes interiores corporis, procurari queat relaxatio, abunde ex metu patet, quo alvum resolvi subinde contingit, juxta illud poetæ:
——— *trepidum solvunt tibi cornua ventrem.*

nam calore ad cor se recipiente, intestina, aliæque partes relaxantur; eodem modo ut metus balbutiem quoque procu-

procurat. præcipue vero spiritus fermentativus hanc resolutionem in humido procurabit, si illius vehiculum fuerit corpus præditum acrimonia absque astrictione, ut sal, oxymel, & absinthium. Nam ut aqua nitrosa lineas vestes facile purgat, nitidasque reddit; ita medicamentum purgans, ei quasi respondens, viscosos tenacesque humores non modo admodum incidit & attenuat, interveniente quasi spiritu fermentativo, verum etiam corpus deplet, nitidumque reddit. Inde Salernitani acria purgare dicunt in hoc versu:

*Acria purgant, cruda sed inflant, sal-
saque siccant:*

intelligendo per acria illa, quæ etiam admota igni acrimoniam suam retinent. Ut vero spiritus hic fermentativus moderato calore indiget, quo agitetur; ita purgantis medicamenti vires juvat aer moderate calidus. Qui si nimium æstuet, corpus non modo resolvit per

copiosum sudorem, debiliusque reddit; verum etiam operationem ipsius medicamento ex parte impedit, aver-
tendo quasi fermentationem: quæ, ut
juvatur à moderato calore, ita à ve-
hementiori impeditur. Quibusdam al-
vum solutam fuisse duntaxat per odo-
rem medicamentorum purgantium, cui
non notum est? Henricus Smetius sin-
gularia exempla habet libr. 2. Miscell.
cap. 60. quo & inquit in hujus rei
causam? Nos, quod detur occasio,
non possumus non hoc breviter expen-
dere. Ergo præsupponimus, odorem
non diffundi nisi vehiculo substantiæ,
sive cum effluvio substantiæ odoriferæ.
Atque, ut odoriferum aliquid reddatur,
sciendum, calido humidoque opus esse:
calore quidem non exiguo, humido
vero exiguo ac moderato: ut enim plan-
tæ alteriusve rei humor in odorem tem-
peretur, necesse est, ut & calor præpol-
leat, & humor vinci, subigi, & co-
qui commodè possit. Ex quo fit, ut in
regioni-

regionibus ad Septentrionem, ubi languet calor, humorque abundat & affluit, inodora pleraque sint quæ ex terra nascuntur; aut, si aliquem odorem exhalent, is sit exilis, nec admodum fragrans. Quo jacto fundamento, dicimus, quòd ut odor se non modo per aëra diffundit cum effluviis corporis, quod odoratum dicitur, sed, illa ipsa effluvia referunt naturam corporis, è quo profluxerunt; ita mirum non est, si in corporibus simplicioribus, & superfluis humoribus abundantibus, hæc ipsa profluvia commoveant humores, excernendos tali ratione, qualem jam antea attendimus. Nam, ut odor exquisitior effluviis talibus inexistens evincit, illis particulis, juxta effluvium odoriferum se diffundentibus, inest acrimonia maxima, per quam & contingit potissimum, jam assumpto Medicamento purgante, illa peragi, quæ jam antea circa Medicamenta hujus ordinis consideravimus. Qui-

bus vero contingit ita purgari, noxiis-
que humoribus liberari, iis contingit
antea capitis insignis dolor: nam ut ibi
primitus odores apprehenduntur, ita
non possunt non quoque singularem
efficere impressionem, usque ad excita-
tionem κεφαλαλγίας. Sic juxta Hippocr.
sect. 5. Aph. 28. ἡ ἐν αἵματι πνεῖν καὶ
βοεῖα ἐνεποιεῖ. *Aromaticum suffitus capitis*
gravitatem inducit. quod contingit, si
calore halituum, sanguis venis arte-
riisque contentus ita effervescat, ut
juxta leges Circulationis, capiti quo-
que fervor ille communicetur: atque,
si capiti communicetur, facile quoque
se diffundere potest per totum corpus,
maxime ubi est sordium colluvies, ul-
quedum iis agitatatis & commotis, con-
tingat quoque in corporibus dispositis
ea ratione, juxta quam antea illa con-
fideavimus, procurari excretionem
talium humorum. Atque, ne quis du-
bitet de efficacia horum effluviolorum
odoriferorum, narrat Strabo libr. 16.

Geogr. Sabæos καρῦσσαι ὑπὸ τῶν ἰσχυρίων:
 atque, teste Brasavola, cap. de Syrup.
 Moschus per graveolentiam usque adeo
 nocet, ut aliquibus non modo capitis
 dolorem excitet, sed & multis mulie-
 ribus suffocationem uteri procuret: dum
 alii ejusdem odore usque adeo offen-
 duntur, ut & Epilepticos insultus ex-
 periantur. Imo, juxta Hippocratem
 loco dicto, aromatum suffusus ducit
 τὴ γυναικεία: quæ vox late accipi de-
 bet, ut non modo notet menstruas &
 puerperii purgationes, sed & semen
 retentum ac corruptum, aliasque ute-
 ri sordes, speciatim secundinas. Aro-
 mata quippe in fenum conversa, pro-
 funde penetrant, atque ut gaudent in-
 cidendi attenuandique facultate, cras-
 sos lentosque humores vasis uteri ex-
 cutiunt, ipsam uteri substantiam rare-
 faciunt (quadam fermentatione inter-
 veniente) venasque reserant, quas-
 dum suavi & grata qualitate laxant,
 serosas humiditates temperant, suaque,
 non tam

non tam acredine quam spiritu fermentatorio, facultatem expultricem non quidem stimulant, sed excitant, quatenus lentis & viscidis humoribus convenienter incisis & attenuatis, eorum expedita excretio consequitur. Aliàs à Moscho, Zibetha, & similibus rebus, acri odore præditis, accidit quoque Hysterica passio: quod quomodo fiat, his verbis docet *Higlmorus de Hysterica Passione cap. 6. pag. 36.* Tenuiores (inquit) biliolæ & igneæ suaveolentium particulæ, sanguini ac spiritibus admistæ, ebullitionem ac fermentationem conciliantes, vasorum distensionem, atque inde gravedinem & dolorem causant, & hoc primo in cerebro percipitur, ubi odores primò apprehenduntur, unde capitis dolor primò affligit. Inde deorsum versus cor ac pulmones, sanguis, particulis hisce inquinatus, per venas recurrens, totam contaminat massam, ubi vis illam fundit; unde circa cor ac pulmones
ubi na-

ubi naturaliter incalescit, odoribus hisce fusus, conflagratio accenditur: ab æstuanti ejus furore etiam pulsus variatur, intermittit, ac cor ipsum tremit, laxæque pulmonum fibræ impensius inflatæ & distentæ copioso ac æstuanti infarciuntur sanguine, ut immobiles penè labor reddat; inde suffocatio hæc petit originem: præcipue si sanguinem lequacem, tenuem, flatulentum & copiosum invenerint hæc suaveolentes particulæ; uti in mulieribus cholericis præcipue fieri solet. In masculis autem nonnullisque fœminis, quarum pori sunt patentiores, ac diaphoresis major, nec sanguis ad liquefactionem est tam facilis; igneæ hæc particulæ facilè exspirant, neque tanti incendii sunt authores, neque inde tam gravia generant symptomata. *Hæc eo loco Highmorus.* quæ hæctenus admittito, quatenus principiis nostris sunt consentanea: atque, ut per particulas corporis odoriferi, in saburra quasi excre-

excrementitia, excitatur latens spiritus, ilque acer, sociandus spiritui, qui corpusculis hisce inexistit; ita hi ipsi spiritus humidum ad commotionem præternaturalem disponunt; qualis commotio præternaturalis perpetuo agnoscenda debet, (ut sæpius diximus) quotiescunque in animali Fermentatio contingit; quòd illud per se ceteroquin suis operationibus sufficiat citra ullam fermentationem. Quod in mentionem odorum inciderimus, non inconueniens fuerit disquisivisse, quam efficaces sint, & quo usque efficientia eorundem sese exerat. Suspectant quidam fidem, & forte haut immerito, Nobilissimi viri Dn. Kenelmi Digbæi, quod in Tractatu de Unguento Armario (huic nullatenus nos favemus) p. 46. sequentia, velut veras historias ausus fuerit propinare, illis, quos lectores credulos fore augurabatur: Odor roris marini (inquit) qui ex parte Hispaniæ efflatur, longè majora intervalla penetrat ac emeti-

emetitur. Ter vel quater has oras præ-
ternavigavi, semperque observavi,
nautas ad unguem quasi tenere, quan-
do triginta vel quadraginta (*juxta opinio-
nem Digbar*) miliaribus (non amplius di-
stantiæ exactè recordor) ab hac regione
absunt, idque ex fragrantissimo roris-
marini odore illinc efflato cognoscunt,
immo ego etiam ipsemet odorem hunc
æquè validè percepi, ac si avullum ro-
rismarini ramum manibus tenerem: ac-
cidit autem hæc nobis res duobus vel
tribus antè diebus, quam in conspe-
ctum terræ proveheremur, sed ut ve-
rum fatear, adverso tum temporis ven-
to utebamus. Monumentis Historiarum
proditum est, vultures quandoque per
ducenta vel trecenta miliaria advola-
sse, lectatos odorem acervi cadaverum,
quæ post cruentam cladem inhumata
jacebant; præterea pro certo cognitum
habebatur, vultures hosce ex tam lon-
ginquis locis advenisse, quod id ge-
nus avium in vicinia planè infrequens
fuerit.

fuerit. Vultures autem sagacissimè odorantur; & sane putridas putidasque cadaverum atomos per spacia æquè longinqua in aëre perlatas fuisse oportet, avesque istas, cum semel odorem hunc persenserint, illius vestigiis inhæsisse, usque dum ad ipsam morticinam pervenerunt, credendum est, idque eò magis, quod odor seu potius factor istiusmodi, quo propius adest, eò apertius naribus offerri solet. *Hæc eo loco Digbæus.* cujus narrationem (quod & factum est à multis viris egregiis) me diu suspectasse fateor, donec confirmatus fui non tantum à viris fide dignis, sua experimenta exponentibus; sed cum maxime à ratione. De utroque, liquida scil. experientia, & ratione, ne quis ambigat, lubet primitus exhibere illa, quæ habet vir naturæ consultissimus Franciscus Baconus in *Historia Naturali, Observ. 834.* Extra controversiam est (*inquit*) nullum odorem nisi substantiæ corporeæ effluvio
inve-

invehi; aliter quam fit in luce, coloribus, & sonis. Videmus enim illud ab effuso odore non pertingi interval- lum, ad quod illa alia progrediuntur. Verum quidem est, sylvas & plana lo- corum malis citriis & rosmarino con- fita, odore magnis in mare spatiis trans- misso sentiri, forte ad viginti miliaria; sed quantum hoc est, præ eo, quod tormenti bellici sonus efficit, parvulo in ambitu moti; cum sylvæ & plani- ties sæpius vaste pateant. Præterea odo- res duris adhærescunt corporibus, ut cum manicas imbuunt, &c. Unde cor- porei intelliguntur & aliquamdiu sub- sistere, luce & sonis evanescentibus. *Hæc Baconus*: qui ut meminit expe- rientiae, ita illius, nisi certus fuisset, mentionem non fecisset. plures, qui Hispaniæ oris adnavigarunt, propria quoque experimenta referre solent: quanquam sibi non constant circa di- stantiam, quam licet quidam ultra vi- ginti quoque miliaria extendere volue- rint,

rint, si ad decem quoque contrahatur, magna fuerit. Experimentis favet ratio: cum enim odor inexistat corpori admodum tenaci & viscido, si confertim profusus fuerit è sylva densa, plurimisque arboribus odoriferis referta, vento secundo flante, longe admodum deferri poterit. Nec dubitandum, ordinario odores tam longe diffundi, licet nos, qui hebetiorem odoratum habemus, eos pariter non percipiamus, quod particulæ odoriferæ aut pauciores sint, aut nimium quam diffusæ. Si vero confertim & conglobatim, simul quam copiose profundantur, non difficulter ad longius quoque spatium deferri possunt. An non canes, inhærentes odori unius leporis, qui aliquot quoque horis ante profugerit, per viam spatiosam sagacitate minime fallaci deduci contingit ad ipsius leporis cubile? Cujus rei alia non potest reddi ratio, quam quod particulæ odoriferæ sint viscidæ & lentæ, possintque
in aëre,

in aëre, etiamsi multipliciter illas ja-
ctari contingat, aliquandiu subsistere.
Quid existimabimus futurum esse, si
forte per eandem viam centum lepores
fugissent? certe odor eorum, secundo
interveniēte vento ad aliquam multa-
miliaria diffundi potuisset, percepti-
bilis non quidem ab hominibus, sed
à canibus, qui hominem longe supe-
rant odorandi sagacitate. Homini enim
revera odoratus hebes est. Dubito ve-
ro, an admitti debeat Bodini ratio lib. 4.
Theatri Naturæ. Si opifex (inquit)
homini olfactum acerrimum dedisset, non
modo aliorum, sed ne suis ipsius quidem odo-
rem ferre potuisset. Quæ si attendantur,
forte non usque adeo suspectari debe-
bunt, quæ vulgo de vulturibus cir-
cumferuntur, per quingenta millia pas-
suum cadaverum fumidas exhalationes
percipientibus. Quanquam negari non
potest, subesse rationes varias, cur nar-
ratio hæc velut fabula suspectari queat:
acceserunt siquidem assutæ falsi laci-
niæ. Nam

528 Mart. Schoockius ,
niæ. Nam Plin. libr. 10. cap. 9. addit :
*Triduo ante , aut biduo volare vultures ,
ubi cadavera futura sunt. Quæ si aliquis
ut vera admittere voluerit , vultures
in Prophetas transformabuntur , qui
viventium futura cadavera norint olfa-
cere. Sed hæc in præsentia ulterius dis-
quirere non vacat.*

C A P. X X I X.

*De Venenis , & , an consueverint se dis-
fundere per fermentationem ? Qua occa-
sione agitur de Epilepsia.*

AD venena quoque nos convertere
debemus , & expendere , an circa
illa Fermentatio attendi debeat ? hæc
vero doctrina per quam difficilis est ,
& , quamvis malignas venenorum qua-
litates , magno nostro malo nimis quam
frequenter experiamur , vix tamen
pertingere possumus ad rationem , se-
cundum quam suam efficientiam , evi-
dentissimam aliàs , exercent. Ordine
ut progrediamur , à nomine exor-
diemur.

diemur. Inter venenum & medicamentum multum vulgo interesse creditur : non tamen aut Latini, aut Græci, hanc differentiam observant. Apud Nonium legas : *Medicamentum est, quo homines, vel cætera animalia curantur. Medicamentum idem quod Venenum, ut Græce φάρμακον* : atque, ad hoc probandum postea adducit Varronis auctoritatem. Cajus IC. in Leg. *Qui venenum* 236. ff. de V. S. *Qui venenum dicit, adjicere debet, utrum malum, an bonum : quum & venenum aliud sit bonum, aliud malum : non secus ac dolus alius bonus, alius malus* : simul ad hoc probandum sollicitat Homerum. Atque, quod apud Græcos æque ambiguum sit τὸ φάρμακον, præter auctores jam dictos docet Julius Pol-
lux libr. 4. Onomast. cap. 25. similiter Eustathius ad Iliad. 8. τὸ φάρμακον δὲ μίση λέξις, ὅτι τε μὴ ἀγαθὸ λαμβανομένη, παρὰ τὸ φέρειν ἄχ., καὶ ἔ ἀγαθὸ, παρὰ τὸ φέρειν ἄχ. Eoque Hippocrates ἐν ὄρκῳ, ut tolleretur ambiguitas, dixit

Z

φάρμακον

530 Mart. Schoockius,
φάρμακον θανάσιμον : Homerus modo
ἀνδροφόνον, modo ἑλόμενον. Alii ὀλέθριον,
αὐθλητήριον. Quomodo & Latini fre-
quenter, ut constet ratio differentiae,
malum venenum dicere solent. quomodo
& Virgil. libr. 1. Georg. *malum virus*
dixit.

Ille malum virus serpentibus addidit atris.
quasi virus æque ambiguum foret, ac
medicamentum, aut φάρμακον. Diffi-
cilius adhuc explicatu est, quid sit Ve-
nenum. Præ omnibus aliis definitio-
nibus mihi probanda videtur ea, quam
habet Cardanus lib. 1. de Venenis, c. 1.
nempe, quod sit illud, quod aptum est
nobis vehementer nocere occulta qualitate.
Quæ descriptio ut instituto nostro ma-
gis serviat, eatenus reformanda vide-
tur, quod venenum aptum sit nobis vehe-
menter aut nocere, aut admodum corpus
nostrum alterare, & quidem occulta qua-
litate. Multi, si non plerique, qui
Venenorum naturam expendunt, pu-
tant illis essentiale esse, ut eos lethodent,
qui for-

quiforte affumplerint. Cum tamen varia occurrant, quæ licet Venena haberi debeant, non tamen mortem inferant, nedum accelerent: eoque hoc in definitione merito à Cardano omiffum eft, & illud duntaxat expreffum, quòd Veneno in communi fpectato competit. Quomodo Venena operationes fuas noxias exerant, controverfum non minus, quam explicatu difficillimum eft. Kircherus in Scrutinio de Pefte Sect. 3. cap. 3. hac de re ita commentatur: Notes velim Lector, quod omne venenum quaecunque tandem illud fit, duplici qualitatibus dote à natura inftructum fit, una quidem quæ à temperamentis ex quo venenofa fubftantia coadit, dependet; quæ quidem qualitates elementares primæ, & quæ has confequuntur, fecundæ aut tertiæ dicuntur. Altera verò immediatè ab effentia, feu forma fubjecti feu compositi emanat, & tales qualitates specificæ, vulgò occultæ, tametsi perperam vocan-

tur. Primarum qualitatum proprium est, humores sibi consimiles mox ac intra corpus susceptæ fuerint, vel movere, alterare, rarefacere, condensare, vel a symbola affectione vitare, corrumpere. Specificæ verò qualitatis proprium est, per abditas semitas, antipathica quadam machinatione, principalium membrorum vitæ mortisque officinas invadere, apertum humoribus bellum indicere, horrendisque symptomatum stragibus universam Microcosmi Oeconomiam convehere, convulsam exterminare. *Hæc Kircherus* quam ingeniose hæctenus; in quibus nullum indicium Fermentationis notatur: quam tamen in omnibus Venenis attendi vult Cl. Corn. ab Hogelande, apud quem pag. 222. *sequentia offendo*: Atque hæc (*inquit*) inter fermentaceam medicamentorum & venenorum vulgarium (uti enim medicamentorum, ita & venenorum variæ sunt species & effectus) actionem invenitur differentia: quod

tia : quód illam plerumque quædam
materiæ crudioris vel peccantis eva-
cuatio , vel saltem attenuatio ; hanc
verò , sola sanguinis , ad ejusdemque
naturam proxime accedentis substan-
tiæ , absque ullâ vel attenuatione , vel
evacuatione (cum manifesto corporis
tumore , turbatâque spirituum ani-
malium generatione) insolens non-
nunquam sequi soleat fermentatio. *Ha-*
ætenu Hogelande. Agnoscit Fermenta-
tionem insolentem , quære vera usque
adeo insolens est , ut quandiu Vene-
num in animali adhuc vivo , conspi-
ranstamen ad ipsius internecionem,de-
litescit, Fermentatio in ipsa Fermenta-
tione desiderari videatur. Ut omnia ve-
ro ex nostra tum mente , tum etiam
principiis declarari queant , distingui-
mus venena, (consideranda hic dun-
taxat in ordine ad animalia) quod vel
talìa agnosci debeant ratione omnium
animalium in communi considerato-
rum , vel aliquorum duntaxat. Ita hyos-
ciamus

534 *Mart. Schoockius,*

ciamus homines enecat, non vero pasceres : cicuta quoque sturnos non interficit (imo nutrire quoque creditur) homines vero haut diu superesse finit : hyosciamus & mandragora sues nutriunt, hominibus sunt venena : hircundines aluntur cantharidibus, quæ tamen homines transire non solent : cornicibus in delitiis est Elleborum, quod homini tamen putatur esse lethale. Ratione quoque habita animalium ejusdem speciei, differentia notari debet : quæ, ne extra homines abeamus, admodum notabilis occurrit. Quod si enim homo aliquis cor admodum imbecille habeat, citissime à veneno jugulari solet : cum contrarium observetur in illo, cui cor contigit robustius, quodque validius obniti possit contrariis qualitatibus. Imo unus & idem homo, ratione veneni ejusdem, diversimode potest esse dispositus, quatenus diversa ratione illud assumit. Nam si venenum subeat corpus jejunum, citius mors

mors subsequetur, quàm si in ventrem
cibis repletum ingeratur: siquidem fa-
cilior aditus patet ad interna vitæ re-
ceptacula, absque ullo ciborum impe-
dimento, quàm si plurimis eduliis ven-
tricus fuerit refertus. Inde agyrtæ cir-
cumforanei, ut plebeculam decipiant,
illiusque marsupium exenterent, ante-
quam catastam conscendant, venditu-
ri sua adversus venena antidota, quam
plurimum edulii, præsertim unctuarii
& oleaginosi devorant, v. c. boum
intestina pingua, olera cum jure præ-
pingui, lactucas copioso oleo condi-
tas, &c. ex quibus instar tympani ex-
tento ventriculo, postea coram popel-
lo, (ut eum avarum suorum electua-
riorum licitatore nancisci possit) de-
leterium aliquod ex corrosivis sumunt,
v. c. Arsenicum: quod & nulla ra-
tione obesse potest, quod viæ omnes
in ventriculo ab unctuariis crassisque il-
lis cibis quasi occlusæ sint: mox domum
reversi, aut cæteroquin ad angulum
Z 4 aliquem

aliquem divertentes, digito in guttur immisso, vel alio artificio, venena & simul cibum revomunt, nulla ferme noxa visceribus communicata. Quo vero mentem nostram commodè exponere queamus, venena ratione subjectorum hæctenus distincta, ulterius juxta efficientiam suam distinguimus, Eoque, omissis aliis distinctionibus, instituto nostro illa servit, juxta quam venena vel efficacius agunt, mortem repentinam procurando; vel tardius, mortem quidem inferendo, sed simul quoque aliquantisper differendo. Ad illa quanquam varia pertinent, ab auctoribus juxta indices quoque relata; nobis tamen præ cæteris duo sunt; aconitum & napellus: quorum hæc ratio, ut si *animalis corpus ingressa fuerint, totum id momento temporis immutent, sibi que simili affectione alterent*, ut habet Galenus l. 1. de Semine, c. 16. Maxime aconitum quam citissime occidit, & aliquando tactis solum genitalibus muliebribus mulie-

muliebribus mortem eodem die inferre perhibetur: atque, ut refert Plinius lib. 27. Nat. Hist. cap. 2. *brevissimotemporis spatio intus assumptum interficit*. Nec tamen putandum, hæc & similia venena, quæ animal tam cito strangulant, per quandam fermentationem efficientiam suam edere. Dn. ab Hogelande hic fingit *insolentem fermentationem*. at, quàm late hæc insolentia non posset extendi, & quæ non sub illa comprehendi? Duplicis ordinis qualitates, ingeniose circa venena à Kircherò excogitatae, omnia quoque expedire non possunt. ego quidem non puto omnia Venena eadem methodo mortem repentinam acclerare: (licet in iis omnibus agnoscidebeat singularis aliqua qualitas, eaque maligna, subserviens propriæ formæ, nec agens semper juxta primas qualitates,) interim manifestam noxam inferre, illi *vitali flammæ*, sive, calido innato. Hoc enim observandum ratione horum Venenorum, quod si ab

eorundem assumptione mors repentina subsequatur, calorem nativum, cujus primaria sedes Cor est, à vi deleteria eorundem debere corrumpi, atque extranea qualitate infici per omnia, simul vitæ muneribus usque adeo ineptum reddi, ut non possit non homo, aut aliud quodcunque animal mortis imperio succumbere. Quô enim calor nativus præstari queat incolumis, quatuor conditiones requiruntur. *Prima* est, ut ratione suæ essentiae (quam supra diffuse consideravimus) nihil incommodi patiatur, *Secunda*, ut gaudeat tali mensura, juxta quam vitæ operationibus sufficere possit. *Tertia*, ut ab omni labepurus existat, humidum simul nativum, tanquam suum pabulum complectendo. *Quarta*, ut incolumes præstet duos perennes motus, considerandos eô usque in animali, quam ipsi vitæ ratio constabit. Horum unus sursum tendit, servitque extrapellendis fuliginibus per expirationem: alter deorsum,

sum, infervitque attractioni alimenti per inspirationem. Quod si alter horum motuum, vel ambo simul per brevissimum temporis spatium desinant, & impediantur, non potest non homo, imo quodlibet animal mox occumbere. Venena itaque quæ cito interficiunt, omnibus his quatuor modis censeari debent calori innato obsistere. Nam *primo* videntur per qualitatem illam suam, propriæ formæ respondentem, calido nativo resistere: ut non incommode in Scholis Medicis hæc loquendi formula vulgo sit recepta, quod agant secundum totam suam substantiam, scil. (ut jam declaravimus,) ejusmodi qualitate propria interveniente. *Secundo* imminuunt caloris nativi mensuram, quatenus illum depopulantur: nam expugna, quæ mox ab assumpto veneno emergit inter calidum innatum, & venenatam hanc qualitatem, quam maxime deleteriam, pars imbecillior, quæ est calor innatus, semper aliquid sui

amittit, adeoque imminuitur. Nam omnium venenorum hæc est ratio, ut ipsorum substantia non alteretur; (nisi forte collidantur cum alio veneno, aut quodam alexicapharmaco) quare necessario sequitur, ut aliquid per illam pugnam calido innato discedat, imo quam brevissimo temporis spatio destituatur. *Tertio* venefica hæc lues calidum insitum conspurcat (ut sic dicam) humidumque, quod ipsius naturale pabulum, inquinat; prava enim deleteria qualitas ad calorem hunc impurum, ejusque humiditatem radicalem, aut adscitiam, sæculentam reddendam, omnium maximè idonea est. *Quarto* impedit hæc lethalis venenorum qualitas primò motum sursum per expirationem, quia tot sunt sædæ, ac pravæ fuligines, quæ momento temporis ex illa pugna inter calidum nativum, & propriam qualitatem veneni, illam scil. deleteriam consurgunt, ut idem calor obrutus cedere cogatur. secundò motum deor-

tum deorsum per inspirationem interpellat; quatenus primò humidum radicale, à quo calor deorsum detinetur, ac movetur, corruptum, sordidumque evasit, è quo non amplius refocillari potest, non secus ac si in lucerna oleum esset amurcosum (ut sic loquar) & sæculentum, statim profectò extingueretur lumen: impeditur etiam motus deorsum, eò, quia, licet inspiratio aëris puri & incontaminati fiat, aër tamen purus pro spirituum vitalium regeneratione, ut partialis materialisque causa, in corporibus benè se habentibus, ex se satis idoneus, statim in ipso ingressu à prava spiritalium partium corruptela ex veneno contracta, pravus & ipse impurusque redditur, quia omne receptum in recipiente non se habet per modum recepti, sed per modum recipientis. Peragitur autem totum hoc, simulque cita mors per præsentanea venena animali acceleratur, absque ulla fermentatione: cum non

contingat à spiritu agitari humidum; sed venenum juxta malignam suam qualitatem, duntaxat congregiatur cum ipso calido nativo iis modis, quos distincte proposuimus. At expugnato jam calido, simulque animali extincto, per accidens sæpe contingit fermentatio, quatenus acer spiritus qui in veneno existit, superato jam calido nativo, se insinuat in humidum, seseque, quod & calidus sit, componit ad fermentandum humidum, quod usque adeo exagitat, ut malignas qualitates, per se humido illi impressas, fermentando quoque propellat usque ad extremas corporis partes. Inde Galenus. libr. 6. de locis affect. cap. 5. inter notas nominis veneno extincti refert *πελιδνόν, χεῶμα, ἢ μέλαν, ἢ ποικίλον*. Colorem plumbeum, aut nigrum, aut varium. Quo respiciens Quintilianus, Declamatione x v. dicit: *Veneficium si arguis, oportet ostendas putre livoribus cadaver, inter effluentium manus fluens tabe corpus. Con-*
venien-

venienter vero Galenus colorem illum vocavit πελιδνόν : cujus & meminit Xiphilinus in Nerone, occasione Britannici novercæ artibus intoxicati. Coloris illius rationem his verbis declarat Scholiastes Thucydidis: πελιδνόν ἐστι τὸ μετέχον ὠχρότητος καὶ μελανίας, οἷον αἱ μολυβδοειδές. Sed, quum præter lethifera hæc venena, sint alia quædam, quæ non tam cito quidem vires suas exerunt, sed tardius: de illis quoque agendum est, si forte circa illa non quidem fermentatio vaga & inconstans, sed vera atque propria forte observari possit. De ejusmodi venenis agit Theophrastus libr. 2. Hist. Plant. c. 15. 16. 17. Exemplum habet A. Gellius libr. 6. Noct. Atticarum cap. 4. de Atilio Regulo, qui Carthagine Romam redux, cum dissuaderet, ne captivi redderentur, addidit venenum sibi (ut & aliis dubio procul captivis) Carthaginenses dedisse, non quidem præsentaneum, sed tale, quod mortem in diem proferret. Ex recentio-

544 *Mart. Schoockius*,
centioribus Amatus Lusitanus Cent. 2.
Curat. Med. 65. casum refert de quo-
dam Acubafamulo Lusitani, qui pul-
lodegustato, cui arsenicum inspersum
erat, paulatim inde tabescens intra an-
num obierit. Similiter nostras Johannes
Linschotanus, rerum Judicarum scrip-
tor fidelissimus, c. 31. Itinerarii: re-
fert multas fœminas, virorum suorum
pertæsas, iis venenum consuevisse pro-
pinarte, quod sæpe longo tempore cir-
cumferant, antequam vires suas ex-
erat: quæ ubi se prodere inceperint,
brevissimo temporis spatio, & sæpe in-
tra mediam horam, mortem procurent:
quod & sæpe se observasse addit. Sed,
si forte contigerit, antidotum aliquod
tempestive adversus ejusmodi venenum,
subinde ad exteriora propellitur pro sa-
lute illius, qui intoxicatus certo mo-
riturus credebatur. In pestilentia ob-
servare licet; in qua cum contingat sæ-
pe excitari bubones in partibus glan-
dulosis, ita sæpe quoque accidit vene-
ni maligni

ni malignitatem expirare. Quod cum distincte exposuerit Experientissimus D. Diemerbroeck in limatissimo & undiquaque doctissimo scripto de Peste, malo ipsius quàm meis verbis uti : ita vero loquitur *cap. 14. in Annotationibus pag. 67.* Hic explicandum quâ ratione à veneno pestilenti, quod est tenuissimæ substantiæ & minimæ quantitatis, glandulæ intumescere possint, & quare ab ejus virulentia non mortificentur, sicut pars carbunculo correpta. Cum venenum pestilens ad glandulas expellitur, statim permiscetur excrementitiis illis pituitosis humoribus quibus glandulæ illæ semper scatent. Hi humores num excrementii sint, nec partium nutritioni inserviant, neque vasis includantur, cum etiam tenaces, glutinosi, dulces ac frigidi existant, ineptum sunt subjectum in quod venenum pestilens suam septicam vim imprimere potest, æque atque stercora in intestinis : ac proinde illos malignâ suâ acrimoniâ solummo-

lummodo ebullit & quasi fermentat, sicut sal & acetum panis massam fermentant & minimas ejus partes à se invicem distendunt, vel sicut succus citri oculis canceri pulverisatis infusus eodem ebullire facit. Ab hac fermentatione effervescent illi humores (unde partis inflammatio) & valde extenduntur, à qua distentione fit tumor, quem acris dolor comitatur, ad quem dolorem è vicinia multo plures tales humores accurrunt, qui tumorem & dolorem adaugent, & ipsimet quoque paulatim eandem inflammationem concipiunt. Natura ut ab hac molestiâ se expediat, illorum humorum coctioni incumbit; eosque in pus mutatos foras expellit. Hinc etiam satis liquet quare glandulæ à veneni maximâ virulentia non mortificentur, sicut in carbunculo pars mortificatur; quia nempe venenum non ingreditur ipsarum solidam substantiam, sed tantum fungosas earum cavitates, in quibus statim permiscetur.

cetur tali excrementitio humori, qui ob substantiæ contrarietatem veneni violentiam retardare ac multum infringere potest: contra quam fit in carbunculis, in quibus venenum ingreditur ipsam alicujus partis substantiam, in qua devastat calorem nativum, & nutritivos humores corrumpit, neque ab ulla re ejus operatio impeditur. Accidit tamen interdum, sed rarissime, ipsius glandulæ mortificatio, atque tunc in bubonum locum emergunt carbunculi; quod fit cum excrementum pituitosum in glandulis paucum est, & cum venenum in pessimæ qualitatis summo gradu ac magnâ quantitate in illas irrumpit, ita ut glandulæ adversus tam violentum tyranni impetum à suo præsidio defendi nequeant. *Hactenus diligens & accuratus Dn. Diemerbroeck.* Cur vero bubonum in pestilentia eruptio non semper sit salutaris, cum idem vir Clarissimus convenienter docuerit, non pigebit subsequenter illius verba exhibere. *Quæ ita habet.*

ita habent. Cum venenum (inquit) pestilens vel debile vel paucum in glandulas expellitur, & illæ multo excremento mucco abundant, fit aliquando ut in prima fermentatione, seu ebullitione illud vel insensibiliter exspiret & dissipetur, vel ejus vires omnino infringantur aut exstinguantur (multa enim sunt quæ pestilentis veneni virulentiam extinguunt, ut liquet in antidotis) antequam magna intemperies partem occupaverit, atque tunc tumores sponte evanescent, idque cum salute ægri. Interdum verò cum venenum copiosius in venis & arteriis continetur (quæ copia ex symptomatum vehementiâ ac multitudine innotescit) natura ab illa nimis gravata valde debilitatur, & cum totum non possit, saltem illius aliquam partem ad glandulas propellit, & dum in reliquiis expellendis laborans, venarum arteriarumque fines identidem circa glandulas referat, & frustra nec conatu intestinum hostem illac ejicere nititur.

nititur, facile fit ut per easdem vias venenum è glandulis regurgitet in illa vasa, atque tunc illa hostis fuga facit ut in glandulis cesset humoris pituitosi fermentatio una cum inflammatione, tuncque dissipantur & evanescunt illi tumores cum exitio ægri, quia materia morbifica regurgitat ad partes principes. *Hac iterum ille.* quæ ut concinna admodum sunt; ita putandum est fermentationem procurari, quatenus acrior latentis veneni spiritus se insinuando ipsi humido, illud deducit ad ebullitionem, usque adeo ut procurato exanthemate, cum eo venenum, spiritum hunc continens, sæpe evaporet. Occasione veneni non possumus non paucis agere de Epilepsia, quam patimur hætenus distinguere in Idiopathicam & Sympathicam: atque illius causa censentur esse crassi frigidi & viscosi humores, copia ventriculos cerebri, non quidem integre sed ex parte obstruentes & replentes, sic quod influxum spirituum animalium

malium per nervos prohibentes, quos dum cerebrum excutere conatur, se contrahit, atque dum se contrahit, nervi simul contrahuntur, prout fusius docet Galenus l. 3. de locis affect. c. 5. & 7. atque alibi. Interim quam vocant Sympathicam Epilepsiam (si non omnis talis sit) rectè statuunt majorum gentium Medici, esse vaporosam quandam & tenuem materiam, quæ vel acrimonia ac mordacitate sua, vel qualitate prava, maligna ac venenata, Cerebri substantiæ prorsus infensa ac inimica, meninges, ac nervorum principium vellicet ac pungat, & constrictionem quandam meatuum in illo procuret, sicque tandem partes sensiles ad noxii expulsionem stimulet ac irriter. Atque hoc primo inde probatur: Quod Epilepticæ convulsiones *ταχίως* & ex improviso hominem invadunt, & cito iterum eundem deserunt. Observatum enim & experienciâ cognitum multo ties fuit, nonnullos, quinquies, imo

imo decies, vel pluries uno die, ejusmodi insultibus horribiliter fuisse infectatos, quemadmodum *Brassavolus in comm. ad aphor. 42. libr. 2. Hippocr.* scribit, secuisse puerum lactentem, per 40 vi-
ces, singulis diebus Comitiales pas-
sum. Secundo hoc inde quoque patet:
quod multæ Epilepsiæ fiunt ac gene-
rantur per consensum aliarum partium
corporis, à quibus manifestissimè aura
quædam frigida, seu spiritus vaporosus,
per loca intermedia, sursum ad
cerebrum ferri ibidemque convulsivum
excitare motum, percipitur. Quam
causam nec ipse quoque *Gal.* ignoravit,
dum *l. 3. de loc. affect. cap. 7. & 5. de loc. affect. cap. 6.* Epilepsiam quandam ad-
mittit, quæ generatur, dum à ventri-
culi orificio, vel alia quadam parte, ali-
quid ad cerebrum ascendit, adferens
huc exemplum Grammatici, qui quo-
ties vel nimis vehementer doceret, aut
cogitaret, aut irasceretur, aut in ediam
sustineret, comitali morbo corripie-
batur;

batur, ore ventriculi affecto. Item pueri cujusdam, cui à crure ad femur, à femore ad coxam, ab hac ad cervicem & demum ad caput, vapor quidam ascendebat, cerebro torporem inducens, & mox puerum adeò vehementer corripiciens, ut ne sentire quidem ac intelligere posset. *Tertio* observatum est, ex aëre, seu vento concitatiores homines Comitialem morbum incurrisse. Quod pertinet hæc *Rondeletii* narratio lib. I. de Curat. Morb. Intern. cap. 36. Nov multos, (inquit) qui cum iter facerent ex aëre vel vento concepto, statim Epilepsia corripiebantur, à qua, si aures bombace aut alia aliqua substantia molli substruerent, sese vindicabant. Atque hinc vulgo argumentantur ad halitus subtiles, sub vectos usque ad cerebrum, & præ vento & aëre procurandis convulsionibus Epilepticis sufficientes. *Quarto* argumentantur quoque ab odoribus, maxime apii, gagatis, &c. per quos cum contigerit morbum hunc excitari, concludunt mi

dunt minorem haut efficaciam deferendam esse halitibus & vaporibus. Nec tamen quoslibet halitus hic considerandos esse existimant, quum exhalationes vaporosæ notari soleant in re venerea, putridis ulceribus, abscessibus internis, membris sphacelatis, &c. atque, ut loquitur *Vnizerus libr. 1. de Epilepsia cap. 13.* Ad excitandam Epilepsiam in humano corpore, non sola spirituosæ seu vaporosæ materiæ mordacitas, ac malignitas sufficit, sed insuper requiritur ut ejusmodi pravitas & venenositas, singularem quoque, præ reliquis partibus cum cerebro ac nervorum principio habeat *ἀντηπάθειαν*, iisque totius substantiæ proprietate, seu forma specifica, sit adversa, infensa ac inimica, quæ quidem si abest, hic morbus non gignitur. Qualis autem sit, aut quo proprio nomine vocari mereatur, illa substantialis proprietate, rationi ac intellectui humano puto esse *ἀκυστάληπτον ἢ ἀδιάτευτον*, nec ab ullo unquam,

verbis idoneis perfectè exprimi posse. *Hac Vntzerus.* Sed, quomodo aliquis apprehenderit, qua ratione hæc flatuosa materia, sæpe ab imis pedibus, usque ad cerebrum pertendere possit? Si aura ejusmodi cerebro usque adeo infecta sit, quærere licet, cur non accidat convulsio, si talis vapor spinalem medullam corripit atque eam transire incipiat, cum spinalis medulla vulgo habeatur cerebrum prolongatum. Certe sexcenta hic occurrunt incommoda, quæ videmur evitare ex parte posse, si de Epilepsiæ causis voluerimus audire *Corn. ab Hogelande*, qui de hoc morbo juxta sua principia sic *Philosophatur* pag. 185. Epilepsiam ab acrimonia sanguinis prodire; Primò ex eo patet quod quidam, unò aut alterò ante paroxysmum die, multo majorem solito famem sentiant, & plus comedant: Secundò, quod sit universalis, id est, omnium nervorum convulsio, quæ oriri non potest, nisi (si forte nonnunquam secus

contin-

contingere videatur, id rarissimum est) ex acrimonia spirituum, ex dicto acrisanguine generatorum, nervorum initia in cerebro vellicantium. *Hæc ille.* Cujus certe ratiocinium haut quaquam per omnia negligi debet. Nam, cum certum sit, Epilepticos, tum per scarificationem, tum etiam per phlebotomiam, non modo levatos ex parte fuisse, verum etiam perfecte curatos, dubitare non licet, vaporem hunc malignum sanguinis quasi vasculis includi. Atque, cum multi ex Medicis quantivis pretii, testentur, in Paroxysmo Epileptiæ, cor quoque affici, sanguinem malignorum horum vaporum vehiculum esse, magis adhuc confirmatur. Quum vero hoc seculo sanguinis circulatio distinctius sit explicata, quàm omnibus superioribus, verosimile admodum est, malignum spiritum in aliqua corporis parte delitescentem, sanguini per illam refluxo maligni aliquid affundere posse. Atque sedes hujus maligni spiritus statuenda

A a 2 videtur

videtur illud membrum, è quo vapor malignus sanguini permixtus, per quandam quasi ebullitionem se primus sublevare animadvertitur. Proponemus aliquot historias, & dein judicium nostrum, juxta principia præcedentia subjiciemus. Agmen vero ducant observationes, quæ occurrunt apud Scholasten Hollerii ad caput x v i. libri primi. Multis (dicit auctor) fit primo tremor & convulsio brachii, deinde capitis concussio. Anno 1555. Martii 8. die in adolescente Piccardo annos nato 15. à torpore manus dextræ initio accepto, contrahabantur tres primi digiti, index vi extendebatur. Ita cadebat obtento oblique brachio, & corpore inflexo. In alio ab articulo humeri mali initium, deinde tremor totius brachii, ex quo adstrictio dentium & casus. Sæpe vero deprehenditur ab extremis pedis articulis vapor hic sese promovere. In proavi mei Schipperii observationibus ad annum 1571. hæc offendo: Erat Ultraje-
 Et in longiori fabrorum platea vitriarii filia,
 quæ

qua quotidie ferme convulsiones Epilepticas incurrebat, malo à pollice dextri pedis cum agitatione ingenti & magna cordis anxietate se promovente: Ad hanc forte vocatus Magister Diego Granata-Hispanus, aut verius Maurus (nam Æthiopi non erat absterilis) & inter Hispanos, non tam Chirurgus quam agyrta, ferme valetudini restituit. Iubebat quotidie in balneo aliquo utrumque pedem lavare; deinde cucurbitulas ad coxendicem usque utriusque pedis frequentes admovebat, tum cutem largiter scarificando, tum sanguinem provocando: si vero convulsio oboriri videretur, valida ligatura totum pedem constringebat. Singulare quoque est, quod habet ἱπάρχου Bartholinus Observ. Cent. v. 1. Histor. 78. Scriba (inquit) Helsingius 25. annorum convulsionibus Epilepticis Hafniæ 1659. conciditur; ex pede sinistro elatis vaporibus, quod observarunt quoque Galenus libr. 3. Loc. Aff. cap. 7. & Fernelius libr. 2. de Morb. Venen. cap. 15. Tulpius libr. 4. Obs. cap. 2. Haic scriba ante insultum pes stupet, mox adscen-

dentem ad genua vaporem sentit, quo relictis genubus, altius adscendente, statim convulsus concidit, cum copiosa circa os spuma. Facit huc unice quoque, quod habet Borellus Centur. 2. Observ. 95. *Alia Epilepsia* (dicit) est qua pollicis inustione à cauterio actuali curatur, à pollicibus autem pedum & manuum incipit, inque illis quasi ebullitionem quandam producit, quia facile aura Venenata ad caput adscendens Meninges feriens, tandem agros prostermit: ait autem Hippocrates ejusmodi Epilepsias curari posse 98. prædict. libr. 2. de Morb. Sacro Sermone faciens. His verbis. Hæc autem inter se differunt, ex his namque molestissimi sunt qui à capite originem trahunt, deinde ex latere, qui verò à manibus ac pedibus, præcipue sanitatem recuperant. Pedis & pollicis pedum meminerunt viri egregii; quod si verò omnia quàm diligenter attendantur, patebit, ab extremis ferme pedum unguiculis, malum hoc convulsivum proserpere. Namque, ut proximo capite occasione dentium pluribus

pluribus ostendemus, cum ad extremitates digitorum concursus sit plurimorum nervulorum, venularum, & arteriolarum, atque non queant transpirando, quòd ungue muniantur, liberari fuliginibus, aliisque partibus excrementitiis, facile ibi colligi potest saburra aliqua, quæ progressu temporis non modo noxam aliquam, sed & venenatam qualitatem contrahat. Quæ saburra, si sanguini, aut potius spiritus sanguini inexistens suam malignitatem afflaverit, procuratur omnium nervorum convulsio, dum à spiritibus singulari acrimonia, & quidem maligna præditis, omnium nervorum initia in cerebro vellicantur. Scio, Medicos primores hæc & similia referre ad levio-rem Epilepsiam, cui & accensere illam solent, quam stomachicam vocant; simul statuere gravio-rem longe Epilepsiam, quæ totum cerebrum commotum esse indicet: At, ut initio quoque innuebam, mihi persuadere vix pos-

460 *Mart. Schoockius*,
fum, agnoscendam esse Epilepsiam
Idiopathicam. Postremo hoc conside-
ratione dignum in Epilepticis, quod
dum concussi prolabuntur, spument ut
plurimum insigniter, partim propter
fervorem Thoracis, partim etiam pro-
pter capitis concussionem: duas enim
has causas conjungere, non vero dis-
jungere convenit. Hoc accidens consi-
derans Lucretius libr. 3. ita de Epilep-
tico canit:

*Concidit, & spumas agit, ingemit, &
tremat artus.*

C A P. XXX.

*De Odontologia, sive, de dolore dentium,
circa quem aliquid maligni, quasi fermenta-
tivum, se ut plurimum prodere solet.*

QUanquam multi affectus præter-
naturales adhuc supersunt, circa
quos si non fermentationem, saltem
fermentativi aliquid considerare posse-
mus; solam tamen Odontologiam, sive
dentium

dentium dolorem duntaxat examinaturi sumus. Multa occurrunt quidem tum circa dentium originem, tum etiam naturam & indolem, circa quæ cum fructu forte occupari possemus: Sed hæc in præsentia omnia hæc seponemus: Atque investigabimus rationem, cur in his ossibus tantus sæpe oboriatur dolor, ut vix major in ulla corporis parte percipi possit. Exemplum singulare habet Borellus Cent. 3. Obs. 8. Rusticus quidam loci dicti (Labeethonie) prope Castra Albingensium, tanto dentium dolore, detentus fuit, ut post Phrenitidem in Syncopem etiam incideret, adeo ut pro mortuo sæpe habitus fuerit. Inter observationes proavi, pertinentes ad annum 1586. hanc annotavi: Inter nobiles Illustris Comitissæ Licestriæ erat quidam, cui dentium dolor ad plures dies ita incommodus fuit, ut custodiri debuerit, ne pugione, quem sæpe pectori admoveere cupiebat, seipsum transfoderet. Omnis generis remedia adhibita fuerunt: sed frustra. At postea oborta hæ-

562 Mart. Schoockius ,
morragia larga , & reclusis hamorroidibus ,
quarum fluxum saepe salutarem expertus fue-
rat , dolor cessavit. Ut non absque causa
dentium dolorem maximis tormentis , an-
numerari posse , Celsus libr. 6. cap. 9.
affirmet. Novi quosdam , (inquit Sal-
muthus Cent. 3. Obs. 32.) præ assiduâ
ejusmodi dolorum vehementiâ pene exanima-
tos , immo alios ad insaniam fere redactos
fuisse. Interim , ubi sedes doloris sit , non
convenit inter illos , quibus quam maxi-
me hoc exploratum esse deberet. Non
licet diffiteri , aliquando infestare vel so-
lam radicem dentis , qua parte gingivis
est intecta ; vel solam maxillam , vel
solas gingivas : Cæterum , quando dolor
est vehementissimus , totum dentem ex-
carnificat. Ut mirum sit , viros quosdam
egregios sustinuisse docere , dentes ,
quod sint ossa , omni sensu & conse-
quenter quoque dolore destitui. Nec
moveor , quod quibusdam , quo has
illave literas commodius pronuncia-
rent , per limaturam dentium extremi-
tates

tates absque dolore, aut saltem notabili, potuerint diminui. Nam, ut dentes illi solitum & à natura definitum modulum excesserunt (quemadmodum in equis quotidie experiri licet) appendix eorum otiosa, ut & omnes fere partes excrecentes in corpore tum humano, tum cujusque alterius animalis, exquisito sensu non fuit prædita. Quanquam interim distingui quoq; debet, inter dentem bene dispositum, & illum cujus dispositio est vitiosa, per illapsum spiritus maligni, radiantis quasi ex maligno quodam humore ad radices dentium stabulante, prout postea videbimus. Integer dens obtusorem doloris sensum continet; admodum exquisitum ille, in quem spiritus ejusmodi est illapsus, qui quandiu dispositione tali præditus in gingivis adhuc delitescit, dolor, qui subinde mitigatus videtur, identidem reerudescit. Quo refero, quod observavit accuratissimus Ballonius libr. 1. Epidemiorum paginâ 95. *Vbi ita loquitur :*

Vulgo observatur proclives admodum esse catharros in dentium acetabula, si dens unum vitium attigit: sublato dente, aut confestim cessat affluxio humoris, aut saltem nullo gravi Symptomate se profert. Sin dens remanet vitiat, nullus penè dies est, quo non præsertim vesperi, aut externa aliqua occasione incidente, & dolores recrudescent, & non affluxus humoris, alias frigidi, alias alius generis, percipiatur. Unde hoc? quoniam imbecillitas partis & vitium juvat istam proclivitatem catharri, immo veluti irritat, prolicit, atque provocat. Quod medius fidius mirandum est, maximè verò, exempto dente fluxionum provocatore, tam repente fluxum consistere. *Hæc Ballonius.* Eoque, quanquam catharri, flatus, humores acres, tum intra tum extra ad dentes delati, itemque inflammationes partium vicinarum, nec non calor, & frigus exquisitum dentium dolorem ordinario procurare censentur; potissimum

num tamen imputari debet malignæ cuidam qualitati, inhærenti materiæ putridæ partim intra dentes, partim ad eorum radices, ubi arteriolarum & nervulorum concursus est, collectæ. Quod *primo* inde patet: alias partes corporis, imo ossa in ipso corpore, infestant catharri, flatus, humores acres, inflammationes, &c. Inde tamen nonprehenditur tantus & tam vehemens dolor, atque odontalgia exhibet: manifesto indicio, ad hanc procurandam, singulare aliquid concurrere, quod alibi pariter notari non potest. Sed unde hoc accerses, nisi à maligno spiritu, extendente non minus partes dentibus vicinas, quam se insinuante in illos. *Secundo*, nullibi accidit ossibus, ut quidem ordinario erodantur, atq; hoc in dentibus observatur. Contingit siquidem hæc corrosio iis non modo per virulentiam morbi, puta luis Venereæ; (exemplum habet Amatus Lusitanus *Centur. 5. Curat. 21.*) sed in hominibus integra quo-

que valetudine gaudentibus: quæ proinde non potest imputari nisi maligno cuidam spiritui, vim hanc corrosivam exercenti. *Tertio*, sæpius quoque observatum fuit, aut intra dentes, aut ad extremitates eorum, enatos vermes, odontalgiam intolerabilem procurasse. In aliis corporis partibus notantur sæpe quoque vermes, qui tamen notabilem dolorem non procurant. Sed ipsi hi vermes malignos illos spiritus attrahunt, inspirandoque, aut denti, aut dentibus communicant, unde & punctorii & vehementes illi dolores excitantur. Notus mihi est aliquis, qui cum, ut odontalgia liberaretur, accurasset sibi dentem extrahi, ac simul subsequens vermis dolorem minuisset in manu ipsius, insignis inflammatio oborta est, quod vermem contrivisset: atque, ut malignum virus manui communicatum eam periculose affecit; ita malignus spiritus, per dentem cum agitatione & compressione aliqua diffusus, dolorem exquisitum procurat.

procurat. Nam spiritus hic dentem non offendit, nisi aut agitetur, aut comprimatur. Agitant ipsum calida, flatus, & humores acres, quando iis permiscetur; item ictus, percussio & contusio. Frigida vero & acida, eum ut in dentibus congelando constringunt, simul odontalgia vehemens obvenit: quæ non cessat, nisi, aut dente evulso, aut spiritu hoc è dentibus per attenuationem educto. Quanquam sæpe post dentis exemptionem dolor non cessat. Quo cum faciant quæ apud accuratissimum Highmorum occurrunt, omnino hoc loco exhiberi debent. Ita vero loquitur in Anacephalæosi Circulationis sanguinis pag. 260. *In his vasis* (inquit, intelligendo ramulos venularum & arteriolarum radices dentium ingredientes,) *humores acres una cum sanguine ad dentes perveniunt; quibus illorum membranula, exquisite sentiens, interiorum eorum medullam succingens, eroditur & vellicatur; unde dolores illi dentium exquisitissimi ortum petunt. Et*
ab hac

ab hac arteriarum dentes petentium origine, adstringentia ponè vel sub aures, meliori cum successu in dentium dolore, applicari, quam ad tempora, facilè suaderi potest. Ex hisce etiam in dentium dolore, pulsatio quædam in illis percipitur, uti Galenus in se ipso est expertus. Hinc etiam magna sanguinis lucidi copia ex dente perforato, aut evulso emanat, & nonnunquam ad mortem usque, ut in quodam Sbastburiensi an. 1631. à Chirurgorum vel defectu, vel in curiâ misere comprobatum est. Sed non sufficit, Doctissime Highmore, humorem hunc acrem vocare: habet aliquid maligni, quod & vim erodendi exerere potest: atque ideo gingivis non modo sæpe exulcerationem procurat, verum etiam referat venulas & arterias, ad dentium extremitates pertingentes. Unde hæc malignitas originem trahat, jure merito aliquis roget. Eoque primo statuatur, dentes superpositos esse foco ventriculi, è quo tanquam vaporario, sine missione exhalant vapores fæculenti, sæpe male

male ordinati, & consequenter graveolentes: unde etiam dentibus adnascuntur *αἰμαί*, sive, *calli & lapidosa crusta*, quæ dentes non rarò prorsus obducunt atque occultant. Testatur namque Bartholomæus Eustachius cap. 12. libr. de dentibus, vidisse se in quodam fene dentes undique dura peneque lapidea materia, incrustatos, nullo relicto distinctionis vestigio, unius tantum ossis speciem præ se ferente. Ex hac fornace, ad extremitatem pariter dentium maligni surgunt vapores, usque ad extremas radices venularum & arteriolarum, qui iis impacti manent, atque impedita transpiratione, ibi hærent, atque hanc malignitatem toti denti, qui sæpe exquisitissime dolet, communicant. *Secundo*, hæc malignitas accersi quoque potest à ciborum reliquiis, quæ interstitiis dentium inhærent, atque progressu temporis non modo putrescunt, sed & malignam quoque acrimoniam contrahunt, quæ dentibus non modo communi-

municatur, sed sæpe eisdem erodere, deprehenditur: imo hinc insignis quorundamque oris foetor ut plurimum provenit. Atque ab utraque hac causa provenire malignitatem hanc, & simul ὀδονταλίαν, inde patet, quod remedium sit frequens oris collutio. Unde Plinius libr. 28. Natural. Histor. cap. 4. agens de remediis contrahentium dolores, inter certa experimenta numerat, *mero quidem ante somnos colluere ora propter halitus; frigida matutinis im-* pari numero *ad cavendos dentium dolores.* nec non ex præcepto Q. Serenī, ubi capite integro de *dentium vitiis* agit, cedit feliciter ad dentes firmandos incolumesque à putredine servandos, si aqua frigidiusculâ, ora colluantur.

Sæpe etiam gelidâ gingivas collue lymphâ,

Dentibus ut firmum possis servare vigorem.

Hæc ergo maligna qualitas ex hoc principio originem trahens, & stabulans loco dicto, præcipuum dentibus dolorem procurat: qui intenditur, si contigerit eum immisceri copiosiori & effervescenti

scenti sanguini, (& parum quin ad fermentationem composito) ad illas partes delato. Facit huc ex parte Guarinonii locus, cujus indicium mihi factum est in elaboratissima & accuratissima disputatione de Dentibus, quam in Academia Julia, undiquaque doctissimus Medicinæ Candidatus D. Fridericus Heye Holsatus, superiori anno d. 30. Octobr. proposuit. Ita vero loquitur Cons. 419.

At non solum recrementa pervenientia ad dentes, dolorem faciunt, sed etiam, ut quidam volunt, cum dolentes nimium alimentum accipiunt, &c. Unde is dolor ex nimio alimento domesticus est juvenibus. Idem hic malignus spiritus, ibidem delitescens, ὀδονταλγίαν procurat foeminis gravidis, cum primitus conceperunt, non quod agitetur per quendam πνευματισμὸν à mensium suppressione provenientem; sed, quod spiritus fermentativus seminis, tum temporis maxime vegetus, vires suas per totum corpus exerat, atque operationem suam ibidem quoque prodar.

prodat. Idem dolor lactantium dentes sæpe quoque affligit, quod, per validiorem infantis suctum, non tam fluxiones accerlantur, quam spiritus hic cum fluxionibus, si non & ille sæpe solus. Atque, quod dentientibus pueris cum dentitione dolores accidant gravissimi, imputari debet simili maligno spiritui, collecto ex evaporatione lactis, & aliorum alimentorum puerulis exhiberi solito. Quod hinc patet, quoniam inter dentitionem gravius dolent circa dentes, quibus aut nutrix minus sana contigit, aut quibus præpostero consilio cibi præmansit omnis generis ingesti fuerunt. Nec tamen dentes tum primitus gignuntur, sed geniti jam antea protruduntur: non tamen geniti ex spermatica materia, ut colligi potest ex Exercit. 68. & seqq. Harvæi de Generat. Anim. à quibus experimentis nos supra quoque progressi fuimus. In Quadrupedibus dentatis circa dentitionem dolor se vix prodit: quod ob victus simplicitatem

citatem similis malignus spiritus circa
gingivas se non prodat.

CAP. XXXI.

*De fermentatione, quæ se prodit in plan-
tis illis, quæ prodeunt è semine.*

Multa occasione Fermentationis
observari adhuc possent circa τὸν
μικροκοσμον, sive hominem, nisi tan-
dem manus de tabula tollenda foret.
Eoque ab homine nos convertimus ad
Plantas, in quarum germinatione cum
variis indiciis se prodat Fermentatio, su-
prà cap. 15. & cap. 16. prolixè consi-
derata: hoc capite breviter (quod ibi
omissimus) considerabimus Fermenta-
tionem Plantarum, quæ originem è se-
mine trahunt. Quum vero nullus æque
distincte, atque doctissimus Highmo-
rus libr. 1. Disquisit. corporis huma-
ni, parte quarta, cap. 5. germinatio-
nem plantæ è suo semine exposuerit,
operæ pretium erit verba ipsius, quod
unice

§ 74 *Mart. Schoockius*,
unice huc pertineant, propoluisse. *Ita*
vero loquitur pag. 102. Vegetabilia omnia
succum quendam cognatum, & cui libere
proprium, ex terra pro nutritione eli-
ciunt; quem mediante radice, à cæte-
ris terrestrioribus terræ partibus, & ab
aliis succis illis non cognatis, separant
& purificant: atque inde singulis illo-
rum communicatur alimentum, quo &
reparantur, & augentur. Ex Succo hoc
quotannis Atomi quædam, quæ cuivis
particulæ Plantæ, (& sic de cæteris
vegetabilibus, semen habentibus, di-
ctum sit) responderint, ac pro ejus nu-
tritione, & terrâ fuerint selectæ, ab
anima specifica colliguntur, (idque eo
modo, ut Atomi aliæ, ex succo illo pro
nutritione frondium inserviente, & quæ
frondes futuræ erant, si ab aliis attrahe-
rentur & apponerentur: aliæ ab Ato-
mis in succo cortici cognatis, aliæ trun-
co, aliæ floribus, aliæ radici) & in mi-
nuta quantitate seponuntur, & in ma-
teria apta, & tenaci reconduntur; qui-
bus

ous Anima illius plantæ specifica suas facultates, potentias, & partem (ut sic dicam) suæ ipsius communicat, ac diffundit; ac tandem cortice duro, ut ab injuriis externis defendantur, & integri conserventur, investit. Atomi hæc ad hunc modum selectæ, non confuse, & inordinatè sunt repositæ: sed eadem methodo & formâ disponuntur, eundemque locum tenent, quem in planta primum è terra erumpente, habere videntur; ut Atomi pro stirpe invicem collectæ, stipitem quendam minutissimum efficiant; pro frondibus, folia quædam efforment, quæ si majora sint, convolvuntur, & implicantur, quæ & postquam è terra eruperint, suas plicas & convolutiones manifestò fatentur. Si majora sint folia, aut semen formam oblongam obtinuerit, recta & plana ut è terra emergunt, sunt reposita: ut in seminibus Fraxini. Si semen parvum sit, ut folia & stipitem expandere nequeat, aliquando (ut dictum est) folia compli-

complicantur, aliquando inter bina folia stirps & radix circumversæ latent præcipuè in iis, ubi cauliculæ sunt productiores, ut in seminibus brassicæ, & Synapi. Ut vero Atomî hæc conserventur, & aliquo modo humore naturali imbuantur, dum cortice duro, aut putamine crassiori includuntur, in aliquibus materia quædam terrestior & tenax ejusdem penè naturæ cum Atomî illas ambit, & (ut vitellus & albumen in ovo, pullum, dum adhuc intra testam cancellos includitur,) quasi nutrit, & conservat; ut in nucibus avellanis, fabis, pis, glandibus & hujusmodi. Hoc cuivis facile innotescet, qui seminum & cortices & testas exuens, illorum nucleos diligenter observabit. In seminibus aceris majoris est minoris, ubi semen in cortice penè rotundo, licet alæ oblongas conjunctas habeat, includitur, bina folia complicata, & convoluta, cum caule minuto lanuginosâ quadam substantia, instar bombycis, involuta

luta invenientis. In seminibus Fraxini ablato cortice, in medio nuclei folia bina, oblonga, alba, plana, tenuia cum caule habebitis. In nucibus avellanis in illarum medio penè, folia quatuor minutila, quæ in forma pyramidalī complicantur, cum stipite breviori rotundo, & ad apicem nuclei terminante. In juglandibus ablato cortice & tunica interiori, folia quatuor complicata facilè cuivis innotescunt, & sic in cæteris: Adeò ut illud Jul. Cæs. Scalligeri exercit. 6. sect. 10. Quam verissimum esse hinc certò concludamus; *Vbi arborem tunc generare asserit, cum producit semen non cum è semine pullulat.* In ipso enim semine non solum formam plantæ substantialem, sed & figuram, illam scilicet, quam primum cum terræ vincula perruperit, ostendit, invenietis. *Hæc Highmorus*: cujus ingeniosa cogitata hætenus ita admitto, ut per atomos intelligentur minima naturalia; quæ ut concluduntur in semine plantarum, non

solum potentia (ut multis falso persuasum fuit) verum etiam actu ; ita illa ipsa semina non exuscitantur nisi commissa fuerint terræ gremio , quod cum utero loco dicto ab eodem auctore non inconvenienter componitur. Nec antea ramen se dilatant , ad plantæ formam acquirendam , nisi humidum terræ , cum spiritu in eo latitante , imbiberint interioribus quasi medullis , sive eo usque , ut communis spiritus terræ , seminis occulto spiritui permixtus , à calore solari , aut alio eidem respondente , in tantum excitetur , aut simul incipiat concitare humidum : quod ubi ebullit , removet per modum fermentationis non solum feminis involucra , interiorum partium custodiæ destinata , verum etiam has subeundo , & simul dilatando , deducit , & separat juxta omnia lineamenta , minora quoque , & parum quin oculorum aciem effugientia. Quando vero contingit semen hac ratione per fermentationem plasmari , aëre quoque

quoque externus huic genituræ favere debet, maxime ab initio. Si enim contigerit illum æquo asperiores esse, non solum procedit inconvenienter hæc fermentatio, quæ (ut supra probavimus) indiget externi caloris fomento; verum etiam partes tenellæ stirpis ab externo aëre, horridiori & asperiori congelantur, si non fiderentur. Quod Theophrastus dicit libr. 2. de causis Plantarum, cap. 2. hic locum habet: Οταν γὰρ ἀπαξ ἐκτέκωσιν, εὐθὺς οἱ καρποὶ μαλακῶ τιν' αἶρ' ὀρέονται, καὶ ἐνμύνης εἰς τὴν ἐκτεροφὴν. Καὶ μάλιστα ἐν ταῖς ἀρχαῖς. Τότε γὰρ ἀδυνέσατοι. Τὸ δ' ἀδυνέες οἷον πεινήσεως δοῦνται. Fructus enim recens editi aërem mitem atque benignum desiderant, quo adolescere possint, maxime inter sua initia: tunc enim infirmissimi sunt. Quod autem infirmum est, tutelam atque officium quasi nutricis desiderat. Quando arbores quoque, primo vere germina sua protrudere incipiunt, fermentationis pariter exhibere manifesta

Bb 2 indicia,

§ 80 Mart. Schoockius ,
indicia , jam antea cap. x v. ostendi-
mus.

C A P. XXXII.

*De Fermentatione , quæ se in vino ex-
hibet. Qua occasione multa , ad vinum
pertinentia , discutiuntur.*

AD vegetalia , ratione originis , vi-
num quoque pertinet : in quo cum
juxta D. Willis libr. de Fermentatione
cap. 7. singularis se prodat effervescentia,
proxime ad illud nos convertemus.
Omissa vero voce, circa quam alias multa
notari possent , initio observetur ,
quod Aristoteles quarto Metheor. cap.
quinto , docens , quæ sint mixta ex ge-
nere aquæ , proponit primo loco vi-
num , & ea quæ aut exiguam , aut nul-
lam omnino *ὑπόστασιν* , seu subsidentiam
habent , quasi vinum secundum suum
genus nihil aliud sit , quam ipsa aqua.
Unde Empedocles (ut narrat idem Arist.
libr. 4. Top. in fin. c. 5. & Plut. in qu.
rat. 2. Prob. 32. definivit vinum aquam
esse

esse in ligno putrefactam. Unde legitur apud Athenæum lib. 2. Deipnol. Ἐκ τῶν ὑδάτων δὲν φέται, id est, ex aquis vinum fit. Per putredinem, seu σήψιν, intelligere convenit πρὸ πάσης: prout alibi in hoc Tractatu annotavimus. De temperie vini non convenit jam olim: Plutarch. libr. 3. Symp. cap. 5. & ex eo Macrobius 7. Satur. cap. 6. disputant diligentissimè, an calefaciat, vel refrigeret, compluraque argumenta proposuerunt, ut demonstrarent refrigerare. Mercurialis Vir Doctissimus, in Commentario de Vino, qui inter Lectiones Pisanas comparet, distinguendo, hanc controversiam componere laboravit, quando cap. 2. ita loquitur: Calidum, (inquit) & frigidum dupliciter intelligi posse; vel secundum actum, vel secundum potentiam. Si vinum accipiatur secundum potentiam, calidum est: si secundum actum, frigidum. Sic vinum extrinsecus admotum, refrigerat, quia operatur secundum actum.

interius vero assumptum, calefacit, quia operatur secundum potentiam: ut enim intus operetur, opus est calore nativo. Quanquam vero sit ex genere aquæ, acquisivit tamen calorem à vite. *Hactenus Mercurialis.* Quæ tamen per omnia serio veritatis ruspatori neutiquam satisfacere possunt: Quum ex primis Philosophiæ Elementis constet, quòd omnis operatio, seu ἐνέργεια oppositive ad potentiam debeat considerari, & censeri actus secundus. Ut dilucide vero vini temperies, & deinde fermentatio, quæ eidem accidit, cognosci possit, ante omnia juxta quatuor caussarum genera considerandum est. Lubet vero hic exhibere accuratissimi Augenii verba, quæ occurrunt *lib. 5. Epist. Med. cap. 2.* Vinum (*inquit*) est liquor expressus ab uvis domesticis & maturis, & à sua fæce purgatus, atque in dolio à proprio, ac naturali calore, ob corporis potissimum nutritionem, perfectus. Hac definitione singulas vini causas complector. Materiam,

teriam, quatenus dixi ex uvis domesticis & maturis deduci: ex uvis enim silvestribus, quæ vocantur labruscæ, non fit vinum: ex domesticis non maturis fit omphacium. Forma vini est liquor ab aliis expressus ac defæcatus. Liquorem vocavi, non succum, quia consuetudo est apud Medicos succi nomen dici, tum de succo liquido, tum de condensato: ut constat de succo absinthii, eupatorii, liquiritiæ: ut distingueremus à condensato succo, liquoris nomen usurpare placuit, quia vinum propriè est succus fluxibilis liquidusque. Hinc à sapa distinguo, quia non est substantia liquida, sed tenax & adhærescens: quod si quispiam succum appellare voluerit, non reclamabimus; dum eo tamen nomine rem fluxibilem intelligat. Hæc eadem particula vinum à musto distinguit, quia vinum duntaxat non est liquor expressus, sed defæcatus. Mustum incipiens est vinum, at imperfectum quidpiam, cum non sit adhuc

à fœcibus expurgatum, ideoque nullum
 afum vel pro fanandis ægrotis, vel pro
 fanis conservandis habet. Interna, pro-
 prius est & naturalis calor ipsius vini,
 minimè quidem rei cuiuspiam externæ,
 ut quidam perperam dixerunt. Hic enim
 ubi statim repositum in dolio mustum
 fuerit, ebullitionem & concoctionem
 in ipso faciens, expurgandoque omnia
 excrementa, & per superiores & inte-
 riores partes vinum perfectum & con-
 coctum reddidit. Externum efficiens
 vindemiator, expressor, adde si pla-
 cet, torculatorem: conservans, dolium.
 Dum dixi, à proprio & naturali calore,
 perfectum utique vinum afficiens vi-
 deor declarasse, prætermisso externo,
 quod rei naturam non constituit. Dolij
 meminisse volui, quia locus est in quo
 verè conservatur & in quo per conco-
 ctionem perficitur. Cæterum finis vi-
 ni triplex mihi videtur: unus maximè
 proprius & necessarius, nempe ut cor-
 pus nutriat; & hunc definitione com-
 plexi

plexi sumus : alii minus proprii , ut alimenti in universum corpus distributio , morborum sanatio. Nutrit vinum natura : distribuit quatenus fluxibile & aquosum : sanat autem , ut contrarietatem habet cum morbo causisque morbificis. *Hactenus Augenius* : qui , ut recte contra Mercurialem l. d. statuit *Vinum nutrire* : ita voluisset decidisset vulgaram quæstionem , vinum calefaciat , an refrigeret. Quæ mihi videtur decidenda esse pro ratione hominum qui vino utuntur , & locorum in quibus vinum nascitur. Adeoque iis qui calore vehementiori æstuant , videri potest vinum , quod communiter calidum censetur , frigidum esse , æque , atque Indi , teste Garcia , piper frigidum esse pronunciant : Pariter aut in eadem regione , aut etiam in diversis , vina temperie usque adeo differentia occurrere possunt , ut quædam ad sibi opposita relata haberi possint calida , alia viceversa frigida. Quo pertinent historiæ &

experimenta, quæ habet Hofmannus
 libr. 5. Instit. Med. cap. 25. §. 2. Sed
 cum hæc minus faciant ad vini fermenta-
 tionem, pluribus quoque non immo-
 rabimur. Hoc magis ad rem præsentem
 facit, quod vinum non sit corpus homo-
 geneum, sed heterogeneum constans
 partibus diversæ temperiei. Quod vel
 in solo vino sublimato patet, in quo
 non modo occurrunt quædam partes
 inflammabiles, quæ quod accensæ sul-
 phuream flammam & odore & calo-
 re referant, vulgo sulphuris nomen fe-
 runt; sed & pars aquea insipida, phleg-
 matis vulgo nomen ferens. Præter quæ
 non modo tertia adhuc pars, aëri re-
 spondens (arguit illam fermentatio)
 notari debet, verum etiam terrea,
 quam Chymici vulgo Tartarum vo-
 cant, seu, sal Tartareum, & de quo ita
 commentatur Quercetanus in Tetrat.
 cap. 7. *Magna (inquit) ejusmodi Salis,*
(intellige Tartareum) copia præ aliis ve-
getabilibus quibus nutrimur, in vino repe-
ritur.

ritur, cujus mater, scil. vitis; plusquam vegetabile nullum aliud, metallicos terra Spiritus haurit & depascit. Hinc fertur Bacchus amare colles & petrosa loca, quod multis aliis vegetabilibus non contingit, quin imò ex vino ipso si phlegma detrahas, & igne etiam violentissimo coquas & recoquas, nunquam tamen ipsum ad eam salsuginosam naturam adduces, nisi quid salis fortè in se retinuerit, quod liquido humore evaporato reliquum corpus acrius reddat, & mordacius sit. Accedendo autem ad Fermentationem, quæ vino accidit, duplex ea notari potest, vel proprie dicta, quæ musto obvenit ad hoc ut defæcetur, & vinum purum exhibeat: vel secundaria, quæ contingit vino jam defæcato, non quidem pro acquirenda majori perfectione, sed potius ad destructionem. De priori non inconvenienter ita Willis loquitur cap. 7. pag. 41. Ut fermentatio de musto inchoetur, fermenti adjectio (uti fit in cerevisia) non requiritur; etenim succus uvis expressus,

principiis activis adeo copiose turget, ut sponte sua statim insigniter effervescat: usitatum verò est in quibusdam regionibus, quando uvæ calcantur, iis calcem vivam inspergere, cujus, velut fermenti stimulo, liquor expressus magis turgescit, & citius depuratur. Multum primo, doliis apertis repositum, cum præ insigni effervescencia in occlusis contineri nequeat, impetuosè adeo ebullit, ut non magis aqua super ignem effervescens. Cum vinum aliquantulum deferbuit, vasis paulo occlusioribus reponitur, in quibus usque fermentescendo ulterius depuratur. Inter depurandum, particulæ spirituosæ & subtiles, sæculentias crassiores exagitant, & à se quaque versus demittunt, ut liquoris vinosi massa, sæcum mistione immunis facta, clara & desæcata reddatur. *Hæc Willis.* Cæterum hæc effervescencia vergens ad desæcandum multum, præ cæteris accersi debet à spiritu ejusdem: qui in eo copiosus ut est, ita con-

ita concitatus commovet humidum validissimè : sed , cum sæpe immixtus sit humido admodum pingui & fæcumento , calcis aliquid additur , tum ut magis attenuetur , tum etiam sui juris reddatur. Adjuvari quoque debet ab aëre, qui quo purior & liberior fuerit, eo quoque commodior est. Hinc nostratia Ienensia musta occlusis doliis adservata fermentari nesciunt , albi, mustei coloris, & dulcis saporis etiam post medium annum tenacia : ut loquitur Celeberrimus Rol. ficius libr. 2. de Chymia cap. 2. denique , ut procedat fermentatio defæcatoria vini , opus est moderato duntaxat calore , cum per nimium calorem educantur partes æque utiles , quàm excrementitiæ & inutiles. Subinde vero difficilius hæc defæcatio procedit , qualicunque fermentatione non sufficiente : atque tum succurrit Ars, varia sollicitando remedia , de quibus ita Willis. *Quæ vina (inquit) clarificant, duplicis sunt generis : Aut enim partes habent viscosas , ut*

sunt ichthyocolla, ovorum albumina, & similia, quæ tenacitate sua sæculentiis vini adhaerentes, eas secum versus fundum deducunt. Aut etiam vi præcipitatoria pollent; quæ dum poros liquoris subeunt, particulas crassiores ab iis deturbant, & ad fundum reperiunt, ut sunt pulvis Alabastritis, filices calcinati, & similia. Quæ sigillatim non est necessum hic considerare. Ad partes vero excrementitias, quæ fæces vulgo vocantur, neutiquam portio aquea pertinet. Eam enim naturæ Architectus, provido admodum consilio, in vino generosiori quoque superesse voluit. Etsi enim præcipua vini vis ac potentia spiritus reficiendi in spiritu ejus sit: longè tamen commodius potus loco sumitur vinum, quam spiritus vini. Etenim spiritus vini à partibus reliquis, cum quibus mixtus erat, separatus, nimis subito in omne corpus sese penetrat, caput tentat, facile inflammatur, iterumque corpus inflamat ac spiritus accendit, ac subito dissipatur: at cum

at cum reliquis vini partibus mistus gratissimum potum constituit, ventriculum ac reliquas partes blando calore fovet, spiritusque, qui vino inest, sensim cum spiritibus & alimentis miscetur, & in omne corpus distribuitur, eique robur conciliat. Quod ad præternaturalem & destructivam vini effervescentiam, eam à duplici causa provenire existimat Willis. Atque de priori quidem causa *ita commentatur*: Vina sæpiissime fervores contrahunt, cum tartaro seu fæce nimis opulenta saturantur: Tartarus enim seu fæces, licet à vini liquore secrete ad fundum vasis depressæ sint, cum tamen sale & sulphure copiosis constant, particulas fermentativas usque à se demittunt, quarum afflatu vinum inæquabili fermentationis motu conservatur, & prout vina sensim maturantur, ita Sal & Sulphur, quæ in Tartaro latitant, paulatim exaltantur; donec tandem ad florem evecta, liquorem vinosum fæce turbida inficiunt,
& im-

& immodice effervere & ebullire cogunt. Contra has nimias vinorum effervescentias, necesse est ut statim à fæce, istaco nimis opulenta eximantur, ac vaſi alteri imponantur; quod niſi fiat, ob nimiam turgescientiam, sulphure plurimum exaltato, rancida & mucilaginoſa evadunt; aut ſpiritu exoluto, & ſale ad fluorem eveſto acorem contrahunt, ac verſus acetum declinant. *Hæc Willis.* At ſi omnia attendantur, patebit, quòd hæc ἀνόμαλος & irregularis fermentatio non tam pendeat ab ipſo Tartaro, quam à copioſo ſpiritu, ipſi Tartaro ad fundum licet vaſiſdeturbato inexiſtenti. Atque vina de vaſe in vaſ defunduntur, non quod hanc fermentationem procuret Tartarum, ſed quod ei ingens adhuc ſpirituum copia inexiſtat, qui ſi pariter comitentur, fermentationem diutius adhuc continuabunt. Quum facile ſpirituum cum vino defuſorum concitatio, in recenti vaſe compelci poſſit. *De altera cauſa ita idem Willis:*

Willis : Nec tantum à Tartaro , seu fæce opulenta , vinum plus satis effervescit ; sed à nimia agitatione , calore immodico , aut corpore extraneo , & non miscibili , ipsi confuso : his enim aliisque modis , pars vini sulphurea excandescit , indeque fervorem & indubitam ebullitionem concipit , cujus sedandæ gratia , præter exantlationem ejus à vase in vas aliud , in usu est copiam lactis dolio infundere ; cujus mixtura , vinorum effervescencia & tumultus statim demulcentur. Cum vero hac ratione vini spiritus plurimum obtunditur , diu servari nequit. *Hæc iterum Willis*. Sed , si voluerimus accurate omnia pensitare , hæc causæ cum præcedenti conjungenda fuerit : siquidem , spiritus Tartaro inexistentes concitantur vel à temperato calore extrinseco , vel per agitationem validiorem vasis , quasi exprimuntur. Quod ad lac , affundi solitum vino ebullienti , existimandum est , ab illo , cum sit humidum , nimium fervo-

fervorem temperari; cumque simul sit oleolum, spiritus cæteroquin quam subtiles, quasi figi. Singularis vero, nec tam perfectiva quam destructiva Fermentatio, circa omne vinum, occurrere censetur illo tempore, quo vites florent. Quam cum prolixè consideraverit Illustris Digbæus in Oratione sua de Pulvere Sympathetico, prius sententiam ipsius proponemus, & postea, quid de illa censeamus, libere exponemus. *Ita vero ille*: Mercatores (*inquit*) vinarii in hac æque ac aliis regionibus vino abundantibus, notant tempore, quo vineæ florescunt, vinum in cella fervere ac despumare quasi, fæcemque quandam albam spumando excernere, quam opinor, vini florem appellant, inque vini superficie seponere, qui vini fervor eo usque durat, donec ex viribus flores deciderint, atque tum demum vinum deferbuit, positoque fervoris æstu ad ingenium redit. Neque demum hodiè hujus rei observatio nata est,

ta est, (nam, ut taceam multos alios, qui de ea tractant) S. Ephrem Syrus in ultimo suo testamento (ferè jam mille trecenti anni sunt) eandem vini circumstantiam recenset, quod scilicet eodem tempore, quo vites spiritus suos in campum exhalant, vinum in doliis ita ferveat, spumetque: atque etiam utitur simili exemplo à cæpis siccis desumpto, quæ repositæ in granario, denuo germinant, quando quæ in hortis satæ sunt, ex terra prodire, atque erumpere spiritibusque suis balsamicis aërem perfundere incipiunt. Quibus exemplis utpote in natura obviis, quâ ratione homines vivi & animæ mortuorum inter se participant, indicare gestit. Spiritus autem illi vinosi, è floribus efflati, dum aërem undiquaque implent, (veluti spiritus roris marini ex Hispania promanantes, quorum modo mentionem fecimus) à vino, (quod cum istiusmodi spiritibus abundet, quasi originem ipsis præbet) in dolia attrahuntur.

quum spi-

quum spiritus recentes & plurimum volatiles, adventu suo spiritus vini maximè fixos levant, excitantque, unde talis ibi fermentatio exoritur, ac si quis vinum dulce, aut novum infuderit. In omni enim fermentatione partes terrestres ac oleosæ ab essentialibus separantur, levioresque ad superficiem ascendunt, graviores verò in fæcem tartaream degenerant, fundumque petunt. Quod si igitur hoc tempore vinum negligentius curetur, nec in loco convenienti & temperato asservetur, vasaque vinaria plena & bene operculata custodiantur, omnisque præterea alia diligentia & cura, quam Victores hac in re gerere consueverunt, adhibeatur, periculum est, ne vinum paucarum virium & infirmi saporis expectationem nostram fallat: quando enim spiritus hi evaporant, una secum spiritus vini, quos antea excitarunt, & quibus se permisçuere, auferunt. *Hætenus Illustris Digbaus.* Cæterum, multa ut ve-

ta ut vera hic supponuntur, quæ tamen haut quaquam experientiæ consentiunt. Nam 1. falsum est, omne vinum ebullire, illo anni tempore, quo uvæ in ligno vitis florent. 2. Hoc si verum foret, uvæ florentes, à vite decerptæ, ac vasi vinario impositæ, præsentaneam ebullitionem procurare deberent: quod tamen neutiquam observatur. 3. Si spiritus vinosi, quos atomis florum inexistere cum Digbæo, Gassendus & multi alii existimant, concitando vino per se sufficerent, uno forte grandiori vase effervescente, & per fermentationem plurimum spirituum vinosorum evomente, aliter fieri non posset, quin simul perpetuo in aliis vasis proximis, similis ebullitio & fermentatio notaretur. sed hoc tamen experientiæ est adversarium, qua constat, hoc non contingere, nisi forte aër convenienter ad procurandam talem fermentationem fuerit dispositus, atque in ipso vino, inexistenti vasis, conveniens

veniens ad talem fermentationem dispositio occurrat. 4. Concedamus verò omnia, per indubitatam experientiam quam liquida esse, quæ hæcenus supponuntur, quis adeo credulus, ut existimet ex interiori usque Gallia, atomos florentium uvarum v. c. Hamburgum & Lubecam usque in profundam cellam, in qua reposita sunt complura dolia vini Gallici, recto tramite deferri, atque per ipsum dolium ferreis circulis sæpe munitum usque adeo penetrare, ut per suum illapsum similes atomos non tantum evocent, sed eliciendo eo usque quoque concitent, ut inde omne vinum, quod non tantum uni dolio, sed pluribus inexistit, contingat fermentari? 5. Sed, quid si toto illo tempore, quo vites florent, ventus fuerit adversus, atque non secundum illas cellas, in quibus vasa vinum Gallicum continentia sunt disposita, flaverit, aliter fieri non poterit, quin cesset fermentatio: aut, si quæ occurrerit,

rerit, referatur ad miraculum. Sed, per experientiam constat, circa illud tempus in multis doliis fermentationem ejusmodi notari: quæ proinde (6.) ad alias quoque causas referri debet. Quas ut distincte exponamus, observandum circa anni tempus, quo vitæ florent, non omne, quod in doliis vinum est, effervesce, sed illud solum modo, quod consistit super copiosum sedimentum. Vinum enim si probe defæcatum, & à tartaro sufficienter liberatum fuerit, ad ebullitionem fermentativam haut quaquam sese componet. Quod vero vinum, tartaro permixtum, hac fere anni tempestate effervesce incipiat, imputari debet moderato aëris tepori, qualem requiri ad convenientem fermentationem, abunde ex superioribus constat. Adeoque, si præter solitum aër fuerit frigidior, (prout sæpe contingit) fermentatio nulla, aut saltem rara animadvertitur: quæ, aëre convenienter quoque disposito ad eandem procu-

600 *Mart. Schoockius,*
procurandam, avertitur, si dolia tegu-
mentis in aqua madefactis fuerint con-
tecta, aut in cella profundiori recon-
dita. causa abunde ex antecedentibus
patet.

C A P. XXXIII.

*De Fermentatione, quæ circa Cervi-
siam notari potest.*

CUm multis populis ob soli & cæli
inclementiam Bacchus minus fa-
veat, succurrit iis benivola magis Ce-
res, quæ artis legibus se subjiciens, co-
qui & præparari patitur in substan-
tiam potus, qui vulgo Cervisia dici-
tur: de qua plurima, observatu quàm
digna, proponi possent, nisi nos pe-
culiari libro de illa egissemus, quem
curis secundis emendatum & locuple-
tatum (annuerit modo Deus) prope-
diem orbi erudito exhibebimus. At
Veneres & Gratia, cervisiam commen-
dare solitæ, in illa desiderantur, imo
frustra quærantur, si ipsa non fuerit suf-
ficienter

ficienter fermentatæ : adeoque, postquam de vini, potus nativi Fermentatione egimus ; ex ordine agere quoque debemus de Fermentatione potus artificialis. Quam cum non insubide Dn. Willis, sæpius ad suffragium vocatus, ex suis principiis exposuerit ; primo illius verba, quam nostrum iudicium supperaddamus, proponemus, *quæ ita habent* : Si diutius quam par sit, cum farina hordei maceratur ; liquor evadit crassus, & mucilaginosus, & postea vix omnino fermentescit : hujus ratio est, quoniam principia activa, in hoc opere prompti sunt motus, & una secum particulas terrestres agitant ; quibus si longiori mora, meatus & pori liquoris implentur ; nimis saturati penitus obstruuntur, & velut in stomacho ad crapulam saginato contenta, vix omnino fermentescunt. Si calidus nimium, aut frigidus in dolium reponatur liquor ; pariter, in tempestate æstiva præfervida, aut hyemis ge-

lida, fermentatio non rite succedit: etenim à calore nimio, particulæ ab invicem dissipantur, ne se mutuo prehendant, adeoque exagitent; à frigore nimis constipantur, & figuntur, ut vix motum ineant, nedum strenue absolvant. Cum cervisiæ liquor indolio fermentescit, particulæ activæ se quaquaversus explicant; crassiores & terrestres, partim veluti in fugam actas, ad fundum præcipitant; partim ipsis adhærentes, veluti captivas, ad summitatem deducunt, ibidemque in bullas continuo succrescentes excavant, & quasi in servitutem afferunt. Post debitam fermentationem, tota liquoris intercapedo, clara & defæcata redditur, in qua spiritus cum mediocri sale & sulphure, luxuriant, interim in fæce subsidente, aliquantulum spiritus & sulphuris cum sale & terra copiosis, remanet. Quamdiu vero hoc in loco res fuerint, liquor defæcatus dulcis & spirituosus existit; si diutius servatur, aut non

aut non strictim dolio includitur, spiritus magna ex parte avolant: interim ab horum defectu, particulæ salinæ exaltatæ, & fluorem adeptæ, totum liquorem imprægnant, ipsumque acescere faciunt; cum enim cervisia, aut etiam vinum, in acetum transeunt, non ideo contingit, quia spiritibus omnino privatur, (sic enim in vappam degenerarent) sed quoniam partes Tartaræ, sive salinæ, ad fluorem evehuntur & acore suo liquorem inficiunt, interim spiritus potentia, minores deprimuntur, ut iis resistere nequeant. Tempestas præfervida, tonitrua, bombardarum sonitus, aut insolatio sub dio cervisiam subito coacescere faciunt: Etenim his modis spiritus, motu suo æquabili exturbati, dissipantur, ac interea partes salinæ seu Tartaræ, prius secretæ & depressæ commoventur, ac in fluorem evehuntur. *Hæc Willis.* Quæ omnia ut distincte cognosci queant, primo & ante omnia notandum est, hordeo & re-

liquo frumento, quod aquæ incoquitur, ut transire possit in potum fortem, seu cervisiam, inesse spiritum nativum, qui intenditur, & singulare incrementum acquirit, dum torretur frumentum ad germinationem ferme: hac enim ratione spiritus non modo subtilior redditur, verum etiam undiquaque ex omnibus grani partibus elicitur. *Secundo* quoniam commolitur frumentum, aquæ calenti infunditur, abraduntur illius partes, una cum spiritu, quem continent, quæ non tantum spiritum suum retinent, verum etiam per aquam diffundunt. Sed *tertio* cum spiritus hic æqualiter distribui debeat, atque æquali illi distributioni obstet cum maxime incrassatio harum partium, quæ spiritum continent, recte D. Willis hinc accersit impedimentum fermentationis. Nec ratio, quam adfert, per omnia negligenda est. Cæterum alia adhuc causa subest: cum enim illa incrassatio non possit peragi nisi per coctionem (modo
sufficiens

sufficiens aqua fuerit) vehementiorem , necessum est copiosam quoque institui exhalationem , per quam una cum aquæ vaporibus , magna quoque parte spiritus hordeo inexistentes effundi necesse est , iis vero imminutis majori sui parte , non potest non quoque Fermentatio , quæ subsidio talium spirituum potissimum indiget , imperfectior reddi. *Quarto* D. Willis recte , quod legitime fermentatio peragatur , moderatum solummodo calorem exigit. Cæterum , cur nimius æstus fermentationi cervisiaræ officiat , minus commodè explicare videtur : ego hanc putem causam esse , quod nimius calor , potissimum externus , fermentationem non tam pcomoveat , quàm nimium incitet , quicquid pæne spirituum cervisiæ insitum est , educendo. Quod enim nimius æstus cervisiæ noxam creat , ideo accidit , quoniam ab eo insitus spiritus , in quo præcipua cervisiæ gratia consistit , educitur , quo ducto hanc

secus accessit atque vinum, pariter suo spiritu orbatum. Sæpius ergo, tempore majoris æstus recenter cocta cervisia corrumpitur, quoniam externus calor non tam Fermentationem promovet, quam nimium quantum incitat, quicquid pene spirituum cervisiæ tali insitum est, educendo. Quinto aliquando tamen accidit, ut media æstate, acsidere anni ferventissimo cocta cervisia, nihil incommodi omnino contrahat, perduretque non solum contra rapidam æstus vim, verum etiam melior deprehendatur, quam cervisia ad eandem notam mense Martio cocta. Cujus rei hæc ratio reddi posse videtur. Cervisiæ, quæ ab æstu nihil vitii contrahit, lupuli plurimum incoctum est, à quo ut munitur contra plurima incommoda; ita validior æstus non sufficit educationi omnium spirituum, qui ne deinceps noceat, in cella profundiori, aut in qua terræ crypta, cervisia ipsa servari debet, præcludique radiis solari-

solaribus omnis ad eam accessus. Sexto partes excrementitiæ, quæ cum spuma inter ferverendum per superius vasis orificium expelluntur, motu violento ut adiguntur; ita immixtæ sunt, per agglutinationem quasi, partibus his spumosis, simulque pinguibus, quibus spiritus fermentativus inexistit. Adeoque ut plurimum, per fermentationem, clarior reddi & defæcari magis solet cervisia crassior, quam tenuior. quod in tenuiori cervisia partes terreæ, quæ violento motu sursum feruntur, æque non offendant coagulum oleosum & pingue, cui quasi implicentur. Septimo, fæx, quam Dn. willis subsidere dicit, pariter quoque exagitata sursum tendebat, cæterum non potuit extra vas se liberare, sed deorsum propulsa fuit: quod fieri potest quatuor de causis. 1. Quod partes illæ minus fuerint deductæ, & proinde, cum cohærent, manserunt ponderosiores. 2. Spiritus fermentans potuit minus esse

validus ad fermentandum. 3. Partes diductæ licet, potuerint minus illigatæ esse partibus spumosis & pinguibus. 4. Partes quoque agitæ, & simul tendentes ad eruptionem extra vas, potuerint se invicem premere, atque deturbare: cumque deturbatæ partes deorsum tendant, hinc contingit illas in fundo vasis non minus subsidere, quàm eidem adhærere. *Octavo* fæci illi multas partes spirituosæ, ex accidenti iterum fermentari aptas, inesse, nemo mirabitur, si attenderit ad illa, quæ antea diximus de origine hujusce spiritus, qui accersi debet à granis & quidem tostis, quæ contingit in aqua, pro constituenda Cervisia coqui. Sed sex continet reliquias horum *συνβάλλον*. *Nono*, quæ habet de fulmine, experientiæ per omnia respondent quidem, cæterum aliquanto distinctius explicari debent. Eoque initio notetur, fulmen non semper, aut omni cervisiæ obesse, sed duntaxat recenti, & quando ebullit; cuius

ejus rei hanc reddiderim rationem, quod in hoc casu, spiritu cervisiæ ebulliente omnes ejusdem non solum partes hient, verum etiam spiritus, in quo virtus & elegantia ejusdem consistunt, facillimo negotio recipiant atque intromittant sulphureum fulminis spiritum, quo admissæ, non potest non ea ipsa derepente accessere. Sic experientia constat, vitem facile à fulmine lædi, quod lignum illius sit mollius, poros habens patulos, atque quos ingressus spiritus fulmineus levi negotio lædere atque corrumpere potest. Sed, amplius ratione cervisiæ quæritur, an instar vini (ex aliquorum scil. sententia, ut superiori capite vidimus) de novo ebullire, & fermentari incipiat, quando hordeum floret? Aliquibus hoc persuasum esse scio, & ex illorum sententia ita loquitur D. Strausius in Epist. ad Digbæum, pag. 159. *Sunt urbes (inquit) à quibus amana prata arcent hordei fermentationem per multa milliaria, tantoque poten-*

zuius probant, cervisia consonantiam sui cum absente hordeo florido: quantum castratio potentiæ germinandi crescendique spes abstulere: ac demum aqua vitæ, detenta ac reclusa intra cerevisiam, cadum carceremque cellarii non potest sopita cervisia divagari per aliquot leucas ad florentem hordei aristam, ut inde redux procellosæ residuam cerevisiam multâ turbet confusione. At dolendum, hæc & similia, velut per certa experimentaliquida, propinari credulis Lectoribus. Falsum omnino est, florente hordeo, cervisiam in vasis reconditam ebullire, & ad Fermentationem sese componere. Si contingat, per accidens fieri putandum est, ut superiori capite circa vinum observabam. Florentis hordei spicæ, copiosæ quoque, cervisiam dolio impositæ Fermentationem nequaquam provocant: imo, in vicinis quoque hordeo florenti domibus, condita cervisia ordinariò manet & in statu suo, secunda Fermentationis. atque Cervisia, semel probe defæcata haut facile

De Fermentatione. 611

facile turbulenta redditur, nisi vas, in quo recondita est, agitetur, neque enim par ratio est cervisiæ, quæ vini: quod quoniam subtilioribus gaudet spiritibus, & consequenter magis mobilibus, post primam defæcationem sæpius de novo fermentatur. Quæ iterata Fermentatio in cervisia de novo post agitationem attendi non potest, licet per concussionem vasis, sæpe turbulenta reddi consueverit.

C A P. X X X I V.

De Fermentatione in Panificio sese manifestante.

Qui in Fermentationis natura explicanda præ aliis voluerunt videri diligentes & accurati, pro illius illustratione multas res, artificio ita temperatas, ut à Fermentatione tamen supremam manum expectare debeant, sollicitare solent, speciatim mel, mulsum, & compositiones pharmaceuticas, sive modo communi, sive juxta

αλειψμα Chymicam præparatas. quod
eum in finem maxime facere videntur,
quia confidunt, in iis, velut palpabi-
libus exemplis, se probaturos esse illa,
quæ alias, de Fermentatione in Thesi
agentes, minus accurate, si non ne-
gligenter tractare solent. Illos si sequi
præsumerem, Tractatus hic in molem
ingentem excresceret, & multa, spe-
ciatim mel, oscitanter tractata, ad amul-
sim diligentioris Examinis revocanda
forent. Sed, cum initio præsumpse-
rim duntaxat proponere illa, quæ ser-
viunt explicandæ genuinæ indoli Fer-
mentationis, eamque expendere in ta-
libus, quorum natura præcæteris est
recondita, Pharmaceutica, mel, &
alia his non dissimilia, hoc tempore se-
ponam. Haud æque panem missum
facere possumus, siquidem cibus nobis
est quotidianus & communis, qui fer-
mentando, in salubrem usum corporum
nostrorum, à pistore præparari consue-
vit. Atque Fermenti vox primitus circa

Panem agnosci & frequentari cæpit, prout in vestibulo huius Tractatus quoque ostendimus. Hoc capite juxta principia nostra, tantummodo considerabimus Fermentationis motum, in pane sese exhibentem. Quem cum D. Willis quoque explicare iustituerit, antea verba illius proponemus, *quæ ita habent*: Circa panificium hæc sunt præcipue observanda: farina triticea, hordeacea, aut alius generis, cum aqua communi subacta, in clibano coquenda. Huic si nihil præterea addatur, protinus gravis, & ponderosa instat luti, viscida, saporis iugrati & coctionis difficilis, evadit: Sin fermentum inter subigendum adhibeatur, massa protinus effervet, mole intumescit, ac postea cocta fit levis, spongiosa, εὐπερίεστος & comestui grata. Si discriminis ratio inquiratur, ita se habet. Frumenti farina, spirituum, nec non salis & sulphuris, proportionem mediocri imbuitur: horum vero particulae in massa

Cc 7 cum aqua

cum aqua subacta, viscosa humiditate obruuntur; adeò ut se invicem non exagitant, nec in motum exerant: quare inter coquendum humiditas quædam superflua evaporat; quod reliquum est, tenax, viscidum, instar luti compressum, & ponderosum existit. Cum vero massæ farinacæ fermentum admiscetur, particulæ activæ fermenti, prius in motum exertæ consocias suas in massa farinaceaprehendunt & secum in motum vindicant: Hoc ritu, dum aliæ alias exagitant, brevî omnes in fermentationem concitantur; hinc illinc tumultuantes totam permeant & pervadunt pastam, partes viscidas & terrenas subtiliunt & attenuant, motuque suo massam attollunt, & foraminulis excavant; quæ tamen interea, ne spongiosa nimis evadat, & quo partes excavatæ & attenuatæ exactius miscantur, longa subactione pinsitur, deinde postea antequam cessat fermentatio, & partes excavatæ denuo sub-

sidunt.

adunt, debet statim in Clibano coqui. Inter coquendum humiditas superflua evaporat, & præterea quam plurimæ spiritus, salis, & sulphuris, particulæ avolant; quare massa levior & minus ponderosa existit: interim quæ in pane subsistunt, exaltatæ admodum & ad maturitatem evectæ, consistentiam ei laudabilem, cum sapore, & odore grato, conciliant. *Fermentum* vulgo usitatum, est vel portio massa fermentatæ farinacæ, & incoctæ, quæ sale imbuta ad acorem servatur: (Dicitur *levain* Gallice, quia massam attollit) vel flores cervisæ; aut horum defectu, *cervisæ faces*, aut ova conquassata, adhibentur. In fermento farinaceo, particulæ salinæ fluorem adeptæ, imprimis emicant: sic etiam in cervisæ facibus. Quare panis ab his fermentatus, fit austerus & non nihil accessens: interim cervisæ flores spiritu plurimum turgidi panem potentius fermentant, ac massæ levitatem, & dulcedinem pergratam.

gratam conferunt. *Hactenus Wißis.* In
 cujus dissertatione, quanquam multa,
 quàm accurate observata occurrunt,
 non abs re tamen fuerit quædam super-
 addere. Ergo primo notetur, quomodo
 fermentum pro panificio preparari con-
 sueverit. Bruerinus, qui natione Gal-
 lus fuit lib. 6. de Re cibaria cap. 5. hæc
 habet: *Apud nos & plerasque Christiani*
orbis terras, ex farina triticea subacta in
panes triticeos adhibetur, in panes verò se-
calinos ex secale, quæ relinquuntur cooper-
ta, donec acescat: nam palam est natu-
ram acore fermentari. Aliqui addunt in-
terdum acetum, interdum verò succum acer-
bum agrestium pomorum, pirorumque. Et
postea: Gallia & Hispania (auctore Pli-
nio) frumento in potum resoluta, spuma ejus
concreta pro fermento utebantur. Qui mos
hodie quoque durat apud Flandros, qua de
causa levior illis quàm cæteris panis est. Sed
hæc fusius supra, cap. secundo confi-
derata sunt. Secundo, ut Scriptura quo-
que innuit, Fermentum molis licet ex-
iguæ

iguæ vim & efficientiam maximam exercere potest. Unde & Hieronymus ad Gal. 5. in v. 9. commentans, hæc inter alia habet: *Fermentum &c. res modica videtur & nihil: sed cum farina conspersum, totam massam suo vigore corruperit, in illius vim transit omne quod mixtum est.* Tertio fermentum hoc est acidum, & quâ tale suas vires exercere videtur. Quæ vero aciditatis ratio sit his verbis docet Cl. Highmorus de *Affectione Hypochondriaca* c. 5. pag. 108. Quod vero putredinis indicium haberi meriatur aciditas, (*inquit*) lactis indicat coagulatio, cum diutius in vase aliquo reservatur; cum sales sponte soluti, ab externo solum aëre commoti, totius dissolutionem inchoaverint, acescit statim, & putrefactionis indicia evidentissime inde cernuntur: Sic & liquores omnes, vegetabilium succi, carniū jura, ipsaque carniū substantia, nisi fumo & calore exsiccata fuerit, unde salium dissolutio retardatur, quam primum putrefcere in-

cere inceperunt, aciditatis odorem & saporem induunt. Imo vasa ipsa in quibus lac aut ejusmodi succi putrescentes conservantur, tali inficiuntur sapore, & aciditate sua adhærente, lac coagulant, cæteroque liquores acore, ut citius putrescant, inquinant. *Hæc ille.* quæ tamen simpliciter admitti non possunt. Eoque *quarto*, ne forte aliquis nos committere nitatur: tam verum est in iis, quæ fermentantur, acorem aliquem notari posse; quàm acida, exquisitè maxime, fermentationem non admittere, ut expresse observamus pag. 282. Aciditas confert ut causa ad fermentationem eo modo, quem dein proponemus: nec tam per se quàm ex accidenti. Quæ tamen juxta temperiem suam acida sunt, fermentari renuunt. Quod ut pateat, *quinto* notetur: Acida quædam esse juxta suam temperiem, quædam duntaxat ex accidenti & per inchoatam putredinem. Adeoque, non est audiendus Highmorus, quando in-

definite

definite asserit in omnibus acidis notari debere aliquam putredinem. Contrarium evincunt, lapatum, cerasa multa, mala acida varii generis, pruna passa, tamarindi, vitium folia & capreoli, berberis folia atque fructus, ribesia rubra, & sexcenta alia. In quibus ne quidem dispositivam, aut (si ita placeat) inchoatam putredinem observari posse, inde manifestum est, quod hæc & similia, censeantur probe temperata atque percocta esse, si per sui maturitatem acidum hunc saporem contraxerint. *Sexto* multa quando primitus putrescere incipiunt, & juxta primum quasi putredinis gradum aciditatem aliquam exhibent, aut fermentantur, aut fermentationem procurant. Siquidem calidum iis inexistens ut resolvitur, ita cum eo pariter quoque spiritus, cujus præcipuæ in fermentatione partes sunt, elicitur. *Septimo* partes farinæ aqua calenti subactæ & moderato sale instructæ, simul tectæ, facili

facili negotio ad acorem & inchoatam putredinem sese componunt, quod per calorem illum extraneum, educi cæptus calor ipsius farinæ, simul contingat agitari hujus spiritum, qui simul agitans humidum, diffundit se cum illo, per totam massam farinaceam, eliciendoque non tantum cogit quicquid spirituum in farina occurrit, verum æqualiter quoque per totam massam distribuit, utque convenienter rarefcat, procurat. *Octavo*, quæ acida sunt, cum vim quoque incidendi habeant, pariter viscidam & tenacem farinæ massam incidunt, atque spiritui concedunt commoditatem, ut libere commeari, atque ad interiora farinaceæ massæ permeare possit. Quam ob causam quoque massæ fermentandæ aliquando aliquid aceti, aut vice illius, succus agrestium malorum aut pyrorum admiscetur. Licet quæ acida sunt, ut patet in aceto, & expresso succo variorum succorum acidorum, fermentari per se renuant, ut su-

ut supra indicavi , & per experientiam quoque constat. Nec tamen *nono* hinc quicquam inferri potest adversus illa, quæ antea disputavimus adversus *χέλωσην*, quam fermentationi multi acceptam referunt. Quum non occurrat hic aciditas, quæ sit intrinseca ipsi alimento, in ventriculo delitescenti, & non contingat cibos acidos, forte assumptos, subigi cum ipsis cibis in ventriculo delitescentibus : quemadmodum deprehenditur fermentum subigi cum massa farinacea. *Decimo*, Fæx cervisiaria fermenti quoque vicem subit, tum quatenus admodum spirituosâ est; (ut recte notavit D. Willis) tum etiam quatenus vim quoque incidendi habet.

C A P. X X X V.

Explicantur varia auctorum loca fermentationem respicientia. Speciatim agitur de verbo ebullire.

CONvertimus nos, post excussam fermentationis naturam, non modo

modo in Thesi, verum etiam in Hypo-
 thesi, ad quædam singularia Auctorum
 qua Græcorum, qua Latinorum dicta,
 respicientia doctrinam de Fermentatio-
 ne. Atque initio quidem multæ locu-
 tiones aut à Fermento desumptæ, aut
 ad illud pertinentes, concernunt Iram,
 quæ à Græcis vocatur ὀργή. Aristoteles
 considerando eandem Physice, lib. 1.
 de Anima cap. 1. definit, ζέσιν ἔπερι
 καρδίαν αἷμα ἢ θερμῷ. Consentit Da-
 mascenus, ita definiens physice, pa-
 riter iram: Θυμός ἐστι ζέσις ἔπερι καρ-
 δίαν αἷμα, ἐξ ἀναθυμιάσεως τῆς χολῆς,
 ἢ ἀναδολώσεως λεγομένη. Ira est fervor san-
 guinis circa cor, ex evaporatione, aut com-
 motione bilis natus. communis Germaniæ
 Præceptor Melanchthon optime decla-
 rat, ita loquens: Est enim, inquit, mo-
 tus quo cor offensionem aliquam aver-
 satur, & simul conatur depellere, aut
 pœna afficere autorem seu causam of-
 fensionis. Ita quum duplex sit objectum,
 duo sunt motus, nempe fugere offen-
 sionem,

sionem, & persequi ingenti impetu autorem. Quare non, ut in metu aut tristitiâ, sanguis ad cor intrò refugit, sed effunditur. Cor enim velut ex castris suis erumpere conatur, & sanguinem ac spiritus tanquam milites emittit ad propulsandum objectum. Hoc tanto motu inclaescit cor, & inflammat spiritus & sanguinem. Turbantur actiones omnium membrorum, propter motum sanguinis & spirituum confusionem. Sed præcipuè cerebrum offènditur, quod inflammato & agitato sanguine, & ardentibus spiritibus ipsum quoque incalescit & concutitur, motu sanguinis spirituum & nervorum, qui ad cor propagati sunt. *Hæc Melanchthon.* Dubium vero antiquis fuit, haberetne Ira sedem in jecore, an in corde. Quidam ex Stoicis in Pectore quoque iræ sedem statuerunt, sed nullam aliam ab causam, quàm quod ibi notetur ipsum cor, sanguinis, in quo hæret calidum innatum, officina. Seneca lib. 2. de Ira, cap. 19.

Volans

624 Mart. Schoockius ,
Volunt (dicit) quidam ex nostris iram
in pectore moveri , effervescente circa cor
sanguine. Causa cur hic potissimum assignetur
ira locus , non alia est , quàm quod
toto corpore calidissimum pectus est. Neque
alia est causa , cur iracundi sint flavi ru-
bentesque : quibus talis natura calor est ,
qualis fieri ceteris inter iram solet : mobilis
enim illis agitatique sanguis est. Homerus
apud Ciceronem in Tulc. Q. lib. 3 .

Corque meum penitus turgescit tristi-
bus iris.

& Pers. Sat. 5.

— Calido sub pectore mascula bilis
Intumuit , quam non extinxerit urna
cicuta.

Alias jecur iræ quoque sedem statue-
runt. Horat. libr. 1. od. 13. Bile tumet
jecur. & lib. 1. Serm. 9.

— Meum jecur urere bilis.

Juvenalis Sat. 1.

Quid referam quanta siccum jecur ar-
deat ira.

Et Archilochus apud Athenæum : 28

ΛΗΥ

ἀλλ' οὐδ' ἄλλ' ἔχεις ἐν ἥπατι. Verum hæc amice conspirant: quum enim omnes ferme Philosophi & Medicæ antiqui, Hepati quoque, quod cordi putabant inservire, tribuerint partes sanguinis conficiendi: & in medio illius vesicula, si-ve folliculus fellis, si-ve bilis (χολήν vocant Græci) contineatur: Bilis autem cum pars sanguinis sit calidior, veluti spuma ebulliens, atque inde redundans ad cor, acrimonia sua iram concitat, atque ardentiores impetus facit pro cujusque ingenio, & rei objectæ indignitate, magis minusve nos accendens, & multiplici insania animum percellens. Hoc ergo est, quod non modo *hepar*, aut *fel* Virg. atque Horatius, sed & *cor*, Homerus, Persius, alique iracundiæ tanquam sedem esse voluerunt. Hæc vero sanguinis effervescentia responder ebullitioni cuidam fermentativæ, unde Plautus dicit Cas. 2. 5. v. 17.

Nunc in fermento tota est, ita turget mihi.

& in Mercatore act. 5. sc. 3. v. 14.

*Mea uxor propter illam tota in fermento
iacet.*

Creditur ita quoque loqui Spiritus Sanctus Psal. 73. v. 21. Ubi vulgatus habet *exacerbatur cor meum*: in Ebreo autem est *יִמְחַח*, quod proprie idem est ac fermenti instar ebullire & effervescente, à nomine *יִמַח*, quod notat acrum. Atque, ob eandem causam quoque, auctores verbum *tumere*, *intumescere*, & adjectivum *tumidus* ad iram referre solent. Exempla nonnulla modo sunt exhibita. Virg. lib. 6. Æneidos:

—tumida ex ira tum corda residunt.

Seneca libr. 2. de Ira cap. 20. dispositionem corporis in homine irato describens: *Distendentur, dicit, corpora, & animi cum corpore tumescent.*

Pers. Sat. 5.

Calido sub pectore mascula bilis Intumuit.

Philo Judæus libr. 2. de Special. Legibus: *καὶ ὁ θυμὸς ὁ ὀφθαλμοὶ, καὶ ὁ σπλάχνος καὶ πνεύματος ἐμβλέπουσιν. Oculi*
per iram

per iram tumescunt , & ignitum quiddam
 tuentes suffunduntur sanguine. Nam , cum
 ira se prodat cum quadam sanguinis ,
 circa cor quasi accensi , effervescentia ,
 non possunt non quoque extremi artus ,
 ad quos sanguis ebulliens deferitur , in-
 de intumescere , maximè verò oculi ;
 qui & in iratis ardere censentur. Cum
 enim homini irato convenienter appli-
 care liceat illud Accii in Achille : *Fervit*
pectus iracundia : nec non alterum Sta-
 tii l. 2. Theb. *Igneæ corda fremunt ; am-*
plius lumina fervor , asperat : ut loqui-
 tur Claudianus Panegyri. Mallii : unde
 & Ammianus dicit l. 31. *Barbari furore*
ex oculis lucente. Et passim iratorum ocu-
 li ardentes à Græcis & Latinis Auctori-
 bus exhibentur. Tacit. libr. 16 Ann.
 cap. 29. *Cum Metellas inveheretur torvus*
& minax , vultu , oculis ardesceret. Virgil.
 lib. 2. *Æneid. de Iratis* :

Ardentes oculos , suffecti sanguine &
igni.

& ante illum Lucretius lib. 3.

*Quàm fervescit, & ex oculis micat acris-
bus ardor.*

Similiter Plautus hominem iratum considerans, dicit Menæchm. Act. 5. sc. 2. *Ut oculi scintillant*, & Capt. act. 3. sc. 4. *ardent oculi*. Nec dissimiliter Poëtarum antiquissimus Homerus Iliad. libr. 13. aprum furore accensum exhibens, dicit: ὀφθαλμοὶ δ' ἄρα οἱ πνεὶ λάμπουσιν. *Oculi vero ei igne lucent*. Rationem considerans Plato in Timæo, existimat, *intimum corporis ignem*, (intelligendo illum, cujus sedes cor est) per oculos emanare. Oculi certe, in se lucidi, & velut ἀκτῖνες πνεύματι, *radii ignei*; (ut loquitur Chrysippus apud Plutarchum l. 4. de placit. Philos. c. 14.) sanguinis hanc effervescentiam, præ omnibus aliis membri, se videnter & recipiunt & exhibent. Quamquam *oculorum ardor* non est semper index iracundiæ. Nam & Fabius Quintilianus libr. 12. Orat. Instit. cap. 5. Trachallo, præstantissimo sui seculi Oratori tribuit *oculorum ardorem*, ad-

rein, adumbraturus per illos acre & præcellens ipsius ingenium. Quando vero in homine irato, ira se per oculos prodere incipit, simul & spiritus ardens per nares fumare solet. Unde & nasus, præter oculos, iracundiæ sedes jam olim statuebatur. Notum illud Theocriti Idyllio primo: *δριμύτα χολὰ πρὸς ῥινὴν κέχνηται*. Et illud Persii Sat. 5. *Disce, sed ira cadat naso*. Hinc & Martialis homini irato tribuit *fumantem nasum*. *Igneum* Maro, quando libr. 3. Georg. equum præferocem ita delineat:

Collectumque premens volvit sub naribus ignem.

Fermentationi cum vicina sit ebullitio, ex re fuerit considerare verbum *ebullire*: quod singulari cum elegantia sæpe ab Auctoribus usurpatur, prout observatum quoque est à Casaubono, ad illud Persii, St 2. *O! si ebullit patris præclarum fuitus*. Transfertur vero ad illa, quæ cum præcipiti animi impetu fiunt. Quomodo, ille apud Persium, pa-

630 *Mart. Schoockius* ,
trifunus efferre gestiebat. Cic. l. 3. de
Finibus: Dixerit Epicurus, semper beatum
esse sapientem : quod quidem solet ebullire
nonnunquam. In eodem sensu frequen-
ter Tertullianus. Speciatim in Scor-
piace : Quum igitur fides aestuat, (inquit)
& Ecclesia exurit de figura rubi , tunc
Gnostici erumpunt, tunc Valentiniani pro-
serpunt, tunc omnes martyriorum refraga-
tores ebulliunt, calentes & ipsi offendere,
figere, occidere. lib. de Idololatria : Prius-
quam hujus monstri artifices ebullissent, solæ
templa & vacuæ ades erant, sicut in hodie-
rum quibusdam locis vetustatis vestigia per-
manent. Aliàs ad libidinem transfert.
ut lib. 1. adv. Marcionem : Age itaque,
(inquit) qui Deum non times nisi bonum,
quid non in omnem libidinem ebullis, & ad-
versus Valentinianos, tangens nefan-
dose eorundem Æones : Hinc numero ge-
stientes (dicit) & ipsi tale quid patri de
suo offerre, alios ebulliunt fœtus, proinde
conjugales, per copulam utriusque naturæ.
Ad jactantiam referre videtur Cicero
lib. 3.

libr. 3. Tusc. Q. quando dicit: *Si virtutes ebullient.* quod Turneb l. 26. Adverf. cap. 14. ita interpretatur: *Per translationem, pro effundent, frequenter loquentur, jactabunt, si in eorum effervescente oratione virtutes.* In hoc sensu habet vulgatus Interpres Prov. 15. v. 2. *Os fatuorum ebullit stultitiam.* Ebullire quoque dicuntur res quædam naturales, si confertim & impetuose ex aliquo loco erumpant. Tertullianus ad Scapulam: *Claudius Herminianus in Capadocia, cum indigne ferens uxorem suam ad hanc sectam transisse, Christianos crudeliter tractasset, solusque in prætorio suo vastatus peste, cum vivus vermibus ebullisset: Nemo sciat, agebat, ne spe gaudeant Christiani.* haut dissimiliter dixit Hieronymus Ep. 5. *ebullire multitudinem venenatorum animalium.* Quomodo & Vulgatus Interpres Ex. 8. 3. *Ebulliet fluvius ranas.* Qui parum dissimiliter lib. 2. Machab. cap. 1. vers. 12. *Ipse ebullire fecit (in Græco est ἐξέβροον) de Perside eos, qui pugnarunt contra nos.*

Elegans vero est illud Senecæ in facetissimo libello de Morte Claudii : *Et ille quidem animam ebulliit, & eo desiit vivere videri.* Clarissimus & Coniunctissimus Dn. Collega Burgesius, quam ingeniose putabat, argutum scriptorem respexisse notum illud Varronis dictum : *Homo bulla.* Ego vero certus sum alluisse ad medicatum illum boletum, qui à Claudio devoratus, ipsum transire non potuit. Spuma, quæ cum ebullitione prorumpere solet, mali veneni indicium habetur. Hinc, teste Suetonio l. 3. c. 2. conjecturam fecerunt, ut etiam ex aliis signis Germanicum intoxicatum periisse. Verba scriptoris hæc sunt : *Diutino morbo Antiochia obiit, non sine veneni suspicionem; nam præter livores, qui toto corpore erant, & spumas; quæ per os fluebant; cremati quoque cor inter ossa incorruptum repertum est.* Nisi dicere voluerimus, Senecam oblique quoque notare voluisse, Claudii non tam amentiam, quàm furem. Furentientium enim ora effervescentia

vescendo spumare notantur. Eurip. de Agave: ἡδ' ἀφ' ἐν ἐξίῃσαι. & de Oresre in Iphigenia Taurica, σάζων ἀφ' ὧ γίγνεται. Lucanus lib. 5. Pharsal.

Spumeatum primum rabies vesana per ora Effluit.

Existimare aliquis posset, Senecam quoque respexisse inordinatam & in-compositam ejusdem iracundiam. De qua Suetonius libr. 5. cap. 30. Iratur-pior, spumante rictu, humentibus naribus. Nam ordinario circa iratos os spumans notari solet. Gellius lib. 1. cap. 26. Ne-que in spumam ruboremque effervesco, ne-que pudenda dico aut pœnitenda, neque omni-
no trepido ira aut gestio: hac enim omnia, si ignoras, signa irarum esse solent. Ar-nob. libr. 4. Proditæ per libidinem frau-de, intellectus & cognitus evolat, ardescit Furiis atque indignationibus mater, spu-mat, anhelat, exastuat, nec fremitum conti-nere tempestatemque iterum valet. Deni-que, videri quoque posset, Philosophus Romanus, respexisse ad crepius ventris,

634 Mart. Schoockius,
 quos Claudius crebro edere solitus erat.
 Certe ad hæc illius verba: Claudius ani-
 mam agere cæpit, nec invenire exitum po-
 terat: ita commentatur Rhenanus: Age-
 re animam, est niti ad mortem. Tacite ve-
 ro ridet Claudium, qui crebro ventris crepi-
 tum solebat edere. Atque hæc consentiunt
 amice cum ebullitione sonora: quate-
 nus calidum imā petit, & facit flatus, καί
 ἐννέλαι, ὁποῖα πνεῦμα, ut loquitur
 Arist. Sect. 27. probl. 9. quæ quadru-
 plex ebullitio, si jungatur, Claudium
 ita ebullientem exhibebit, ut parum
 inter ipsum & bullam sit interfuturum.
 Denique, occasione fermenti, notetur
 illud Persii Sat. I.

Quò didicisse, nisi hoc fermentum, &
 quæ semel intus
 Innata est, rupto jecore exierit caprifi-
 cus?

Ad quæ ita παραφράζει, ὁ μὲν σὸς Ca-
 faubonus: Persius σκαπλίανθ' pro scientiā
 dixit fermentum, & caprificus: quia
 ut fermentum in massa contineri non potest
 quin de-

quin det significationem sui, eumque ferve-
faciat, attollat ac tandem rumpat: item
caprificus in saxorum commissuris enata im-
pediri nequit, quominus saxa dissiciat: ita
eruditio, in animo levi & inanem gloriam am-
biente habitare non potest, quin ut fer-
mentum attollat illum atque inflet, & ut ca-
prificus, foras prodire & agnosci laudarique
ab omnibus cupiat. Non dissimiliter Ju-
venalis Sat. 3. sed per modum indigna-
tionis:

— Accipe, & istud
Fermentum tibi habe.

C A P. U L T I M U M.

De Scripturæ quibusdam locis, in qui-
bus Fermentationis mentio occurrit. Fæ-
minarum olim officium erat panem pinsere.

Considerata hætenus natura Fer-
mentationis, illiusque occasione
excussis variis dubiis, in Natura admo-
dum controversis, superest postremo,
ut quædam Scripturæ loca, ad illam &
fermenti rationem pertinentia breviter
Dd 6 discu-

discutiamus. Primus occurrit Ozeæ c. 7.
 v. 4. ubi ita habet versio Tremellio-Ju-
 niana: Quotquot sunt, adulterantur, simi-
 les fornaci ardenti à pistore, qui desinit esse
 vigil, ex quo subducta est massa, usque dum
 fermentata sit. Septuaginta Senes pariter
 voce Fermenti utentes, habent *σπύργοι ζύμης*: A fermentatione fermen-
 ti. Allegorice Prophetam hic loqui,
 quivis videt; cæterum non convenit
 inter Interpretes, ad quos aut hæc Al-
 legoria pertineat, aut quid sibi velit.
 Leo Castrius hæc refert ad Judæos, qui
 fermento iræ & superbiæ tumidi, cum
 plebem corrupissent, Christum cruci
 affigi à Pilato postularunt & impetra-
 runt. Alii, qui totum hoc caput appli-
 cant ad Jehu, 2. Reg. 9. & seqq. capi-
 tibus, hoc, quod hîc dicitur, accommo-
 dant principibus Judæorum Zelo idolola-
 triæ ardentibus, & ideo ira fermentatis,
 quia videbant à Jehu idololatriam tol-
 li: hoc fermentum desuisse quodammodo
 corda fermentare ac subigere, inter-
 rea dum

rea dum dissimulant metu zelum suum, quem exeruerunt, quando Jehu ipse quoque, cum populo in idololatriam fuit delapsus. Hoc ergo adagium usurpandum videtur, quando quis ad tempus iram, aut alium affectum comprimit, atque corde fotum dissimulat, acrius postea erupturum. Plures applicant hoc ad Jeroboamum, speciatim Hieronymus; qui ut existimat per hanc locutionem tangi ipsius simulationem, ita digrediendo ad Hæreticos, inter alia scribit: *Hæreticorum (inquit) corda diaboli igne succensant, in eis panes coquantur Antichristi, nemo ambigit: quæ idcirco primum quiescunt in Ecclesiâ, & loquuntur occultè, & omnia pacificare promittunt: ut cancer paulatim serpat in populos, & fermentum doctrinæ eorum (quod Dominus intelligens, loquitur; cavete à fermento Phariseorum) intumuerit plene in cordibus deceptorum, tunc in apertam prorumpunt insaniam, & impletur in eis, quod à Joanne Apo-*

stolo dicitur: *ex nobis exierunt, sed non fuerunt ex nobis: si enim fuissent ex nobis, mansissent utique nobiscum.* Hactenus Hieronymus. Fermentum hoc latius extendit Theodoretus ad omne genus flagitiorum, ita loquens: *Omnes perditionis & dissoluti animi incendio flagrant, similes sunt ignito atque accenso clibano, prompto ad excipiendum fermentum, paratum ad panis confectionem.* Similitudinis rationem amplius his verbis Theophylactus explicat: *Perinde ex fermento & farina fit mixtio, atque ex cogitationibus & operibus fit actio.* Ait ergo, quod regnantes in mœcho cogitationes, non videntur esse turbidæ, neque tristes, sed tranquillam quandam atque salutarem constitutionem habere, à mixtione farinae, donec fermento misceatur tota; hoc est, à quo tempore cœperint malum cogitare, usque dum opere compleverint. *Hæc Theophylactus.* ὁ πᾶν Rivetus ut ad libidinem fermentum hoc restringit; ita, sequentia ipsius verba subicere

subjicere è Commentario ad hunc locum *libet*: In eo (inquit) consistit similitudo, Israelitas omnes similes fuisse pictoribus, corda autem clibanis; libidines verò eorum flammæ ardenti, qua inflammata fuerunt corda longo temporis spatio, ut tandem ad ea flagitia perpetranda devenerint, quæ postea magis ac magis exarserunt, ut jam non impetu subito ad peccandum impellantur, sed fervida animi contentione summoque ardore enitantur. *Hæc quoque Dn. Rivetus.* In Novo Testamento, aliquoties quoque mentio fit *fermenti*, tum in malam, tum etiam in bonam partem. In malam partem iterum bifariam: vel enim notat corruptelas doctrinæ, vel morum. Priori modo accipitur Mat. 16. 6. Marc. 8. 15. Luc 12. 1. ubi benedictus Salvator discipulos suos monet, ut sibi caveant à fermento Pharisæorum & Scribarum. Fermento vero eorum doctrinam comparat, quod insidiosum esset, & facile hominum animos in-

mos influeret, furtim irreperet, & angusto spatio longius serperet, quod etiam vel modicum fermenti, multa in illis, præclare à Christo docta corrumpere, Gal. 5. maxime cum nulla conspersio tam facile admittat fermentum, quam depravata nostra natura imbibit. Quamobrem tum falsæ doctrinæ lubricitate, tum nostræ naturæ depravatione, tum operariorum diaboli infinita quadam versutia, nobis iterum atque iterum circumspiciendum. *Pestes* enim rectè in Actis c. 2. 4. 5. dicuntur, qui falsam doctrinam serunt, tametsi ibidem falso ad Paulum id accommodetur. item *gangrana* 2. Tim. 2. 17. Per hanc autem Doctrinam Pharisæorum, à qua velut fermento Dominus jubet cavere, Hieronymus & Hilarius intelligunt etiam doctrinam legalium mandatorum. Sic enim habet Hieronymus: *Qui cavet à fermento Phariseorum & Sadduceorum, legis ac literæ præcepta non servat, traditiones hominum negligit, ut faciat Dei mandata.*

mandata. Sic vero Hilarius: Quod abstinere se fermento eo Apostoli jubentur: non admisceri doctrinæ Iudæorum monentur, quia legis opera in affectum fidei & præformationem rerum consequentium constituta sint, ut in quorum tempora atque ætatem veritas contigisset, nihil ultra in veritatis similitudine spei positam arbitrarentur, &c. Sed, si huiusmodi Phariseorum doctrina, hic per fermentum cavendum significatur, quomodo postea dicit Dominus: Matth. 23. Super cathedram Moysis sederunt, scribe & Pharisei? Omnia ergo, quaecunque dixerint vobis, facite. Proinde ad litteram Dominus de fermento cavendo, non quamlibet Phariseorum doctrinam significare voluit, sed eam duntaxat, quæ solis iis erat propria, & quæ nihil aliud erat, quam mandata hominum, aut inutilia plane, aut etiam mandatis Dei adversa. Hieronymus autem, & Hilarius intelligentes etiam legis Moisaicæ doctrinam, non voluerunt explicare hunc locum, secundum sensum, qui ipso-

qui ipsorum & nostris convenit temporibus, quemadmodum frequenter, docendi gratia, faciunt veteres interpretes. Post abrogatam enim Moyſis legem, etiam legis, ut Cæremonialis, doctrina & observatio, cæpit esse fermentum cavendum fidelibus: undè & à circumcissione Paulus tanquam à malo fermento dehortatur ad Gal. cap. 5. v. 9. dicens: *Modicum fermentum, totam massam corrumpit.* Consideratione digna sunt quæ de Fermento Phariseorum & Sadducæorum habet Iohannes Ferus ad Mat. cap. 16. quæ ideo hoc loco adduci debent, quòd in communione Pontificia perpetuo vixerit. *Ita vero ibi loquitur:* Non sunt amplius inter nos neque Pharisei, neque Sadducæi, neque Herodiani. Verum dicis, nomina sublata sunt, sed res ipsa manet. An non Phariseorum fermentum est docere confidentiam in opera nostra? Non quidem malum est opera docere, imò necessarium, sed confidentiam in opera docere,

docere, fermentum est. Sic enim ex operibus legis justitia est, ergo Christus gratis mortuus est. Denique audi Christum ipsum, quid de operibus nostris sentiat? Quis vestrum, inquit, habet servum arantem, aut pascentem, nunquid gratiam habet servo illi? Non puto sic & vos, cum feceritis omnia quæ præcepta sunt vobis, dicite, servi inutiles sumus. *Hactenus Ferus.* Præter alia Scripturæ loca, juxta naturam Fermenti explicanda, illustris admodum est ille, quem habet Paulus 1. Cor. 5. v. 6. 7. 8. Verba hæc sunt: *Non est bona gloriatio vestra. An nescitis paululo fermenti totam massam fermentari? Expurgate igitur vetus fermentum, ut sitis nova massa, sicut estis fermenti expertes. Etenim pascha nostrum pro nobis sacrificatum est, nempe Christus. Itaque festum agitemus, non fermento veteri, nec fermento malitiæ & nequitia: sed non fermentatis panibus sinceritatis & veritatis.* Illustrem hunc Apostoli locum declarat Augustinus l. 3. adversus Parmenionem,

nem, ubi ita loquitur: Apostolus dicit expurgate vetus fermentum ut sitis nova conspersio, sicut estis azymi. Quid est, ut sitis: & quid est, sicut estis, nisi quia erant ibi tales, erant ibi non tales, quos ut tales essent, exemplo talium commonebat? Tamen omnes in uno tanquam eisdem admonet, ne illi, quia tales erant, desperarent: de his quia nondum tales erant, & eos ad compagem sui corporis non pertinere arbitrentur, tanquam eisdem admonet, cum dicit, ut sitis sicut estis. Noverant enim & illi qui jam sic erant: & admonente Apostolo magis magisque nosse debebant, sufferre illos qui nondum sic erant, ut sufferendo invicem in dilectione, servarent unitatem spiritus, in vinculo pacis, & invicem onera sua portantes, implerent utique legem Christi, qua Dominus noster Jesus Christus, ad docendam humilitatis vitam, usque ad mortem crucis humiliari dignatus est, & tanquam medicus ægrotantes, ita cum di-

cum dilectione pertulit peccantes, de quibus dixerat. Non est opus sanis medicus, sed ægrotantibus. Statimque principale proposuit exemplum, dicens: Etenim pascha nostrum immolatus est Christus, ut tantæ humilitatis exemplo discerent expurgare vetus fermentum, id est, quicquid in eis superbiæ de veteri homine remansisset. Itaque, inquit, diem festum celebremus, non utique unam diem, sed totam vitam, non in fermento veteri, neque in fermento malitiæ & malignitatis, sed azymis synceritatis & veritatis. Malitiæ quippe est & malignitatis velut de alieno peccato gloriari: quasi tunc debeat de justitia sua quisque gaudere, cum alium justum esse non conspexerit. Synceritas autem & veritas est, & si proficit aliquis, meminisse quid fuerit, & multo magis misereri lapsorum: quandoquidem ipse erectus est à lapsu suo per Christi misericordiam, qui, sine ullo peccato se pro peccatoribus humiliavit.

liavit. Sed, ne perniciosè relinquantur, & quasi dissimulanter negligantur aliena peccata, quod non est minoris crudelitatis quam illud superbiæ. *Hactenus Augustinus*, cujus integrum locum hic exhibere volui. Quo vero distinctius intelligatur, quid sit fermentum vetus, *παλαιὰ ζύμη*, audiatur Pareus, qui *ita in Commentario*: Hoc fermentum omnis generis pravas opiniones, cupiditates, vitia, & mores pravos complectitur. Vetuerat Deus in Vet. Test. quibusdam sacrificiis fermentum admiscere, in quibusdam requirebat Levit. 21. in mincha, sacrificiis voluntariis, quæ de rebus aridis fiebant, fermentum erat prohibitum, quod significabat, non esse commenta humana, multo minus hypocrisin, aut corda impura, divino cultui admiscenda, sed retinendam esse doctrinæ & cultus sinceritatem. Vetitum etiam *mel* erat, significans corruptelas cultus esse cavendas, quæ quidem dulces & pulchræ videntur rationi humanæ, plus-

næ , plusque dulcedinis habent quam
 veritas cœlestis : sed ut mel acescens in-
 gratum reddit cibum : ita corruptelæ
 humanæ vitiant , & ingratum Deo red-
 dunt cultum divinum. *Hæc Pareus*. Qui-
 nam censerī debeant in præsentī Apo-
 stoli loco ἀζυμοί , non convenit inter
 interpretes. Chrysostomus & Anselmus
 intelligunt Baptizatos. Sed perperam.
 Rectius longe *Pareus l. d.* Quomodo su-
 mus ἀζυμοί. Primum imputatione : quia
 non peccatores , sed iusti censemur co-
 ram Deo in Christo. Deinde & muta-
 tione : quia Spiritus sanctus cœpit ex no-
 bis expurgare fermentum peccati , per
 regenerationis gratiam : Ideò magis ac
 magis est expurgandum , & cavenda
 omnis inquinatio : Vel potius , *estis* , de
 jure , non de facto accipiatur : *sicut*
estis. h. e. quia esse debetis ἀζυμοί : ut sit
 ratio ab officio renatorum , qui in studio
 puritatis indies proficere debent. *Hacten-*
us iterum Pareus. Operæ pretium vide-
 eur esse , superaddere illa , quæ circa hunc
 eundem

648 *Mart. Schoockius,*
eundem locum observavit Alanus de
Insulis, vulgo Magnus dictus, in *Sententiis*:
Fermentum (*ait*) est malitia, quæ to-
rum fermentum operum corrumpit. Est
autem duplex fermentum, charitatis,
& iniquitatis. De fermento charitatis
dicitur, quod mulier miscuit modicum
fermenti satis tribus. Fermentum mis-
ceri satis tribus, nihil aliud est, quam
charitatem adjungi fidei Trinitatis: si-
cut fermentum totam massam rei, cui
adjungitur, in suam naturam convertit,
sic charitas omnia quibus adjungitur,
sibi similia facit. Expurgetur à nobis
fermentum, ut simus nova conspersio,
sicut fuimus Azymi. Azymi fuimus per
baptismum, id est, a zima (*hoc est, fermen-*
to) originalis peccati, purgati. (*Quo-*
modo hoc debeat intelligi, ex antecedentibus
colligi potest.) Permanentes ergò in in-
nocentiâ, simus conspersio nova, con-
spergi cœlesti gratiâ. Conspersio nihil
aliud est, quam farina aquâ conspersa.
Fidelis ergo rore cœlestis gratiæ resper-
sus, est

sus, est conspersio nova. Nota; quod
 fidelis ut fiat cibus Christi, & Christus
 cibus iusti, primò debet inter duas mo-
 las moli & conteri. Inter timorem vi-
 delicet & spem; & sic in farinam spiri-
 tualem redigi; consequenter abundan-
 tiori aquâ charitatis respergi, & sic in
 panem redigi, postea igne tribulatio-
 nis decoqui, & sic in cibum Christi
 convertit. *Hactenus quoque Alanus Mag-
 nus.* Fermentum figuratè, & in signi-
 ficatione sequiori attendens Tertullia-
 nus libr. 4. adversus Marcionem dicit:
*De sequenti plane similitudine vereor, ne
 forte ulterius Dei regno portendat. Fermen-
 to enim comparavit illud; non azymis, quæ
 familiariora sunt Creatori. Congruunt & hæc
 conjectura mendicantibus argumenta. Ita-
 que & ego vanitatem vanitate depellam, fer-
 mentationem quoque congruere dicens regno
 cælorum, quia post illum clibanus vel furnus
 Gehenna sequatur. Huc referri quoque
 debet singularis Ausonii locus, in quem
 digitum quoque intendit Casaubonus*

650 *Mart. Schoockius,*

*in Comment. ad Pers. l. d. occurrit ve-
ro in Apotheosi, ubi ita Christianus
poëta, Judæum, non secundum Spi-
ritum sed carnem, alloquitur:*

*Pascha tuum dic; dic, cujus de sangui-
ne festum*

*Tam solemne tibi est? quis tandem cœ-
ditur agnus*

*Annulus, sacer ille tibi redeuntibus
annis.*

*Sed sacer, in pecude stultum est sic cre-
dere sacrum,*

*Sanguine balantis summos contingere po-
stes,*

*Lascivire choris, similaginis azimon esse,
Cum fermentati turgescant crimine mo-
res.*

*Ubi Ison, vetus Glossographus, ut
esse azimon convenienter explicat ede-
re, manducare; ita fermentati mo-
res, exponuntur ab eodem, antiqui,
corrupti. Respicit siquidem Ausonius lo-
cum Apostoli præcedentem, & hoc
vult dicere, Judæo secundum literam
nihil*

nihil prodesse, si solennitates Paschatis extrinsecè observer, & interim fermento variorum vitiorum turgeat. Sed & Fermentum, sive ζύμη, in bonum aliquando sensum in N. T. accipitur, speciatim in Parabola, quam Dominus Jesus Christus, ordinario solitus se componere ad captum suorum Auditorum, proponit Matth. 13. v. 33. Verba Latine reddita, ita habent: *Simile est regnum cœlorum fermento, quod acceptum mulier indidit in farina sata tria, usque quo fermentaretur tota.* Qua Parabola ut Ecclesiæ ex parvis initiis incrementum singulare indicatur; ita concinna admodum sunt, quæ ad hunc locum *Ferus habet: Fermentum* (dicit) hoc loco in bonam partem accipitur, significat enim hic verbum Dei, fidem, gratiam Spiritus sancti, atque adeò ipsum regnum cœlorum: ubi enim hæc sunt, ibi regnum cœlorum est. Nec abs re fermento comparatur, sicut enim tota massa aut conspersio insipida manet,

nisi fermentetur : ita verè omnia nostra insipida sunt coram Deo, si non fermentum gratiæ & fidei recipiant. Altissimus enim odio habet peccatores. Item Deo similiter odiosa sunt impius & impietas. Necesse igitur est, ut hoc fermento condiatur, si quicquam placere Deo debeat. Ob eandem causam & supra Apostolis dixit, Vos estis sal terræ. Deinde sicut fermentum, etsi modicum sit, tamen totam massam etsi magnam, inficit ac in se transmutat, & cum fermentum amplius non apparet, tunc tota massa fermentum jam effecta est : sic verè verbum fidei, gratiaque hominem in se transmutat, quantum est. Primò enim cor transmutat, deinde & externam operationem. Sic Apostoli modicum fermentum multæ farinæ, commiscentes multitudini Gentium multis errorib. detentarum, paulatim totum mundum in suam sententiam traxerunt : non vi aut armis, non veneficiis aut deceptionibus, sed hoc fer-

hoc fermento primum corda hominum, deinde & externam conversationem condierint, ut totus mundus resipuerit per hoc fermentum; *Hactenus Ferus*: qui deinceps ad verba, *donec fermentetur totum*, sequentia subjicit: Hoc igitur verbo innuit nunquam à prædicatione, vel auditione verbi Dei cessandum: neque enim sufficit, si unum aut alterum membrum recipiat Christum, utpote lingua vel manus, nisi totum corpus, & quicquid in nobis est, ad idem tendat. Prædestinavit, inquit, nos conformes fieri imagini filii sui, &c. Item, Consepulti sumus Christo in mortem ut in novitate vitæ ambulemus. Non regnet peccatum in vestro mortali corpore, sed exhibete membra vestra arma justitiæ. Sic, Si consurrexistis cum Christo, &c. mortificate, deponite iram, &c. exuentes veterem hominem & reformamini in agnitione Dei secundum imaginem ejus. *Hæc iterum Ferus.* Ambrosius ad hunc

ipsum Matthæi locum miris speculationibus, iisque quàm profundis indulget: ex multis, quæ habet, hæc pauca *excerpsisse suffecerit*: Fermenti vim (*inquit*) atque virtutem omnibus notam esse non dubium est. Nam cum sit magnitudine parvum, specie simplex, natura commune, tantam fortitudinem intrinsecus gerit, ut cum reconditum fuerit in farina, succus hic totam massam faciat esse quod ipse est, & ita semper univèrsam cumulum asperfusionis suæ vigore diffundit, ut omnem ipsam magnitudinem pollinis faciat fermentum, ac si res ipsa fortitudine sua molem sibi proprii vigoris acquirit. *Hoc autem faciunt mulieres* ut viris suis salubriorem panem, & cibum utilem diligenter exhibeant. Sed quoniam lex spiritualis est, & Evangelium specialiter parabolarum subsistit, videamus quid sit fermentum, quæ mulier, quid farina. Lègimus in sancto Evangelio, dicente domino Christo de se ipso! Nisi granum tri-

num tritici cadens in terram mortuum fuerit, ipsum solum manet: si autem mortuum fuerit, multum fructum affert. Ergo si triticum dominus, & dominus est fermentum, quia fermentum non nisi de tritico fieri solet: recte ergo fermento dominus comparatur, ut cum esset specie homo, humilitate parvus, imbecillitate defectus, tanta intrinsecus sapientiæ virtute pollebat, ut doctrinam ipsius mundus iple vix caperet, qui cum se cœpit per totum orbem divinatis vigore diffundere, statim omne hominum genus in substantiam suam sui potestate protraxit, ut & jugum spiritus sui sancti infunderet omnibus, hoc est, Christianos cunctos faceret esse quod Christus est. Nam quod homo Dominus Jesus unus & solus esset in mundo, tanquam fermentum in massa reconditum, universos homines præstitit esse quod iple est. Quis igitur illi fermento Christi adhæserit, efficitur & iple fermentum, tam

656 *Mart. Schoockius,*

sibi utilis, quàm idoneus universis, & de sua certus salute, & de aliorum acquisitione securus, &c. *Hac Ambrosius.* Parabolam hanc eandem prolixè consideravit Disertissimus Theologus, atque apud Patres Latinos re & nomine idem, quòd inter Græcos Chrystomus, *Chrysologus* scil. tota Homilia Undecentesima, quam ne integram hic exhibeam, pauca solum, quibus sensum Allegoricum (ut loquitur) complexus est, subjiciam. Verba *Scriptoris* hac sunt: Sed quid allegorici sensus in hac similitudine maneat jam prodamus. Mulier quæ accepit fermentum Ecclesia est: fermentum quod accepit, cœlestis Doctrinæ est sacramentum, mensuræ tres in quibus perhibentur abscondisse fermentum, lex Prophetæ, euangelia, ubi divinus sensus mystico absconditur, & celatur in verbo ut fidelem non lateat, lateat infidelem. Quod autem dixit: *Donec fermentatum est totum*, Illud est quod Apostolus di-

lus di-

lus dicit: Ex parte scimus, & ex parte prophetamus: cum autem veneris quod perfectum est, cessabunt quæ ex parte sunt. In conspersione scientia nunc divina est: aspergit sensus: levat corda: incrementa ingenia: & Doctrinarum more ad sapientiæ cælestis dilatat, suscitatur, diffundit augmentum: fermentatur totum quando? adveniente Christo. *Hæc quoque Chrysologus.* Quod vero in hac Parabola mulier dicatur fermentasse panem, inde discamus olim mulierum opus fuisse, ut signanter quoque Ambrosius notavit in loco supra adducto. Quod speciatim receptum erat apud Judæos. Samuel 1. Samu. 8. v. 13. quæ expectanda à Rege forent, definiens, hæc inter alia prædicit ex versione Ariæ Montani: *Et filias vestras capiet pigmentarias, & in coquinarias, & in pistrices.* Molebant quoque mulieres. quo pertinet Christi dictum Lucæ 17. *Δύν εἰσονται ἀληθεύσαι ἐπὶ τὸ αὐτὸ. ἢ μία παραλεφθήσεται, ἢ ἡ ἑτέρα ἀφεδύσεται.*

Duc erunt molentes simul, una adsumetur, & altera relinquetur. Hom. Odyss. v. φύμην δὲ ἐξοικοιο γυνὴ πρῶτην ἀλετεῖς Πλησίον ἐνθάδ' ἔσθ' αἰμύλαι ἔια τὸ ποιμένι λαῶν. Τῇσι δὲ δώδεκα πᾶσαι ἐπερρώοντο γυναῖκες, Ἄλφιτα τύχουσαι καὶ ἀλείατα, μυαλὸν ἀνδρῶν.

Iuxta famulam hanc prodigii, conjectricem:

Vocem autem è domo mulier præmisit molendinaria.

Prope illic utique ei mole erant Pastori populorum.

His autem duodecim omnes versabantur mulieres

Farinas bordeaceas conficientes & triticeas, medulla virorum.

Mulieres præterea inde μυλιτρίδες & Panificiæ, item Πιτρίδες dicebantur, ut ipsa factura Panificium: sicuti etiam foeminas istas, quæ panem coquebant, Panicoétrias appellat Petrus Chrysologus serm. d. Varro lib. 4. de lingua latina: *Panis*, quod primo figuras faciebant mulieres.

lieres in panificio panis. Quo pertinet Lucillii versiculus, quem citat ibidem:

Pistricem validam si nummi suppedita-
bunt.

Qui non de mola, sed de fœmina pistri-
ce intelligendus. Plautus etiam eò re-
spexit in Merc. Act. 2. sc. 3. ubi de of-
ficiis ancillarum ait:

Nil opus nobis ancilla nisi quæ texat,
quæ molat

Lignum cœdat, pensum faciat, ades ver-
rat, vapulet,

Quaque habeat quotidianum familiæ co-
ctum cibum.

Similiter Olaus Magnus ait; Omnium
tamen harum frugum utrobique usus est. Sed
diligenter siligenis præparatio apud Sueones
sive Sueos, quorum fœminæ ita noverunt pur-
gare siliginem, ut colore, sapore, ac sani-
tate exsuperet frumenti bonitatem, in hist.
gent. septent. lib. 13. epit. pag. 303.

P O S T - L O Q U I U M.

ATque ita, quod omnino conceperam, auspice Deo, opus peregi; non tamen ausim dicere cum Flacco peregis-
 se opus ære perennius. In plerisque quæ hæc-
 nus propolui, nondum mihi ipsi satisfacio; spero tamen aliis, quos me ingeniosiores agnosco, occasionem præbuisse, multa accuratius, quàm hæc-
 tenus factum est, expendendi. A multis me dissentire passim libere indico, ut alii pariter à me dissentiant, imo meas commentationes non modo discutiant, sed & per rationes evertant, æquissimo animo ferre possum; qui jam diu concoxi illud Galeni: *Cum de re aliqua ambigitur & argumenta sunt in utramque partem, quorum hæc illam faciant probabilem, hæc illam: sicuti tum succensere non oportet illis, qui veritatem se defendere dicunt; ita idem agre ferre non debent, si quis illis contradicat.* Τὸ δὲ σκώπτειν καὶ καταγλᾶν, ὡς ἡλίθιον, ἢ δογματικῶς ἀμ-
 ρισθῆναι.

φιλοσοφία, ἀπειρία. At vero subsannare, & tanquam fatuum esset, quod in quaestionem venit, hominis est temerarii. Quod currente prælo chartas, ut à me conceptæ erunt, prælo subjecerim, verum evasit illud Horatii:

— Amphora cœpit

Institui, currente rota cur urceus exit? Neque enim initio decreveram ad tam multa specialia descendere. Voluissem circa multa pluribus & certioribus experimentis instructus esse. Pleraque quæ propono nituntur maxime fide authorum, quomodo & Plinius in rebus maxime dubiis fidem authorum appellat, libr. 26. cap. 1. atque libr. 7. Nat. Hist. cap. 1. nos relegat ad authores, qui de dubiis rogentur. Nec tamen sine discrimine authores citavi, cum, teste eodem, l. 5. c. 1. non sit promior fidei lapsus, quàm ubi falsæ rei gravis Author existit. adeoque, monente eodem libr. 3. in promio eos solum advocavi, quos verissimos in quaque parte arbitrabar. Si de-

liraverit iudicii amussis, moneri opto, errorem quo corrigere queam. Denique errata, quæ præcaveri non potuerunt, ut candidus Lector corrigat, rogo. levia sunt, & literarum transpositionem solummodo arguunt, quomodo alicubi occurrit *lactantes* pro *lactentes* & vicissim: atque sub finem Præfationis *σντῶ* per sigma, pro *ζντῶ* per Seta: cujus fursuris complura comparent, quibus veniam facile conceder, quisquis Fatum Typographiarum cognovit. Quod reliquum, Deo omnis boni largitori, Naturæ conditori & conservatori Opt. Max. sit laus & gloria in sempiterna secula, Amen.

F I N I S.



INDEX



I N D E X C A P I T U M.

C A P. I.

DE *vocis Fermenti Etymologia & Synonymia. In panificio duntaxat Fermentum olim notari solet. Quale illud sit, adductis Veterum testimoniis docetur. Quomodo paretur, & quid pani procuret.*

CAP. II. *Ut melior reddatur Panis, illi fermentum additur: Varia nomina fermentati panis. Celsopra Hippocrate & Galeno magis probatur Panis Azymus. Cujus error notatur. Fac cervisiaria in pane saepe fermenti vicem exhibet.*

CAP. III. *De pane Azyimo, & variis ejusdem nomibus. Hippocratis de eo judicium. Patriarcharum quoque aevi in diluviis fuit: Galeni aetate rusticis prope Perga-*

*mun. Cur Venerem provocet, & cor bepar-
que minus reddat.*

CAP. IV. De Festo Azymorum. Cur Deus hoc instituerit? Error Taciti notatur. Ita vocatur quoque Festum Paschatis. Quamdiu Festum Azymorum durarit? An Iudaei integris septem diebus pane Azymo vesci debeant. Loca quaedam scripturae obiter conciliantur.

CAP. V. Iussu Dei, in sacrificium oblati fuerint panes tam fermentari quam azy. mi. Ordinario tamen Azymi, quibus mel non debuit addi, quod fermentandi vim habeat. Hoc tamen Gentiles idolis suis offerebant, abominantes aliàs in sacris fermentum. Obtulerunt quoque Diis suis panes. Panes propositionis azymi fuerunt. Quid significarint, & quae nomina tulerint?

CAP. VI. Inquiritur in fermentationis naturam. Proponitur Platonis definitio & examinatur.

CAP. VII. Quid juxta Chymicos Fermentare sit, & quomodo illi fermentationem explicare definite consueverint. Similiter pro-

liter proponitur modus, juxta quem res diversas fermentare consueverint.

CAP. VIII. Pro explicanda distinctius Fermentatione, quædam tanquam generalia, ex citatis præcedenti capite Auctorum locis, quod usui esse possint, sigillatim examinantur.

CAP. IX. Accuratus inquiritur in verum Fermentationis genus: quod Ebullitionem esse probatur.

CAP. X. Subjectum proximum, seu materia Fermentationis in quæ non est Terra, sed corpus humidum. Mixtionis natura & differentia multiplex declaratur. Quomodo & quatenus particula minima, sive Atomica considerari possint esse subjectum Fermentationis.

CAP. XI. Causa efficiens fermentationis non est aut Terra, aut aqua, aut ignis, sed Spiritus proprius qui tamen concitatur diversimodè, tum à calore interno, tum etiam externo.

CAP. XII. Proponuntur fines fermentationis: qui distinctè attendi debent ratione ferment-

fermentationis propriè dicta, & illius quæ secundario duntaxat talis est, juxta ipsos Chymicos.

CAP. XIII. Proponitur Fermentationis qua propria, qua impropria definitio, ex præcedentibus collecta: propriam cum putredine confundendam non esse, ostenditur, In artificiali Fermentatione, quomodo putrefactio aliqua notari possit?

CAP. XIV. Paracelsus Fermentationem, quam Ebullitionem vocare solet, æquo latius extendit: illiusque exemplo hoc faciunt non modo Sectatores, sed & alii, qui tamen videri volunt nihil cum Paracelso commercii habere. Iudicium de Definitione Cornu ab Hogelande.

CAP. XV. An, & quomode Terræ, primo maximè Vere Fermentatio contingat, inquiriur? Nix & latamina quomodo fermentent? Iupiter, sive Æther, quomodo descendat in gremium suæ conjugis, sive, Cereris, aut Vestæ?

CAP. XVI. Spiritus Terræ, qualis sit, definiè declaratur. Nihil aliud est, quam

quam Ignis Cælestis, Aëre vice vehiculi utens, atque à Deo Opt. Max. ab initio Creati Mundi Terra & Aquæ inclusus, Ejus ut existentia probatur, ita, de illo neutiquam agit Virgilius libro Sexto *Æneidos*, ut multis persuasum fuit. Hic Ignis non indiget propriè pabulo: & hætenus vocatur rectè Spiritus proprius.

CAP. XVII. Spiritus est in omnibus animalibus, nec tamen est animæ vinculum. Pertinet ad *invoguōvta*, seu impetum facientia. Non nisi ratione distinguitur à Calido Innato. Est ignis, & quidem cælestis, aëris vehiculo utens, qui hæret in sanguine; & in corde, citra fermentationem tamen elaborari solet. Unus & simplex est hic spiritus, licet officii ratione triplex possit statui, Vitalis, Animalis, & Genitalis. Solet anima haberi, atque vocari.

CAP. XVIII. De spiritu genituali in semine sese prodeunte: de seminis generatione, & efformatione fœtus in utero. Qualis fermentatio in seminis elaboratione, venerea titillatione, & genitura ipsa notari debeat.

CAP. XIX. Proponuntur plurima, eaque quam diversa sententia de Fermentatione, occurrente quasi in Chylificatione: quas omnes consistere non posse pluribus argumentis probatur.

CAP. XX. Occurritur argumentis Cornelii ab Hogelande, quibus probare laboravit, Chylificationem non posse peragi absque fermentatione: speciatim expenditur acidum ventriculi.

CAP. XXI. Fermentationi Ventriculi praesidium procurari non potest, si pro illo, aut succus acer, aut aliud aliquid, velut Analogum, substituatur.

CAP. XXII. Concoctio quid & quotuplex sit? In $\chi\lambda\acute{o}\sigma\epsilon\iota$ ut agnosci debet Elixatio, ita absolvitur subsidio caloris ventriculo communicati, & quidem citra omnem fermentationem: nec necessum fingere dissolutionem alimenti, distinctum à coctione. An, & qualis in $\tau\eta\chi\lambda\acute{o}\sigma\epsilon\iota$ putrefactio notari debeat? De tono ventriculi.

CAP. XXIII. Expenduntur rationes, quibus videtur evinci, calorem solum, sequestra-

sequestrata fermentatione non sufficere $\chi\omega\sigma\epsilon\iota$, simul expenduntur singulares Galeni & Aristotelis loci.

CAP. XIV. De Lienis ratione, & fermentatione, quæ ab eo provenire posset. Quæ occasione etiam agitur de conditione Scorbuti, & natura appetitus.

CAP. XXV. Quid existimari debeat de Fermentatione, quæ circa Febrem se exhibet.

CAP. XXVI. Qualis Fermentatio in Variolis, Morbillis & Febribus Petechialibus admitti debeat.

CAP. XXVII. An Fermentatio occurrat circa menstruam Fœminarum expurgationem? Item quid statuendum sit de Fermentatione in passione Hysterica?

CAP. XXVIII. An in Medicamentis Purgantibus notari debeat quædam Fermentatio & quomodo contingat aliquem per odores expurgari? Quæ occasione varia circa Odores expenduntur.

CAP. XXIX. De Venenis, &, ab consueverint se diffundere per fermentationem? Quæ occasione agitur de Epilepsia.

CAP.

CAP. XXX. De Odontalgia, si-
ve, de dolore dentium, circa quem aliquid
maligni, quasi fermentativum, se ut plu-
rimum prodere solet.

CAP. XXXI. De Fermentatione,
qua se prodit in plantis illis, qua prodeunt
e semine.

CAP. XXXII. De Fermentatione,
qua se in vino exhibet. Qua occasione mul-
ta, ad vinum pertinentia, discutuntur.

CAP. XXXIII. De Fermentatio-
ne, qua circa Cervisiam notari potest.

CAP. XXXIV. De Fermentatione
in Panificio se manifestante.

CAP. XXXV. Explicantur varia au-
storum loca Fermentationem respicientia.
Speciatim agitur de verbo ebullire.

CAP. ULTIMUM. De Scripturae qui-
busdam locis, in quibus Fermentationis men-
tio occurrit. Fœminarum olim officium erat
panem pinsere.

F I N I S.

